

**JOANNIS  
BISSELI, ...  
ILLUSTRIUM, AB  
ORBE CONDITO,  
RUINARUM, ...**

---











Regum Israelitarum.

RVINAE

Messentorum.

Regum Persarum.

Olympiad.

IOANNIS  
BISSELLI  
è  
SOCIETATE  
IESV

Seleucidarum  
J. Sandrart

Romanorum.  
Sculp. Norimba.

ILLVSTRI  
VM  
RVINARVM  
DECAS  
IV.

RVINAE

Phalaridis.

Philipp. Maced.

Ptolemaeorum

Sennacherib.





JOANNIS BISSELI  
è Societate JESV,  
ILLUSTRIUM,  
Ab Orbe Condito,  
RVINARVM

DECAS IV.

QUADRIPARTITA;

Vsque ad Christum,

Cum Breviariis Capitulorum, & Indice generali.

*Bibliotheca*  
*Coll.*  
*Soc.*  
*Perm.*  
*Superiorum.*  
*Ignat.*

DILINGA.

Formis Academicis,

Apud IGNATIVM MAYER.

ANNO M. DC. LXXIII.



*das*; & *montes excelsi Cervis*, ac *petra refugium Erinaceis*, fiant, contra silvestres bestias; & foramina petrarum columbis, adversus accipitres; & ruinæ maceriarum cochleis, adversus rostratos aquilarum ictus; *lepusculo* denique, *plebi ruris invalidæ*, (b) cavernæ rupium, ac spinosa fruticeta, contra venaticos canes. Ut ad eò demum, ad eundem hunc modum, & cætera reliqui generis animalia, septa periculorum suorum alia, tanquam castella contra furias inimicas, sibi constituent.

*Hominum* porrò vel in primis hoc studium & ingenium est. Quo fit, ut multi non *singulos* tantum, sed & *multitudines* sibi conciliandas, & olim susceperint, & ne nunc quidem præmittant; seu *togata* sint illæ, seu *ferro succinctæ*: quorum omnium favorem sibi

sibi benevolentiamq; circumdare laborarent.

Quapropter & *Publ. Valerius* olim, cognomento *Publicola*, Romanorum Consul, post *Luc. Brutum*, facile primus, (c) æmulorum appetitus calumniis; uti P O P U L O saltem purgaret approbarétq; suam integritatem: non modò *fascēs* ei securésq;, sui Magistratūs insignia, sed etiam *domicilium* ipsum in *Velia*, venerabundus submit: ex *Omniū* *Judice Patronoq;*, *supplicem omnibus*, *Clientemq;*, se ipsum efficiens. Eo modo capitis à se periculum amovit.

*Caius* quoque *Marius*, Senior, priusquam ad Tribunatum Plebis, & hinc, multò pòst, à primo Consulatu, septimas ad secures ac fascēs evaderet; *nobilitatis*, infensæ sibi, pervicacem

## INVENCUTORIA.

invidiam perrupit : dum ad *Plebem*, hoc est , longè *maximam Urbis Romanæ partem*, se se recipit : *latiq; clavi* superbum , sed *variores* , ordinem, Quiritium ignobiliorum numerosiore *multitudine* retundit.

Quis autem jam & eorum , seu numerum, inierit, seu nomina recensuerit; qui singuli singulæq; , quantumvis in altis quidem fortunæ fastigiis constituti, postquam tamen in his ipsis periclitari, vacillante felicitatis vestigio, cœperunt; ad *multitudines* , non solùm *forenses*, sed etiam *sagatas*, & sub pellibus agitantes , se ipsos , suiq; discriminis arbitrium, deferre non dubitaverunt?

Quid enim? ut vel sub paucis omnes (*nam omnium eadem ferè causa fuit, quæ quorundam*) tanquam in imagine, proponam : nōne *Philippus Ari-*  
*deus*



## NUNCUPATORIA.

*deus Macedo*, (d) post *Alexandri* fratris excessum, ab æmulis Regni, cujus ipse candidatus erat, circumfessus; contra *Perdiccam*, cæterosq; rerum turbatores, ad *Exercitum* fraternum, & invictam illam phalangem Macedonicam, decucurrit? Non & *Quintus Fabius Maximus*, cognomentô *Rutilianus*, Magister equitum, hostili conflictu felix ac victor, sed *Papyrj Cursoris*, (e) Dictatoris, invidâ Majestatis Legumq; tutelâ, propter idipsum capitis accersitus; primùm ad *castra commilitonésq;* demum autem & ad *Populum*, provocavit?

Nónne *Gaius Octavius* (is, qui pòst, ex Octavio factus *Octavianus*, ac Cæsar, *Augusti* cognomentum primus sibi Romæ tulit) post avunculi Majoris, *G. Julii Cæsaris*, interitum,

*Antonii* Consulis exagitatus armis & infidiis, ad *Legiones* patris veteranas, & in his, nominatim ad *Martiam*, se fortunâsq; suas trajecit; successu, quali nemo priorum posteriorumq; secundo potitus est? (f) Nónne *Claudius* quoque, *Drusi* filius, *Germanici* frater; post *Caium Caligulam* Imperatorem trucidatum, ab Senatu Proceribusq; Romanis, pro recuperanda libertate tumultuantibus, in gremium *Exercitus* Romani, castrâq; *Prætoriana*, (g) supplicabundus confugit: ac, sub pennis tutelâq; *Militarium Aquilarum*, salutem Imperiûmque sibi constabilivit?

Fecerunt autem idem, quod melior sexus, etiam *femina Principes*, in rebus suis arctis constitutæ. Sic *Semiramis Maior*, contra tumultuantem  
Baby-

Babylone civium factionem: sic, post Semiramin Assyriacam, *Olympias*, Macedoniae Regina, contra *Cassandri* satellitumque conjuratorum vim, ex Epiro *Macedonicarum phalangum* fidem armatam implorās, ac reposcens.

(b) Sic, post Olympiadem, Ægyptii diadematis hæredem se ferens, *Arsinœ*, Cleopatrarum *Pueriq; Ptolemai* soror; tam suorum, quàm Cæsaris ab armis, sibi metuens, devolavit ad *Achillam* (i) *Ducem*, & ad *Exercitum* illius; quippe, sui studiosos: ut in portu spes suas collocaret.

Ad summam: ne, de solis utriusque sexûs *adultis*, hæc esse dicta, videantur; etiam *Infans*, in *cunis* adhuc crepundiisque se volutans, *Európus*, Philippi filius, Argæi, Macedonum Regis, Ne-  
pos, ab infestis *Illyriorum* armis regna-

re prohibitus: nullâ quidem *voluntatis*, aut *Rationis* (quippe, cujus usus, in paucorum mensium ætatula, nullus esse poterat) certæ tamen *necessitatis* disciplinâ monitûque, confûgit ad *multitudinem* suorum *Castrensem*: quando, primam ante certaminis aciem, in *fasciis* collocatus, utrique iacuit *exercitui* memorandum spectaculum. Quo locô, cûm parvulas è cunabulis manus, laciniis constrictas, tendere (*k*) militi suo supplex nequiret; vagitum ei, rorantesque lacrymis oculos, ingessit: quibus quodammodo rogabat, uti bellantes victorésque, sibi, suorum hostium cæde, *vitam*, Macedoniæq; *Regnum* servitute barbarorum, conservarent.

Quæ cuncta, taliûmque similia, quibus, brevitatis studiô, consultò superse-  
deo, non aliò sanè spectant; quàm, uti  
palàm

palàm facerem : in *hominum* rebus dubiis asperisque , paratam miseris opem ac præsidium esse, non magis in *privatis*, *singulisve* capitibus , quantumvis sublimibus; quàm in *Totis* plurimarum manuum *Exercitibus*: Et, quod antiquitus *Ratio* mortalibus dictârit , id, quoties casus fert , ne nostrâ quidem tempestate vigere desiisse. Nec id extra rationem: cùm sæpenumero , qui *Plures* malunt, quàm *simplicem* tutelam *Unam* , ad vulgatum illud respiciant; Collectam vim esse fortiolem solere: frequentérque, *quæ singula minùs juvarent* ; *Universa*, *Coniunctâq;* *rebus ambiguis invenisse successum*.

Jam igitur, si, *Mortalibus* in copiis & agminibus , tam ingens repositum humanæ calamitati præsidium sit ; ut *Unum* caput imbellè, facilè *Multitudo* te-

do tegat *capitum galeatorum*, ac manuum armatarum: quantô (quæso) plus spei reique sibi polliceatur, de *Militum immortalium* ope populosâ, Mortalis imbecillitas: quantumcunque contusa pridem, ac fracta; nec originis suæ primævæ dignitati respondens?

Nam (utî de cuncto genere loquar nostro) Divinorum auctoritate voluminum perspicuum est; illud, quod nos *Hominem*, Latinus *homuncionem* & *humi-stratum*, Hebræus autê *Adam*, hoc est, *Terram lutúmque rubrum*, nominamus: æterni tamen *Numinis* selectum *opus* ac laborem esse. Dicam significantiùs: *Hominem*, esse *DEI simulacrum*; *mundi quoddam breviarium*; *Angelicæ dignitatis exemplar*; *Divinitatis adoptivam sobolem*; *Cæli candidatum*; *Terrarum rectorem*  
*fidu-*

*fiduciarium; heredem aeternæ Maiestatis; coheredem Christi Servatoris; vocatum in admirabile lumen ac regnum; pauloque minorem nunc quidem Angelis effectum, at eisdem in multis aliquando parem æqualémq; pondere meritorum suorum, futurum.*

(l) Quæ cuncta, sicut in *Theologorum arcanis* extra dubium omne sunt; ita non minùs liquidum oculis humanis, experimentisque rerum, est: eundem illum, quem diximus, ac celebravimus, hominem, *Miserum* ac *Miserabilem* esse; paternò terrestris *paradisi* fundò pulsum, promissâ verò *Cœlestium* regionum *Coloniâ* proscriptum. ac, *Regem* quidem eum, ab ipsis quasi cunis, esse nominarique; sed, *Mendicum*, & *Exulem*; *Nudum*, & *inopem*, ab ipsis fasciis fimbriisque natalitiis: quòdque  
malo,



malorum omnium pessimum est, *bonorum omnium* extorrem; vel, sicubi tectus ac coopertus est, *maledictione* tamen, (*m*) *tanquam diploide*, spissoque *vestmento*, circumamictum. denique præter hæc omnia, Tartareis hostibus inermem ipsum, à dextris & sinistris, a circumquaque, clausum, & obsessum quorum, in *Spiritibus* quidem, *nequitiâ*, *Carne* verò tenus, *nequissimorum* (utì Paulus ait) *telis igneis* (*n*) impetatur: & adeò potenter quidem, hostiliter; ut *frater fratrem non redemat*: (*o*) ægréque jam singuli singuli defendant; ideóque, quò pluribus innatur homo subsidiis, ad *multitudinem* tandem ei, nec rarò, devolandum sit.

Quo loco jam, utì *nunquam Natura* suos fines & conatus, ità multò minus, *sum OPUS* (hominem) DE



Ter Optimus Maximus, in *necessitatis articulo* destituit : cùm ei, tot circumfesso malis, tot cincto malorum aucto-ribus, vos, *ANGELICA* robora, jam indè, nascentium ab Origine sæculorum, submisit.

Vos enim, *vos* estis, Cælestes, non solum SPIRITUS; sed, qui (Zachariâ teste) *Domino* MILITATIS, *euntes*, (p) *ac re-vertentes*. Vos, è Divi Lucae præconio, *Militia Cælestis Exercitûs*. (q) Vos, qui partim, jam olim *in Cælo*, sub exortum mundi, *cum antiquo Dracone*, Draconisque Legionibus, animosè pugnástis, ac prosperè; (r) partim etiam, ad supremam imponendam victoriæ manum, in exitu sæculorum ac temporum, adversus eosdem, præliabimini. Vos denique MAHANAIM (utì Jacobus Patriarcha vos, obviàm sibi pro-

gust-

gressos, alloquebatur) hoc est, CASTRA DEI, (s) vósmet præstatis. Quínam autem sunt *hostes*, & nostri generis, & vestri, certiores obstinatiorésque; quàm *diabolus* (ut à pravitate sua nominatur) & *Sathanas*, *adversarius* (t) *noster*, & *transfuga vester*; *perduellisq;* Dei: *Leviathan*, *serpens ille tortuosus*; (u) qui, caudæ suæ volumine, *tertiám* post se traxit *stellarum* è Cælo *partem*, & , in his, *auxilia sibi*, *laborem vobis*, *perniciémque nobis*? Qui, cum suæ conjurationis popularibus omnibus, & nunc coram tribunali Divino perdius atque pernox criminatur nos (x) & capitis accersit: ac jam olim nos eosdem, tametsi destinatos, *ad æternæ salutis hereditatem* herciscundam, & ad *Regnum*, à *constitutione mundi* nobis præparatum,

tum, capeſſendum, haud ſecùs, quàm  
*pupillos*, ac (*y*) parvulos, *tutore* deſti-  
 tutos, habet contemptui: quódque piè  
 veréque canit Eccleſiaſticum carmen,  
*ardens invidiâ, pellere nititur, quos*  
*Cælo Deus advocavit.*

His autem *Tartareorum latronum*  
 quotidianis, adverſum *homines*, excur-  
 ſionibus inſultibúſque, Sapientiſſimò  
 bonitatis ſuæ conſiliò, Providentia Di-  
 vina vos (*ANGELICÆ vires*) op-  
 poſuit; &, quoad mundi ſtatus hic du-  
 rabit, opponere nunquam intermittet:  
*prædonibus*, inquam, & *ſicariis Infe-*  
*ris*, *MILITIÆ Cæleſtis* agmina gene-  
 roſa; quorum dignitati præſtantiaꝫ;  
 nulla Viſ cóndita, conferri, nullus un-  
 quam æquari terreſtris ac ſubterraneus  
*Exercitus*, nobilitate gloriáque, poſſit.  
 Quod (veſtrâ, quæſo, veniâ) breviter, &

B

à me

à *me* monstrari, liceat; & à *Vobis* æquis animis recognosci, vacet.

Equidem sic arbitror, ac decerno; QUATUOR esse potissimum, in *Castrensi* quavis expeditione, quæ formidabilem eam hostibus, & è diverso gloriosam aspectûque jucundam amicis, efficiant. *Fortitudinem*, inquam, *Multitudinem*, *Splendorem*, & aciei bene-compositum *Ordinem*.

*Fortitudinis* opinione, commendabiles se se præstiterunt orbi, veterum *Israëuitarum* sub Josua Duce milites; *Macedonum*, sub Alexandro Magno; *Romanorum*, sub Scipionibus, ac Julio Cæsare; *Christianorum* generatim, sub Marco Cæsare Philosopho; *Francorum*, sub Carolo Magno, Godfredoque Bullionio. quas universim quis, ac meritò, *fulminatrices* dixisset.

invi.

invictique roboris, legiones. Quibus addamus, licet, *Baraci Debboraq;* (z) (ne *mulieres* hinc in univcrsum excludere videamur; aut, omne genus *Amazonum*, in *fabulis* ponere) *cohortes imperterritas*: in quibus, adversus *Sisaram*, *nova bella*, fæminæ ductu pugnata, *Deus elegit*.

MULTITUDINE verò, densisq; clypeatorum copiis, quis nescit; ingentem Asiæ Græciæq; terrorem incussisse *Xerxen Persam*: classiariorum myriadibus viginti tribus; terrestrium copiarum myriadibus cētum & septuaginta; cum equitum myriadibus octo, curribusq; plurimis, in Europam effusis? (*Aa*) Longè verò pòst, copiis quidem minoribus, haudquaquam tamen aspernandis, *Rhadageisus Gothus*, supra ducenta millia: (*bb*) *Tamerlanes* autem

B 2

Tar-

*Tartarus*, supra sexcenta millia pedum, equitum verò trecenta millia, regionibus occiduis induxerunt.

Jam verò SPLENDOREM (quæ *tertia* præstantis *Exercitus* esse commendatio solet) non *fulgor* ille duntaxat exhibet; qui, vel per *strategemata* nocturna diurnave, de *facibus* erumpit *sarmentorum*, ad bubula cornua (cc) deligatorum (quod Hannibalis ingenium fuit) vel, de tædis ardentibus phanaticorum, qui *flammis & anguibus* Romanas acies in pavorem conjecerunt; aut, *nitor* ille *Samnitum*, qui, suismet devoti diris, in prælia *linteati*, (dd) cum scutis *auratis argentatisq;*, proficiebant: nec denique *fulgor*, qui de *Gedeonis*, inclusô *Lagenis*, (ee) lumine resplédebat; quô perterriti *Madianita*, fugarentur: sed, *inbar* illud longè spe-

speciosius *armorum*; qui, fulgore *Solis* adversi laceffit, ac vibrantium percussione radiorum accensus, flamme-  
scit. Id fit, quoties *auro*, *gemmis*, & *argento*, cultus omnis, & habitus, armorum rutilat: id quod, non paucis in conflictibus ac præliis, accidisse, compertum habemus. Denfaret autem, & auget in immensum, *fulgoris* illam copiam; si, super hæc omnia, præter micantes *gladios*, & *vaginas* eburneas, aureasque *loricas*, & inauratas *galeas*, etiam *Clypei* multorum millium, ex *auro* solido conflati, tenerent, umbonibus crystallinis adamantinisve, clausam in se, *Solis* effigiem, *pyrópo* seu *carbunculi* grandi gemmâ, ductam: in quorum *Clypeorum* politissimas facies, ex adverso, *Sol* *vivus* ac genuinus incideret, ardente radiorum lusu. Quo

B 3

ficeret,

fieret, ut jam non *Unicus* duntaxat supra tabernaculi fastigium (velut in *Darii* quondam, adversus *Alexandrum*, castris evenit) sol promicaret; sed è *singulis* insuper, *tot militum* agminumq; scutis, *Soles* innumerabiles resplenderent, ac fulgurarent. Superi boni! quantus inde, quamque stupendus, emergeret, tot copiarum capitumq; militarium, *Splendor?* cum, etiam *Antiocho* quondam *Eupatore* contra *Judam Machabeum* aciem movente, tametsi copiis haudquaquam immensis instructam; *Sol* tamen *refulserit in Clypeos aureos areosq;*, quò *montes ab eis, lampadum ignitarum* instar, *per circuitum omnem resplenderent.* (ff)

Quanto jam igitur, sexcentorum, aut mille, millium *Exercitus* talis, lumine, circumiectam aëris regionem ac loca  
mon-



montana, compleret? quantâ, *ſpectantes* admiratione, formidinêq; ſtupentem *hoſtem*, percelleret, & attonaret?

Accedat autem his, ad extremum, **ORDO** quoque *decens* (quo nihil utiq; pulchrius in humanis eſt) &, ex arte rationêq; militari compoſitus, *Aciei*, quaſi modulus quidam, & *harmônia*. Cujusmodi, *Davidis* fuit, Jeruſolymorum Regis, in bella ruituri, decor & *Ordo*: qui copias ſuas, è vetere legis Moſaicæ formâ veſtigiisq; deſcriptas, in militem, Duces, Legatos, Tribunos, Præfectos, Centuriones, Decuriones, & in exercitûs ſui robora, Cerethæas ac Phelethæas Legiones, partiebatur. Qualis item apud *Macedonas*, in *phalangem*, Prætorianos, Argyràſpidas, equitûmq; florem illum, quem *Agéma* nominabant. Qualis demum apud *Romanos*



*manos* (ut gentes alias, ac *Persarum*  
 præsertim *Immortales*, *Doriphoros*,  
 divisionemq; reliquam, silentio præter-  
 eam) in manipulos, ordines, legiones, ac  
 vexilla, descriptio fiebat. in quorum ca-  
 stris erant, hastati; levis armaturæ mili-  
 tes; Principes item (gg) scutati, cum ar-  
 mis insignibus; antepilani, primipiliq; ;  
 sub quibus, Accensi, rorarii, triarii que,  
 continebantur: equestres verò turmæ,  
 per alas suas, lateribus circumfusæ, val-  
 landis adversus hostem legionibus op-  
 ponebantur. Quos omnes ii, qui cum  
*imperiiis erant, ordinésq; ducebant*, in  
 officio cōtinere, diversis graduum no-  
 minibus, jubebantur: ut erant, Dicta-  
 tores, equitum Magistri, Paludati Con-  
 sules, Legati militares, peditum equi-  
 tūmq; Præfecti, Quæstores, & siquæ  
 præterea, *præcipientium cateris*, sortes  
 & ap-

& appellationes, vigeant: quibus, *exactissimus* disciplinæ militaris Ordo constabat.

Hucusque dixi, demonstravique; QUATUOR esse, fuisseq; semper, florentis EXERCITUS ornamenta: *Robur, Multitudinem, Splendorem, & Ordinem.* quæ nunc singula, quis non videat, in *vestra* prorsus (ô *Spiritus Angelici*) MILITIA, labore quidem nullo, præstantiâ tamen incomparabili, reperiri?

*Primum* enim, quippe ni *Fortes* & sitis, & habeamini; qui, (*hb*) *potentes virtute*, contra Tartareos cuneos & alas quotidie statis in acie? *gladiôq;* validi, sed *Ore* validiores; hostium nullam non pertinaciam, unico tandem vocis vestræ fulmine, perfringitis, ac dissipatis; IMPERET TIBI DEUS? (*ii*) *recede Satan!* ROBUR autem *ensum* ve-

B 5

stro-



strorum, quo quondam *primogenitis* omnibus *Aegyptum*, & *Assyria* castra toto milite, regnūq; *Davidis* septuaginta millibus *indigenarum*, (kk) exhausistis: nōne satis innuit, quantum *Manu* possetis; si, vel in orbis terrarum concussionem, vel in excidium denique mundi, sub finem ruituri, participes laboris adoptaremini: quippe, quibus & alioquin, *Doctoris Angelici* iudiciō, (ll) Deique liberali munere, cuiusvis rei cōdita, corporea, vicaria permissa sit administratio. Cæterum, & aliunde quoque *Roboris vestri Viriūmq;* constat fides. Nam, *Ignē* quid potentius? quid acrius, voracius, & insuperabilius; præter *Deum*, qui (quod Paulus Hebræis ingerit) *ignis consumens est?* (mm) Et hic tamen, vindictam capturus è rebellium sibi perniciē, facit

*facit & Angelos suos, Spiritus, (nn) pœ-*  
*narum exactores; & Ministros suos,*  
*Flammam-Ignis*, inimica castra per-  
 populantis. Videmus igitur, actantum  
 non manu tangimus, *Angelica Mili-*  
*tia* Vires, atque *Robur*: cujus tantam,  
 constat, *terroris* esse vim; ut, *stantis in-*  
*ter Cælum & terram*, *Unius* etiam  
*e Angeli*, districto gladio Judæos inter-  
 ficiētis, Majestatem, & aspectum, cæte-  
 roqui nudum, ne *fortissimus* (oo) qui-  
 dem *David* sustinuerit. *Angeli* verò  
 (qui *Sultāne* quondam, *Iconiensis*  
*Reginae*, tumulum, *Cruce lucidâ*, supra  
 pyramidem defixâ, divinitus honorâ-  
 rat) terribilis præsentia, (pp) barbaros  
*Machometanos*, Crucem dejicere co-  
 natos, tonitruis, fulgētris, fulminibus, &  
 omni genere terroris, non sine multo-  
 rum millium strage, prostravit.

Quid

Quid jam de NUMERO militum horum, MULTITUDINEq; , dicemus? *Numerat* quidem, in Oliveti monte, *Servator* noster, *Angelorum*, quos *aternus Pater*, in locum *discipulorum duodecim*, facili subsidio submitteret, *Legiones plusquam duodecim. (qq)*. Joannes autem, Christo dilectus, in Apocalypica *Patmo* sua, numerum vidit *exercitus Angelorum equestris, vicies millies dena millia (rr)*. Daniel autem, exul simul Satrapesq; Babylonicus, *millia millium* aspexit Cœlestium Geniorum, *ministrantium Antiquo-Dierum*, in throno rotisq; flammeis cum Majestate sedenti: *deciesq; præterea millies centena millia*, prope gloriæ Divinæ radiosum solium *assistentium illi (ss)*. Sed profectò, *pusillus & imbel-*

imbellis omnis est numerus, quisquis  
sub summam adhuc vocari potest, &  
iniri; præsertim, in Cælestibus. Qua-  
propter rectius (tt) Baldad Subites,  
cùm apud Jobum Angelorum memi-  
nisset, ad hyperbolen decurrens; Num-  
quid (interrogat) est numerus Mili-  
tum eius? & tamen, super quémnam  
illorum non fulget lumen eius, hoc est,  
Regis-Angelorum?

Quibus verbis Baldádus hic non  
inficias it; Angelicorum agminum,  
stipendiarios singulos, viritim esse nu-  
merabiles, illi saltem Imperatori suo  
summo, qui condidit eos, & sub signis  
vexillisq; suis composuit: quippe, qui  
numeret multitudinem, tam astro-  
rum matutinorum, cum assiduè lau-  
dantium; (uu) quàm omnium uni-  
versim Angelicorum siderum, ac stel-  
larum.

larum, quarum singulis & omnibus nomina sua (xx) vocat. Sed videlicet, eô loquendi genere præludere *Baldadus* voluit illi Divi Doctoris Aquinatis sententiæ: cujus hæc est summa. (yy) Cùm *Angelorum transfugarum*, ignis, aër, terra, maria, Tartarusque, plenissimi sint; quodammodoque redundare videri possint *innumerabilibus* inquilinîs: *tertiâ* tamen duntaxat *parte stellarum* hujusmodi degenerû Cœlo dejectâ; *bonos Genios* *multitudine, longissimè maiore*, quàm *malos*, perseverâsse: Deoq;, castrorum suorum Imperatori supremo, fidem Sacramenti cingulique sui retinere, semper inconcussam. Alioquin autem, *Angelorum numerum*, universim *collectorum*, idem ipse Doctor Aquinas affirmat, *excedere numerum rerum omnium*.



*mnium, corpore compactarum. (Z Z)*

Quem proinde tot *Militum Dei Numerum*, numquid manifestum est, (è Divi quoque *Gregorii Magni*, beatæq; *Birgittæ Suecæ*, conjecturis) esse *quàm amplissimum*; (*A a a*) omnibusq; regum omnium, qui castris & expeditionibus antehac terrarum orbem exterruere, longissimè numero præstare? Nec immeritò. Nam, *Hominum* crant illa, quandoque *periturorum*, agmina; quantumcunque *regum* essent ac *Monarcharum*: Ista verò, *Dei*, *semper viventis*, *castra*; quod estis vos, ANGELI, *Militia Cœlestis Aulae*.

Quid autem de SPLENDORE jam *Exercitus vestri* dicere videbor incredibile; si dixerò, *Terrestrium Legionum omnium FULGOREM*, ad *vestrum inbar* collatum, meras esse noctes,

Et es , spissasque tenebras , & opacum  
Avernum ?

Nec jam mihi sermo procedit hoc  
locô, de *fulgentibus* vulgò *formis vul-*  
*tibusq;* vestris; quoties conspicuos vos  
met , amicis præsertim Dei, præbetis  
qualis nitor erat, *Gabrielis*, Danielen  
copiâ luminis propemodum exanimā-  
tis (*bbb*). qualis item , ejusdem *lux*  
pastores in ortu (*ccc*) Christi, *clari-*  
*tate Dei, circumfundentis* simul , ac  
territantis. qualis item Angeli *splendor*,  
Christum redivivum nuntiantis; *cuius*  
*aspectus erat sicut fulgur , ac vesti-*  
*mentum sicut nix.* (*ddd*) qualis de-  
nique (ne singula consuetari cogar) il-  
lius Angeli *candor*; qui, *Petrum* He-  
rodianis è catenis, & excubiis, eductu-  
rus, copioso faciei suæ lumine, totum  
noctur-

nocturni carceris *habitaculum* vertit in diem, ac theatrum (*eee*).

Mihi verò, cum *iubare*, *Splendoréq;*, longè potiore, res hîc est : cum illo nimirum, quem, sicut *Moyſes*, è *conſortio ſermonis Dei*, cornutâ radiis *frontem*, vultúmq;, reportabat ; ſic *Vos*, ex eo, quòd affiduò faciem contemplantini *Patris luminum*, tanquam à primævo proprioque claritatis univerſæ fonte, *fulgorem* colligitis, & *hauritis*. cujus beneficiò *Vos*, ab æterno præſertim Verbo, *matutine cognitionis radiis* illuminati, *MENTES & INTELLIGENTIÆ Theologis* appellamini (*fff*); quin &, *DEIFORMES*: quia, quidquid cognoscitis, Intellectûs jubare comprehenditis, & aſſequimini, *Totum ſimul*, imitatione quadam *Dei*: non autem, *per Partes*, temporisq; ſuc-

C

ceſſio-

cessionem (*ggg*). Nec tamen *vobis solis, & intus* tantum (ut sic dicam) *lucetis*; sed (quod princeps officii vestri ratio, præsertim *Custodibus* in *Angelis*, exigit) radiis etiam foràs (*hhh*) e-rumpentibus, institutò Dei, *mortales* quoque, maximè verò, Curæ vestræ commissos, *illuminatis*: hoc est, per-spiciuís animi documentis, non de *Cre-dendis* tantum, sed & *Agendis* rebus, (*iii*) instruitis.

Quo fit, ut æterna Majestas illa Vos non magis *IGNEM URENTEM*, quàm *ILLUSTRANTEM* etiam, à prima statim originè rerum conditarum, instituerit. Quo tamen *Splendore*, non *Hominum* duntaxat, quorum *in ministerium mittimini*, mentes irradiatis; sed etiam, *inferioris gradus Angelorum*, bono præsertim *Hominum*, quorum  
Tuto-

*Tutoribus Vobis*, excubiæ denuntiatae sunt. Id, quod locô non unô, Danielis ac Zachariæ vaticinia nobis inculcant; & Doctor Angelicus signatè tradit. (kkk). *In Lumine* proinde Divino, seu V E R B O, *videntes Lumen*; & ipsi priùs radiis, *sine caligine* (lll) *falsitatis* (quæ felicis Angeli nequit *Intelligentiam* fuscare) collucetis; ac subinde, *de montibus æternis*, etiam ad inferiora mundi descenditis, *Militum* instar; cum fulgidis scutis, & armorum habitu: quò resplendeat, à vestri tot millium aspectu fulgurante, *terra*. Cujusmodi quôdam (mmm) cultu candoréque circumfusus, Cœlo se dimisit *Apocalypticus* ille fortis, ac potestate *magnâ* pollens, *Angelus*: cujus à glorioso fulgore *terrarum ambitum* universum collustratum esse, *Joannes* vidit,



dit. *Unius* autem, & *unici*, Cœlestis *Militis* incessu lucidô si coruscet terrarum Orbis; quantum, quæso, *tot myriadum* Angelicarum collucentium accessu resplenderet? utpote, tot in sidera *Solésq;*, quot in Cœlestes *Intelligentias*, partiente se claritudine mentium; Deo T.O.M. semper, ab Origine suâ, præsentiam satellitiûmque præstantium.

Sed nec hîc finis est admirandi superiorum illum *Exercitum*: utpote, cujus ornamenta cætera coronet, etiam *illa, sinè qua squalent omnia*; *SERIES*, inquam, & apta, locis muneribûsq; suïs, militum ductorûmq; *Dispositio*; cujus beneficiô, copiis hostilibus terrori fiat *Castrorum-acies*-ORDINATA. (nnn)

Quo loco, quamvis, doctissimorum iudicio virorum, ANGELI, *singuli* pariter

ter & universi, non Individuó tantum  
(ut in scholis loqui moris est) sed planè  
specie quoque, discriminentur; tamen  
in super ORDINEM quisque suum, desi-  
gnatione Numinis, sortiti, (ooo) viri-  
tim eam, ac singillatim, arctiùs constan-  
tiùsque, *quàm suum unaquæq, stella*  
*cursum officiùmq, tuentur & obser-*  
*vant.* Cùm autem huius, quem dici-  
mus, *Ordinis*, tota ratio petatur in  
*Angelis*, ex ea, quâ Deo coniungun-  
tur, propinquitate; proptereaq, *Ma-*  
*iestati suprema viciniores*, gradum  
quoque sublimiorem, unà cum Lumi-  
ne cognitionis clariore, *nacti (ppp)*  
*sint*: hinc fit, ut *Militiæ Cælestis*, uni-  
versa generatim in tres Hierarchias,  
& particulariùs, *Novem in Ordines*  
*Chorósq,* Multitudo describatur; id-  
eoque, *sint Angeli*, *sint Archangeli*;

sint *Virtutes*, *Potestates*, *Principatus*,  
*Throni*, *Dominationes*; sint denique  
*Cherubini*, flagrantésq; Divinâ charita-  
te, *Seraphini* (q q q). Quorum omniū  
sua quoque singulis sic assignata munia  
sunt; ut *Angeli* quidem (id, quod voca-  
bulo præferunt) *Nuntii* mittantur,  
ad mortales *particulares*, privatim ferè  
dirigendos: sic, ut, *Origenis* quoque  
vetustissimò testimonio, cuiq; no-  
strum, (rrr) etiam minimis, in Ec-  
clesia presentis temporis, *Angelus*  
*suus bonus* (nam verba Doctoris illius  
genuina ponimus) hoc est, *Angelus*  
*Domini*, præstò sit; qui regat, qui mo-  
neat, qui gubernet. *Archangeli* verò,  
*celsioribus nuntiandis*, ac *provinciis*  
*administrandis*, destinantur; *Principa-*  
*tus*, ad universam naturam humanam;  
*Virtutes*, ad corpora tuenda; *Throni*,  
regnis



regnis pacatè continendis, & ut solum  
se sedemque quodammodo, quiescenti  
Deo præbeant: *Potestates*; ut diaboli-  
cas irruptiones retundant: (sss) *Do-*  
*minationes* autem, ut ad Spiritus, Deo  
probatos, adjuvandos, operam impen-  
dant: *Cherubini* denique, qui Scientiâ  
Dei profundissimâ luceant; *Seraphini*,  
qui Divinitatis Amore calidissimo fla-  
grent, instituti sunt. Et in his omnibus,  
quantò quisque gradu subiectiorem se-  
ipsum, & *Ordine* vel *Hierarchiâ* de-  
missiorem,prehendit; tantò prom-  
ptiùs Superiorem sibi, vel Ordinem vel  
Angelum, *Illuminatorem* excipit, &  
admittit: *loquentemq;* sibi, per mentis  
suæ desiderii declarationem, placidus  
auscultat. (ttt)

Vbi, quémnam mihi quis, in *Hu-*  
*manis*, dabit aut ostendet *Exercitum*;

qui descriptus exactiùs sit in Duces, Legatos, tribunos, copiarum turmarumque, vigiliarumq; Præfectos? In Centuriones item, Decuriones, Equitem, peditem, velitem, aut ferentarium: quàm hæc, sub MICHAELIS, ductoris *Angelici*, vexillò, *Cœlestis acies* constituta dispositaq; sit; sub Lábaro, cujus titulus est, ac tessera, *QUIS, SICUT DEUS?* Quæ tota demum *acies* expeditur, & in certamen assiduum educitur (*secundario* saltem Numinis, ac suæ functionis, *instituto*) quò, *pro salute mortalium*, Acheruntis vires expugnet. (*uuu*)

Et hic *ORDO* vobis, *beatissimi Spiritus*, hic agendi bellandiq; tenor, domesticus ac firmus est; &, ad mundi finem usque, trabalî quasi clavò fixus; pérque Cœlestium cuneos universos *consonus*, atque *concors*. Cùmque sæpe-

pe-

pe sæpius, *mortalium* in castris, *Ordinem*, quantumvis bene compositum, excubiarum inertium unica nox, & somnus, destruxerit; victoriæq; rationes omnes, cum dedecore cladéque, conturbârit: illius tanti mali, penès vos solos, *Angeli*, nullum fuit unquam, aut futurum est, periculum: quippe, qui, *custodes super muros Ierosolymorum*, hoc est, (xxx) *Ecclesiæ*, constituti sitis: qui, *noctibus æquè diebúsq;* pervigiles, & hinc Oculi quoque DEI (yyy) nominari digni; nec *laudes Divinas* unquam, neque clasticum in prælia, *taceatis*. Hinc *vestrum*, tam *unanimem*, militaris harmoniæ cōcentum, ad quem alter alterum incitatis, quis unquam, *sopitutum* se, confidat? (ZZZ.)

Quæ proinde cuncta (*beatissimi Spi-*

C 5

*ritus*)

ritus) cùm in hunc, quem exposui, se se-  
 modum habeant, ut *militarium* orna-  
 mentorum nullum *Exercitui* vestro  
 desit; imò potiùs, incomparabili qua-  
 dam ratione superabundet: habemus  
 nos humistrati, *protoplastorum* filii,  
*MILITIAM in Vobis, & castrorum* Asy-  
 lum; ad quod, dubiis ac duris in rebus,  
 nos recipiamus, ut incolumes & illæsi  
 perstemus: quin & *leti*, sub præsidiis  
 vestris, & *hilaes*, agamus. Cuius lætæ  
 fiduciæ non desunt nobis causæ multi-  
 plices. *QVID* enim (quod piè suavi-  
 térque mellitus *Bernardus* expendit)  
*sub tantis CUSTODIBUS timeamus?*  
*(Aaaa).* Nec superari potestis; quia  
 Fortes: nec seduci, distrahi que; quia  
 Multi: nec fraude nocturnâ circumve-  
 niri; quia quaquaversum perspicaces, ac  
 Lucidi: nec disturbari lancinari que;  
 quia



quia *Castrorum acies Ordinatissima.*  
*Fideles estis, Prudentes estis, Potentes*  
*estis. Quid ergò trepidemus sub Vo-*  
*bis? Tantùm sequamur Vos; adhærea-*  
*mus Vobis: & in Protectione Dei-*  
*Cæli commorabimur.* Revereamur  
 Vos, cultus; qui, more majorum, ac sine  
 Numinis ulla contumelia, vos decet: &  
 qui reverendi propemodum unicus ac  
 supremus esse gradus solet, Obedia-  
 mus monitis vestris. Supplicemus Vo-  
 bis, quod nemo nostrum non debet, ut  
 (quod optimus quisque cum *Ecclesia*  
 vos rogat) nos defendatis in prælio: ne  
 pereamus in illo, quo *Virtutes quoque*  
*Cælestes movebuntur, (b b b b) tremē-*  
*do iudiciō.* Donis præterea muneri-  
 búsque Vos, ac monimentis, ceu proceres  
 Aulæ supremæ, percolere memineri-  
 mus; pro cuiusque nostrum, aut fortu-  
 narum,

narum, aut ingenii, facultatibus, & impensis.

Et alii quidem mortalium, opulentique præsertim Reges ac Principes, ingentis operis & magnificentiae *templa* quondam, ac Basilicas, *Angelis* aut *Archangelis* exædificârunt. Nam, *MAGNOS à Magnis, non nisi magnificentissima, decebant.* Nos autem, quibus curta domi supellex, exiguaque res est, *Volumen* hoc; tenuis ingenii partum, ac scilicet, in hac *quarta Decade*, quâ Basilicarum, Regum, Regnorumq; RUINAS digessimus, pedibus vestris, ut *Rudera*, donariorum instar, adsternimus: *Ruinas*, inquam, ac *rudera*, pulveremq; nunc, & *strages*; sed, grandium quondam operum, ac fabricarum: è quarum tamen, quantumvis *facientium*, plerisque parietinis, potentiae



tia nominisq; *vestri* fama, Cœlo terris-  
que celsiùs assurgat, & conspicua magis  
fiat.

Nam profectò (ne recedam ab *Illu-  
strum* horum *casuum* hoc ipso *quar-  
to* volumine) *vestrum*, ô Cœlestes Ge-  
nii, *Vestrum* opus ac labor fuit, religio-  
nis sanæ retentus utrimque status, ad-  
versùs *vitulinum* Regum *Israëlitico-  
rum* Dei-cultum; utpote, per e *An-  
gelos*, tam *Elia*, quàm *Eliseo*, familia-  
res, defensus, ac sustentatus. *Vestrum*  
fuit opus, *Sennacheribi* tot millium  
deleta militia; solius *unius Angeli* ma-  
nu, contra plusquam octodecim barba-  
rorum myriadas: cùm alioqui (quod  
proverbiò fertur) *nec Hercules quidem*  
*contra duos*, aut tres, in acie staret. *Ve-  
stre* dirigentis dextræ vulnus ac funus  
fuit, *tyrannorum* haud postremus,  
Ho-

*Holofernes*; qui *Judithæ* viragini victima procubuit, cuius ipse prosternere muliebre pudicitiam barbaricâ petulantia destinârat. *Vestra* curæ custodiæq; fuerunt, *Persarum*, & *Graciæ Macedoniaq;*, Reges ac Regna; si, quæ debet esse, *Danieli* fides est. *Vobis* absterrentibus, *Ptolemaus Philopator* inhibitus est, ab internectione generis *Hebræi*, per *Ægyptum* sparsi: quo tempore, Regis illius, de Cœlo *siderata*, mens, ipso Cœlestium aspectu spectrorum, emarcuit. *Vestra* flagella scuticęque fuerunt, plagę *Syrorum* horribiles; & in ærario templi vapulans, *Heliodorus*. Vester demum *gladius* fuit; quidquid, barbarorum victor, *Judæ Machabæi* fulminans *acínaces* absumpsit: quando solus Vestri conspectus, plures *Vultu*, quàm *ferro*, prostravit hostes.

Acci-



Accipite proinde, quod jam antea tot  
titulîs *vestrum* est: RUINAS, inquam;  
quarum *Vos*, cùm, fortis vestræ felici-  
tate, nullam *subieritis*, potentiæ tamen  
vestræ Majestate, non paucas *fecistis*.  
Cui rei testimonio sit, *Liber* hic; in ta-  
lium enarratione cladium, multus: &  
vestrarum quidem *laudum* P A N E G Y-  
RICUS; rerum verò *gestarum*, fidus *ex-*  
*planator*. Hoc omnibus *universim* di-  
ctum esto, dicatúmque, Cœli *Geniis*.

TIBI verò *seorsim*, animæ meæ *tutor*,  
ANGELE, munusculum hoc, pignus ac  
*particula Solutionis* esto diversi gene-  
ris *Debitorum*; quibus, obstrictum me  
tibi nexúmque, profiteor. Sit pignus ac  
pars *Didactri*, pro Magisterio meî, to-  
tiúsque vitæ disciplinâ. Sit pars *lytri*, pro  
pietate; quâ me crebrius hostium vin-  
culis ac dolis expediti. Sit pars *manu-*  
*pretii*;

*pretii* ; pro sæpius porrectâ mihi tua  
 dexteræ sublevantis operâ. Reliquum  
 est; ut, quod *hic* solutioni plenæ deest,  
 ad *sortem* summâmq; numeratam; id ut  
*illic* exspectes, à me tibi persolvendum  
 ubi, patriam assecuti, *nemini quidquâ*,  
 nec Angelis homo, nec homini vicissim  
 Angelus, *debeamus*; præterquâ, *ut alte-*  
*ros alteri*, tametsi *naturâ* dispare, con-  
 cordi tamen *affectu* mentis, & in unum  
 confuso gaudio, *diligamus* (cccc). Itâ  
 demum, qui nunc *Innumerabiles* u-  
 trobiq; sumus, istic, UNUS OMNIUM  
 SPIRITUS (dddd) efficiemur: *in An-*  
*gelis, Homines; in Hominibus, An-*  
*geli.*

Dilingæ, die 20. Julii, reparatæ salutis  
 M. DC. LXII.

Decadis hujus *Auctor.*

---

TESTI-

## TESTIMONIA.

(A) *Pfal. 103. vers. 17- & 18.* (b) *Proverb. 30. v. 26.* (c) *Livius lib. 2.* (d) *Curtius lib. 10. c. 7.* (e) *Livius lib. 8.* (f) *Appianus lib. 3. ἐμ-  
Φυλίων.* (g) *Suetonius in Claudio.* (h) *Cornelius Nepos, in Eumene.* (i) *Cæsar lib. 3. de bello civili.* (k) *Iustinus lib. 7.* (l) *S. Thom. p. 1. q. 108. a. 2. ad 3.* (m) *Pfal. 108.* (n) *ad Ephes. 6. n. 16.* (o) *Pfal. 48. v. 8.* (p) *Zachar. 9. v. 8.* (q) *Luc. 2. v. 13.* (r) *Apocal. c. 12. v. 7.* (s) *Genes. 32. v. 2.* (t) *1. Petri. 5.* (u) *Isai. 27. v. 2.* (x) *Apocal. 12. v. 10.* (y) *S. Bernard. serm. de Angelis.* (z) *Iudic. 5. v. 8.*

(Aa) *Theodor. Zwingerus, in theatro, ex Herodoto.* (bb) *Carolus Stephanus, in Lexico Geographico.* (cc) *Cornelius Nepos, in Hannibale.* (dd) *Livius lib. 9.* (ee) *Iudicum cap. 7.* (ff) *1. Machab. 6. v. 39.* (gg) *Vide Livium lib. 8. Et Iosephum lib. 3. belli Iud. c. 3.* (hh) *Pfal. 102. v. 20.* (ii) *Iude Epist. Canon. v. 9.* (kk) *2. Regum 24. v. 15.* (ll) *S. Thom. 1. p. q. 110. a. 1.* (mm) *ad Hebr. 12. v. 29.* (nn) *ad Hebr. 1. v. 7.* (oo) *1. Paral. 21. v. 30.* (pp) *Matthæus Paris, Rogerius, Baronius in annum Christi 1169.* (qq) *Matth. 26. v. 53.* (rr) *Apocal. 9. v. 10.* (ss) *Daniel. 7. v. 10.*

v. 10. (tt) Iob 25. v. 3. (uu) Iob 38. v. 7.  
 (xx) Psal. 146. v. 4. (yy) S. Thom. 1. p. q. 63.  
 a. 9. (zz) S. Thom. 1. p. q. 50. a. 3. & q. 112. a. 4.  
 ad 2.

(Aaa) vide Corn. à Lapide in c. 15. Luca.  
 (bbb) Daniel. 8. v. 16. (ccc) Luc. 20. v. 9.  
 (ddd) Matth. 28. v. 3. (eee) Actor. 12. v. 7.  
 (fff) S. Th. 1. p. q. 54. a. 3. ad 1. & q. 79. a. 1. ad 3.  
 (ggg) S. Tho. 1. p. q. 85. a. 5. inc. & 1. 2. q. 5. a. 1.  
 (hhh) S. Thom. 1. p. q. 113. a. 5. (iii) S. Th.  
 1. p. q. 111. a. 1. ad 1. (kkk) S. Th. 1. p. q. 111. a. 1.  
 (lll) S. Th. 1. p. q. 58. a. 5. o. (mmm) Apoc. 18.  
 a. v. 1. (nnn) Cantic. 6. v. 9. (ooo) S. Tho.  
 1. p. q. 108. a. 3. inc. & ad 2. (ppp) S. Th. 1. p. q. 106.  
 a. 3. ad 1. & q. 107. a. 2. in c. (qqq) S. Greg.  
 Magn. Homil. 34. in Euang. (rrr) Homil. 71.  
 (sss) S. Tho. 1. p. q. 113. a. 3. in c. [ttt] S. Th.  
 1. p. q. 107. per o. & q. eadem a. 1. per o. [uuu]  
 S. Tho. 1. p. q. 113. a. 5. ad 2. [xxx] Isaia 62. v. 6.  
 [yyy] Zachar. 4. v. 10. [zzz] Iob 38. v. 37.  
 [Aaaa] In Psal. 90. [bbbb] Luc. 21. v.  
 26. [cccc] Roman. 13. v. 8. [dddd] S. Gre-  
 gorius Magnus in fine expositionis ps. poenit.

Hac

# DECADE IV.

R U I N Æ

*continentur,*

- XXXI. Regum Israëliticorum.
- XXXII. Sennacheríbi.
- XXXIII. Messeniorum.
- XXXIV. Tyranni Phalaridis, & aliorum, eius generis.
- XXXV. Regum Persicorum: & maximè Cyri, ac Cambyfis.
- XXXVI. Philippi Macedonis Amyn-  
tiadæ.
- XXXVII. Olympiadis reginæ, matris  
Alexandri Magni.
- XXXVIII. Domûs Ptolemæorum, Æ-  
gypti regum.
- XXXIX. Domûs Seleucidarum, Asiæ  
Syriæq; Regum.
- XL. Reipublicæ veteris Roma-  
næ, in Pompeio.

D 2

RUINA



R V I N A<sup>xxxI</sup>.*Quæ fuit,***JEROBOAMI,**

&amp; aliorum,

**REGVM ISRAELITI-  
CORVM.**— **BREVIARIUM CAPITUM.** —

**I.** **C** *Hanaanitidem Regionem, spatii sat is  
amplis diffusam; diu Capitis unius po-  
testas gubernavit. In plura deinde ca-  
pita divisit eam, Salomonis, à Deo, defectio. Huic,  
ob id, iratum se Deus, esse, Propheta Abia aperuit.  
Abia occurrens Jeroboamus (cuius genus, patria,  
officium, ac mores, nonnullâ sui parte, describun-  
tur) de turba seducitur, in agro: regnumq; Duode-  
cim Israël tribuum, sub allegoria pallii, induode-  
cim partes scissi, promittitur; non sine Abia, adver-  
sus Salomonem in vectivâ, & ad Jeroboamum Pa-  
raneticâ, Oratione. Caterum, istud utriusque ser-  
monum, inter sese, commercium, & Jeroboami a-  
Regnum designatio; Salomonem incendit in Jer-  
oboamum. qui interitum, sibi paratum, fugâ decli-*

Ruina Ieroboami.

nat. Idem autem, post Salomonis obitum, reversus in Chanaanitidem: in Comitibus regni, unà cum populo pleròq, ab Roboamo, Rege novo, deprecatur duritiem tributorum, & jugi pristini. Repulsus autem ab asperè respondente Roboamo (cujus illic dicti factiq, indignitas, ex merito, reprehenditur) sese, unà cum Decem tribubus, abrūpit à Domo Davidica: communiq, suffragiò Rex ipse declaratus Israël; Roboamo, præter tribus Juda, & Benjamin, imperiolum, relinquit nihil. Quæ Pœna fuit, intemperantis verbi.

II. Israëliti Regni amplitudo proponitur: enumeratis, per seriem, ditionibus; quas sub se singula Decem Tribuum habuerunt. Tres autem omnium eminentiores, erant, in Israël regno, Regionēs: quæ deinceps, per ordinem, & cum cura, describuntur. Primò quidem ea, quæ postea Samaria nomen accepit; à principe sui urbe. Cujus regionis ubertas, præsertim frumentaria pecuariâq, proponitur. Urbes item regionis ejusdem, celebratiores; quarum capita fuerunt, primò Iherusa; deinde, Samaria. Hujus postrema, situs, amœnitas, pulcritudo, prospectus, mœnia, & edificiorum magnificentia, adumbrantur. Post Samariam deinde, Galilea (quæ gemina) expenditur. Primò quidem, Superior, siue gentium. Ejus situs, ac fines, siue limi-

D 3

tes.

Ruina Ieroboami.

tes. Ibidem, & de Terra-Chabul; quanam, & ubi locorum, & cur hoc nomine, fuerit. Indè Galilea Inferior, cum tribubus suis, ditionibus, urbibus memorabilibus, ac limitibus, depingitur. Galilea tandem universim, quàm fertilis, amœna, habitata, culta, populosa, militarisq., fuerit. Ideoque, Christianos, olim à Juliano Galileos nominatos, opprobrium non esse; quia Religionis Christiana præstantissimi quique plantatores Galilei fuerunt. Christus, quatenus dici Galileus possit: & de cura illius erga Galileam universam. Peræque denique regionis descriptio, summaria. Ex quibus omnibus magnitudo potentia Regni Israelitici, conjectatur.

III. Sed hoc eversum est, priusquam Judæicum everteretur: scelere maximè Jeroboami Primi: cui populi peccata à divina Scriptura perpetuo impinguntur. Initium ei labis, ambitio sua fuit; & Aegyptiacum exilium. sicut multis aliis Peregrinationes obsuerunt; in terris præsertim religionis corruptæ. Erat autem Aegyptus, stabulum superstitionum Idololatricarum. Illic Apis, seu Serapis, bos vivus; pro Deo habitus. Eius accurata descriptio. Quo pacto hic reddere crederetur Oracula? Quomodo item Divinitate suâ tandem absolveretur; non sine luctu Aegyptiorum publicò. Subjungitur deinde, de alio Aegyptiorum Api, seu Serapi, à prioribus remut-



re multum distincto: qui & ipse paucis describitur; deque hujus tandem everfione, & Oraculis. Apin porro illum priorem, viderant in Aegypto Hebraei: qui proinde, ad exemplar illius, conflaverunt sibi Vitulum Aureum in Deserto; quem & Deos suos appellarent. Post hos, idem fecit Jeroboamus: qui, ex conspecto, & utique etiam cultò, Api bove, vitælove, Geminos fabricari Vitulos ex auro jussit: & in Bethel ac Dan, urbibus suis, collocatos, proposuit adorandos. Detestabilis hujus consilii, quâsnam habuerit rationes; Oratione illius, secum ipso institutâ, exprimitur. Cur illas ipsas urbes, præ aliis, delegerit, Idolis inquinandas? & ubi sitæ fuerint illæ? Quàm callidè item, Adorationem Vitulorum suaserit populo: quem etiam fanis insuper, ac lucis montanis, ad Idololatriæ majorem licentiam pertraxit: Sacerdotibus institutis, è face plebis. Discutitur quoque, per digressionem; Cur in Vitulos potius ille, adorandos, quàm in alia fuerit Animalia, pronior? Vbi de Cherubinis: & ex Cornelio Tacito nonnulla. Paschæ sollemnitatem, tempus, mensẽ, ac diem, Jeroboamus mutat, ac transfert: & Sacerdotis ipse munere fungitur: neque Divinis increpationibus, ac prodigiis, emendatur. Impietate denique suâ plurimam, & vivus, & à morte suâ, stragem animarum edit.

IV. Vnde, per Digressionem, adversus Jero-boamum, meritò gravis Invektiva instituitur. Pri-mòque omnium, Causa fundamentalis, Impietatis tanta suscepta, indagatur: ejusq; absurdissima in-dignitas exploditur. Exaggerantur deinde, ingen-tia, multipliciâq; divina Glorie detrimenta; quæ ex novatione Religionis tunc exorta sunt. necnon De-calogi prolapsa observatio: totâq; Israëlitis terra fla-gitiis repleti cæpta. Multiplicatio deniq; Deorum. Posthac Populi, ab eo tempore, in Idololatria per-euntis, multitudo inducitur. Ea, facilè colligitur, ex numero Virorum militarium; qui in Singulis Tri-bubus, temporibus diversis, recensiti sunt. Ex quo terrentur; quicunque secum multitudines in Inte-ritum pertrahunt. Perstringitur verò summatim, etiam Impietas, & ingentia scelera, populi Israëliti-ci, sub Jero-boamo, ceterisq; post eum regibus: ejus-que, in malis, obstinatio. Reditur tandem ad exa-gitationem scelestissimi Jero-boami; qui, Machia-vellistarum exemplar vivum, omnia alia post com-modum lubricinèq; suam duxit: sicut bodièq; mul-ti ducunt, qui præsertim, ex humili surgentes in al-tum; ut ipsi sint in summo, cetera cuncta ponunt in infimo.

V. Hinc autem deinceps, ordine bipartito, trans-  
 itur ad narrandas, & Regum Israëlitis, & ipsiusmet  
 Populi,

Quia Jero-boam.



*Populi, Ruinas horrendas. A Regibus initio factò; compendium vite morumq; Jeroboami ponitur. Eius, in malis, obstinatio; post complures, easq; prodigiosas, à cœpta Impietate, debortationes. Prælium adversus Abiam, Judææ regem; & luctuosissima clades. Filii eius morbus lethalis: & atroces ei, per Prophetam Abiam, denuntiata pœnarum minæ. Mors filii: paulloq; post, etiam ipsius Jeroboami; infelix, horrenda, secundæq; mortis inchoatrix.*

*VI. Post Ieroboamum, qui proximè, nec tamen melius, imperârunt; breviter ob oculos ponuntur. Nadâbus, eius filius; in obsidione Gebbethonis urbis occisus à Baasa. Baasa deinde, omni Ieroboami domo & cognatione excisâ; de cætero se totum exhibuit Ieroboamicum, moribus, & superstitione. Belô regem Iudæ Asam persequitur: & quasnam ob causas? Prophetam objurgatorem necat: & hinc, multis à Deo cladibus punitur; tandemq; naturali morte defungitur. Ela, filius Baasæ, post regni duos annos, ebrius interficitur. Zambris, occisor ejus, & successor; continuo post, obsessus ab Ambri, seipsum vivus exurit: postquam omnem prius Baasæ familiam, ac propinquitatem, ferrò sustulisset. Ejus, ex S. Scriptura Epitaphium. Zambri succedere conatus Thebnis, à populo deseritur; & ab Ambri, emulo, depellitur. Ambris regnat; & impiè. Samariam,*

D 5

*regni*

*Ruina Ieroboami.*

regni sui metropolin, adificat. unde Regno Samaritano nomen suum, & ab Iudaico regno discrimen. Post annos paucos morte, nec tamen illatâ, decedit, ad sui similes.

VII. Ambri defuncto, filius succedit, Achabus: patre malo deterior. Hic, etiam Baalem colit, Phœnicum Idolum; Iezabelis instinctu, quam uxorem duxerat, regis Sidoniorum filiam. Iezabelis mores, in compendio. Cum ea rex Achabus Dei Prophetas dirè persequitur: & Pseudopphetas magno numero alit. Aedificationibus studet. Cum populo suo affligitur ingenti fame, per sesquitriennium: nec tamen cessat Prophetarum insectatio. Ad necem & Elias quæsitus, ultro se sistit; in regem inuebitur: cum Pseudopphetis certamen, super vera Religione, init: vincit; ac victos interficit. Pluviam miraculò procurat. A Iezabele denuò quæsitus ad supplicium, propter jugulatos Idolorum popas; in montem Orebum fugit. Miser Israelis status, eo tempore. Reversus à fuga Elias, Eliseum, ac duos reges, ungit. Achabi, de Benadado Syro, victoria prima; per pedisequos Satraparum. Ejusdem, de eodem, victoria secunda; cum multò grandiore Syrorum, quàm antè, strage. Benadadum, temerè, nimisq; precipitaxter, recipit in fidem: obidque reprehendi jussus à Deo; superbè furibundèque increpationem excipit.

Ruina Ieroboami.

*excipit. Post hæc effertior, Nabothum, propter negatam sibi vineam, Iezabelis machinationibus lapidatum; gratè fert: sed ab Elia propterea, pro meritis, tractatur; internecione totius Achabæ stirpis ei denuntiata. Pœnitentiam Achabus inde concipit: sed non continuat. Idcirco, dum, adversus Michæ Prophetæ consilium, Pseudopphetis suis credulus, ad Ramotham urbem, cum Iosaphato rege, contra Syros præliatur: Iosaphato salvo, ipse à sagitta, jactus & auctoris incerti, perit in curru: mortem, tam præsentem, quam sempiternam, scelerum suorum mensuram implet. cujus sanguinem, occasione mirâ, canes lingunt.*

**VIII.** *Successor Achabi, filius Ochozias, æquè impius, ac genitor: etsi vitæ regniq; brevioris; à Deo, vivus adhuc, aliquoties malè multatur. Ab eo namque Moabita desciscunt. Classis ejus naufragiò eliditur. Ab Iosaphato quoque destituitur: & lapsu de cancellis cœnaculi, graviter alliditur. In eo morbo, mittit ad consulendum Dæmonis Oraculum: & ob id, à Prophetâ Elia, tum absente, tum præsentem, vehementer increpatur; cum præsagio mortis: quæ mox insecuta, regem impium abstulit, & illuc misit; ubi jam pater ejus sedebat. Post Ochoziam, Ioram regnum capeßit. Et Baalis hic quidem simulacra destruit: Vitulos autem Ieroboamicos*

**Ruina Ieroboami.**



micos retinet. Bellum deinde Moabiticum ingreditur; sociis expeditionis, rege Iosaphato, & Idumæo. Siti milites, ac reges, torquentur: sed, Elisei precibus, undisq; miraculosis, refocillantur; in gratiam Iosaphati. Moabites, falsâ conjecturâ decepti, & in compositò agmine in Israelitas irruere ausi; magnâ clade mactantur: ac profligantur. Terra Moabica fœdè vastatur. Urbs regia obsidetur. Rex Moabites, frustra erumpens, in urbem rejicitur: in cuius urbis muris, consiliò crudeli, ferròq; crudeliore, filium suum mactat. Vnde tres reges hostes obsidionem, cum stomacho, solvunt. Hanc autem Tragediam nonnulli secus narrantes, exploduntur. Ioramus, domum reversus; novis assiduò beneficiis à Deo, Elisei ministeriò, afficitur: ut, curatione Naamânis; detectione insidiarum Syriacarum; Syrorum captivitate, licet captis innoxia; famis & obsidionis gravissima depulsione: cuius totius rei gesta series exponitur, cum causis suis, & eventu. Inde Elisei major apud Ioramum auctoritas: quem hic tamen aliquando cogitârat occidere. Nihilominus, immobilis in malo, Ioramus; ab Iehûse tandem sagittâ trajicitur: & malitia præmia refert, quæ Pater retulerat.

IX. Iehûses, Iorami successor, quis, & unde, qualisque, ante susceptum regnum, fuerit; exponitur.

Regina Ieroboam.



*nr.* Rex divinitus inungitur, ad Achabæ domûs excidium. Ramôthâ Iezraelem se conferens, reges duos interficit, uno statim impetu: dum fugam moliuntur. Iezraelem ingressus, à Iezabele reginâ convitiis excipitur: quam, ad ejus imperium in preceptis datam, Canes dilaniant: frustra confisam, se regiô titulò, ornatûq; meretriciò, tutam futuram. Idem Iebûses, paullò pòst, septuaginta filiorum ac nepotum Achabi, à Samaritanis intersectorum, capita populo monstrat. Omnem præterea domum & cognationem Achabaam, extinguit: cum Ochobzia, Iudæi regis, quadraginta duobus fratribus. Beli quoque Sidonii Sacerdotes omnes, unâ cum eorum templo, perdit; ad internecionem & ignominiam usque. Ipse nihilominus à Vitulis Ieroboamicis non recedit; eorum more, qui facta puniunt, & punienda faciunt. Idcirco Deo fastidium movet; & adversum se, Syri regis arma: quibus regni magnâ parte, ac non multò pòst, vitâ, cedit; inter execrabiles & ipse Reges Israelis numerandus.

X. Successor Iebusis, filius ejus Ioachazes; ob impietatem paternam retentam, à Deo, Syrorum hostilitate dirè castigatur: & ad virium opumq; pudendam egestatem redigitur. A Deo tamen, post hæc, precibus flexò, nonnihil erigitur; ac promissio-

2672

Ruina Ieroboami.

nem accipit sublevandi regni; sed in Successoribus implendam. Ipse tamen, etiam post ista, cum suo populo, ingratus ob beneficia Numini, subtrahitur in sceleribus suis è vita. Post eum Joas imperat, filius ejus; & impiè, contrà Iosephi assertionem. Felix tamen bellò, Syros aliquoties prostigat: Amasiam, Iude regem, in acie capit: & ab Eliseo moribundo victoriarum plurimum prædictione animatur. Moritur tamen in peccatis suis, Deo ingratus. Quem, regni successione, Jeroboamus Junior, filius ejus, excipit. Hic, equalis temporum Ione Propheta, in impietate majorum perseverat. Et tamen, Deo populi sui misereante, victoriis multis, & urbium ereptarum receptione, claret: diuque admodum regnat; sed in oblivione, tam Dei, quàm beneficiorum illius: actalis obit. Successorem accipit Zachariam filium: qui tamen, post sex, ab adito regno, menses, à Sellumo, ejusq. conjuratione, opprimitur. Quot post Iebusen, reges ex ejus stirpe, solium tenuerint? & quonam numeri mysteriò? exprimitur. Sellumus autem, Zacharie interfector, non plus mense imperat: à Manabemo jugulatus; tyrannus, à tyranno. Crudelissimus enim Manabemus, Sellumi successor, inaudit à in Tapsenses barbarie sævit: & cur? Regum Assyriorum, post Sardanapalum, quonam modo successio

764

Ruina Ieroboami.

revixerit; explicatur. Ex iis, Pbales, à Manabemo, ingentis pecunie pensatione, vel emitur, vel redimitur. Quanta ea summa fuerit: & à quibus pendì coacta? Mortuo Manabemo, Phacéas, filius, subrogatur: qui, post alterum regni annum, à Phaceja, & factiosis, occiditur. Phacejas autem, successor in regno, propter negatum Assyrio tributum, regni longè maximam partem amittit; unà cum populi multitudine, in vinculis abductà, peregrinas in terras. Phacéas tamen, in impietate vivens, ac perseverans, etiam Iudææ regem bello incurrit: Iudeorum multa millia trucidat: plura, captiva abducit; sed Prophetæ jussu, restituit, ac remittit. Iterum tamen, paullo post, unà cum Syro rege movet in Iudæam; oppugnatq; Ierosolymam: & quo consilio? interferitur. Uterque tamen, ab Assyrio rege, ab obsidione abstrahitur; neuterq; sine grandi clade suâ. Et Syrus quidem ab Assyrio; Phacejas autem ab Oséa, interficiuntur. Nec tamen Oséas adhuc, plenà cum potestate, Phacéa succedit: variè aliunde impeditus.

XI. Post novem autem annos, indulgentiæ Regis Assyrii, regnum init. Non est tam Impius, atque reges priores; sed iter Ierosolymitanum suis permittit. Et tamen in ejus caput Regni excidium exit. Cui malo, Tributorum negatione, causam præbet;

Ruina Iereboam.



præbet; & Aegyptii regis societate, adversus regem Assyrium, ambitâ. Vnde bis ab Assyrio, validis copiis, opprimitur. Regnum ejus vastatur. Samaria post triennii obsidionem, capitur; & in ea, Oseas, qui etiam, cum pleròq; populo, captivus in Mediam abducitur. Israelitarum plurimi diffugiunt, in terras vicinas. Abducti verò, diversissimis in regionibus collocantur; & quænam illæ fuerint, accuratiùs differitur, è selectis, abstrusisq; libris. In patriam autem rari subinde, tardèque, revertuntur. Gentes barbaræ, coloniarum more, in terras Israelitarum missæ, depravant reliquias Israelis; Idololatriâ suâ, cum legis Mosaicæ cultu, commixtâ. Ex iis mortales improbißimi progenerantur, & Hæresarchæ, Sectariorumq; quique totum subinde Orientem turbârunt. Reliqui Israelitæ, per omnes sparsi terras; in pertinacia plerique hærent: sicut reges eorum, in Inferno.

XII. Ostenditur porrò, tam Reges, quàm Populum, incurrisse mala sempiterna; Quia voluerint. Reges Ambitione, fluxiq; lucri cupiditate, à Deo recessisse: sicut & novissimis mundi temporibus Reges, ac Principes aliquot Christiani, ab antiquis moribus atq; Sacris recesserunt; suo quisque compendio inbiantes. Populum autem, Sacrificiorum Idololatricorum insana dulcedine illectum; libenter

Ruina Iereboami.

*benter se cogi à regibus passum esse, ad Vitulos adorandos, & Excelsa frequentanda: quæ Imago quædam fuit hodiernæ Libertatis Acatbolice. Subne-  
ditur tandem comparatio Regum Iudaicorum, & Israëlitarum; quantum attinet ad diuturnitatem imperii.*

—

R U I N A

J E R O B O A M I,

& aliorum

R E G U M I S R A E L I -  
T I C O R U M.

— (l.) —

**R**EGIONIS, quam, appellatione CHANAANITIDIS contineri, dictum in superioribus libris est; fines antiquitus, atque terræ, tam cis Iordanem amnem, ad mare Phœnicium ac Palæstinum, quàm ultrà, versùs Arabas, expandebantur. Quarum, qui situs, amplitudo, distributiòque: quæ præterea memorabiliore urbes, ac loca, fuerint; ab Josuæ Ducis temporibus, ad Christum usque, supremum

E

Impe-

Ruina Ieroboami.

Imperatorem : DECADIS proximè præcedentis liber primus, in *Ruina Saulis*, descriptus; eâ mente, quò posteris etiam in voluminibus, quoties usus ferret, aut posceret, ac eam illius Terræ *pieturam* lectori, talium avido, recurrendi facultas aperta staret. Et eris sine controversia; cur is eò recursurus sit aliquoties; ac fortassis in hac ipsa, quam nunc adgredimur, *Ruina*. Totam porrò, quàm longa latâque, trans *amnem*, & intrâ, fuit, *Chanaa nitidem*, sub *unius* solius gubernantis capite collectam : principiò quidem *Pratores*, Judiciaræ potestatis titulò; deinde verò, *Regiò* jure nominèque, *Saules*, Cisi filius; *David*, Jeshè natus, ac, Davide genitus, *Salomon*, administrâvère. Postea verò, *Salomonis* partim nequitiam partim autem *Roboami*, successoris eius, ac filii, feroci stoliditate, factum est : ut, quod Regnum fuerat *unicum*, bipartitum deinceps *bicèpsq;* fieret. Cuius ego foedæ scissionis causas & ordinem, quàm potero, compendiosissimè (quoniam homini, *Sacris* in libris vel modicè versato, tritissima notissimâque res est) aperiam : quò cuncta præsentis *Ruinae* series, suis ex originibus, magis in conspicuo sit. Igitur, posteaquam SALOMON, Davidis è Bethsabee

*Ruina Ieroboami.*



fabæa filius, profligatâ, sub illud ipsum tempus, quo mortales ceteri maturiores induere sensus solent, animi Sapientiâ; quâ tamen Iuuenis olim, & adhuc pæne puer, Senes omnes antecesserat, in præceps deliriorum abiit: stultissimus virorum, suâmet etiam confessione, factus est. Desertô præterea, [fortassis autem, & penitùs ejurato] majorum suorum Deô; sine quo tamen, sciebat, nec Sapiensem se, nec Continentem, esse posse: regnum, ac rempublicam Hebræam omnem, quâ sacram, quâ civilem, disturbavit; libidinēsq; suas mulieribus exteris, ac genua DIIs & Deabus barbaricis, adorator impius, inclinavit. (A) Ab eo proinde tempore, Numini Vero, quod ei displicere cœperat, invicem ipse quoque, vindictâ meritissimâ, displicuit. Id ergò, regni veteris discindendi, non consilium modò, sed & impetum, concepit: & quid in futurum decrevisset, AHIAE cuidam, Silonitæ civi, divinorum interpreti consultorum, aperuit: quid item ipse faceret, diceretque, præscripsit. Erat, eâ tempestate, JEROBOAMUS, Hebræi generis, tribu genitus Ephraimiticâ, patriâ Saredæus: quod est oppidum, medio ferè, sed obliquo tamen, Jordanem inter, ac Luzam, situ: patre Nabatho; matre [quæ,

E 2

viri

Ruina Ieroboami.

Ieroboam

viri morte, viduam tunc vitam agebat] *Sarvâ*,  
 juvenis impiger, nec industriâ minùs, quàm  
 ingenii sagacitate, spectatus: eoque nomine,  
 diu *Salomoni* percharus. Hunc is quæstorem  
 tandem, & exactorem, instituerat, cogendis ex  
 Ephraimi Manassísq; tribubus argenti gazis:  
 quod rex, opibus exhaustus, omni regno tri-  
 butũ novum indixerat, quasi regio splendori  
 sustētando necessariũ; & per caussam, *voragi-*  
*nis illius ingentis*, quæ Sionem Moriámque  
 montes interjacebat, molibus & ædificiis ex-  
 plendæ: quam illi *voraginem* (valle postea,  
 Civitatis Inferioris vicis, ac radicibus ambo-  
 rum montium, æquatâ; passimque domiciliis  
 occupatâ) *Mellonem* vulgò nominabant. Hæc,  
 urbis Jerosolymorum pars fuit, haud ignobi-  
 lis: cùm interim, eiusdem nominis, alibi quo-  
 que locus esset, & oppidum; prope Sichimam  
 id, quod in *Ruina* dictum est *Abimelechi* Tyranni,  
 Decade secundâ. Dum autem tributis his,  
 (quæ tempora Salomonis prima nescierant;  
 Davidica verò, ne cogitarent quidem) agen-  
 dis intentus est *Ieroboamus*: reperit invitos pas-  
 sim quiritantésque contribules suos. Et, quo-  
 niam non è solertia magis, quàm astutia, com-  
 pactus totus erat: invitum se quæsturam ob-  
 ire

Ruina Ieroboami.



ire, tam insolitam, ad simulando; populum tacitis in querelas, tanquam justas, assensibus, obiter, ac velut aliud agens, in Regem inflammavit. ac Regi tamen nihilò segniùs stipem imperatam, quasi populi repressor ac sedator, adportabat. His, homo vaser, artibus, inter utramque partem intactus offensionum, incedendo: tum abundè Regi satisfecit, quasi minister, ex animi sententiâ fidus; tum etiam populi, (qui magis imperiò tributis, quàm exactionibus eius coactis, exasperabatur) sese præjudiciis, ac studiis, insinuavit: donec, eodè suffragante vulgo, tandem eò pervénit amplitudinis; quò fortasse prima votorum illius ambitio, ne cogitatione quidem ausa foret aspirare. Progressu tamen temporis, cum idem, manu fortis, intrepidus animo, consilióque bonus; affluente Fortunæ liberalitate, potentiam sibi juxtà, divitiásque non inhonestas, comparâset: quantum regis in gratiâ, tantum in oculis erat multitudinis. Cùm autem quondam solito stipatus comitatu *Ieroboamus*, (b) *Ierosolymis* egressus, *Ephraimitas* suos negotiorum causâ revisurus; per agros incederet: factum est, non tam casu, quàm dispositu Numinis; ut in eum *Abias* incideret, *Silonites*

E 3

tes

Ruina Ieroboami.

tes ille, quem dixi, vates. Hic, de turba comitum sevocatum *Ieroboamum* (c) in partem agri, paullum à via militari sepositam abstrusamque; consistere secum aliquantisper cogit. Mox, palliò quo rudì, recénsq; confectò, tectus *prophetes* erat, sibi detractò; gladiolòque, quem in usum quotidianum secum ferebat, in particulas *duodecim* dissectò: mirantem, præfagio simul, & monitis, aggressus; *HOC pallium*, inquit, recens, *Israëliticæ gentis Regni*, quod inter *Orientis universa regna novissimum*, natuque *minimum*, existit, *Signum & effigies est*. Scissio porro pallii, regni dissectionem; segmenta verò *duodecim*, totidem, in hoc regno, populi tribus, ac regiones, significant. Has omnes, sub unius bucusque manu compositas, ac sub unius capite regio concordissimè collectas; Deus, flagitiorum ultor, dirumpet, in filio *Salomonis*. Quod ditionum, ac partium, post numerum *decimum* ad usque *duodecimum*, supererit: id eius Successori, solum, nec amplius, hærebit. Decem autem regni portiones reliquæ, tui posthac, *Ieroboame*, juris & possessionis erunt; haud secus, ac nunc huius Pallii mei Decem pannucie, quas, jussu Numinis, in te transfero: quasq; propterea tibi tollas, licet. Nequitia *Salomonis* id sit: qui, Deo patrum excusò, Sacris eius profa-

Ruina Ieroboami.



profanatis ; legibus ac ceremoniis protrititis ; Deos Deasq, barbaricas adorandas, templis, aris, & exempli magisteriò , proposuit : hodièque proponere, quantumvis absterritus, perseverat. Facinus, Hebraeis & legibus, & Regibus, indignissimum ! quòd Salomon , immemor institutorum, & innocentie, genitoris sui Davidis, qui veri Numinis cultui, purisq, religionibus, ex animo semper vacavit: incircumcisorum obscœnis simulacris, ac nudi ventris spectaculò propudiosis statuis, Iovi, Veneri, Baccho, thus adolet ! & , in hoc suffitu, flammam sibi sempiternam suscitatur : domui verò suæ, miserisq, Ierosolymis, ruinas, vastitates, & incendia, Trojanis illis calamitosiora. Pro quibus ille factis, ac pœnis talibus, quantum in amoribus antea deliciisq, Superorum & hominum fuit, Amabilis Domino, Pacificusque, dictus ; tantum posterorum deinceps in odio, detestationeq, versabitur : quippe secum, in excidium unum, presentes futurosq, trahens innumeros ; tracturus autem pariter & universa : ni misericors mea Providentia ( dicit, Rex regum, Deus) obsistat. Ego namq, ne cuncta simul eradicent, Assyrios, Babyloniosq, Reges; ego, quod hostium propè, procùlq, fremeret in Iudæã, coërcebo, differam, & emolliam. Nec id meritis tribuam Salomonis; quæ nulla, quin & potiùs in contrarium, sunt;

E 4

sed

Ruina Ieroboami.



sed Davidis patris eius, mihi grata semper, memoria. Tribuam id & Ierosolymis, sacrosancta mihi nominiq, meo, Sedi. Tribuam tandem & Christo meo, Filio Dilecto: cui, Divinitatem olim suam mortali Carne vestituro, non aliunde, volo, matrem, & educatorem, quàm è Davidica contingere familià proptereaq, Ierosolymis, & in Regia Davidica reliquis, successionem Dominantium, adusque Messia tempora, prorogari decerno. Nec desinet unquam illa Domus, seu sceptro diademateq, seu virtutibus suorum, illustris esse: quaque splendere cessabit, saltem scintillare perget: donec veniat, qui mittendus est, Expectatio longæva Populorum, Christus. Quanquam autem eatenus fautorius Davidicis sum, ut non penitus eos extinguam: Decem tamen Tribuum ab illis avulsio, fatalis eorum erit, irrevocabilisq, pœna. Iudæ Benjaminq, contiguis inter confusisq, tribubus, tanquam unâ, contenti regnanto. Ferant hoc, in gratia partem; de toto pristini dominatûs asse, possessionis unam unciam retinere posse. Tuus autem esto Deunx. nec tuus duntaxat, sed & posteritatis sanguinisq, tui. Cujus annosum diuturnumq, faxo, tam regnum, quàm Successionem: si tu, Ieroboame, posteriq, tui, Davidis esse, quàm Salomonis, similes, malueritis. Bene, de cultu Numinis, sentientibus;

Ruina Ieroboami.

tibus; benèq; regiminis habenas tractantibus: bene  
 vicissim cuncta cedent; latumq; Corona Ieroboami-  
 ce jubar, fulgore suo Davidicorum præstringet a-  
 ciem: ad Oculorum usque lividum dolorem. Quæ  
 verba, cum, ex ore Numinis, Abias auribus ho-  
 minis (nec enim cordi penitus) ingessisset: è  
 loco secretiore, declivique, tandem confur-  
 gentes, & ad suum, uterque silentes, institu-  
 tum, ac viam, digressi; non potuere non ali-  
 quâ suspicionis parte Ieroboami comitatum a-  
 spergere, rerum earum, de quibus inter se ser-  
 monem instituerant. Auxit autem conjectu-  
 ram & ipse per se Ieroboamus apertiùs; ab eo  
 tempore (sicuti multis visum est) non modò  
 de Regia tributorum exactione, sed & super  
 designatâ, per oraculum, Successione, spargere  
 voces ausus: &, hunc in modum, semina ja-  
 ctare, futuræ rebellionis; (d) longè, quàm  
 antea, profundiora: quia, Ducem, ostendebat,  
 & caput; sine quibus nulla Conjunctio pedem cer-  
 tum solidumque figit. Utrum autem & arma  
 jam tum Ieroboamus movere cœperit; etsi sint,  
 qui censeant: affirmare, pro mea parte, non  
 ausim: Divini codicis auctoritate liquidâ de-  
 stitutus. Nam, quòd eundem, etiam ante va-  
 ticinium Abie, fecisse conjurationem aper-  
 tam,

E s

Ruina Ieroboami.

tam, & adversùs Salomonem palàm insurrexissè, Torniellus ac Tostatus, sentiunt; haud scio, quàm consequenter id opinentur: utpote, quibus, è Regum historia, notissimum sit; *Ieroboamum*, antequam ab *Abia* sevocaretur, Jerosolymis, & in oculis Salomonis, imperterritum, omnisque periculi securum, egissè: digressumque posthæc, non, ut *Rebellem*, in opere *conjurat*ionis *deprebensum*, ac fugæ causâ se proripientem; sed, ut adhuc fidum Regi suo ministrum, cogendis tributis imminentem. Verùm, utut hæc gesta sint; id constat: *Ieroboamum*, ex quo, designatum se Regem, intellexit; nec refugissè tantæ rei fastigium, per modestiam saltem simulatam, & ad Saulis exemplum: ac maturitati spei suæ non obscure deinceps inhiassè: quippe, *Virum* (quod sequentia facta docuerunt) à *Conscientiæ cura*, quàm ab *Ambitionis studio*, remotiorem. Quare, diu fallere Salomonem illius cogitationes nequiverunt: nec populus, ad defectionem sollicitatus, tacere. Celeriter igitur, ex amicitia summa regis, in summum eius odium incidit. quod & in necem illius & interitum erupisset; nisi *Ieroboamus*, cognitò Salomonis in perniciem suam consiliò; fugæ beneficiò salutem

Ruina Ieroboami.



salutem in Ægypto quæssisset. quam etiam, apud Sesácum, eius terræ Regem, invenit; omni, quo Salomon supervixit, tempore reliquo, sub illius fide præsidioq; tutus. At idem, extincto tandem Salomone, minùs jam Roboamum, illius successorem, velut imbellem, ac nullius consilii virum, quàm olim patris ejus iram, veritus; in Chanaanitidem, nullâ morâ, reversus est: populóque se denuò, non, ut aliàs per cuniculos, sed palàm in circulis, & jam ex professo, velut Rex, oraculò designatus, dare cœpit. Exspectabant igitur, quotquot turbulentæ *Tribus* erant; quorsum se *Roboami* dominationis essent inclinatura principia? quorum è facie frontéque primâ constituerent, quidquam sibi consilii capiendum esset? Omnino verò, non jam *Regem* sibi (quippe, pridem animo suo destinatum) sed *Occasionem*, quærebant, sententiæ mentis aperiundæ. Cupiebant igitur, haud dubiè; Talem ut se *Rex Ierosolymorum* novus populo præberet; qualis *antiquari* mereretur, & in ordinem redigi. Nec difficile fuit, aut longum, in hujuscemodi rerum eventum intentis; ad vota sua quàm celerrimè pervenire: vulgi tumidum pectus, & vetus animorum ulcus,

Ro-

Ruina Ieroboami.

*Roboami* væcordiâ, tanquam unguibus infixis, rumpente. Cùm enim, per eos dies, recognoscendæ suorum multitudini, vœtigalibusque Salomonicis etiam in posterum urgendis, comitia regni Sichimîs haberet; urbe, Tribûs Ephræmiæ facilè tunc principe, de qua plura Decade secundâ diximus in *Abimelecho*; venerat eodem & *Ieroboamus*, à contribulibus suis evocatus: & Regi Roboamo, si difficilem ille se plebi præberet, uti certissimus Regni *subseffor*, ostendendus. Is ergò, magis memor, à quàm multis foveretur, quàm, cui paternis ex odiis inyisus esset: Roboamô coràm, & manum se populo præbuit, & linguam; omniû è Tribuum, quæ turbulentæ venerant, ore conquerens, de gravitate tributorum, ac, nisi mox ad nutum ea dependissent, atrocitate flagrorum: quæ, Salomone nuper imperitante, tolerâssent. Durò se Mosaicarum legum jugo, sed Divinitus tamen impositò, gemuisse. Saulis dein, adhuc gravioribus pressos decretis, illacrymasse: Proximi verò Regis imperatîs, omnium intolerandissimis; inter Exactiones, ac Verbera, jam vix animam traxisse. Quare sanè remitteret, ipse saltem, acerbitalis utriusque partem aliquam: ut, exhaustis argentò roborèq; clientibus, humanior aliqua, si non

Liber-

Ruina Ieroboami.



**Libertas, at Servitus, eveniret: cui se, si modò conditione secum hominum, & non belluarum, ageretur, paratos ac promptos esse. Videri debuit æqua postulatio, mortaliū, aliud nihil, quàm Tyrannidem, deprecantium: quam, in populo, minimè tunc omnium gentium barbaro, sine controversia, non decebat, ne nominari quidem; nedum grassari. Cui namque bono Pharaones, & Ægyptum, evasisent olim Hebræi: si nunc in media, Lactis ac Mellis divite, Regione, nepotes eorum rursus eosdem essent oppressores, & famem, inventuri?**

**Sed apud Roboamum, pravæ mentis virū, & infelicitati destinatū; ne post triduum quidem, in quod postulata gentis rejecerat, aliquid æquitas causæ valuit. Nam, mollia responsa suadentibus, prudentissimis quibusq; vetustissimisq; Curia Salomonica purpuratis, acquiescere dedignatus; sententiā amplexus est *Iuniorum*, & æqualium suorū, hoc est, mentis, tam impotentium, quàm indigorum: deque talium Senatuscōsulto, *Ieroboamo* populoque, statò die comitium repetentibus, asperum habitu frontis, asperiorémque verbis, ac minis, se præbet. Confessus enim, *Dura fuisse patris imperia; sua, pollicetur, alterò tantò fore***

**Ruina Ieroboami.**

fore truculentiora. Patrem, in populi terga scuticis  
 seviisse. Se verò, deligatis ad taureas, cuspidatis  
 è ferro scorpionibus, esse bacchaturum. Dictum,  
 (si quis verè rem æstimet) non modò Tyranni-  
 cum, ac Phalarideum; sed planè belluinum: ac  
 Tauri potiùs illius ærei mugitus, quàm homi-  
 nis sani vox! Quid enim? Anne rex, & quis-  
 quis in alios imperium accepit, exuere debet  
 hominem; quia privati sortem exuit? An id-  
 eò, mortalem esse se, delebit è memoria; quia  
 supra mortales nonnullos est? Idcircone capita  
 persultabit eorum, quos regit; tanquam cam-  
 pi planitiem Parthus eques? pedibus, ore, den-  
 tibus, fremitu verborum, sonitu verberum,  
 tumore stomachoque minarum; quia, se pu-  
 tat habere, contra quos insurgat; non habere,  
 qui contra se? Tu, qui talis es, ignosce mihi!  
 Non culmine dignus es, sed, vestibulo: cujus ta-  
 men fortasse nec portis adhuc præsidere pos-  
 sis; ut, quæ mitem & ipsæ requirant Admissio-  
 nem. Privatis aliquis capitibus, ac stipe corro-  
 gatâ visitantibus, dicere non audeat; quæ tu  
 cœtui, populo, multitudinibus; uti Roboamus.  
 In penetralibus, ingesta reprehensio, nocen-  
 tis etiam auribus, ac manifestè Rei; vulnerat  
 tamen, ut plurimum, ac nō tantum vellit, au-  
 rem.

Ruina Ieroboami.

rem. Quid *populo* fiet ergo ? *Pacata* quoque conciones, ac fora plebis, audiri pacatè debent : si iusta petant. Si non penitus æquo consona; clementer tamen, &, quoad ratio sinet, indulgenter. *Concitatis* autem, ac ritu maris effervescentibus, turbis, & regnis; quis, nisi maritimò more furens, concitatus occurreret ? & responsa, tanquam in scopulos, dabit ? Rupi certè rupes impingetur : & caput unum, multa brachia comminuent. Nec minuet, casu tali, dominatricis asperitatis Invidiam, & offensionem, dictum ferox, nec tamen illico secutum ferox factum ; quale sanè Roboamì verbum fuit, sine scorpionibus, *reipsa* tergum lacerantibus, effusum. Interdum enim, (ne nescias) immò plerumque, profundius, *verbum aculeatũ, quàm gladii verutivæ cuspis, intrat in hominem. Multitudinum autem, si semel eas fauciaveris, immedicabilis esse plaga solet.* Hujus Doctrinæ meæ veritatem Roboamus est expertus : à cujus insanissima comminatione confestim *Decem-Tribus* Israëliticæ, ductu quidem *Ieroboamì*, sed simul & summâ sponte suæ voluntatis, abrupère se : domoque Davidicâ, cum ignominia verborum reciproca, valere sibi soli, regnarèque, jussâ ; discessère, suam

Ruina Ieroboamì.

suam quisque domum. Mox, *Aduramum*, Quæstorem regium, quem *Feroboamo* quondam Salomon subrogârat, vetricibus colligendis intētum; quòd eâdem operâ, redigere populum ad vetus obsequium laboraret, lapidationibus exanimant. *Roboamum* regem in fugam, ac Ierosolymam suam, compellunt: Ipsi, comitiis aliis, *Feroboamum* sibi, supra tribus omnes, extra Judam ac Benjaminum, creant. Regno nomen faciunt, *Israëlitico*: tum, quòd pars Israëlis longè potissima, maximâque, se profiteretur illius esse factionis; à qua proinde, *tanquam à potiore, Titulus ac nomen peti deberet*: tum etiam; ut à *Judææ* deinceps regno, sicuti finibus, ita vocis auctoritate, discriminaretur. Hic exitus fuit Impotentis, in *Roboamo*, linguæ: bicipitis gladii more, non corda tantum, sed & obsequia suorum, dissecantis. Ac vix aliàs ulli tot *capitum* jacturâ stetit; unius *Oris* immodica libertas. Brevissimæ vocis indomitus *unus* spiritus, *Decem Imperia distulavit*.

II. Nam, nequis *Imperii* vocem, in populis illis, tam *Singulis*, quàm *Vniuersis*, plus æque grandem, ampullatamque, suspicetur: fuit *Judæa* quidem, ac *Benjamini*, terra, satis à fertilitate

Ruina Ieroboami.

tate commendata; balsamētis celebris; ac suprà, quàm pro finium suorum amplitudine, populosa: fortissimorum denique bellô virorum, abundans. Sed, si componeres *has duas*, ad *reliquas omnes* tribus: haud dubiè multùm, in plerisq; rebus, bonitate copiâq; cedens; latitudine quoque, procursûq; finium suorum, plurimùm *Israëliticis* terris *Judæa* solitaria succumbebat. Ut enim, pro majori, tum luce narrationis sequentis, tum æstimatione Regni, quod à Deo *Jeroboamus* dono tunc accepit; *Israëlitici juris* oras in conspectum compendiô semel constituam: omnes hæ quas subijciam, terræ *Jeroboami* posterorûmq; fuerunt. Cis Jordanem quidem, Tribûs Ephraimi, Dimidiæ Manassis, Issacharis, Zabuloniæ, Nephthalimitarum, & Aseris, possessiones. Ultra Iordanem autem, *dimidium* alterum *Manassis*, & Gaditarum Rubenitarûmq; terræ. Iam verò Cisamnanæ Tribus, hæc habuere regna: non omnia quidem iis ipsis, quæ proferam, vocabulîs, jam tunc insignita, cùm rerum *Jeroboamus* potiretur: progressu tamen annorum, ac temporum, eanacta. *Samariam*, inquam, & *Superiorem Inferioremq; Galileam*; *Phœniciæ Syrophœniciæq; partem*; *Amâthidem*,  
F ad

Ruina Ieroboami.



ad Libani radices ; & *Ituræam* Occiduam  
*Transamnanæ* verò *Tribus*, regionem tenuère  
*Trachonitidem* , *Husitidem* , *Bathanæam*  
*Gaulonitidem* , *Gamaliticam* , *Gerasenam*  
*Galaaditidem* , *Moabitidem* , & universam  
*Peræam*. Harum aliam alia, diversis terræ coe-  
 liquè dotibus, aut antecellebat, aut sè præ-  
 stantiorē agnoscebat. Præcipua verò *Sa-*  
*maria*, *Galilearum*, ac *Perææ*, bonitas & opu-  
 lentia; cæterarum maciem suppleverunt. Et  
*Samaria* quidem, tractu, *Galilæam* inter ac  
*Judæam* mediò, sita Regio: quantum mon-  
 tibus passim, rupibusque saltuosis, suspendi-  
 tur; tantum campestribus locis, propemod-  
 um ad æqualitatem interspersis, expandi-  
 tur. Soli, cum primis feracis, erat; & ad cul-  
 tum facillimò labore tractabilis. Sata, pro-  
 pter & ingenium telluris, & Solis potentio-  
 rem radium, repercussu montium gemina-  
 tum; haud alibi properantiùs ad maturita-  
 tem perveniunt: quippe, metentibus ple-  
 rumque *Samaritis* eo tempore, quo cæteræ  
 regiones finitimæ sationes ordiuntur. Pomor-  
 um illius celi mira tum bonitas ac sapor  
 tum, hortensium æquè sylvestriumque fru-  
 ctuum est copia. Fontium quoque rivorumque

Ruina Ieroboami.

que , quorum diductis in plana scatebris , hortorumpratorumque fertilitas adjuvetur , copia non deest. Et aquarum admirabilis , non solum nitor & claritas , sed ad gustum dulcedo ; videri potest , ad bibendum , non hominum modò pecorumque , verum & ipsius terræ , ( multis alioquin ac densis cœli fervoribus exæstuaturæ ) sitim , & aviditatem , exstimulare. Quanquam interim , non *undis* magis , quàm *lacte* , Samaritæ , carnèque pecorum , præsertim *agrestes* , beati sunt : propter multitudinem sylvarum , ac pascuorum collium , omnî passim regione bubus , ovibus , capris ; præcipuè verò , *vaccis pinguibus* & *obesîs* , opulentâ. Nam harum , præter cæterum Orientis morem , distentissimæ lacte mammæ , longè *Mesopotamicas* etiam Asiæ juvencas , & *Helveticas* Europæ boves , antecedunt. ( e ) Indè suæ fuerunt , & incolis copię domesticæ quotidiani victûs : & regibus apud subjectos , è casei butyrîque mercimoniis ad finitimos , vectigalium ac tributorum , promptius obsequium. *Urbium* porrò *Samaritarum* insignes maximè fuerunt , olim quidem , & , ab Hebræorum in Chanaan , itidem ingressu primò ; Sichima , Thamnathsára ,

F 2

Luza

Ruina Ieroboami.

Luza seu Bethel, Ephron, Acrabátane, Thebes, Ephra, Gethremnon, Narbáta, Mageddo. quæ Civitates, *tribuum* erant, *Dimidia Manassis, & Ephraimi*. Quibus adde; quæ *tribum Isácharis, & Inferioris Galilææ* fines, ac *oram Australem montium Gelboæorum* stringebant. Urbes, inquam, Bethsécam, Ramótham Cisamnánam, Tanácum, Jezraëlem quæ regum Israëliticorum postea refrigerium æstivum, ac deliciarum recessus, fuit. Omnium autem *Samariæ-regionis* urbium, antea conditam in monte Semeróne *Samariam urbem* (quæ regioni deinde toti nomen simul & jura dedit) principatum aliquandiu, primum quidem *Sichima*, quam *Ieroboamus*, magnificè restauratam, insedit: deinde *Thersa* tenuit; excelsa sita monte, non procul *Acrabátâ*, propius Orientem, ac Iordanis viciniam in ea Chanaanitidis parte, quæ *Dimidiæ tribûs Manassis*, cis amnem, erat. Nam hanc *Regiam* sibi *sedem*, illi, qui Ieroboamo Primo (\* successerunt, *reges Israëlitici* fecerant: a *Ambrinusque*, qui *Thersâ* civibus relicta sui primus ipse *novam* sibi, posterisq; suis, *urbem* erexit: cui *Samaria* primum; deinde, temporibus Herodianis, *Sebastæ* (quasi dicas, *Augustæ*)

Ruina Ieroboami.

*7a*) nomen est impositum. Nihil hac urbe, tam tum ab origine sui, pulcrius, & amœn-  
 ius: nihil adversus hostilem vim & incur-  
 sum munitius: nihil denique splendore do-  
 miciliorum, platearum, & operum, post Ie-  
 rosolymam, magnificentius, ac sumptuosius  
 eluxit. Imprímis enim, in excelsi montis sita  
 verticibus, Arx regia; circùm, & infra se, gene-  
 ris omnis ædificiorum, per clivi prona sur-  
 gentium, in coronæ modum circumductam  
 seriem, quasi munitionem, & castra, cernebat:  
 ac, tanquam è supercilio despectans suò, mi-  
 rabatur tot molium culminumque multitu-  
 dinem, atque nitorem, incredibilem. Reni-  
 debat igitur, tanquam in Perside *Susa* quæ-  
 dam; aut in Medorum montibus *Ecbátana*,  
 sic è vertice suo, Samaria. *Prospectus* quoque,  
 de summa Regia, montéque, cui Samaria fuit  
 imposita, plenus erat amœnitatis; & ad om-  
 nes Solis plagas apertissimus. Refulge-  
 bant enim speculantibus, è longinquo quo-  
 que, meridiem versùs, Ierosolymorum ora  
 montana: Ramatháque Samuelis. ad Ze-  
 phyrónotum verò, Ioppe, maritimus Philis-  
 thæorum portus. Ab occiduo dein mari, fi-  
 nes, & urbes, Antipatris, Turrisque Stra-

F 3

tonis;

Ruina Ieroboami.



tonis; Carmelus, Eliæ mons; ora Ptolemaidis  
 & ipsum universum mare Phœnicium; Soli  
 cadentis fulgurante jubare purpuratum. Ad  
 Eurónotum autem, Ephræmiorum saltuum  
 montiúmque, viridantia querceta, mulce-  
 bant oculos: & ad Septentriones, Gelboæ  
 montes, & Hermonii, longiùs iturum aspe-  
 ctum, objectu jugorum suorum opacô, ca-  
 stigabant. Iam verò domesticas urbis illius  
 ac suburbanas, delicias; quis, præ multitudi-  
 ne copiâque, percenseat? fontium, horto-  
 rum, nemorum, olivetorum, cæterarúmque  
 ventris & oculi voluptatum? Accedebat ac  
 hæc, tot vitæ præsentis bona, bonorum eo-  
 rundem, & ipsius vitæ, solers ac secura cu-  
 stodia, quoad Deus sineret: *firmissimi*, putà-  
*muri*, fossæque duplices: murorum ambitu  
 amplissimus, *viginti* nonnunquam; aliàs et-  
 iam *Octoginta*, stadiorum circuitu. Propu-  
 gnacula denique creberrimæque turres, va-  
 lidissimæ. Sed omnem aliam urbis Samari-  
 ticæ gloriam, majestatemque, post se relin-  
 quebant, ædificia, palatia, Curix, platearúm  
 que porticus; quas peregrini marmoris co-  
 lumnæ, totâ passim urbe, tollebant in cœ-  
 lum, & sustentabant supra terram. Earum  
 poste

posteris tempestatibus repertæ reliquæ ruinarumque jacentia rudera; molis, cujusmodi nusquam alibi, stupendæ plurimum, & operosæ sunt: ac loquuntur adhuc; quanta *Samarie* veteris pompa fuerit præ recentioribus, ac post illam demum excogitatis Operibus. Stabant etiamnum post circumactos, à Christo nato mille trecentos, plus minus, annos, (f) ambitu clivóque *montis Samaræ* totò, pilæ marmoreæ prægrandes; testudinum olim tectorumque fulcra: qualia vel Romæ postea, sub Cæsaribus, admirationi fuissent. Ea, qui viderunt; calamum, quo notarent hæc, habuisse se, confitentur: facundiam, quâ pro dignitate describerent illas, negant, habuisse. (g) Satis hæc, de *Samarie*. *Galilæas* nunc videamus. Harum antiquissimū esse nomen; temporibusque jam illis viguisse, quibus Hebræi, Iosuz ductu, Chanaanitidem insederunt: ex eiusdem Ducis sacro, quem in manibus habemus, commentariò docemur. Fuit autem (ut non semel est dictum) gemina; *Superior* sive *Gentium*: & *Inferior*: generatimque, pertinebat à Ptolemaidis finibus, & Carmelo monte, non ad Iordanem tantum, & Meromæum, Gerasenumque, lacus; sed,

F 4

Iorda-

Quina Ieroboami.

Iordanem transgressa, regionem etiam Gaulanitida; Gadarenam item, & Hippénem, ditiones transamnanas, sub se numerabat. Ultraque verò *Galilearum*, Libanum inter & Samariam, situ medio jacebat. Iam verò *Galilæa* separatim illa, quæ *Superior*, & *Gentium*, (ob earum viciniam ac mixturam) appellabatur; ad Libanum ac Septemtriones vergēs, Nephthalæam, & Aferis, terras, & ultra Iordanem, Gaulonitidem quoque continebat. Hujus fines, ad Aquilonem, Libanus, ac Cæsarea-Philippi, seu Paneas urbs: ad Austrum, urbs Capharnaum, & ora Zabulonix tribus: ad Orientem Solem, Iordanes, ac Meromæum stagnum, &, siquid ultrà proclinat in Arabiæ Desertæ propinquitatem: ad Occasum denique, Ptolemaidis ac Tyrriorum vicinia, censentur: eoque nomine *Phœnicēs* etiam *pars*, hæc *Galilæa*, Terrarum descriptoribus nonnullis est habita. Spatium, tam latitudinis eius, quàm longitudinis, itineris unius diei, cum dimidio, mensuram explet. In quo tamen interim terrarum gremio, *viginti* jacebant illa, quæ Tyrriorum regi Salomon, aliquotusque fruenda, salvīs Galilæorum Sacris ac Religionibus, dedit, *oppida*. quæ, quoniam, ut

luta-



*lutulenta steriliórque*, Tyrio displicuerant; *Terra-Cbábulis*, hoc est, *despecta, spurca, Caninæq;* nomen tulerunt. Ea, *Tyrios* inter montes, & *Eléutherum* amnem, sita; siqua Iosepho fides est, ad Israëlitas, eorúmque possessionem, continuò redierunt. Quæ, siue nunquam penitus ab Hiramò, rege Tyriorum, acceptata; siue post acceptationem postliminiò receptas cultores posterì, nec in sterilitate siverunt, nec in appellationis infamiâ, sedulitate culturæ suæ perdurare. (b) Quæ porrò diximus: *Superioris* erant *Galilææ* propria. *Galilæa* verò, quam, à situ tractûs, ab Arcto vergentis ad Antarcticâs Coeli plagas; aut etiam, à decliviore solo, dictam *Inferiorem* esse, suspicor: *Issacharæ* *Zabulonæ*que Tribuum terras; & ultra Iordanem, *Gadaræam*, & *Hippénam*, ditiones, sub se continebat. Quibus addas, licet, & *Mare*, quod vocabant, *Galileum*; sic appellari suetum, propter *Lacus* illius, *marium* æmulam, amplitudinem: & *Magdalum*, atque *Tyberiadem* (olim *Ceneréthum* dictam) ac *Tarichéam*, oppida maritima: cum *Scythopoli*, (cui *Bethsánæ* quondam nomen) cæterisque nonnullis vicinæ continentis urbibus. Hujus *Galilææ* spatium est, longitudi-

F 5

nis,

Ruina Ieroboami.



nis, *viginti milliarium*, latitudinis, à stagno Tyberiadis, ad urbem Zabulonem, Ptolemaidî proximam, *quatuordecim*. Univerſim autem, hoc eſt, *utraq; Galilea* (nam plerique Scriptorum, *unam* duntaxat ſine diſcrimine nominant) primùm quidem ingeniô ſoli mitiſſimô feraciſſimôque gaudebat olim. Et quoniam, præter aſſiduum, nec tamen operoſiſſimum, glebæ ſuæ cultum, jugibus fontium, ac torrentium, aquis irrigabatur : omnium generum, quæ terra gignit, lætiſſimo proventu ridebat. Non illic frumenti copiam, non vini, nec olei; non pomorum omnis ſaporis ac bonitatis, deſiderâſſes. Ipſa quoque prata, campique, quibus frumenti ſata committebantur, in morem hortorum, ac nemorum, manu conſitorum, arbuſtîs, & vitibus, ac frequentibus palmetis, interſtincta luxuriabant. Erâtque pars amœnitatis, non plebeïæ, ſed pænè regiæ; quam ſeu vernîs, ſeu meſſium & autumnî temporibus, animi cauſſâ deambulantes, aut prætereuntes viatores, percipiebant. Cùm enim creberrimæ ſtarent, in quinquecuncem diſpoſitæ, *palme*; daſtylis, ſæpe jam maturîs, gravidæ, comisque ramorum flacſcentibus pendulæ : nunc quidem umbrâ gratiſ-

gratissimâ , ponè se gradientes, tegebant, ac refrigerabant: aliàs autem, in folia flagellâq; *palmarum* Zephyrîs aut Eurîs influentibus, frementium ventô ramorum delicatissimus, ad concrepationem foliorum, susurrus aures illabebatur, ac permulcebat. nares autem, hiantium sensim & apertorum, præ maturitate, *dactylorum*, dulcissimus juxtâ nobilissimûsque pervadebat odor; corpori pariter, animoque refocillando, penetrabilis. (i) Ad summam! *Galilei* tunc ruris tanta benignitas erat: ut nunquam agricolæ suo, quævis in vota, sua fertilitas deesset: & ideò vicissim, nec agricola, parti telluris ulli, percolendæ. Quo fiebat, ut portio soli *Galilei* nulla, vel à frugibus vacaret, hortensibûsve plantis, vel ab arboribus, atque pomis: vel à pecore denique, vilaticisque pastionibus. Et talis quidem, *Jeroboami* tempore, diûque postea, *Galilæa*, fertilitate fuit. Indoles autem feracitatis, eadem nunc quoque, suis in reliquiis, etiam post illatam à barbarie Mahometanâ vastitatem, siqua testibus oculatis fides est, perennat. (k) Cæterùm, eâ ducti terræ clementiâ, pinguedinéque glebæ, *Galilæarum* incolæ; sic universum spatii solum, jam antiquitus, occuparant:

ut non

Ruina] Jeroboami.

ut non modò nihil inculti quoquo modò fundi, sed nec *habitatione* destituti, relinqueretur. Quo factum erat; ut vico vicus, pagòque pagus, & oppidum oppido, conneſceretur: viderique quodammodo *Galilea* (præsertim *Inferior*) non, ut erat, *Regio*, sed *una* quædam *Vrbs* ingens, *Civitas*que, posset. Quòdque magis admirarè: tectorum, habitationumque, multitudini, non respondebat modò, sufficiebátque, civium & habitatorum frequentia; sed etiam plurimùm superaffluebat: quippe, conjugiorum, præ cæteris omnibus *Syriæ* populis, insignissimâ quadam fœcunditate, tanquam prolis æstuariò quopiam, exundante. Vix, in hodierna mundi mortaliùmq; raritate, fidem inveniat, quod dicam. Sed dicam tamen, cum *Flavio Iosepho*, *Galilææ* quondam rectore; cum *Hegeſippo*, sanctissimæ fidei vitæq; viro; cæterisque, quibus, id ex his exscribere, cum *Adrichomio*, placuit. Eorum hæc est narratio. Cùm essent in *Galilea*, jam paullatim defluente, multisq; post Christum jam cœlò receptum, annis; adhuc oppida pagique *quatuor & quadringenti*: nullius tamen, ne pagi quidem, tantam fuisse solitudinem aut infrequentiam; quin, in bel-



in bella, *quindecim* exercitativissimorum *millia* colonorum emittere posset: *censendâq;* civium utriusque sexûs *vicies mille* capita, de suis incolis, præbere. Fuerunt autem hi, nequaquam ignavum, aut imbellem, vulgus: sed, propter assiduos Syrorum, Phœnicum, & Arabum finitimorum, assultus, à puero militiam, tam docti, quàm experti. Quinimmo, ne *mulieribus* quidem, nisi *virilis* ac *Martius animus*; proli, cum mamma simul, bellicos stimulos, & audaciæ disciplinam, instillabat. Quare, tantâ quondam, tum populositate, tum armorum nobilitate, gentis illius, per Orientem celebratâ: non est, quòd nostrum quisquam erubescat ex eo, quòd *Christianos* à defectore Juliano Cæsare, *Galileos* legat identidem appellari suetos. (l) Nos enim, tantùm abest, ut pudore vox illa suffundere debeat: ut eam in trophæis potiùs, palmariaque gloriæ parte, ponere deceat. *Galileus* enim erat, qui mundum universum, & simulacrorum insanum cultum, oppugnavit, *Petrus*, Ecclesiæ petra. *Galilai* Joannes & Jacobus, Zebedæi filii; Solis alter Orientis, alter Occidentis, doctores. *Galilai* fuerunt, Apostolorum cæteri, mundi lumina: *Galilai*, Discipulorum pars maxima, si non

Ruina Ieroboami.



ut non modò nihil inculti quoquo modò fundi, sed nec *habitatione* destituti, relinqueretur. Quo factum erat; ut vico vicus, pagòque pagus, & oppidum oppido, connecteretur: viderique quodammodo *Galilæa* (præsertim *Inferior*) non, ut erat, *Regio*, sed *una* quædam *Vrbs* ingens, *Civitas*que, posset. Quòdque magis admirarè: tectorum, habitationumque, multitudini, non respondebat modò, sufficiebátque, civium & habitatorum frequentia; sed etiam plurimùm superaffluebat: quippe, conjugiorum, præ cæteris omnibus *Syriæ* populis, insignissimâ quadam fœcunditate, tanquam prolis æstuariò quopiam, exundante. Vix, in hodierna mundi mortaliùmq; raritate, fidem inveniat, quod dicam. Sed dicam tamen, cum *Flavio Josepho*, *Galilææ* quondam rectore; cum *Hegesippo*, sanctissimæ fidei vitæq; viro; cæterisque, quibus, id ex his exscribere, cum *Adrichomio*, placuit. Eorum hæc est narratio. Cùm essent in *Galilæa*, jam paullatim defluente, multisq; post Christum jam cœlò receptum, annis; adhuc oppida pagique *quatuor & quadringenti*: nullius tamen, ne *pagi* quidem, tantam fuisse solitudinem aut infrequentiam; quin, in bel-

in bella, *quindecim* exercitatissimorum *millia* colonorum emittere posset: *censendâq;* civium utriusque sexûs *vicies mille* capita, de suis incolis, præbere. Fuerunt autem hi, nequam ignavum, aut imbellem, vulgus: sed, propter assiduos Syrorum, Phœnicum, & Arabum finitimorum, assultus, à puero militiam, tam docti, quàm experti. Quinimmo, ne *mulieribus* quidem, nisi *virilis* ac *Martius animus*; proli, cum mamma simul, bellicos stimulos, & audaciæ disciplinam, instillabat. Quare, tantâ quondam, tum populositate, tum armorum nobilitate, gentis illius, per Orientem celebratâ: non est, quòd nostrum quisquam erubescat ex eo, quòd *Christianos* à defectore Juliano Cæsare, *Galileos* legat identidem appellari suetos. (l) Nos enim, tantùm abest, ut pudore vox illa suffundere debeat: ut eam in trophæis potiùs, palmariaque gloriæ parte, ponere deceat. *Galileus* enim erat, qui mundum universum, & simulacrorum insanum cultum, oppugnavit, *Petrus*, Ecclesiæ petra. *Galilei* Joannes & Jacobus, Zebedæi filii; Solis alter Orientis, alter Occidentis, doctores. *Galilei* fuerunt, Apostolorum cæteri, mundi lumina: *Galilei*, Discipulorum pars maxima, si non

si non coetus universus : ille præsertim, de quo cum admiratione, die *Pentecostes*, exclamatum est; *Nūquid non, ecce, quotquot peregrinīs hic linguis fantur, Galilæi sunt omnes? Galilæus item, (educatione saltem;) Rex Regum, DEI Filius ac Mariæ, Christus J E S U S; Sæculorum omnium Imperator, & ab Galilæis oriundus. Quô proinde titulô, nec ipse fraudatus est ab Apostata Cæsare; cū illi nebuloni sacrilego, vel invito, confessionem expressit: ut, sauciatus in mortem, & in coelum jactans cruorem, quo volam manūs impleverat, exclamaret; Vicisse, Galilæum, vicisse! (m) Denique, Galilæum dicere J E S U M Nazarenum (si controversum adhuc foret, juréne sic appellandus esset) à magisterio quoque possemus; causâ non minore, quàm, quâ Nicolaum, Myrensem dicimus, qui Pataraeus tamen fuit: Aurelium Augustinum, doctorem Hipponensem; qui Tagasteus erat: Antonium, Paduanum; cui patria tamen Olysippo fuit Lusitanica: quòd hi, quos diximus, eadem illa loca, disciplinis quilibet suis, ac sermonibus, erudiissent. Hoc eodem igitur jure, quo quis optimo, Galilæus & Christus fuit: qui quadringentorum & quatuor, uti dictum est, oppidorum, castellorum, & villarum,*

larum, pagorúmque, lustrator assiduus; universam *Galilææ* regionem, *bis* intrà triennii spatium indefessè peragravit: Evangelicísque doctam Institutionibus, ac morborum omni genere liberatam, non generatim tantummodo, sed vikatim, & ostiatim, denique per singulos, *totam* permeando Regionem; *Episcopis* nostris, eorúmve *vices obeuntibus*, in hoc, exemplum documentúmque sollicitæ percurfationis ovilium suorum, ac *diœceseon*, transmisit, atque proposuit. (n) Si *Galileus* ergò *Rex* *no-*  
*ster*, & *Angelorum*, multis, ut dixi, nominibus est; & *Galileus* quidem *Victor*, ac *Triumphator*; ne *Christiani* nos hac voce, sed Apostata potiùs *Julianus*, erubescat: quippe, qui, se *Thracem* ac barbarum *origine*, religionibus autem, ac *factis*, *Græcum*, fateri compulsus (o); dignus non est habitus; qui de *Galileis*, vel ortus esset, vel oriundus. Sed hoc nos, de *Galileis*, eiúsque gentis dignitate, per *digressionem* hactenus exsecuti simus; nec *utilitate* fortasse, nec *pietate*, cassam. Recognoscere namque, decorum est, & expediens; à quibus originem traxeris, etiam *sanguinis*: quantò magis, *Sacrorum*, atque *Cœlestem*? Atqui nobis, quotquot *Christi* nomine censemur, *Salus* quidem ex  
*Judeis*

Ruina Ieroboami.



*Judeis est (p): promulgatio verò Salutis, è Galileis. (q)*

Superest nunc, ut aliquid & de *Perea* dicam. Regione trans Iordanem. Ea juris & ipsa *Jeroboamici* tunc est facta: quippe, *Manassæis* transamnanis, & *Gaditis*, *Rubenitisque*. *Roboamò* desertò, se factioni novi Regis adjungentibus: ut *Casus* unus idémque, quo pro lapsu propinquiore *Roboamo* terras abstulerat, eodem traheret in mali societatem, etiam remotiùs constitutas. Igitur *Perea*, quæ memorabiliorum *Israëlitici regni* terrarum dignitatem *terciam* obtinebat; ultra Iordanem, u dixi, fluvium est; è regione *Nabathæorum*, & *Arabum-Vagorum*: de qua dictum aliquid etiam in *Decade* proximè superiori, meminisse possumus; cùm *Agarena* Gentis *Ruinam* ingrederemur enarrandam. Hæc, à *Pella*, (quæ finium erat *Dimidiæ Tribûs-Manassææ*, trans Iordanem, urbs) ditiones suas orditur: & ab *Aquilonis* plagis, in meridiem, spatiò *longitudinis*, excurrens; castello tandem *Macheruntæo* terminatur. Id castellum, in ora *maris Mortui* Septentrionali situm; supra *Jordanis* ostium, infrà balneas regias, & *Callirrhœon* eis montes *Abaræos*, attollebatur. *Latitudo*

ver

verò regionis, ab Ammonitarum, ac Philadelphix finibus, qui sunt ad Orientem, porrigitur; ad Jordanis usque ripas. *Longissimam* itaque, neque modicè *latam*, constat eam esse terrarum amplitudinem: idque nec illi quidem, qui cæteroquin infamarunt eam à durioribus agrorum ingenio, negaverunt. Et quidem, *asperiores* eam esse Samariam Galilæaque, crebrioribusq; solitudinibus interpolatam; nunquam inficias iverim. *Spatiosior* interim, utraque terrarum illarum; non modò singularum, sed fortassis etiam universim dimensarum: ne fertilitate quidem, tota destituitur. Viderunt eam in Peræa felicitatem soli, Rubenitarum, ac cæterorum, trans Jordanem, Hebræorum majores: qui Mosen, in procinctu Terræ Chanaanitidis occupandæ constitutum, non sine causâ, maximâque spe, passionis opimæ, sollicitatione pæne præproperâ fatigaverunt, ac tandem exorârunt: ut illic liberis suis, & uxoribus, atque gregibus armentisque, conquiescere liceret; & colonias instituere: quoad, bellò confectò Chananæo, victores & ipsi, suis se denique familiis agrisque restituerent. (r) Ac sanè, Peræa *terra* multis in locis *mollitiem, mitèq; fructibus*

G

inge.

Ruins Ieroboami,



*ingenium*, non defunt, qui verbis exquisitis extollant. (s) Hi narrant; Campos illic jace-  
re, varii generis stirpibus uberes: clivis item,  
ac vineis, & *palmarum* ordinibus, hilares, & op-  
timos. Jugibus quoque fontium rivorūq;  
decurfibus, è montium petrosis cavernis, ir-  
rigari, perluīque. Quare, nihil agris illis, &  
hortis, à mensibus æstatis, etiam flagrantissi-  
mis, officii, quò minùs fructiferi prorumpant:  
siccitatem à *cælo*, corrigentibus è *terra* gremio  
perennibus aquis. Et hæc de *Galileis* duabus,  
*Samaria*, *Peraâg*, dicta sufficiunt. quæ sint  
argumento; Quàm dives, ac locuples, univer-  
sum *Ieroboami* regnum fuerit. quàm item ab-  
undans virorum etiam, militarisq; roboris;  
utpote, quod adversùs Abiam postea sub u-  
nius prælii casum *octingenta* dare millia va-  
luerit. (t) quantum item, in *Roboamo*, verbo-  
rum *precipite*, fortunarum suarum casum *Da-*  
*vidæa* Domus adierit; has tam opulentas *Ter-*  
*re-Promissæ* regiones, sub unicum temporis  
punctum, amittendo. Nam *Galilææ* quidem,  
vel solius, & populi tunc multitudinem, &  
terrarum ubertatem, haud scio; Regesne qui-  
dam, nostratium etiam temporum, permuta-  
re suis, spatiò quamvis decuplò capaciori-  
bus,

Ruina Ieroboami.

us, terris detrectarent. *Nec enim, quàm amplè, atq., sed, quàm opulenter, ac populosè, regnes, interest. Potentiâ, non spatiis, Imperia censentur.*

III. Tam florens autem *Israëlitarum Regnum*, cui promissa fuerat à Deo summæ potestatis eternitas, si secundum Dei leges ac præscripta sese composuisset; tametsi post *Davidicum* principatum demum coeptum: ante finitum tamen eorundem dominatum, turpiter, & ad incitas, expiravit. Nec valuit ultra ducentos, quinquaginta quinque circiter annos (u), suæ durationis, ægrè pendentem, spiritum ætatémque proferre. Causa Ruinæ Regni, Ruina fuit (ut semper esse solet) *morum, & Religionis & disciplina.* Ruinæ verò *morum* acríq; cultûs, origo facilè princeps, tum *Reges* fuerunt, tum *populus*; ad Regum suorum templa fictus atque compositus. Inter Reges utem (qui novemdecim omnino fuerunt) princeps omnis mali, qui princeps novæ dominationis, *eroboamus*, nominis huius *Primus*, fuit; populo juxta regumque funesta clades. Quo proinde titulò, per plurimas historiæ Sacræ paginas, odiò plusquam Vatiniano detestabilis, effimè semper audit: ut, QVI PECCARIT, ET PECCARE FECERIT ISRAELEM. Hoc &

G 2

viven-

Ruina Ieroboami,



viventi quondam, & postea, vivis expulso, maledictum justissimum, ad usque ravim, ingeritur: dignus talî, virtutis omnis ac Pietatis conculcatore, *Pœan!* (x) Fuit autem Impietatis eius istud, quod dicam, initium: isti gradus, ac progressus, quos summâ cum fide referam. Cùm esset naturâ consuetudinêque longâ functionum honorabiliorum, non parùm ambitiosus, *Jeroboamus*, ex eo jam tempore, quo regius esse Quæstor, exactorque, sub Salomone, cœperat: ad altiora quæque sibi, per fas nefasque, sine discrimine, constituerat, enitendum esse. Jam tum ergo profundè descenderat illius in animum, quod Euripides multò post, *alienâ* sub personâ, Græcîs, Iuliusque Cæsar Dictator, sub *sua*, Latinis versibus, expresse runt; SI VIOLANDUM JUS SIT, REGNANDI GRATIA VIOLANDUM ESSE: CÆTERIS IN REBUS, PIETATEM ESSE COLENDAM. (y) Talis igitur cùm esse *Jeroboamus*; irâ postea, (sicuti dictum est) infensis diis Salomonis, propter supremæ dominationis affectationem appetitus, profugit in Aegyptum: ibique temporis haud exiguo spatiô commoratus, hospitium sensim in familiarem, ac patriæ proximam, consuetudinem

nem sibi converterat. Scimus verò, plerosque mortalium avidos esse novitatum; ac studio visendi peregrina duci pertrahique: Paucos autem mentis ita firmæ, propositique tam in bono tenacis, novimus: ut non alieni soli facilius vitia, quam honestatem, induant; indutaque secum in patriam reportent. In hunc modum, Tiberius olim, è Rhodio secessu, vix aliud, quam Græcæ Asiaticasque libidines, hausit; Iulianus, ex Athenarum & Græciæ reliquæ peregrinatione, magorum commercia, pruriginemque resiliendi: patrum autem, avorumque nostrorum, memoriâ, Cranmerus Anglus, & Anna Bolenia, Germanicis & Gallicanis ab excursibus, sectarum scabiem in patriam secum revexerunt. Nostrâ quoque tempestate, quam multi juvenes, & ingenia prælustria, magnas in spes lustrare Gallias, Italiam, aliâque trans Alpes & Oceanum, loca jussi; solâ mne morum aut sanctitatem, aut civilitatem, aut eruditionem, artésque liberales; ac non potiùs, mala mixta bonis, civitatibus penatibusque suis referunt? fiuntq; pravarum artium, quas peregrè collegerunt, prius domi doctores, quam foris insignis alicuius Scientiæ discipuli? Quò fit; ut in eorum gregem

G 3

ac cen-

Rhina Ieroboami,



ac censum frequentes incidant, quos à multa  
*sed moribus saepe noxiâ, peregrinatione,* Campen-  
 sis asceta religiosissimus infamat. (2) Quod  
 genus incommodi si contingere solet ex iis  
 quoque regionibus urbibusque; quibus ta-  
 men adhuc Sacrorum ac Religionis, aut sa-  
 nus est per omnia Status, aut reliquæ certe  
 sanitatis: de corruptissimis, tum vitâ, tum o-  
 pinionum errore, terris, quid spei superesse  
 possit; ad mentem bonam, vel formandam il-  
 lic, vel conservandam? Atqui terrarum viz  
 ulla tunc, & antea quoque posteaque, pa-  
 erat, aut similis, Aegypto; tum superstitionum  
 morumque, tum Deorum, quos Aegyptii sibi  
 confinxerant, absurdissimâ fœditate. Nam  
 que Numina sibi, non è *cælo* tantum ac fide-  
 rum imaginibus, ut aliæ gentes; sed (quod ne-  
 fas) è *cæno* quovis, & paludibus, & hortorum  
 trivialibus plantis: quin &, è ferarum ac ser-  
 pentium obscœnis latibulis; è fimeto deniq;  
 stabulisque devocabant. Ex his *Divinitaten*  
 sibi *multiplicem* componebant: nec profun-  
 diore poplite Dei *tonantis* majestati, quàm pe-  
 cudis *mugientis* querelæ, procumbebant. Nam  
 inter cætera gentis illius Numina boves-fœ-  
 mine, potissimum, *Isidi* sacrabantur; Dearum  
 qu

Ruina Icroboami;

que reverentiâ colebantur; eò, quòd & *Isidem* ipsam aliquando *vaccam*, & tamen summi *Jovis amicam*, fuisse, persuasum habebant. (Aa) Erat apud eos præterea, principe (si Superis placet) ac præsentissimâ Divinitate, masculi sexûs bos, *Apis*: quem & *Serâpin* *Sarâpimve* Latini, Græcique, vulgò nominabant, & *Schorappim*, Hebræa gens; à *facie bubulâ*, vel *vitulinâ*. (bb) Bos iste, *vivus* erat, & tam è *Vacca*, quàm omnes alii *Boves*, non autem ortu cœlesti, progenitus: corpore pleròque niger; albâ fronte; dorsò maculâ candidâ notatus: geminatis caudæ pilis: cuius linguam canthari, seu scarabæi stercorarii, nigrans effigies inscribebat. Hic *Aegypti Deus* erat, *Apî* suffectus regi: mirumque, ni *Josepho Proregi*; *facili lubricâque Josephi litterarum*, in *Josâpin*, & hinc iterum, in *Apin*, transversione. Nam, ab illo Rege se ferebant, immensâ quondam annonæ penuriâ sustentatos. Unde mortui memoriæ templum, in urbe *Memphicos*, institutum; *Bovem* nutrire *vivum*, perpetuûs sæculis cogeatur; tanquam (post sublatum jam olim *regem Apin*) vicarium nunc *Apin* alterum, omnium adhuc præstantissimum terræ cultorem, famisq; medicum. Quo factum erat;



erat ; ut & nomen ei communicarent, quod rex *Apis* habuerat : & Divinitatem insuper vivam præsentemque, quam rex ille mortuus, & absens, habere non poterat, aut exhibere. Cæterum huic, tam ridiculo *Deo*, providentiam etiam, ut Numini; præfagia præterea, responsaque, tribuebant Oraculorum : non eiusmodi, qualia Delphorum Apollini ; vel Dodonæis quercubus, aut Columbibus ; vel antro Genii Trophonio ; vel arieti demum Jovis Ammonio (*cc*) ; qui nempe, per Sacerdotes, mares fœminasve, vel ipsosmet, intra simulacra, Tartareos spiritus, vocem mittebant. Sed Aegyptii Deum suum Cornupetam, alio longè, *bobus* familiariore, promptioréque, loquendi compendiò, venerabilem faciebant : dum eum Oracula fundere talia, contendebant ; qualia Samaritani vel Helvetici boves quotidie promunt : *aperiendò* nimirum, aut *avertendo*, coram sciscitantibus, ore. Dicitur mirum, ac, propter mortalium illam cæcitatem, miserandum ! Ut quisque, seu regum principumque, seu privatorum, super eventu suscepti consilii negotiique, venisset interrogatum ; *Ecquid propitiis Diis aggressuri rem forent ?* pabulum consultor suapte manu porrigit.

Ruina Ieroboam.

rigebat *Api* bovi. Qui si porrecto, jejunum os iniecisset; & avidô rictu satiatâ gulâ, palearia tandem, cum mento cervicéque, submisisset (quô sanè modo passa plerumque pecora submittere consueverunt) nimirum, *Annuere* sciscitatorum votis, & *Addicere*, credebatur: discedebátque, qui futura scrutatus erat, haud aliter à *silente bove*, quàm ab ipso, secundissima locutô, *Fove*. Sin autem, (ut saturis contingit) averfatus alimentum; ore clausô, vel in diversa flexô, persisteret: *Obnuntiare* visus, interrogantem, tanquam funesti conatûs damnatum, rebus suis diffidentem, tristémq; dimittebat. Et fuère sanè, quibus, in utrumque, diversitas eventuum, è negotii successu, fidem Oraculi conciliârit: sive, quòd Fors & casus aliter in humanis tunc ludere nequissent: sive, quia de composito, suam interponentes operam, vafri Cacadæmones, uti Numinis opinionem bovi stabilirent; rerum exitus, ad *Bovis Apis*, seu pastum, seu jejunium, attemperabant: coelestî verôq; Numine, justis de causis, ad pœnam & incrementum dementiæ superstitionum, id ludificationis genus permittente. Cæterum, ne Seniô tandem deformior, contemptiôrque, DB u s hic

G 5

præ-

Ruina Ieroboami.



præclarus Aegyptiorum, fieret: non sinebatur, ne *bubula* quidem *vita* naturale spatium, nedum *Deorum immortalium ævum*, implere: sed eum, certis exactis, hoc est, *adoleſcentioribus* annis, educum templo ſuô, maximâ proſequentium populorum religione, pompâque, mittebant in *Neptuni Nereidumque cælum*; id eſt, in *Mœridis-ſtagnum* vicinum, aut *Mæoticam paludem*: quæ, Lyco flumine connexa Mœridis lacui, propior eſt Aegyptio mari. Sic autem, antiquitus traditô more, demerſum *Deum* ſuum, (haud dubiè miſerum, ac miſerandum) Aegyptus omnis, indiſtô juſtitîô, tanquam ipſomet extinctô Jove, deflebant. Scindebant veſtimenta: capillos laniabant: habitu lugubri, lamentantésque, circumibant; nec ad ulla priùs, ſeu domeſtica, ſeu forenſia bellicâq; negotia, revertebantur: quoad, ubicunque tandem regionum, *boſ alius*, priori per omnia ſimilis, inventus; in *Apis* ſubmerſi nomen, ac templum, & in omnia Divinitatis jura, cooptaretur, atq; ſuccederet. Tunc enim, ſolutô tandem juſtitîô, poſitôq; luſtu, tota gaudiô difflebat *Aegyptus*: dubiûmque populis aliis, ſuperſtitionum talium intactioribus, faciebat; *Aegyptiine ſtupidiores in divinis,*

Ruina Icroboami,

*divinis, an eorum boves, essent? Sed super hōc*  
*Api* nos aliquid etiā alibi, circa Decadis hujus  
medium, *Cambyſis in Ruina*, memorabimus:  
ideoque finem, hoc loco, narrationis eius fa-  
ciemus. Illud tamen prætermittere, pæne re-  
ligioni fuerit: Apud Aegyptios, poſteris ma-  
ximè tempeſtatibus, & exſtructā jam Alexan-  
driā, geminum fuiſſe, *nominis ejusdem*, ſed *di-*  
*verſiſſimi generis*, *Apim*, aut *Serapin*. Quod diſ-  
crimen qui non obſervârunt; in errores ſub-  
inde foedos prolapſi ſunt; quos effugient uti-  
que, qui, quæ ſuperaddam, legere non dedi-  
gnabuntur. *Apis* igitur *Memphiticus*, idēque  
vetuſtiſſimus; *Jeroboami* jam temporibus, im-  
mò *Moſis* etiam, & *Aaronis*, *ille fuit*; de quo nar-  
ratum eſt hucusque: bos, inquam; & vivus, &  
oracula, voracitate ſuā, vel abſtinentiā, redde-  
re conſulentibus, exiſtimatus. Et hic bos, *Se-*  
*rapis* quoque, propter eam, quam ex Hebræis  
attuli, rationem, appellabatur. Colebatūrque  
multis à ſæculis, in Aede; quam ei *Memphis*  
urbs (*Cairum*, & *Alcairum*, hodie nominamus)  
erexit. (dd) At, longè poſt *Jeroboami* ſæcu-  
lum, *Alexandriæ* (quam Magnus Alexander  
demum, & urbem fecit, & urbium Aegypti  
caput) floruit *Apis* alius; quem uſitatiùs *Serā-*  
*pina*

Ruina Jeroboami.



*pim* nominabant. Hic, non vivus, sed *simulacrum*; nec in *bovis*, aut vituli, sed *hominis gigante* formam, effictus: ex omni metallorum, figlinæ, lignorumque, quin & gemmarum, pistillis contritarum, genere mixturæque (*ee*) compactus, adstabat: proceritate corporis & vastitate molis tantâ, quantam, vel Rhodius aliquando Colossus, vel Statua Semiramidis, habuisse perhibentur. Nam, extensis utrimque manibus, in longitudinem: dextrâ, templi sui parietem unum; alterum, lævâ contingebat. *Thorax* item eius, ingens (ut & cætera, pro cuiusque proportionem, membra) non in statua tantum ipsâ, temploque; sed foris etiam, in domorum parietibus, fenestris, portis, vestibulis, expressus; admirationi spectantibus, venerationique dementibus, erat. Omne denique *Serapidis* corpus, in Herois quandam, sed portentosam, majestatem efformatum erat. quam membrorum amplitudinem, proceritatisque vastitatem, suis in statuâ, etiam Hadrianus postea, Julianusque, Cæsares, (ô delicias absurdas!) adamaverunt. (*ff*) Sed hujus *Statue* demum, Imperante Theodosio Majore, subruta, membratimque concisa, *Divinitas*, in murum, inde prorumpentem, exercitum,

Ruina Ieroboami.

*citum*, & in fumum, subiectis ignibus, exspiravit. (gg) *Divinitatem*, dixi. Non enim, uti *bos Apis* Memphiticus, ore, vel comedente pabula, vel repudiante; sic *Alexandrinus Serapis*, Oracula fundebat. Nam hic posterior, intra Simulacri viscera loquente Sathanâ, signa dictabat quædam, ac *Symbola*; quibus homines, immixtis Cacodæmonibus, exagitarentur. Idem ipse, sibi supplicantes docuit, modos illos, & effingendi rationes; quibus, in bruta transformati *Diaboli*, mortalium in corpora facerent impetum: eaque cum primis insiderent, quibus Venus, & epulæ delicatiores, cupidinem excitarent, ventremque saginarent. (bb) Quæ cuncta, Numinis aliquam præseferebant, aut impiam æmulationem, aut sacrilegam existimationem, in hoc altero, vel *Api*, vel *Serapi*. Plura verò super hoc *Idolo*, cognitu fortassis haud injucunda, cum proferri possent; ea consultò nunc prætermittimus; utpote copiâ narrationis, minùs necessariâ, locum hunc, qui *Jeroboamo* debetur, oneraturâ. Quapropter ad priorem illum *Apin*, id est, *Bovem vitulumve*, pro Deo cultum, regredimur: quem tamen etiam ipsum, simulacris interdum, materiæ metallivæ non ignobilis, expri-

Ruina Ieroboam.

exprimi consuêſſe; ſequentia docebunt. Pri-  
mum enim omniũ, Hebræi veteres, in Arabiæ  
deſertis petroſiſq; lociſ vagi; dum in Orébo  
monte, Tabularum legiſ cauſſâ, cum *Angelo*  
Deoque moram trahit *Mofes*: in ſeditionem  
verſi, fratrem Moſiſ, Aaronem aggreſſi ſunt;  
*FAC nobiſ*, ajunt, *DE OS!* non utique DEOS,  
cujus generiſ, ac formæ, noi Abrahamuſ no-  
ſter, ac Moſeſ, dictârunt; qui videri tangique  
non poſſunt: ſed, qualeſ in Aegypto nuper,  
pretioſiſ expreſſoſ ſtatuîſ, videbamuſ. *FAC*  
*DE OS nobiſ; qui ductu noi auſpiciîſq; ſuiſ in Cha-*  
*naanitida regionem præcedant.* Collatiſq; mu-  
liebribuſ ex auro ſpintheribuſ, & aurium ap-  
pendicibuſ; efformatuſ eſt, opere *fuſoriô*, VI-  
TULUſ, ſeu Boſ *junior*, AUREUſ: &, in colu-  
mnâ ſublatuſ, adorationi propoſituſ, eîque  
palâm, vocibuſ iſanîſ, acclamatuſ; *HI*  
*SUNT, IſRAEL, HI SUNT DI TUI!*  
*quibuſ educentibuſ, Aegyptumeſ egreſſuſ!* Nimi-  
rum, in Aegypto viderant hi ſacrilegi, non  
*Api* tantum animato, ſed & animâ caſſiſ ima-  
ginibuſ eiſ, ac ſimulacriſ, genua poni; vota  
nuncupari; fortunæq; ſecundioriſ omnia be-  
neſicia, concorditer in acceptiſ referri. Quid  
multis? Hinc VITULUſ exivit ille; cujuſ  
adora-

Ruina Ieroboami.



adoratio, *viginti trium millium* obtruncatorum hostiâ stetit (*ii*). Hoc pretium, Israëlitis illis priscis fuit, habitatæ, per annorum centurias aliquot, Aegypti; conspectiq; , cum sacrilegis suis cultibus, *Serapidis-bovis*. cujus postea, gens hæc, in impia simulacra pruriens, ne tunc quidem excutere memoriam potuit; cùm à cervicibus Aegyptum ipsam, ejusque ferreum ergastulum, jam excussisset. Placuit malè feriatis, posteaquam famulari desierant *hominibus*, servire subinde *vitulis*, hominum alimentis: & brutorum imaginibus, quæ multum infrà boves, & homines, erant. Revocavit autem, posthæc, majorum suorum hanc insaniam, *Jeroboamus*. Cùm enim, (ut sæpius jam memoratum est) esset in Aegypto profugus, & exul; Sesáci regis opibus, ac precariò, sustentatus: dubitari non potest; quin *Apin*, & *virum*, & *effictum*, prope quotidie, non conspexerit modò, sed paullatim etiam revereri cœperit: ac tandem, & multitudinis adorantium exemplò provocatus, & profani regis auctoritate pertractus, pariter adorârit. Homo nimirum *Jeroboamus* erat, pravè callidus; ac, temporibus, regumq; gratiæ, quàm Uni Veròque Deo, servire studiosior. (*kk*)

Post.

Ruina Iereboami.



Posteaquam igitur, morte Salomonis, restitutus in patriam, & factione partium evectus in regnum; *Sichime* sibi regiam sedem, & *Pbanuëla* munitissimam arcem (11), constituit: parùm tamen hæc ipsa præsidia firma sibi suisque duxit, ad imperii stabilitatem; nisi Numinis quoque cultum immutaret: & ab omni *Ierosolymorum* cogitatione populi studia deduceret. Quid enim alioquin futurum aut, quem rerum suarum vel statum fore, vel exitum? Lege *Mosis*, robur omne masculinum ter quotannis evocari *Ierosolymam*; ad statuta Numini sacrificia peragenda. (mm) Tantâ, tot vicibus, ex omnibus *Israëlitarum* finibus, atq; terris, in unum coiturâ plebe, peregriniqu; juris templum celebraturâ multitudine virorum; quin & plerumq; mulierum, via sociarum: quotumquemq; non, religionis, ac Sacrorum, reverentiâ; quin & nudâ solius etiam basilicæ majestate, Psalmorumque populofo concentu, stupefactum, & in *Salomonis Davidisq;* memoriam revolutum, iri? Quotumquemque tunc non versaturum ista secum; Hæc fecerunt hæc posuerunt, illi: quorum imperium, à Deo delatum alteri, diuq; saltem approbatum ac toleratum in altero, nos excussimus? Nonne, quemadmodum defectione nuperâ, cum invidia novæ familiæ, con-

57

Ruina Ierobeam.

tra veterem familiam regiam, succlamatum fuit; Quæ nobis pars in Davide? vel, quid hæreditatis in filio Jessæ? sic, è diverso, majore pro gloria Domûs regalis antiquatæ, recentibus, ac per tumultum intrusis, Regulis, obstrepetur; Quid nobis cum Ephraimitis? quid negotii, vel rei spei-ve, cum filio Nabati? filio mulierculæ Sarvæ? regum antiquæ-nobilitatis ministro numerario? questuræ palatinæ, minùs aliquantulò, quàm lictore, servòq; lorariò? Quidni redimus igitur il-luc, unde digressi sumus? Et, si serviendum Regi-bus est, tribûs illius regibus subjacemus; cujus neq; de manibus unquam sceptrum, neque de fe-more Dux, auferetur; donec veniat, qui mit-tendus est, rerum perditarum Instaurator? (nn)

Finge verò; non dicturos hac eos, neq; cogitatu-ros ultrò, qui de meis ditionibus Jerosolymam convola-bunt: ecquid etiam accedere sic, aut recedere, pote-runt; quin illo toto, quod illis præscriptum est, Azy-morum panum octiduò, cum Jerosolymitis civi-bus, cum Juda, cumq; Benjaminis, tribulibus, cum hostis denique mei juratis clientibus, sermones, mensas, commercia, misceant? Quibus sanè con-ventibus, mei, quod sponte singuliq; fortasse nollent, incitati, conglobatique, quàm faciliè tandem an-nuent: uti, conjuratione factâ, vel in ordinem me,

H

Roboa-

Ruina Ieroboami.



*Roboamò super se reduc[t]ò, redigant; vel (quod atrocius erit.) morte capitèq; meo, Regis antiquioris iracundiam redimere sibi laborent? Populus enim, multorum capitum bellua, cùm furere cœperit, intrà sanguinem haud facillè conquiescet.*

Ista sibi *Feroboamus*, & alia talia, cùm aliquoties diceret, neque cum animo suo reputaret, profanus homo, divinorùmque parùm perspicax: posse Deum, qui regnum sibi *dedit*, datum quoque *conservare*; populi mentibus in obsequio sui constantissimè retentis: rem excogitavit, omnium deterrimam atque nefandissimam: ut, quantum antea *Regnum*, tantopere nunc *Religionem*, discinderet, atque laceraret. Cùm ergò perspectos, è consuetudine majorum, haberet, plebis Hebrææ, prurientes in fictilia Numina, mentium impetus: primùm quidem, ad vetus illud Pharaëæ solitudinis exemplum; ex Auro *Vitulos*, alterutrum præferentes sexum, (oo) conflandos locavit. Conflatos deinde, suique tum pretiò materiæque, tum renovatò vetustatis exemplò, placituros; columnis imposuit, marmore nitentibus, æreæque basi nixis: & in urbibus, locò spatioque distantissimis, collocavit. Earum altera, *Bethel* erat; quam, eam fuisse,

fuisse, propius fides est; quæ, *Benjamini* quidem in finibus ad Boream constituta, limites tamen *Ephraimi* radebat: &, ex omni *Benjamini* ditione, *Feroboamum* sola fuerat secuta. (pp) tametsi non desint: qui *Béthelem* aliam, *Sichimæ* vicinam; aliâque Josuæ sepulcro propinquam, vel ex vero tradant, vel ex ingenio comminiscantur. Receptior tamen eorum est opinio; qui, *Bethelem* hanc, eandem illam esse tradunt, quam *Jacobus* olim *Patriarcha*, conspectis secundum quietem gradibus, in cœlum usque protensis, oleo diffusô, dedicavit; ac DOMUM-DEI nuncupavit: (qq) cum antiquitus ei *Luzæ* fuisset nomen. Urbium autem altera, cui *Vitulum Aureum* Jeroboamus invexit, *Dan* erat; in extremis terræ Chanaaniticæ, versus Septentrionem, finibus: prope Jordanis fontem illum, qui cognominis urbi fuit isti. Locus enim & hic, idoneus homini sacrilego videbatur: quod ibidem, jam olim, *Miche* cujusdam *Ephraimitæ* repositum fuisse, à *Danitis*, argenteum simulacrum illud; *Idololatriæ* diuturnæ causâ. (rr) Non dubitabat namque; quo mortalium concursu tunc frequentari solitum esset *Argentum* consecratum; quin eodem, ac fortasse studiosiore, futurum esset,

H 2

esset,

Ruina Jeroboami.



esset, uti *Sacrum* coleretur *Aurum*. Idque tantò sperabat ardentius *populum* esse facturum, quantò, novitatum ille semper amans, ad id non modò consiliò, vel *aurei fulgoris illecebris*, sed etiam regis imperiò, traheretur. Edixerat enim omni passim regno; *Nequis, adorandi, Sacrorumve, causâ Ierosolymam deinceps; sed, vel Bêtbelem, vel Danem, se conferret; uti cuique locus alteruter, vel propinquitate commodior, vel aliis de causis magis cordi foret. Nec enim adoraturos illic, quod nò viderent; sicuti Ierosolymis bucusque, sterilibus sanè, siccisq; ritibus, ac nude credulitatis opinionibus, adorassent: sed, sub aspectum, sub tactum sensumque cultorum suorum venire dignantes DEOS. Et Deos quidem, de cuncto nominis Hebræi genere quàm optimè meritos. HOS enim, Hos ipsos, esse DEOS illos; quibus, iter expedientibus, ex Aegypto quondam, & Arabiæ Petrææ solitudinibus, in beatas illas, quas nunc tenerent, terras evasissent. Nimirum, eadem hæc erat, quæ majorum quondam, impia vox; cùm ad radices Orébi montis, *Vitulum Aureum*, uti superius narratum est, crexissent. Quæ mihi sæpè sæpius cogitanti, mirantiq; Quidnam fuisset rationis, cur Israëlitæ *Vitulo, Vitulæve*, soleren*

sua

suæ per Sinum Arabicum, solitudinémque  
 Sinæam, expeditionis causâ assignare? cùm  
 profectò, nec *Apin, bovem vivum*, nec illius *Si-  
 mulacrum* aliquod, & imaginem, habuerint,  
 viæ comitem: libuit subinde causas asser-  
 tionis tam impiæ falsæque, mecum sciscitari.  
 Nec alia, post multam inquisitionis indagi-  
 nem, occurrebat, quàm hæc: ut suspicarer;  
 Oblatâ uni fortassis, aut alteri, fuisse, sive jam  
 per rumorem confictum, sive per Sathanæ  
 deludentis præstigias, (quibus utique profa-  
 næ mentes facilè patent) *Vituli vitulæ*ve fa-  
 ciem aliquam; quæ vel in Ignea Columna,  
 Nubève, viæ ducibus; vel, in *Cherubinis* quo-  
 que *postea*, (ss) tabernaculo superimposi-  
 tîs, reluceret. Indè, fabulam statuebam, e-  
 manâsse, paullatimque per plures, de Deo  
 malè sentientes, fuisse dispersam: *Vituli* mo-  
 nitu, vel auctoritate, Castra moveri conqui-  
 esceréque: *Vitulò* responsante, consulentibus  
 Oracula proferri. Tantò verò promptiùs id  
 conjectabam: quòd, & apud Flavium Jose-  
 phum, ac Divum Hieronymum, locò plus-  
 quam unò, legeram; inter *Cherubinorum facies*  
 formæve, *Vitulinam* quoque, pedum saltem  
 ungularumque tenus, fuisse conspectam: &  
 H 3 quòd

Ruina Jeroboami.

quòd *Ezechieli* divino Vati, loco quodam (*tt*) *facies Cherubini*, sit eadem, quæ *Vituli facies*, sive species. Vox denique *Kepar*, quæ per litterarum, inter se cognatarum, commutationem, quasi *Cherap*, seu *Cherub*, fit; Hebræis, *Sicuti Vitulus*, seu, *Vitulo-similis*, sonat. (*uu*) Hæc igitur, ex his, quas retulimus, aliisque talibus, decerpta rationibus, suspicandi libertas; ad eò, progressu temporum, multorum pervasiva hominum animos: ut longè post, sub *Vespasianis Nervisque*, *Cæsaribus*, *Cornelio* quoque *Tacito*, Romano Consuli, Scriptori, *Transtyberini Iudæi* persuaferint (fortasse, ne *Simulacrorum omnium ipsi soli*, per omnia, detestatores, in Imperio Romano, *Deorum Simulacris* refertissimò, viderentur) etiam *Iudæis*, *Animalis* alicuius imaginem esse venerationi. Nunquam enim is alioquin, in quinto narrationum suarum librò, qui de captis excisisque *Ierosolymis* est, scripturus fuerat; *Effigiem Animalis*, quo monstrante, *Sitim errorèmq;* depulerint, *Iudeos penetrati* (putà, *Tabernaculò*) consecrâsse. Cui *Taciti* loco geminus inesse sensus verborum potest. Alter quidem, & is rerum *veritati* propior: ut scilicet, cùm, *Cherubini* ductu, per *invia* deviaque *Si-*

naa

Ruina Ieroboami.

næ solitudinis iter suum expedissent; beneficii tanti gratâ memoriâ, *Cherubini* formam, (quippe, quam *Vitulinam* quoque nonnulli fuisse, crederent) supra *Tabernaculum* intimi penetralis collocârint. Altera verò verborum Auctoris hujus esse mens potuit, mendacio connexa; sacravisse Iudæos, super Oraculum suum, *Agrestis Asini* figuram, aurò ductam. Namque paullò superiùs, eodem ipso volumine, Tacitus fabulam (incertum, undenam haustam?) de Gentis Hebraicæ ductoribus aliis, & à Cherubino Vitulove diversissimâs, intruserat: fortassèque persuaserat etiam, nonnullis, Mosaicarum narrationum ignaris lectoribus. Ea talis est. Profectos Aegypto contagiosos Hebræos, *omnium ignaros, fortuitum iter incepisse. Sed nihil eos aquè, quàm aqua potabilis inopiam, fatigasse. Iamq; non procul exitiò, totis eos campis procubuisse: cùm, ecce, gregem Onagrorum conspexerint, è pastu sese recipientem; & in opacam nemore rupem concedentem. Secutum igitur eas pecudes esse Mosen, herbidi soli conjecturâ ductum: ibiq; largas aquarum aperuisse venas. Quæ, quantum à vero remota sint: nòrunt, quotquot Exodi, Numerorúmque sacros libros, etiam perfunctoricè,*

H 4

ric,

Ruina Ieroboam.



ricè, volverunt. Sed nos, omisâ nunc de *Vitulis* dissertatione, mentiûmque perspicaciorum judiciis relicta; potiùs ad *Ieroboami* sacrilega facta revertamur. Hic, in Deos erectis erectisque monstris suis, ut dixi, *vitulinis*; eorum statim *universum* prope *populum* adoratorem invenit. Quapropter, & illic, ubi *Simulacra* stabant, & in montibus quoq; nemorosis, passim Delubra, lucos, aras, sacrificiaque, constituit. *Sacerdotes autem fanorum* ( quoniam *Levite* tantam impietatem ministeriis suis adjuvare detrectabant ) è ditionum suarum tribubus aliis, evocavit; eosque, contra jus, fas, ac leges divinas, & humanas omnes, *Sacerdotes* esse jussit, ac cedere victimas. Quanquam sanè, non Sacerdotes rex legit, aut creavit: sed lanios ac popas; hominum, ex omnibus singulisq; quibusvis tribubus, ignobilissimos quosque, proletarios, capite censos, capiteq; sæpe diminutos: verbô! tam sacratos, ac divinitus unctos; quàm sanctus, & consecratus, ipse Pontifex eorum Summus erat: scelestissimus, inquam, *Ieroboamus*. Hic etenim (nequid ad omnia dedécora Sacris novatis deesset) homo licèt profanissimus; ab hoc ipso tamen articulo temporis, tam se, pro *Sacrorum* simul, ac civilium

Ruina Ieroboami.

vilium negotiorum, *Rege*, nullô cœlesti jure  
 permisiue, gessit: quàm, patrum nostrorum  
 memoriâ, (ringantur licèt, ac dirumpantur, i-  
 mitatores eorum & affecclæ!) reges Anglo-  
 rum, *Henricus Octavus, Eduardus Sextus, & E-*  
*lisabetha*, Boleniæ filia, pro *Capitibus Ecclesiæ*  
*Britannicæ* sese gesserunt; quàm latè nomen  
 patebat Anglicanum, & Hybernum. Nequid  
 autem non *Pontificium*, ac *Sacrorum-Regis*, Jero-  
 boamus ageret: ne *Fastos* quidem *ordinare* (si  
 tamen hic *ordo* fuit; & non potiùs rituum *dis-*  
*turbatio*) prætermisit. Nam, pro sollemni *Pa-*  
*schæ*-verni, quod Moses præscripserat, octi-  
 duô, mense Martio, celebrandi: commentus  
 est ipse, populo validiùs diducendo, *Quin-*  
*tumdecimû Octavi* mensis, qui nostro respon-  
 debat *Octobri*, diem; fructibus, ac pomis, au-  
 tumniq̃ue deliciis cæteris, amœnum. Eum  
 sub diem, jubebat Bethelæum, Danæumque,  
*Vitulos*, quotannis frequentari; tantô, quantô  
 priùs *Agnum* Jerosolymis, confluxu. Quoque  
 spectatius esset novorum Sollemnium Sacri-  
 ficiû: inaugurandis impiæ *Vitulationis* pri-  
 mitiis ipse Sichimâ se *Béthelem*, adultô jam *O-*  
*ctavô* mense, contulit: maximâq; populi fre-  
 quentiâ, quintodecimo mensis die, suis met

H 5

con-

Ruina Jeroboami.

construam sumptibus, & imperiis, *Aram* conscendens; *Sacerdotis Supremi* more, Sacrificium, ac suffitum, exorsus est: ut caput idem, *apicatum* simul, & *coronatum*, sceleris exemplò plebi præfulgeret; utque manu rex, qua sceptra librabat, thuris etiam acerras agitare. Quod autem nefandius est factu, relatèque tristius: non abstitit hic, Dei contemptor, & hominum, ne tum quidem; cum, immisso Dei, propheta, è *tribu Iudæa* Bethalem profectus, scelestis sacris intervénit; & ex ore Numinis audaciæ Regis obnuntiavit. cum interim tamen *ara* disrupta; cum cinis victimarum effusus esset; cum brachium, in vatem divinum cum minis extentum, arefactumque, reduci, nisi Vatis ad preces, nequisset; cum alia denique prodigiosè facta non pauca, nec è trivio, *Ieroboamum* abstertere cœptis, ac retrahere, debuissent. Nam, quæ semel obstinatorum in prava durities est; non modò revocatus à perversitate non est, dum in ea viginti duorum annorum, & vitam exegit, & dominationem: sed ipse potius, uti *Draco* quidam pestilens, exempli mandatique sui *caudâ*, post se pæne *vulgus* universum, populique præterea capita, *primores* regni: denique, *reges* octode-

Ruina Ieroboami.



Octodecim, hoc est, omnes, *Vitulorum adoratores*, traxit: potentiùs, quam *bos unus, armentum universum*.

IV. Quam rerum tam ingentem & incredibilem indignitatem, quando mecum expendo; libet, ac prope necessarium est; in *Ieroboamum* illum, omnis impietatis & ruinæ primum fontem, atque caput, indignationis universum effundere stomachum: idque pro Numinis, tam causâ, quàm majestate, defendendâ; cui, bipedum iste scelestissimus, *Quadrupedum* ausus est Imagines exæquare. Nec dubitavit insuper: perturbatô, tantumque non penitus abolitô, veri Numinis cultu; Sacra, ritus, cæremonias, ac divinas humanasque leges, convellere: factôque suo, quid successuri sibi Reges facere deberent, commonstrare: populo denique, regum suorum dementiam imitanti, *laqueum injicere* miserabilis Interitûs. Et ob quam, obsecro, causâ, aut ob quod tam incomparabile commodum? etsi sanè, quoties de Deo, divinisque negotiis agitur; de causâ commodisque mortalium, vel nullam decet esse, vel neglectissimam omnium, postremamque, quæstionem. Jus namque DIVINUM, Juris cæteri Lex, & amissis,

Ruina Ieroboami.



sis est universis; metiendâq; mortalium emolumenta sunt Immortalis DEI placitis. Sed quæramus tamen; Cur humana divinâque cuncta subverterit impius *Jeroboamus*?

Ut nempe *stabile* sibi, suisque, duraret Israël's Imperium: nec ad *Roboamum* revertendi periculum esset. Et id quidem infelix iste, nec ad *tertium* quidem, ex se successorem, obtinuit: id, quod inferius manifestum fiet. Fingamus tamen id, quod non fuit, quasi fuerit: ac statuamus, Regem hunc, quod affectarit, *Obtinuisse*: vide, pro modico, fragilique fugacique, nebulonis unius *hominis* bono, quot Gloriæ suæ bonorum jacturam subire coactus sit Ter maximus, Optimusque, DEUS? Pro capitis unius firmando Diademate, Coronâve, quot *millia capitum & animarum* in sempiternam præcipitata sint perniciem? De Deo, Divinisque primùm, quid dispendii sustinuerint; deinde, De Populi quoque damnis, in compendio, differamus: ut *liquidior, ex Ordine sermonis, elucescat Veritas*. Præputiorum igitur *Circumsectionem*, &, cum Israël'itico nomine, decreta quædam, *que leviora Legis erant*; retineri *Jeroboamus* permisit. DEI quoque *Jeboæ* (quem *Adonâim* illi pronuntiabant) & utcun-

Ruina Ieroboami.

utcumque fortasse *Sabbata*, Mosisque libros, in pretio se, jactavit, habere: nec extorsit populo. Sed, quid hæc paucula; si componantur ad ea; quæ de Sacris majorum impiè convellit, ac diffavit? Nam, ubi, post illam Religionis veteris antiquationem, *Ierosolyma*; cunctis ex urbibus Hebræi juris, urbs à Deo deleta: propositaq; tribubus omnibus: ad quam, descriptis anni temporibus, ascenderetur? Ubi, post illa, *Templum*; in quo publicitus ab omni, voluit, Israël *Deus* adorari: *basilica*, divini tam ingenii, quàm digiti, præviæq; descriptionis? Ubi, posthæc, stata diluculorum vesperarumq; *Sacrificia*, vel *Suffitus*? Ubi *Sacerdotes Summi*? Sacerdotes minorum graduum? genus, ac sanguis, Aaronis? Ubi *ministeria Sacrorum*; à manibus peracta legitimæ *Leviticæq;* posteritatis? Ubi *Davidici* cantus, ac *Psalmi*? Psalmorum exquisiti *cantores*? cantorum, secundum modulos suos, descriptæ *classes*, ordines, ac multitudines? Ubi *Dei* quotidianæ, sicut *Ierosolymis*, *laudes*? Ubi, *consonantes* in Dei laudem, hominum organorumque, cithararum, & cornuum, tubarumque, *voces*? Ubi, religiosi cultûs illecebræ, *thymiama*? propositi *mensis* aureis *panes*? aureum

Can-

Ruina Ieroboami,

*Candelabrum?* aurei lychni? lucernæque iuges, ac pervigiles? Ubi *Mosaica legis* prælectores, doctores, interpretes? Ubi populi solitus, ad audiendam legem, ex eâque corrigendos mores, confluxus? Ubi, Sacrificiorum tempore, *multitudo plebis* intus, & *foris, orans?* Ubi *virginum ac viduarum*, ad Templi Tabernaculive fores & cultum *excubantium*, nocturnæ diurnæq; preces? jejunia, mentiumque, corporumq; castitas? Quid autem & illa dicam, à tot antea sæculis, uti *lege* commendata, sic *usu trita?* Qualia sunt: *Quartidecimi diei*, mensis primi, *Vespera; Paschalis agnellus*; anniversaria totius Israël's víctima; Christi, purioris *Agni*, præludium, & Imago? Septem item dierum religiosi, sine *fermento*, Panes: Quinquagesimæ quoque, quæ volvitur à *Paschali die*, lucis sollemnitas; triticeæ messis primitiis honorabilis? Quid autem & ipsæ frugum *primitiæ?* quid *decimæ?* votisq; nuncupata *donaria?* quâ fide tunc, aut, à quàm paucis, & quibusnam, pendebantur? Septenniorum *Sabbatismi*; libertates; ac manumissiones? pecuniæ creditæ condonationes; pauperum & advenarum gratuita sublevationes? Quinquagesimorum item, seu *Iubilæorum annorum*, im-

muni-

Ruina Ieroboami.



munitates, & inclytæ cæremoniæ, quò diffu-  
xêre? Parva sunt ista tamen: si magnis præ-  
sertim, maximisq; , conferantur. *Mandatum in*  
*Lege Mosaica magnum erat; Amore cæteros*  
*complecti, quo quantòq; seipsum quisque*  
*complecteretur. Hinc exulare debebant, ab*  
*illa gente, cædes, rixæ, contentiones, odia:*  
*procùl abesse, rapinæ, furta, circumscriptio-*  
*nes, mendacia, perjuria, falsa testimonia: lon-*  
*gissimè deniq; moribus ab Hebræis proscri-*  
*pta jacere, stupra, scortationes, adulteria, con-*  
*sanguinearum incestationes, & id genus alia*  
*libidinum portenta. Quæ cuncta, quàm so-*  
*lenter à Ieroboami temporibus, ad extremum*  
*usq; corruentis Israëliti regni spiritum, ob-*  
*servata fuerint: Omnes, à primo, vates, ad ul-*  
*timum usque, suis increpationibus, perspi-*  
*cuum fecêre. Quorum unus aliquis, cætero-*  
*rum Prophetarum Satyras velut in compen-*  
*dium missurus, lamentatur Ieroboami Secun-*  
*di principatû. Maledictum, inquit, & menda-*  
*cium, & homicidium, & furtum, & adulterium, in-*  
*undaverunt: & Sanguis Sanguinem tetigit. (xx)*  
*Videlicet: Hoc ibi fieri, consequens est, et-*  
*iam his ætatis nostræ moribus: ubi, pauculis*  
*quibusdam, vocabulis veriùs, quàm rebus, ad*  
*inanem*

Ruina Ieroboami.



inanem populi plausum, retentis: ab *Ierosolymis*, id est, ab *Ecclesia*, veterumq; Religione, discessionem fiunt. Mandatorum autem Primum ac Maximum erat, *Diligere Deum*, & ad præscriptum, colere, metuerе, venerari. DEUM autem, *Verum*, & *Vivum*; non confictum, & animâ carentem: quem *Israëlitæ* tunc, nomine tenus, iactârunt; re tamen ipsâ, legum eius exutis obsequiis, procûl aspulerunt. ut adeò merito clamare prophetae idem, cujus antè paulo verba produximus, cogeretur; *Non esse veritatem, nec misericordiam, neque scientiam veram Numinis, in Israëlitarum terra.* (yy) VERE namq; *Deus legitimus ibi nescitur; ubi sua cuiq; Cupiditas, Deus est.* Sed hoc ibi contingere, quin & moribus hodiernis, pæne necessitatis est; ubi *Deus, & Christus, & Fides, & Evangelium*, ore crepantur: Dei verò, Christi que voces, & Evāgelii nervus, eliduntur. ubi Servatoris seriæ commonitiones, (*Ecclesiam audire, jubentes; & non Credere tantum, sed præceptis suis Omnibus obsequi, mandantes*) exploduntur. Id, verbis fortasse non semper fit. factis autem, pertinaciter. ubi petulanter & indoctè garritur; *Ad salutem sat is esse Fidem Solam.* (\*\*). Jacebat igitur Israëlitis his Jeroboamicis, *Veri viviq;* DE I  
pro-

proculcata Majestas: cū eius *nomen* tantummodo credulitatēq; nudam, nec *Obedientiam*, retinebant. *Vivo* vero, *Verissimōq;* Numini, *mortuum* ac *fictile* Numen, suis in *Vitulis* opponebant.

Quid, quod in hoc ipso, *tertiam* quoque *Præcepti Maximi* vocem eludebant; quæ, DEUM coli jubebat, UNUM. Quid enim clamabat, in Legis repetitione, (z z) Moyses: cū, *audire* voluit *Israëlitas*, & attentos esse? *Dominus*, inquit, *Deus noster*, *Dominus UNUS est*. At illi, non contenti, sicut majores eorum, *Vitulum* illi, *Deum*, ad latus Divinitatis, adlocare; quod *Deo* jam essent, *Vno* pro Deo, *DI*: *Vitulos* insuper *geminos* conflaverunt; Hos, *Deos* suos, & *Eductores*, ac libertatis *Vindices*, salutantes. Ut adeo, *Tres* jam *DEOS* haberent, sacrilegi: quorum *Vnum* è libris agnoscerent; *duos* reliquos, de genibus adorarent. Ut hīc præteream, tanquam alibi quoque relibandum; Præter *Vitulos* paullatim, & *Belum*, aliāque *Deorum*, ac *Dearum*, immo, *Demoniorum*, (*A a a*) monstra fuisse coli coepta, posterorum impietate Regum. Ingentem igitur, (utī principio dicere coeperam) *Dignitatis* suæ jacturam, ex hoc infando *Jeroboami* scelere, *DEUS Ter Ma-*

I

ximus

Ruina Ieroboami.

ximus incurrit: ut nefarii regis unius *Dignitas* inconcussa (scilicet) persisteret. Jam verò de *Populi, decem* illarum *tribuum*, dispendiò calamitosissimò, quid, pro rerum pondere, commemorem? Non dicam jam, de damnis corporum, fortunæ, pacis, ac libertatis: quæ, gravissima quidem; sed tamen, magis in tempore, sub exitum hujus Ruinæ, proferentur. Nunc *Animarum* censum agimus: & nempe, quot *Israëliticorum* utriusque sexûs capitum, ex illa priscis à Sacris defectione, perpetuum incurrerint suæ *Salutis* naufragium, supputamus. Et quidem, nequis omnem putaret *Decem tribuum* multitudinem impietati consensisse regis: negari non debet; Ab eo, Dei sacrorumque causâ, defecisse sensim haud paucos: pietate tantâ, quantâ rex impietate desciverat à Deo. Quod fecerunt, non *Levitæ* tantum, ac Sacerdotes; qui, quòd *abjecisset eos Jeroboamus* relictis suburbiis prædiisq; suis, Ierosolymam sese, quæque cætera Iudææ loca commodè sibi visa sunt, receperunt (*bbb*): sed, è populo quoque, *tribuum* *Israëlis omnium*, non defuere, qui, Deo patrum suorum, eiûsque legibus, ante cæteros, addicti; sese Ierosolymam sacrificiorum causâ, frequentes conferrent

(*ccc*)

Ruina Ieroboami.



(ccc) Vnde fiebat, ut & *Roboami regnum*, primò saltem principatûs eius trienniò, non modicè corroboraretur: & veri Numinis adoratores, ne quidem inter *Ieroboamitas*, ac sub regibus, *Ieroboami* successoribus, exolescerent. Accertè *Deus* ipse, cui vel *Exiguus* piorum numerus, instar ingentis est exercitûs; profligatissimîs illis *Achabi* regis, ac *Iezabelis*, temporibus, gloriari, sibiq; gratulari coram *Eliâ*, sustinuit; *Seposita* sibi manere septem millia virorum *Israëlitici* regni: qui nec genua sua *Jovi-Belo* curvârint; nec manum ad os, adorationis, & osculi superstitiosi causâ, retulerint. (ddd) Quare, pro comperto tenendum est; Plusquam unum, ex tot tribubus, fuisse, vel *Abdiam*, qui Numinis veri Prophetas occultaret, ac pasceret: vel *Tobiam*, qui *Veritatis* viam, ne sub Tyrannis quidem Religionum, deseruerit: & qui (eee) nihil in opere puerile fatuûmve gesserit: quique, cum irent omnes ad *Ieroboami* Vitulos aureos, ceterorum consortia vitârît: *Ierosolymis* Deum adorârît: primitias, decimâsq; fideliter repræsentrît (fff). Sed hæc ipsa, quæ *Deus* numeravit, in-contaminatorum septem millia virorum; quantillus erant, si conferrentur ad tot inquinato-rum agmina, manipulus? Quod ut clariùs e-

I 2

luce-

Ruina Ieroboami.

luceſcat: agè ſanè, numerum ineamus, in *decem* illis *feroboami* *tribubus*: non dico, ſingulorum, & omnium, *ſexûs utriuſque*, ſed *virilium* duntaxat, & in *arma* natorum, capitum. Et quidem temporum eorum viros, in ſummam redigamus, quæ ſobolis, multò, quàm poſtea, ſteriliora ſunt reperta; quippe, *viginti* *tribus* jam *millibus* in Solitudine, propter adorationem Vituli trucidatîs: pluſquam *ſedecim* *millibus*, in ſeditione Coræâ conſumptîs; *viginti* *quatuor* *millibus*, in ſcortatione Madianiticâ jugulatis, aut ſuſpenſis: *multis* denique *millibus* aliis, in *Concupiſcentiæ Sepulcris*; & alibi, *ſerpentum* *ignitorum* morſu, deletîs. Superfuere nihilò ſeciùs, poſt hæc omnia, *Rubenitarum* *Quadraginta* *tria* *millia*, *ſeptingenti*, *triginta*. *Simeonitarum*, *viginti* *duo* *millia*, *ducenti*. *Gaditarum*, *quadraginta* *millia*, *quingenti*. *Stirpis* *Iſſacharitarum*, *Sexaginta* *quatuor* *millia*, *trecenti*. *Stirpis* *Zabulonæ*, *Sexaginta* *millia*, *quingenti*. *Stirpis* *Manaſſæ*, *Quinquaginta* *duo* *millia*, *ſeptingenti*. *Stirpis* *Ephraimitarum*, *triginta* *duo* *millia*, *quingenti*. *Danitarum*, *ſexaginta* *quatuor* *millia*, *quadringenti*. *Tribûs* *Aſeræ*, *Quinquaginta* *tria* *millia*, *quadringenti*. *Nephtalææ* denique *Tribûs*, *quadrigin-*

Ruina Ieroboami.



draginta quinque millia, Quadringenti. *Decem Tribuum* igitur, ista tunc Summa fuit; *eorum*, (inquit Mosi Deus) *qui possent ad bella procedere*; (ggg) quique; *viceſimum* jam ad annum vivendo pervenerant. Quantum autem postea virorum invenit David, quo tempore *Joabum*, ad populi bellicosi summam incundam, emisit? Sanè quidem *Joabus*, etsi *Censor* *invictus*, ac (quod inde sequi debebat) *perfunctorie* magis, quàm *exactè*, regis exsequeretur imperium: extra Iudam tamen, ac Levin, & Benjamin, in tabulas retulit, *mille millia*, prætercâque, *centum millia*, fortissimorum virorum, *educentium* in hostem è vagina *gladium*. (bbb) Quid verò *Ieroboamus* ipse? nōne prælio deleturus *Abiam*, Roboami filium; *virorum lectissimorum* robur, *octingenta millia*, produxit in aciem? (iii) Quantum illi, credimus, domi puerorum, ac senum? quantum ægrorum, aut, aliis de causis, certamini tunc vel inhabilium, vel dilatorum? quantum puellaris, aut adultioris, corporis foeminarum? quantum denique servorum, ac famularum, superfuisset? quæ turba, si vel levî brachiō numerus neatur, facillimè, cum illa castrensi multitudine, *vicies quater*, aut etiam *tricies*, *centena mil-*

I 3

lia

Ruina Ieroboami,



*lia* confectura fuit. Turba, non fortassis *armis*  
 universa; tamen universa, vel *Cælo* nata, vel  
*Gebenne* victima futura; præ cuius proinde  
 turbe densitate *Septem illa virorum millia*, Belo  
 non supplicantiū, vix umbra censerī Somni-  
 ūmve possint; vix, in circulo vasto, punctus.  
 Et hanc omnem tamen, tam innumerabilem,  
 hominum colluviem, tam in solitudine Pha-  
 ranæâ, quàm in Censu Ioabi, castrisq; Iero-  
 boami, sub numeros vocatam; constat, *etatis*  
 hominum, haud plusquàm *unius*, fuisse. Quā-  
 rum nunc hominum, æstimamus, *Decem illis*  
*in Tribubus*, per annos ducentos, quinquaginta  
 quinque, sub novemdecim regibus identidem or-  
 tum, & extinctum, esse? Quod totum, extra  
 paucissimos illos, à Deo sibi reservatos, in  
 Impio cultu Deorum, & *vitam egit, & animam*.  
 Perierunt igitur, quotquot sic spiritū duxere,  
 sic ductum, extrusere, (nemo dubitet) *in tene-*  
*bras exteriores*. Id, quod altâ meritò debet for-  
 midine consternare, Christianarum etiam Ae-  
 ratum, Principes ac Reges illos: qui, sanctissi-  
 mis majorum protritīs consputatisque Sacris  
 ad unius alicuius *Hirci, Vitulive* lascivientis  
 vocem, contemptu Sacrorum inundavêre  
 provincias, Insulas, Regna: totque *millia*, ma-  
 lô per-

Ruina Ieroboamæ

lò persuasarum errore mentium, per *sesquise-*  
*culum* ferè, demiserunt Orco. Non alium ad  
modum, Israëlitæ quondam, à Ieroboamo, re-  
gibúsque posteris, ac Vitulis suis, excantati,  
pejoráque pæne suís ipsis corruptoribus de-  
linquentes; eradicati sunt. Nec enim falsâ re-  
ligione contenti fuerunt: sed, siqua (sicut de-  
bet) *Elia*, sanctissimo vati, querelæque vatis,  
fides est; *Altaria* quoque dominica *destruxe-*  
*runt*: parricidali *gladiò Prophetas interfecerunt*:  
Deos alienigenas, hoc est, *grandes fœdásq; nu-*  
*gas, & Sathana prostibula*, coluerunt. Erexêre  
sibi nemora, lucos, aras, statuas. Sidera, Lu-  
nam, Solem, *calig; militiam universam*, adora-  
verunt: *filios filiásq; suas traduxêre per flammâs*,  
haud aliter, atquè, per lustrales nunc baptismi  
*fontes*. Multi quoque, simulacris Deorum æ-  
neis, igne candentibus, in complexum datos  
liberos, exusserunt. Immunda, spurca, Pria-  
peja, fecerunt. Auguriis insuper, & incanta-  
tionibus, magicísq; vaticiniis, sese passim im-  
pendentes; excluderunt, è mentibus simul au-  
ribúsq; suis proscriptos, veri Numinis *Legat-*  
*os*, ac *Vates*: quos tunc illis Deus, copiosiore,  
quàm unquam antehac, numerò, velutíque  
segete, submisit. In his, insignes, Eliam, Eli-

I 4

saum,

Ruina Ieroboami.

fæum, Oséam, Amósum, Ioëlem, Abdíam, Ionomam, Michæam Morasthiten, & alios. Sed *furdus*, immò mortuis, *Sermo Dei*, tanquam *Fabula*, cantabatur. Didicerant enim, à primo suæ pertinaciæ magistro, *Ieroboamo* rege; contemnere monitores Prophetas; eludere disruptas aras; eventilare victimarum excusos cineres; Deum ipsum denique, *Tonantem* æquè *fulgurantemq;* brutas minas putare. (4) *Descenderunt* igitur in Exitii tandem irrevocabile barathrum, simulq; perierunt, Israeliticæ terræ Reges, & Principes, & tribuni militares, & divites, ac fortes, & omnes, tam liberi, quàm servi, virique, foeminæque: (kkk) suisque detractum culminibus, ac fundamētis emotum, Israelis regnum est. Causa Ruinæ tantæ prima, potissimâq; fuit; *Ieroboami Primi*, nequam *Ambitio*. Proh scelus, ac portentum; in ultimas profundissimâsq; Tartari regiones, meritò deportandum! Ergò, quò tu *diu*, sanguinisque tui Successio *tutò*, regnaretis: Cupiditati tuæ cedere debebant omnia Iura? Tibi, (tibi dico, *Machiavelli* præsultor, & choráge, tuisque sectatoribus!) vacuare possessionis jurisque sui sedem cgebantur, Religio, Sacrificia, Templum, cæremonia, Leges, Moses, & ipse

Ruina Ieroboami.



& ipse D E U S ? Tibi procumbere, tanquam  
*Pluti* victimæ, tot millium Animarum eversa  
 Salus ? tibi ludus esse, fabulæque, manes om-  
 nes; & spirituum, à morte, felix infelixve sta-  
 tus; & mentium Immortalitas; &, ut *Abrahami*  
*Sinus*, sic *Infernum* *Luciferi chaos* ? O facinus  
 indignum, & immanitate plenissimum ! Hoc  
 ipsum autem, hodièque factis, opinionibusq;  
 suis, exprimunt omnes illi; qui tuarum sunt  
 partium, quibusque *Pseudopolicis* vulgò no-  
 men est. Hi namque, non minùs, ac tu, ( \* \* \* )  
 de stercore frequenter, ultimèq; plebis cœnò,  
 surgunt: vixque caput aliquantùm, quæstuo-  
 sis, aut parasiticis, suis ministeriis orsi sustol-  
 lere; continuò magnas ad opes, & ab opibus,  
 ad culmina dignitatum, perveniunt. Indè  
 tum, hi *Nabatbi Sarveque*, (volo dicere, *terre-fi-*  
*liorum*) filii; soccis abjectis, *coturnos* induunt:  
 &, qui, fortunæ minoris adhuc in sordibus de-  
 fixi, natalium suorum rusticitatisq; memoriâ,  
 modicè sese demissèq; gesserant; in potestati-  
 bus postea constituti, plurimùm ultra cæteros  
 omnes, ac supra *veteris* quoque *cere nobilita-*  
*tem*, extollunt se: stringuntq; *tot imperia*, quot  
 in subiectos *verba*: tot scepra vibrant, quot  
 nutus emittunt: sermones miscere, nisi tan-

I 5

quam

Ruina Ieroboami.

quam ad libellam & pondus expensos, dedignantur. Infra se denique propterea *despiciunt universos*; quia *supra quosdam evectos se vident*; ideoque post ambitionem suam cuncta ponunt. Quodque mireris: etiam, qui placidos se prius, ac civiles, ante potentiam exhibuerant (fortassis ob id ipsum; ut eam, comitate fictâ, perq; prensationes, invenirent) postea, fastigio superimpositi, statim, ex novis honoribus, valedicunt priscis moribus: *ut* (quod Comicus Afer dixit) *non cognoscas, eosdem esse.* (III) Deterius igitur hoc hominum genere, verè fordido, verèque servilî, mediis in dominatibus, *vix est aliquid*: ut, quorum correctioni, nisi *detractione de loco*, locus non sit. Aestuantis eorum Ambitionis Incendium, nisi Ruinâ, difficulter sopietur. Quod *medicinæ genus est pessimum*; quoties opus est, per malum extinguere mala.

V. Sed nos ad propositum revertamur. Tales cum essent, & *Reges in Israël* (nam Jeroboami vestigiis omnes inhererunt) & *populus*: quasnam, pro meritis, tandem poenas; quasnam supplicia, pependerunt? Et quidem illa, quas *mortui*, sempiternis in cruciatibus, exsolvunt, *Animarum* tormenta; Deo relinquimus, & Igni castiganti. *Corporum* autem excarnificatio.

Ruina Ieroboami.

cationes, in *Valle Josaphatea* videbimus. Sed interim, *præsentis* quoque *vita* mala, quæ sunt infelicitis Aeternitatis *proscenia* quædam, ac præludia: pretium est operæ, cognosci. Ponemus autem in conspectu, primùm *Reges*, eorūque, quodam in compendio, *mores*: quippe, sine quorum, rudi saltem cognitione, minùs liquidò *Ruina* singulorum perspicui meritum, æquitāsque, possit. Post hos autem, ad *Populi* totius, ac *Regni*, pergemus *excidium*.

Primus igitur, uti nomine scelerēque, sic & ordine supplicii, JEROBOAMUS, Mosaicæ legis & Sacrorum Apostata; quàm improbus, tam infelix, plerāq; vitā suā fuit. Hic documento posteris, etiam ante Tiberium Neronem, factus est; Semper magnā clade, *multoq;* sanguine, regnaturum, quisquis ab exilio venerit ad Imperium. (m m m) In Aegyptum, è Chanaanitide, fugitivus sui Regis; ex Aegypto reversus est in Chanaanitidem, avitæ Religionis transfuga. Post regnum infessum, & Impietatem constabilitam, obsurduit, ad omnem bonam frugem, etiam ad aures, nedum in animum, admittendam: aspernatus monitorem, non *hominem* modò, sed & Summum Deum. Quin etiam, immissum sibi divinitus, è Judæa, *prophe-*

Ruina Ieroboami:



*propheten*, incompti quidem vulgò nominis (*xnn*), sed compertissimæ tamen, statimque repræsentatæ, veritatis; apprehendi jussit, & constringi. Neque deductus est à mala mente; vel arefactione dextræ suæ, vel ejusdem misericordiæ restitutione; vel, ad acclamationem propheticam altaribus disruptis, ac cineribus effusis: velut in superioribus nonnihil attigimus. At nec eo denique motus, præterquam in deterius, est: quòd hunc eundem vatem, adversùs disertissimum Numinis interdictum in oppido Bethеле prandentem, à *leone* mox contusum elisumque, nec tamen devoratum ambesumve, cognovisset. Perrexit enim impius, viâ, qua cœperat: pretiòq; Sacerdotia fecit; & facta, pro libidine vendidit. (ooo) Ut autem & reliquias potentiæ Roboami, Domusq; Davidicæ, stirpitus eradicaret: ausus, tum aliis, iisque crebris, expeditionibus, ac præliis, Judæam incurrere; tum novissimè, regni sui potissimis viribus, *octingentorum* (utì suprà dictum est) *millium* pugnacissimorum, instructis copiis: vincere conatus est. Sed, immissò divinâ vi pavore, pro victore victus indè discedens; *quingentorum millium*, è suis, prodigiosâ clade, jaçturâque, terga vertit.

Et hi

Ruina Ieroboam.

Et hi quidem *omnes*, (quippe, sacrilegi, pròque  
Sacrilego rege, Disq; Vitulinis, initò prælò)  
jam apud Inferos cœnabant. (*ppp*) *Ieroboam*-  
*mus* autem, ingenti cum dedecore tam insoli-  
tæ stragis acceptæ, regnòq; plurimùm immi-  
nutò, reversus è conflictu; necdum tamen ad  
Deum, bonámq; mentem, reversus est, quan-  
tumvis, vel cæcis quoq; clarum, & fatuis per-  
suasum, esse decuerit: Non casu plagam il-  
lam, Israëlitis antehac insuetam, inauditám-  
que; sed, infligente Numine, propter illius ac-  
cidisse nequitiam. Hæc igitur reputare cum  
animo suo debuerat: *nisi, depravatus semel, ac*  
*profundò scelerum demersus, animi sensus, omnem*  
*superaret, etiam stultissimorum, dementiam: ipsaq;*  
*maleficiorum præteritorum supplicia, verteret in*  
*pabulum & incrementa novorum facinorum.* De-  
teriores igitur in dies, horasq;, redditum *Ie-*  
*roboamum*; Deus novissimè, *filii, natu majoris,*  
cui nomē *Abie* fuit, prostratâ valetudine per-  
cellit: simul autem, eadem operâ, durique  
temporis occasione, minis atrocissimis, ac de-  
nuntiatione malorum indeclinabilium, ad-  
greditur. Nec id ipsum tamen, nisi per latus  
uxoris directò comminationis gladiò, facere  
Deus instituit: quippe, dedignatus, (& meri-  
tò)

Ruina Ieroboami.



tò) desertorem sui, jamq; propemodum plusquam hostem, toties nullo successu demonitum, per somnia legatósq; suos, *impresentiarum convenire*. Vatis igitur absentis ore, per os interpretis, quod regi conjunctissimum esset, regem absentem increpuit. Erat in matrimonio *Jeroboami*, jam olim in exilio ducta, Taphnês, Aegyptiorum Reginae, germana, natu major (nam minorem *Adâdus* duxerat, Idu-mæus:) cui nomen *Anóni* fuit; (*qqq*) in *Annam* postea, si Lucifero Calaritano credimus, Hebraicâ loquendi consuetudine commutatum. (*rrr*) Hanc *Jeroboamus*, habitu regiò dissimulatò, cumq; munusculis plebejæ liberalitatis missam; convenire Propheten jussit, *Abiam*: eum ipsum nempe, cujus ex ore, palliq; novi discissione, regni vaticinium, ante complures annos, adhuc quæstor, acceperat. Is, ætate decrepitâ; caligantibusq; seniò luminibus, *Silone*, patriò solò, decumbebat: eratq; spes; eum, qui *patri* quondam imperium ultrò præsa-gisset, *Abia* filio, regis successioni destinato, valetudinis eventum, cujus causâ vaticinium quærebatur, haud utiq; tacitum esse. Non tacuit *Abias*: sed, spiritu, futurorum præsciò, si quando quis alius antehac, & ple-

Ruina Ieroboami.



& plenus, & inflammatus; diffictum habitum, ac tectum agendi modum, *Regina* præsenti; mentem impiam, & ingratham, absenti Regi, *durus nuntius*, & asperrimus objurgator, exprobrare coepit. Adjicere deinde minas, in utriusq; caput: ac *feroboamica* familiæ totius internecinam extirpationem; Israëliticarum Decem tribuum hostiles exagitationes; vastitatem, cladem, fugas, & in Assyrios abductionem, prænuntiare. Pignus deniq; veritatis præfagii sui, *mortem* adjunxit *filiis*; de cujus salute consulebatur: quem, in ipso matris ad ægrotantem reditu, prædixit, animam exhalaturum. Ità Numini decretum esse, Scelerum vindicæ: nullis jam, non modò munusculis, aut blanditiis, sed neq; victimis, (præterquam humanorum capitum innumerabilibus) exorabili. *Propheta* verba fides obsignavit eventus funesti: filiusq; regis, ad ipsum reginæ redeuntis pedum sonitum, extinctus. Jàmque mortuus erat *Abias*, illatusq; tumulto: nondum emendatus, *Ieroboamus*. Quare, quod in arboribus quoque, desperata fertilitatis, novissimum esse remedium solet ( ne frustra pomarii solum ab illis occupetur; & inde stirpium agnatarum vicinia, putredinis trahat exemplum) *Se-*  
*curis*

Ruina Ieroboami.

*euris, excidium, rogos*: id superfuit unicum regis hujus conclamatae correctioni. Non igitur expectatae fatorum evolutione, qualem moriendi necessitas ordinaria naturae praefinit; pestifero capiti Deus ipse *Sententiae Decretoriae* manum iniecit: animamq; nocentissimam, lethi genere, qualis pessimus quisq; rapide terra sivevit, iratus elisit. (s s s) Estq; conjectura, *Ieroboami* mores, ac *biblicum* loquendi morem, profundius penetrantium Auctorum; obitu repentina violentoq; , *crudelium Spirituum* (t t t) aliquo fauces ejus obtorquente, vel flammâ, visus humanos fugiente, scelestum trucidante, periisse. (u u u) Regnavit autem annos viginti duos: pro quibus, pessimè transactis, quot annorum saeculorumq; *myriadas* sit in cruciatibus expensurus: quis, nisi sola numerandi desperatio, numeraverit; id est, *aequa poenis, Aeternitas?*

VI. At enim vero, non omnis ideo, cum hoc *Impio*, strata jacuit *Impietas*. Eam namq; Successorum gnaviter erexit, ac prorogavit, ardor: cum in eandem & ipsi *Gehennam* subsequi properarent *praecursorem* suum; nec fere disparibus, apud plerosq; , violentae manus fatis. Proximus igitur, uti sanguine, sic successio-

Ruina Ieroboami.

cessione NADABUS; *Ieroboami* natu minor *filius*: cū genitori detestabili, morum, Sacrorūq; pravitae, nihil concederet; regni diuturnitate cessit, quod ultra *biennium* non produxit. Is, Gabbathōnem (quæ *Gēbbethon* quoque dicitur,) Tribui *Dan*, ac signatē *Levitis* olim assignatam urbem; cæterū progressu temporum, à Philisthæis occupatam, recuperare sibi, Danitisque suis, conatus est. Adversus eam ergo copias universas eduxit: eamque, locatis per ambitum castris, & admotis machinis, erectisq; turribus, ac munitionibus aggeribusq; jactis; summis bellici roboris opibus oppugnabat. Sed hanc tamen, frustra denique, (quippe defendentibus illam vi maximā Philisthæis) expugnare nifus; diuturnā, constituit, obsidione circumclusam, ad dedicationem compellere. Verū, his intentum curis regem, insidiis interceptit, & vitam ei pariter, spemq; capiendæ *Gēbbethōnis*, abruptit, *Abiæ* cujusdam filius, cui *Baasæ* (xxx) nomen; *Issacharites*. Hic, occupatō regnō, cujus sedem soliumq; *Thersæ* constituit; contentus eō non fuit, ut *Ephraimi* tribum, ac *Ieroboami* familiam, gubernaculis, non nisi viginti quatuor annorum possessione degustatis, de-

K

pel-

Ruina Ieroboami.



pelleret: sed interfecit insuper omnem *Ieroboamica* domûs posteritatem, cognationem, ætatem, atque sexum. (yyy) Ut adeò verè dici posset, quod præfagii sui minis *Abias*, Propheta *Silonites*, expresserat; *Ab omni sordis stirpis Ieroboamicæ sic repurgatum iri regnum Israël: ut videri possit humus à Sterquilinio puræ redditæ; simò, rastris ac pâstinis, erasò.* Bellèque sanè cum Israele videri potuisset actum, hæc *Baase* truculentiâ, quâ sanctissimi Prophetæ vaticiniis suam fidem exsolverat: nisi, *sterquiliniò* mox pari, priorum regum sordibus, ipsæ partem invidiæ detraxisset. Nam quos, quales per odium factorum, è medio sustulit; hos factis ipse suis, imitatus est: ut proinde clarissimum esset omnibus; eum, in *Ieroboami* sanguinem, ac reliquias, grassando; non Deo, sed sibi, studuisse: *Tyrannicidamq;* factum, ut *Tyrannus* ipse fieret. *Vitulos* enim *Ieroboamicos* & ipse coluit; & ut coli perseverarent, auctori aliis impulsorq; fuit. *Asam* deinde, *Iudæorum* Regem, & quòd is urbes aliquot *Ephraimæ* tribûs occupâisset: & quòd *lucos*, ac *simulacrorum* adorationem, inter suos excindere cœpisset; *Maachâm*que, matrem suam, *Priapæ* Pontificatu, regaliq; solio, dejecisset; cultum denique

Ruina Ieroboami.

denique veri Numinis ut plurimùm instaurâisset: bellô, tanquam *Deorum ultor*, appetiit. (z z z) Nec antè persequi, sê meliorem, armîs cessavit; quàm, vivere. Cui proinde, quò faceret ægriùs; & fœdere sc *Benadádi*, Damasceni Syrorum regis, *Idolorum* cultoris, adstrinxit: &, occupatam repentè, *Rhamam*, Beniaminæ Sortis urbem, præsidîs firmare, mœnibûsq; communire, cœpit: ne se, contra regnum *Israëlis* impunè commovere quisquam ex *Asæo* regnô posset, aut auderet. Idem, ne bellô tantùm, ac foris, terribilem se, distringendô ferrô, redderet: domi quoque, mediâque pace, non miles magis, aut rex, quàm *gladiator* fuit, & *carnifex*. *Jebúsum* enim, Hanánis filium, Dei legatum, eiusdémque jussu perditos sibi mores, ac simulacrorum aras, exprobrantem, interfecit. Tanquam videlicet, *vera scelerum objurgatio*, posset *objurgatoris* morte, *falsa mendaxq;* reddi: *desinerétq;* *pestimus quisque* *malus esse*; *si modò recti bonique monitores è medio sustulisset*. Sed nimirum, haud impunè crudelitatem tulit. Quantumvis enim bellô strenuus, &, præter *Iudeos* armîs hostilibus incurfatos, *Philistinorum* quoque finiû (*A a a a*) infestator: ex eo tamen, quo cædem innocen-

K 2

tis

Ruina Ieroboamî,

tis *Iehusi* fecit, tempore; fœdere Syrorum ex-  
 cidit: Damascenos, adversum se, Duces &  
 copias, excivit: urbes suæ ditionis, *Ahiônem*,  
*Danem*, *Abeldômum*, captas direptasq; sen-  
 sit: tractumque terræ *Nephtalitidis* univer-  
 sum, ab ora *Panéadis*, ad viciniam usque *Ga-*  
*lilæi* maris, *Syrîs* expugnantibus, amisit. Cœ-  
 ptas denique *Rhamæ* munitiones, ac propu-  
 gnacula, tantæ molis ac moliminis, nec exi-  
 gui fastûs, & terroris, opera; deserere fugâ tur-  
 pî compulsus: cum *Asa*, *Jerosolymorum* re-  
 ge, vitæ reliquæ pleramque partem, alternis  
 inferendis, accipiendisque cladibus, exegit:  
 ad extremum autem, & *animam*. Hanc ille  
*Tartaro*, post actos in regno *viginti quatuor* an-  
 nos, morte, quam *cruentissimam* meruisset, *siccâ*  
 transcripsit: cùm corporis eius exuvias *Iherosa-*  
 lumulo condidisset. Vir, bonis omnibus, ac Deo  
 cumprimis, ( quod atrocissimâ quavis nece  
 funestius est) æternum invisus. At, quem in-  
 fontium cruorem Tyrannus pater hausit, nec  
 tamen *exsudavit*, egressu vitæ; filius, Tyranni  
 successor, nec ita multo post, *revomuit*. Is, *Ela-*  
 fuit: rex biennis, genitorisque mores omnes,  
 & in adorandis *Vitulis* impietatem, æmulatus  
 aliquantô tamen in *poculorum*, quàm *armo-*

rum

Ruina Ieroboami.



*rum*, certamine, supra paternam consuetudinem strenuus; in epulis, quàm castris, frequentiore se præstabat. Nondum *plenum* erat *regni biennium* evolutum (id, quod & in cæteris *Israëlis* regibus observandum lectori veniet, exactius calculos posituro: quibus Regibus *inchoati* principatûs *anni*, non rarò, pro *consummatis* assignantur) &, auspiciis *Ela*, regumque superiorum exemplò, *Gebbetbónem* oppidum, adhuc à Philistinis detentum, *Israeliticæ* copiarum tentabant: ductorèque tunc *Ambri*, regis legatò, circumsidebant. Cùm, inter hæc, in convivio præfecti *Iherfensis*, *Arse*, temulentus, ac regni curarum oblitus, *Ela*, rebellionem *Zambris* opprimitur, hominis factiosus, qui-que dimidiæ partis Equitum Dux fuerat à rege suo constitutus. Obtruncati regiam, & imperium, interfectior, *lege*, quam arma sibi figunt, invadit: *dierumq; septem* Rex est, qui totidem fortassis annorum *septennia* sibi destinârat. Intra quod tamen, tam brevis Tyrannidis, spatium; ne nihil, post trucidatum regem suum, personam suam dignum ageret; *Elæ*, *Baasæ*q; Stirpis omnis, ac propinquitatis, lanium, & Carnificem, egit. Omnemque *Baase*, non familiam modò sanguinemque; sed remotiores

K 3

etiam

Ruina Ieroboami.

etiam necessitudines, & affinitates, extinxit: ut, hac cædium properatione, planè, vel inscius, prælagisse sibi supremæ potentiæ brevitatem, videri possit; (*Viri namque Sanguinari non dimidiant dies suos*): ac metuissè, ne paullo post jugulandi tempus aut facultas nulla superesset; & superessent tamen, qui jugulari mererentur, aut deberent. Sed videlicet, aut excindenda *Baasæ* domus erat; aut mendax esse *Jebuseum* vaticinium; quod *Baasæ* posteritati stragem, & excidium internecinum, denuntiârat: oraculique pondus ipsiusmet Prophetæ sanguine cædèq; consignârat. Is tunc *Sanguis*, è lege *talionis*, cum sævis interfectoris sui *Baasæ* Manibus, disceptabat: auctore *Zambri*. Cæterùm patratîs, quorum causâ *Septimianus* hic rex à Numine dominari, grassarique, permissus erat: debitum sceleribus suis exitum, & ipse, celeriter sibimet persolvit. Nec enim, uti *Nadâbus*, & *Ela*, qui *Baasam* antecesserant, *alienas* exspectavit, in perniciem suam, manus: sed ipse *sui latro*, bustuariusque simul *Ela*, fuit: ne quando vel ad punctum animus, à furore perdendi pereundive, conquiesceret. Id, hac serie factorum, evenit. Quamquam *Gebbet* honem obsidebat Israëliticus, uti superius

Ruina Ieroboam.



rius dictum est, exercitus : compertâ simul in castris *Ela* cæde ; simul, intersectoris collatâ cum *Ambri*, legato regionum agminum, indignitate : concursu factô, clamorêque sublato, *Decem tribuum Regem* esse iussit *Ambrin*. Continuôque, ne vel exigui temporis morâ tyranni *Zambris* imperium inveterasceret, ipsôque diuturnitatis robore difficiliore ad evellendum radices ageret : relictis & castris, & *Gebbethone*, *Thersam* simul omnes copiæ, sponte ductûve novi Regis, advolârunt. Circumsidetur *Thersa*, jam *Zambris Regia* : statimque, nisi suprema propugnatores tentent, *Ambris* futura. Nec desunt, qui pro *Zambri* propugnent. non animus illis, non vires, ac spes, hostis arcendi, labant. Et aderat hortator, qui remunerator esse posset, *Zambris*. Sed tanta fuit *Ambris*, & obsidentium, ad expugnandum, alacritas, & animorum ardor : ut ab obsessis ultra sustineri non possent. Quibus *Zambris* animadversis, à seipso, quàm ab alio, generosiùs (utî credebatur) interiturus : abjectis armis, ad desperationem, tanquam ad asylum, hoc est, in regiam arcem, profugit. Hanc secum unâ, flammis injectis, facibusque subditis, exussit : *Sardanapali*, qui post hæc Assyriis imperavit, &

K 4

plurium

Ruina Ieroboami.



plurium aliorum, *stulta fortitudinis heroum*, in hoc sui busto, dux ac magister futurus. *Periit* autem, (ut Sacer scriptor Cineribus eius inscribit) *in peccatis suis, quibus deliquerat coràm Deo: peccans ipse, peccatig, caussa factus & futurus compluribus. adoratione Vitulorum Jeroboamicâ, si supervixisset. Reliqua verò scele-*rum eius, & *insidiarum, quas Ele tetendit, ac tyrannidis illius, quam, pauculos intrâ dies, Sæculo fortasse parem exercuit: scripta sunt in Annalibus Regum Israëlitarum* (qui tamen libri pridem interciderunt) sed accuratiùs, in monimentis *libri magni memoria-DE I;* qui solus Codex intermori nunquam potest. Hic ergo, quem dixi, gestorum ac vitæ *Zambris*, finis exitit; *Tyranni simplicis*, sed, homine sub uno, *gemi Tyrannicide.*

Post hujus autem interitum; tametsi Regem jam nuper in castris *Ambrin* exercitus, uti dictum est, universus, jussisset: tamen, ut sunt *mutabiles vulgi, tam bellò, quàm pace, voluntates:* discissi factionibus Israëlità, pars altera, sicut legerat, sic retinebat, regem *Ambrin*. cæteri, *Thebnin* quendam (quem *Thamánum* Josephus nominat) Ginéthi filium, proclamant. Futurum igitur erat, ut *tres* simul, sub *unum* idém-  
que

Ruina Ieroboami.

que tempus, Chananæa terra, *reges Hebræos*, in cervicibus haberet: *Asam*, putà, *Judea*: cæteræ tribus decem, *Ambrin*, ac *Thebnin*. Sed, cùm & validior copiis, & bellò melior, *Ambræarum* partium esset exercitus: victa causâ *Thebnis* est, & oppressa. trucidatus ab adversario, subfessor regni, *Thebnis*, ac *Joram*, frater eius: (*bbbb*) & *Ambris*, paucis in diebus, interfectis duobus, seu regibus, seu tyrannis, imperium Israël solus, nullo jam inturbante, possidere pergit. *Sexennio* porrò cùm *Thersa* regnasset; postea, regni sedem aliò transferre constituit. Duobus igitur *argenti talentis* Hebraicis, hoc est, viginti quatuor millibus hodiernorum nummum coronatorum, æstimationis Francicæ (*cccc*), montem sibi quendam, domini sui nomine *Semeronem* appellatum, comparavit. Is, in magnam editus altitudinem; post *Sichimam*, ad *Aquilonem*, in ipsis *Ephraimitarum* finibus, situs erat. Eum rex *Ambris*, prope totum (quod superius jam dicere cœperamus) ædificiis occupatum, ac mœnibus; urbem effecit amplissimam, &, illis in partibus, solis *Jerosolymis*, aut *Antiochiæ Syrorum*, dignitate, tam magnitudinis, quàm incolarum, cedentem. Illuc enim *sedem* tandem

K 5

impe-

Ruina Ieroboami.

*imperii* sui transportavit *Ambris*: & à *Semeróne*,  
 veteris montis domino, non urbem tantum il-  
 lam, sed omnem, à Beniamini finibus, ad usq;  
 Galilææ principia, ditionem, *Samariam* nomi-  
 navit. Quin & Israël's universo, supra Decem  
 Tribus, regno, vocabulum indè *Samaritico*,  
 (sicut Beniaminis ac Judæ, *Judaico*, seu *Jero-*  
*solymitano*) factum est: & ad interitum usque,  
 permansit. (ddd) Nec ex regibus Israëlitis  
 quisquam deinceps aliam, ac diversam, ha-  
 buit à *Samaria*, dominationis suæ curiam, aut  
 domicilium: nisi, quòd *Jezraëlem* subinde,  
*Manassææ* partim, partim & *Issacharææ* Tri-  
 bûs, urbem amœnam, æstivorum aut vinde-  
 miæ causâ, secederent. *Ambris* porrò Re-  
 gnum, vitiò regentis, non solum omni cultûs  
 impietate, religionumq; contemptu, per om-  
 nes principatûs eius annos, contaminatissi-  
 mum fuit: sed etiam cuncta regum antegres-  
 sorum tempora, factaq; scelerata, longis spa-  
 tiis antecessit. nec melius aliquid in eo fuit,  
 quàm *annus* illius potentiae *duodecimus*; idem,  
 & dominandi finis, & vivendi, detestabili Re-  
 gi factus. Etsi sanè vel *Anni soli duodecim*, op-  
 presse *Pietati*, pro *Seculo* sint: nemòq; proculcata  
*Iacentiq; Iustitie*, diutius regnet; quàm, qui pesti-  
 mè.

Ruina Ieroboami.



mè. Talis igitur, Ambris vixit: talis, & exspiravit.

VII. Et nihilominus, non *Cadaver* magis *patris*, quàm eiusdem sceleratè factorum *memoriam*, filius-successor, *sepelivit*: exsecrandò genitore, partibus propemodum infinitis, exsecrandior: ideòq; superior. Is, *ACHABUS* fuit; *Principum abominandorum omnium memorandum in paucis exemplar*; & *Israëliticorum Annalium* unicus Orbi *Nero*: nisi deterior eum *Romanus* ille, sed multò posterius, excepisset; monstrisque vitiorum triumphâset. Superi boni! Crederemúsne, facta fuisse, tam dira, gentis ab illius homine; qui *Mosen*, qui *Prophetas*, qui minas ac mandata Numinis, audisset: nisi divina nos librorum monimenta sub credendi necessitatem, quasi sub quodam subscriptionis jugum, mitterent? Non vacat, nec Operis hujus instituto primo deliberatum heret; Omnium omnia, seu malè, seu bene, gesta, libris nostris, diffusè complecti, vel exsequi. Sufficiat uniuscuiusque Ruinæ, malorum suorum, interitúsque, narratio, fidésque compendiaria. Quo consiliò proinde, *Regem* etiam *Achabum*, in immensum alioquin exiturum, constrictis breviariò narrationis ripis,

Ruina Ieroboami.

pis,

pis, & tanquam intrâ *Summæ* cujusdam alveum, colligemus. ACHABUS igitur hic, de quo dicere nunc institui; regnum *Samariticum* (sic enim illud in posterum nominare placet; postquam *Israëlitici* nomen usu creberrimo prope jam detrivimus) morte patris vacuum natus, & in divinis malè laceratum; regibus antecedentibus omnibus longissimè deterior: convenienter moribus suis illud administravit. *Vitulos*, uti priores Reges omnes, tanquam *Deos*, coluit. Adjecit, quod priores omiserant, *Beli*, Sidoniorum *Herculis*, ac *Dei*, cultum, delubrum, aram, lucum, Sacerdotes, & Sacrificia. (eeee) Quoque *Regie sedis* exemplò, regni cætera traheret; in *arce* regni, *Samariâ*, proposuit adorandum hoc *Beli* simulacrum: & ne multitudini deesset ad impietatem caput; adoravit ipse primus. Consortem autem, quin & *auctorem*, adorationis habuit, quam & thori sociam; JEZABELEM, *Ethbâalis* (ffff) filiam: qui, Deæ quondam Astartês (gggg) sacrificulus; cùm *Phelem*, regni Syriorum invasorem, obtruncâisset; regnum, & illud, & Sidoniorum, obtinuit: ac Socer est Achabi factus. Cùm autem *Jezabel*, & ut Sacerdote genita Veneris, & ut Tyri Sidonisque civis (quibus

Ruina Ieroboami.

bus urbibus ambabus *Hercules* erat in veneratione) simulacrorum cultibus insaniret: ac, præter hæc, audax, impudens, lasciva, virosaque (*h h h h*); denique, *Saga veneficæ* (*iii*), potens esset verbis, philtreis, illecebris, ac Dæmonum quoque ministeriis: facillimè concolorem sibi reddidit, & obnoxium ad omnia, maritum. Hic igitur, & conjugii *mancipatu*, & omni scelerum impulsui; *Jezabèle* concitante, provolutus est in omne nefas (*k k k k*): *abominabilis*, divino Scriptore proclamante, *factus*: & impius, sacrilegus, cruentus, ac sanguinarius: denique, cujusvis occultæ publicæque malitiæ, detestanda colluvies.

Et quamvis, divino munere, nec populo deessent, neque regi, *Prophetæ*; quippe, Dei jussu, sub eadem ipsa, tam perditâ, tempora, submissi *Samaritis*: tantum tamen abfuit à mala mente corrigendâ rex: ut & Divinos viros illos, tum ipse per se carceribus, plagis, exiliis, insectaretur: tum *Jezabeli* trucidandos permetteret: & ipse, quasi *multitudine* vatum suorum Deum *provocaturus*, exiguo tempore *Beli-pseudopphetas* quadringentos, & quinquaginta; præter hos autem, & alios quadringentos, lucorum aris præfectos; *prophetis veris*, numero

Ruina Ieroboami.



merô longè paucioribus, opponeret. Quod miri quidem nihil habet; *faciliùs, majoriq; copiâ, scoriam aut arenam inveniri colligique, quàm Aurum*: sed *Achabi* tamen, ac *Iezabelis*, infamissimum, in tot alendis *pestilentia magistris*, studium, ardorémque, declaravit insigniter. Neque tamen *sustentavit* tantummodo; sed & uti commodè cum suis *habitarent*, effecit. Nam & ædificator alioquin erat; (si causas exciperes) minimè sordidus; ac restrictus: quippe, qui tum *Basilicam* Herculi Tyrio magnificentissimam; tum & palatium voluptatibus suis, amœnissimum, eburneïs, ex omni parte, parietibus, & contabulationibus, ac pavimentis, adornatum excitârit: (llll) & præter hæc, *urbes*, in regni præsidium, munitissimas, neque paucas, exstruxerit. Sed, partam apud *suos*, hoc est, *Impios*, ædificationum laudem; apud *Superos*, & optimum quemq; mortalium, pravitate morum, homo *plusquam uxorius*, destruxit & evertit: publicumque propterea Numinis, & *Elia*, sanctissimi vatis, Odium effectus: diris, immissu Dei, poenis pleramque vitæ regniq; partem, est affectus: in societatem *castigationis* veniente ferè semper, & *populo*; qui, *regis* in gratiam, descenderat in socie-

Ruina Ieroboami.

focietatem *culpa*. Primùm enim omnium, tri-  
um annorum, ac sex mensium, assiduâ perti-  
naciq; siccitate laboratum est adeò, per o-  
mnes *Decem tribuum* terras, barbarorumq; , fi-  
nitimas Israëlitis, oras: ut capita quoque ri-  
vorum, venæq; fontium, exarescerent. Unde  
sitî famêq; mortales, ac jumēta, (quippe, ter-  
râ fruges & pabula negante,) conficiebantur.  
*Cælum aneum*, subtrahitis imbribus, omniq; re  
rore; *solum autem ferreum*, jaçtatis frustra se-  
minibus, & incassum aratrô tractô, redditum  
erat. Quæ publica Phœniciæ terræ mala,  
tam latè sterilitatis inducæ sparsere famam;  
ut apud Græcos etiam *Menander*, illius men-  
tionem libris suis inseruerit: (m m m m) dum  
*Ithôbalis*, Tyrii regis, annales casus exsequitur.  
Fames igitur ingens regnum omne *Samariti-  
cum* exercebat: cùm, inter hæc, *vitiô desperata  
nequitia*, (quam *inflicta divinitus plaga non sa-  
nant, sed exasperant*) cruenta *Jezabel*, vel ma-  
ximè, *Prophetas* scrutaretur ad gladium; & in-  
terficeret, quoscunque latebræ cum fide non  
texissent. *Centum* enim ex illis, *Abdias*, regiæ  
domûs dispensator, vir pius ac bonus, in spe-  
luncas divisos, abdiderat: totôq; furoris regii  
tempore suis impensis sustentârat. Quæreba-  
tur

Ruina Ieroboami.



tur autem & Elias Thesbites, *Prophetarum*, illius temporis, caput, ac rector; per omnes terrarum Chanaanitidis, ac Phœnicês, angulos, & confinia. Nec veritus est *Elias*, etiam ultrò se Regi sistere; supérq; multiplici Numinis irritatione, palàm objurgare: *Turbatoris-regni* convitium, quo rex eum exceperat, in eum ipsum regerendo. Præter hæc autem, idem vir divinus *Beli Tyrii Pseudoprophetas*, rogatu suo, voluntatèq; regis, ex omnibus Regni *Samariticæ* delubris ac lucis, in Carmeli montis verticem accersivit. Illic eos, secum de *Vero Deo*, Belûsne tandem is, an priscus ille, seu Mosaicus, esset, certamen ausos ac disceptationē inire; sub sponsione flammæ, de cœlò super victimas alterutrius partis devocandæ: præsentibus *Achabò*, populòque, pròscidit amaris, sed verissimis meritisque, dictariis. Eosdémque multitudinis quoque confessione, turpiter in *causâ Religionis* victos confusosque, permissu regis (quia tanto populi consensui se vix, & incassum, oppositurus esset) monte detraxit &, ad Cifonis torrentis undas adductos, super ipsas eius ripas trucidavit omnes. móxque quasi rectè ritèque gestæ rei testimoniò divinitus approbatus, omnique crimine displicentia

tu

Ruina Ieroboami.



turæ Deo crudelitatis absolutus: pluviam ingentem, ex Occidentalis cœli *nubeculâ*, precipibus evocavit: qua *sesqui-trium annorum* monstrosam ariditatem, inundatione terrarum aliquantô prodigiosiore, correxit, ac compensavit. Et nihilominus *Achabus*, aridâ terrâ siccior, sterilibûsq; petrîs durior: nec evidentissimô bonæ causæ, de causâ malâ, triumphô; nec explanatione Veritatis clarissimâ; neq; super hostiam *Elie* cœlesti flammâ; nec extemporalibus, miraculîq; plenissimîs, ex imbribus; aut *Elie* vatis, longè supra vulgus hominum eminentis, auctoritate, flexus, & emendatus: auxit insuper obstinatæ malitiæ vecordem constantiam. Reversus enim (& hoc quidem, antecursore, succinctis lumbis, *Eliâ*) Jezraëlem in urbem, quo tunc in loco *Jezabel*, propheticæ concertationis exitum præstolans, æstivabat: omnia, per ordinem, *Elie* gesta Regionæ; præ cæteris autem, invidiosissimè, *Beli* concisos, ad Cisonem amnem, *Sacerdotes*, recensuit. Eâ rex narratione, furentem jam antehac, plus nimis, mulierem, tantô vehementius in *Eliam* incendit; quantô plures, eiq; majores, Sacrificuli, *prope-nongenti*, (*nnnn*) fuerant; quàm aliquot, exiguô numerô, *Prophetae*,

L

quos

Ruina Ieroboami.

quos antehac ipsa jugulârat. Fugiendum igitur & *Eliæ* fuit : quem *Jezabelis* minantis, eumque, per emissarios suos, insequentis, metus, in *Pharaneam* usque solitudinem, ac montem *Orébum*, ejecit. Eo tempore, multò calamitosissimus *Samaritici* regni fuit status : non tam infelicitate pacis, ac belli, casuum ; quàm eorum populorum promeritis, atque culpâ. Jacebant altaria veri Numinis disjecta : reponebatur impius *Beli* cultus ; ac, recentibus accersitis Sacrificulis, *Prophetarum*, sicubi reperiuntur, reliquiæ delebantur. Populus, emendari nuper visus, in pristina mentis mala revolvebatur : *septingenti* soli (quod suprà memorabamus) de tot millibus, *Belo non supplicantes*, in officio fidéque remanserant ; metu regum, *occulti magis*, quàm *publici*, Numinis adoratores. Ad alias igitur, ac novas, è renovatâ pravitate, *pœnas*, progredi coactus DEUS ; è solitudine *Sinææ* remissum *Eliam*, immittit *Achabo*. Mandat, ut adversùs eum *Prophetam* inauguret *Elseum* ; ab aratro bobusq; devotum, terrorique quondam *Achabi* posteris futurum. Jubeat insuper, designari jam tunc in antecessum & *inungi*, *Syris* *Damascenis* imperaturum, *Hazaelem*, & *Israëlitis* *Jehûsem*,  
Nam

Ruina Ieroboami.

Namsæi filium : utrumque gravem , haud multò post, & *Samaria* futurum , & paci : sed posteriorem, etiam excidio posteris *Achabais*, ac *Jezabeli*. Nam id disertè Deus prænuntiârat. Quænam autem potest esse pœna flagitiorum præsentior, quàm, ex ore Numinis, in futurum missa, nec intercasura, minæ? Quò tamen nihilominus resipiscendi spatium *Achabo* daretur, aut, si nollet esse melior, *inexcusabilior* eius postea fieret *Improbilas* : prospera Deus aliqua tristibus, (ut ferè solet) præmisit : uti, qui *Suppliciis* nollet, *indulgentiâ* redire vellet ad rectiorem mentem. *Benadâdus*, *Syriæ Damascenæ* rex, imprimis opulentus, ac potens; *triginta duobus* secum ductis, inferioris fastigii, regibus; *Samaritarum* urbem obsidione validâ, castrisque formidandis, urgebat. Intrâ moenia porrò, cum *Achabo*, non plures erant numerò; quàm, quot cum Deo, qui *Belo* genua non curvârunt. Cum *Benadâdo* contrâ, *Syrus*, & *Phoenix*, & *Arabs*, & finitimus *Oriens*, ac *Boreas*, universus. Mandatò nihilominus, opéque præsentissimâ, Numinis; cæteris interim *Achabi* copiis, quasi per otium, spectantibus, ducenti non ampliùs, ac *triginta duo*, purpuratorum, ac *Satraparum Achabi*, pedissequi, concurrere *Syrorum* exer-

L 2

citibus

Ruina Ieroboami,

. . . . .



citibus ausi sunt: ac prælii secundissimi principium, & omen, dederunt: tantò spectantium irritamentò; justis ut confestim exerciti-  
bus utrimque concertaretur. Nec id, ex insidiis, aut nocturni temporis, nebulæve, compendiò; sed clarissimò lucis meridie, gestum est: accubante tunc epulis *Benadado*; subque tentoriorum umbraculis, pocula cum collegis regibus, miscente: demersis tantisper vinò belli consiliis. Miles tamen Syrus, & auxilia, nec sui, nec virium suarum, obliti; ceperant arma: tantillique cunei primum insultum, pugnae potiùs ludum, quàm pugnam feriam, arbitrati; divini cujusdam terroris incussâ vi, *formidinèq*, tanquam *pànicâ*, repente trepidantes, cæsi, fusi, disjectiq; sunt. Deletæ copiae *Benadadi* pedestres, maximam partem profligatæque, quibus adhuc evadendi spatium, ac facultas, fuit. Equitatus Syrorum omnis, ac falcati currus, *Achabo* persequente concisi. clades, ad summam, ingens, ac lacrymabilis inflicta Syris. Rex ipse *Benadadus*, cum equitum circa se, delecto robore, vix elapsus ægerrimèque, beneficio pernicis fugæ, cæcus subtractus est. *Victor* igitur *Achabus*, in annu-  
illum; *nec melior tamen, eâ victoriâ, factus; qui*

Ruina Ieroboami.

pe, nihilô, quàm antè, minùs, uxoris suæ, malitiæque, perpetuum, sed sponte sua, mancipium. Anno verò vertente, deterior etiam aliquantô, quasi Seniô quodam corroboratæ nequitia, redditus: *viçtor hostium, Iracundia suæ servus est effectus*. Cùm enim denuò *Benadadus*, copiis, multò, quàm antè, majoribus, adversùs *Achabum* instructus; ad *Aphécam*, *Issa-charææ* Tribùs urbem. in *Esdrelóniis* campis, castra collocâset: ac septimô, postquam advenisset, die, virium suarum planique loci fiducia, prælium commisisset; apparebat quidem, humano sensu rerum eventa conjectantibus, victorem *Syrum*, victum autem *Israëlem*, indè discessurum. *Syrus* enim, immensus erat, exercitus; qui, pæne *locustarum* instar, campum *Esdrelónis* operiret. *Israëlitarum* autem acies, bipartita; rarîs, & extenuatîs ordinibus, *gemini* potiùs *capellarû gregis* in pascuis, quàm *militaris multitudinis*, in prælium accinctæ, speciem imaginemque referebat. Certamine nihilominus initô; res *Hebræa*, perterrente debilitantéq; *Syros* Numine, superior etiam tum fuit. Cæsaque *Syrorum* peditum, eo die, *centum millia* sunt: hoc est, plures, quàm vel *interfectores*, esse, vel *gladii*, possent: nisi singulis

L 3

lis

Ruina Ieroboami.

lis hostium decuriæ centuriæq; jugulandæ,  
 (sæpe quoque ferrô non-suô) sub ictum of-  
 ferrentur. *Viginti* præterea, *septemq;*, *millia* vi-  
 rorum, Syriacæ cladis reliquiæ; cùm eos, tre-  
 pidationis plena fuga conglomeras agmini-  
 bus *Aphêcæ* portis intulisset; intrâque pomœ-  
 rium urbis, secundùm mœnia, tenderent; al-  
 tiorum virium impulsu corruente murô, sub  
 eum ipsum fortè temporis articulum, op-  
 pressa ruinâ sunt, & elisa. *Benadadus* ipse, cum  
 paucis, equô celerî, formidinêque *cervinâ*,  
 longiùs ablatus; in latebras sese conjecit: in-  
 glorius, ac pavore vix sibi jam ipsi, nedum ca-  
 stris tuendis, præsens. Hac tantâ tamq; me-  
 morabilî, rex *Achabus*, victoriâ, nihilo tamen  
 melior effectus; cùm in mandatis accepisset  
 à Deo, Prophetis interpretibus; ut insistere  
 Syriæ, jam secundùm victæ; cœptamque bell  
 fortunam prosequeretur, ad hostium usque  
 perniciem, & interuersionem: non obtempe-  
 ravit. *Clemens* enim *in crudeles*, & *crudelis* *in*  
*in placidos*; paullò post, per legatos sibi suppli-  
 cem factum, Syrorum regem, ne deliberatio-  
 ne quidem interpositâ, num id è sua suorum  
 que re futurum esset, confestim, non in am-  
 icitiam modò fidemq;, sed in currum quoque  
 suum

Ruina Ieroboam.



suum, recepit. Increpitus autem eo nomine, Dei jussu; diffiditque, tam vultus, quam sermonis, habitu, provocatus, à Propheta quopiam, ad salutarem animi dolorem concipiendum; *Quod virum morte dignum, è manibus dimisisset: Et, ea propter, vitam eius succidaneam, pro vita regis Syrorum, victimam fore, populumq; Samariticum pro populo Syro, supplicia luiturum:* obstinatè pariter, & frontem obfirmavit, & animum; contemptisq; Dei minis, furibundò secum fremitu *Prophetas, & Oracula, despuens:* rediit in Regiam, ac Samariam. ad Deum, ac meliora consilia, non redivit. Posteaquam ergo, nihil illi, cum ullo Bono, commercii miscere, destinatum fuit: relictus, à Numine, fuit, Unis ac solis mortalium omnium pessimis, deterrimisque; SIBIMETIPSI nempe, suæq; JEZABELI. Suïs igitur, uxorisq; libidinibus, ac vitiis; ab eo tempore, provolutus *Achabus* est, ad consummatam Impietatis omnis, Tyrannidisque, malitiam. *Nabothum* enim, *Jezraelitam*, ordinisq; primi civem (oooo); *Jezabele*, non penitus insciò se, falsum crimen in eum, & accusatorem, ac testes, suscitante; lapidibus, unà cum filiis (pppp), obrui, latà capitis in eos sententià, permisit. *Causa cadis in-*

L 4

iquis-

Ruina Ieroboami.

*iquissima, non alia fuit; quàm, quæ sæpe Principibus injustis esse solet: avara postulationis repulsa: putà, quòd vineam, in plantarium, olerumque seminarium, expetitam ab rege, Nabòthus, hæreditatis avitæ religiosa quadam reverentiâ, vendere Principi profano, Belique cultori, detrectasset. Eâ causâ, Rex eum, & interfici, pensi non habuit: & interfectô, lætatus est. Quod adeò graviter Deus accepit: ut Achabo, post infantium interitum, ad occupandam vineam properanti, Prophetarum omnium acerrimum, Eliam, immiserit; non expostulandi tantum exagitandique, pro meritis; sed etiam minarum, causâ: quas in eum, ac Jezabelem, & Achabeam domum universam, atrocissimas fulminavit; cadem, pro cade; cruorem, pro cruore; canes, Achabi Jezabelisque sanguinem lincturos, pro Canibus, qui Nabòthi sanguinem linxissent, talionis lege promittens. Adjecit his Elias; Jeroboami Baasæq; regum, interitum, ac posteritatis eorum exstirpationem: quorum regum, quia sectatus esset, ac verò superasset etiam, improbitatis exempla: sectaturum pariter, ac superaturum esse, pœnas; utpote, non Regem, sed Malitiæ-Servum, Achabum. Quibus aliisque talibus, Elia (sicut hic ardens erat) incensissimè ad corrigendum*

Quina Jeroboami

dum verbis, *confusus* tunc quidem, vehementerq; *pudefactus*, rex impius est: quod tum, non armigeri solum, assuetusq; regibus comitatus cæterus, præsentessent; sed etiam unâ sederent in curru *Jebuses*, ac *Badazerus*, Achabæorum Ducum primi, quibus hæc *Elia* verba, multos deinceps in annos, memoriter inhæserunt. (qqqq) Cæterum, *Achabus* quidem, impræsentiarum dolore mentis, qualilî, tactus; resipiscentis officium, ac partes, promisit magis, & depinxit; quàm cum fide præstitit, aut implevit. Mœrorem namque declaravit animi, facta sua detestantis: discissis, Hebræo dolendi modò, vestimentis, ac purpurâ regalî; cute nudâ, cilicinis tunicis, ac setosis thoracibus, afflicta: corporèq; jejuniis maceratò; somnos denique, non in linteis, mollibusve stragulis, sed, asperò substratò sacco, capiendò noctibus; interdium verò, fronte cernuâ, dejectâque prorsum cervice, circumambulando. Quibus, aliisque talibus, animi *Pœnitentis* signis, captus *Deus*; minarum ei, per *Eliam* intentatarum, gratiam eousque fecit: uti promiserit; earum plenam tempestatem, non se statim in ipsius *Achabi* caput, sed in alicujus filiorum ejus, olim effusurum. Nec po-

L S

tuit

Ruina Ieroboami.



tuit tamen , vel sic quoque miser *Achabus*,  
 uti cœpisse visus erat , animi modestiam ad  
 metas usque perducere : sed , qui mos est ho-  
 minum , ad Scelus omne prostitute ; occasione  
 raptâ , relapsus ad ingenium est. Pòst paullò  
 namque , nondum annuò revolutò spatiò ;  
*Ramotham* , Galaaditidis regionis transamna-  
 nam urbem , arcémque permunitam , à Syris  
 (qui tum eam , bellò captam , insidebant) bel-  
 lò recepturus : omnem , quem collegerat mi-  
 litem , *Josaphatò* , Judææ rege , coràm , expedi-  
 tionis utpote sociò , *Samariam* contraxit : con-  
 tractumque , recensuit. Auspicium autem ca-  
 pturus futuri successûs ; eòdem universos e-  
 vocârat , & *Belæos* Sacerdotes , & *Vitulorum*  
*Pseudoprophetas* : ad numerum ferè *quadrin-*  
*gentorum*. Quâ tot nebulonum copiâ , quis  
 non miretur ; tam celeriter , deletam nuper vi-  
 perinam progeniem , in tantam potuisse tur-  
 bam resurgere ? Sed nempe , citissimè mures,  
 scarabæi stercorarii , quòdque præterea taliũ  
 immunditiarum est , renascendo densatur.  
 Eos igitur *Achabus* , super expeditionis exitu ,  
 consulens : exultabat mendacissimís illorum ,  
 & ad solam assentationem compositis , de fe-  
 lici successu , vaticiniis. *Michæ* contrà , Jem-  
 la fi-

Ruina Ieroboam

læ, filio, veri Numinis veridico Vati; quòd in-  
 fausta cuncta prædiceret, ipsique Regi malum  
 denuntiaret, infensus: eum in custodiam, &  
 extrema famis mala, compegit: *perinde, quasi*  
*tantò Deum habiturus esset erga se meliorem; quã-*  
*tò semet ipse deteriore in dies exhiberet: ac, li-*  
*bertate pedum, & non potius Oris, vaticiniorum*  
*veritas constaret.* Et Michæas quidem in cate-  
 nis erat: Achabus autem, ac Josaphatus, in ar-  
 mis, & oppugnatione Ramóthæ; cum suis u-  
 terque copiis, atque castris. Dictu mirum!  
 Syrorum omnî studiò viribúsque, *Josaphatus*  
 impetebatur; quippe, dolosò regis Israëlitæ  
 consiliò, regiis armis ac vestibus insignis. non  
 impetebatur rex *Achabus*; ut, qui, sepositis tan-  
 tis per insignibus regiis, privatæ sortis militem,  
 aut, si multum, centurionem, habitu mentitò  
 profiteretur. Et tamen, qui gladiis ac missili-  
 bus omnium, letho destinabatur, *Josaphatus*;  
 evasit incolumis; clamore, (quo Dei popo-  
 scerat accursum) & *Innocentiâ suâ, quasi Scutò,*  
*protectus.* Qui verò minimè gentium vel quæ-  
 rebatur, vel agnosci saltem poterat, rex *Sama-*  
*riticus*; in tot gentium agmine colluvioneq;  
 militari, repertus ad victimam solus fuit: à  
*terra* (nescio, quo) *filiò*, directâ prorsus in in-  
 certum

Ruina Ieroboami.



certum sagittâ , sed, Numinis ultrice dextrâ regente, tactus, percussus, & *pulmones inter ac stomachum*, desperatò vulnere trajectus est in curru. Quo fatò suò , Publiani dicti veritatem rex implevit, de Casu Fortunâque pronuntiantis, quod de Vindice Deo debuerat; *Quem sepe Casus praterierit ; tandem invenire.* Jamque Dici vesper erat : & *Achabus*, exspirans è vulnere, victoriam Syris, animam Inferis, corpus Jezabeli suæ, Samariæque, reddidit : Sanguinem denique venaticis suis *Canibus*; qui, lotum in piscina lethalem *currum*, & *habenas*, cruore contaminatas, in ripa speculantes : rorem purpureum, undis supernatantem, avidis lambentes rostris, ac linguis, abliguriverunt. Dignum & istud erat *impudentibus* eius factis supplicium : ut *animalis*, *omnium obscenissimi*, si non *Cœna de Cadavere* (nam hoc Samaria sepelierat) saltem *Promulsis*, de tabo cruoris sui, fieret. Hunc nempe Canibus *haustum* ( ne fortè bibere dubitarent, ) *Elia* vaticinia *propinârant*. Regnavit autem Achabus annos viginti duos.

VIII. *Achabi* porrò regnum , jam antehac gubernaculorum aliquamdiu consors, & collega, filius excepit, *Ochozias*, *Hujus Opera*,  
sicut

Ruina Ieroboami,



sicut & parentum, erga Deum (utî divinus historicus loquitur) *impietate fuere plenissima*: mores, & superstitiones, maternum ad exemplum compositæ. Nam & ipse, præter *Vitulos*, Jezabelis etiam *Herculem* adorabat. nec aliquid in eo desideratum est *Achabaum*; præter gubernationis ac vitæ *diuturnitatem*: quâ genitori multum cessit. *Biennis* enim tantummodo *rex*, & idipsum quidem, parte potestatis plerâq; cum patre divisâ, fuit: (rrrr) neque diu genitori superstes. Gravibus autem Deus eum calamitatibus immisissis, conatus est ad officium (etsi nullo successu) reducere. Nam, eius permissu, confestim à clade *Ramothæâ*, patrisque morte, *Mesa*, rex Moabites, tributorum annalium obsequiò rupto, detrectavit, *Ochozia* pendere centum agnorum, ac totidem arietum, millia, cum eorum vellere. Quæ professio fuit, certissimæ Moabitarum, à regibus Israël, defectionis. Deinde, *ne melius illi mari, quam terrâ, res sua fluerent*: classis *aurifera*, quam, priscò Salomonis exemplò, junctis cum *Josaphato* sumptibus, & apparatu, missurus in *Somatram*, ac *Taprobannam*, Indici maris Insulas, erat; in ipso Sinûs Arabici portu, cui nomen antiquitus *Asiongâberâ*

**Ruina Ieroboam.**

*beri* fuit, tempestate fluctibusq; disiecta, sub-  
 sedit. Ac, ne reparatione quidem navium,  
 sarcire dispendium potuit: quippe, *Josaphatò*  
 (cujus ab opibus catenus rerum *Ochozia* pen-  
 debant opes) navigationis omnem deinceps  
 societatem, quasi Cœlo displicentem, abnu-  
 ente. Sed nec hîc quidem malorum *Ochozia*  
 finis fuit: quando, pòst paullò, gravissimum,  
 eumq; lethiferum, in morbum est implicitus;  
 ex eo, quem dicam, casu. Chanaanitidis, &  
 Orientis ferè totius, non, ut apud Europæos  
 plerosque, declivia, sed plana sunt, ac sub dio  
 constituta, tecta. *Solaria* vocamus. Dum igi-  
 tur die quodam, æger animi rex, & ob ru-  
 ptum à Moabitis obsequium, & propter amis-  
 sam tam classẽ, quàm *Iosaphati* cõcordiam,  
 per regiæ solarium inambulat: improvidò  
 gradu fenestram pavimenti pressit, per cujus  
 tigilla *cancellata* lumen desuper, ac dies, in  
 subiectam solario cœnationem, immitteban-  
 tur. Hujus igitur fenestræ, quam dixi, decus-  
 satim inter se connexis ligni segmentis com-  
 pactæ, jam alioquin antea fragiles *maculae*,  
 superstantis *Ochozia* ponderoso corpore dif-  
 fractæ; secum pariter, unâ ruinâ, detraxere *re-*  
*gem*, in constratum marmore cœnaculum;  
 fractis,

Ruina Ieroboami.

fractisq; cruribus, & afflictio graviter capite,  
 semianimem reliquere quoad is, labentis ad  
 clamorem, casusq; strepitum, concursu factio  
 ministrorum, erectus, in cubile relatus est.  
 Non desunt autem, quibus placeat; *Ocho-*  
*ziam*, non pavimento fenestrato, sed *cancellata*  
 potius *corona*, seu *septo* solarii, pondere cor-  
 poris incumbentem incautius, de coenaculi  
 recto, cedentibus oneri cancellis, in hortum  
 usque, vel triclinio subiectum impluvium,  
 decidisse. (ssss) Sed in hac re, *veritatis* po-  
 tius (quam Deus, & rex lapsus, norunt) quam  
 nostrum, aut *conjectura nostra*, iudicium esto.  
*Cecidisse regem, & hinc agrotasse*; certum, extra-  
 que controversiam, est. Cum autem admo-  
 dum tardè curatio, cumq; medentium haud  
 obscurâ diffidentia, procedere videretur: *O-*  
*chozias*, matris suæ *pseudopropheta*, ceu men-  
 dacissimis; & *veri Dei vatibus*, utpote dira sem-  
 per *Achabæ* stirpi denuntiare solitis, eo tem-  
 pore prætermisiss; sciscitatum, de valetudinis  
 eventu, misit *Accaronem* usque, *Philisthino-*  
*rum urbem*: in qua *Beelzebûlis*, Dæmonis, *Mu-*  
*scarum Domini*, tunc temporis oraculum, in-  
 primis celebre ferebatur. Usque adeo nem-  
 pe malis correctus *Ochozias* non erat: ut etiam  
 in pe-

Ruina ieroboami.



in pejora quotidie prolaberetur. Sed legatos, *Elias*, missu Numinis interceptos, ad regem remisit; cum exprobratione vehementi magicæ consultationis, & opis, à Tartaro postulata: cùm *Israëli* tamen, nec Deus suus, nec sua remedia, deessent. Jussit denique, propter hoc ipsum facinus, de valetudine recuperandâ, sine dubitatione desperare. Nec absterritus est à responsi constantiâ vir divinus: quanquam *tertiùm* ablegatis adversum se *semicenturionum* fortissimis; quorum singuli *quinguagenos* secum imperterritos adduxerant milites, ad se comprehendendum. sed, posteaquam eorum alterum, & item alterum, cum manipulis suis, ad eius preces, flamma cœlestis exussisset; tertioq; (*t t t t*) cum suis, vitæ gratiam oranti, pœnam remisisset: ad *Ochoziam* decumbentem intrepidus accessit ipse, quæq; reprehenderat *absens*, in eo, reprehendit etiam *in presentia*; denuntiationem mortis iteravit: regemq;, ne manus auderet iniicere, perterritum; paullò post *reliquit*, vitâ functum: ac *luxit*, uti *morte sempiternâ* prostratum. *Obierat* enim (utî tales solent) *qualis vixerat*: hoc est, *alter Pater*; in hóc ei tamen dissimilis, quòd *Impietatis*, ex se, non reliquit

*bere-*

Ruina Ieroboam's,

*beredem* : prole masculâ destitutus. Reliquit autem, *germanum* : ex eo, vel soló, satis sibi *geminum* ; quòd eòdem uterò satúq; cretus erat. *Jezebelis*, & *Achabi*, filium, *Foramum*. Is, fraterni regni successione confestim aditâ, *Samaritam* habuit, (ut & pleriq; majorum eius) regni sedem. Displicuerunt autem, & hujus regis mores, ac sacra, *magno Deo*. Quanquam enim hic, initiô statim regni, suasu crebrisque cohortationibus, *Josaphati*, Judææ regis, *Herculis-Sidonii* statuas omnes, ex omni regno suo, quantumvis acriter obsistente sibi *matre*, proscripsisset, & , quantum virium suarum fuit, fanorum dejectionibus exterminâisset ; eadẽ tamen adhuc impietate, versutiâque, qua Simulacra *Béthelis*, ac *Danis*, Ieroboamus primùm excogitârat, cùmque successoribus suis coluerat; adorabat & ipse *Vitulos aurò fufos*. Cùm autem, uti suprà memorabamus, *Mesa*, rex Moabitarum, stipendiarium nuper jugum exuisset; idque, propter *Ochozie* breve, morbisque magis, quàm apparatu bellorum, occupatum regnum, inultum eousque tulisset: *Foramus*, ne, contumaciâ rebellionis, hostis sensim inveterascens, processu temporis evaderet incurabilior; copias, adversus eum, ex

M

omni

Ruina Ieroboami.

omni regno *Samaritico* contrahere, sub ipsa  
 statim supremæ potestatis aditum, instituit  
 Impetravit autem, sub sponsione, reducend  
 paullatim veteris Dei cultûs, *Iosaphatum* et  
 iam, *expeditionis socium*; &, illius auctoritat  
 mandatôque, *stipendiarium eius*, *Idumææ* regen  
 (u u u u). Erat verò tribus his regibus ac toti  
 dem exercitibus, iter in Moabitidem; non, qu  
 brevissimus, ad Galgala, Iordanis trajectus, &  
 ad rebelles transitus, futurus erat: sed, qu  
 tectius fallerent, & hostibus improvisiores su  
 perinciderent; per arida, desertâq; cultori  
 bus, *Idumææ* loca, *dierum septem* ambagibus  
 sic, ut Asphaltitæ lacûs *linguam*, (quam ve  
 cant.) ad Austri plagas excurrentem, long  
 flexu circumirent. Quo tempore, locôque  
 cûm vel ductorum inscitâ fraudëve, vel *Re*  
*gum* (ut homines & ipsi sunt) incogitantîâ, ne  
 que fontanæ, fluvialésque, neque cœleste  
 aut utribus apportatæ, contra sitim, aqu  
 pressio fatigatis essent. *Elisæi* vatis, quem su  
 per hoc consuluerant, iussu, plurimæ totô si  
 cari torrentis alveô fossæ factæ sunt. poste  
 ræq; lucis aurorâ sub ipsum Sacrificii tem  
 pu, allapsis aliunde, per ingens prodigium  
 undis repletæ; pariter, & militem, & jumen



ta, refecerunt. Hoc idem, & sitis eis remedium, & reportandæ de Moabitis victoriæ, quam Regibus *Eliseus* promiserat, pignus fuit. Quod ipsum tamen, tam grande beneficium, *Josaphato* regi soli, propter excellentem eius, erga res divinas, affectum, ac studium; non autem *Idumæo*, quippe simulacrorum cultori, multoq; minimè *Ioram*o, Vitulorum adoratori, tributum, ab *Eliseo* Numinèque, fuit. *Ioramum* enim, nisi *Josaphati* præsentia sibi repulsæ verecundiam iniecisset, professus est vates; *Se nec attenturum quidem fuisse, quarentem oracula: neque necessitudinum illius ullam fore rationem habiturum: idque, tum ipsius morum, tum etiam Achabi patris, ac matris Iezabélis, execratione.* Regis igitur *Josaphati* comitatu; non autem ullo suo promerito (*tanti refert nonnunquam, Cum bonis, saltem esse; tametsi bonus ipse non sis*) quod illa tunc expeditione quæsierat, *Ioram*us obtinuit. Id autem evenit, hac, quod mirandum est, occasione. Rex Moabites, cognitâ, per exploratores, & ex agrestium fugâ, *trium* adversus e Regum, & exercituum, expeditione: regni sui militarem pubem omnem sub signa convocarat: & ad Moabitis terræ fines Australes,

M 2

collo-

Ruina Ieroboami.

collocârat. Ibi *Zarêthus* erat, *torrens*; qui, quoties *aquosus* est, per sui nominis *vallem*, in lacum *Asphaltiten*, (quem *Mare-Mortuum* appellant) effunditur. Is ipse *torrens* erat, (utî conjectura terræ mensorum, satîs explorata, deprehendit. quem prodigiosîs, ex *Elisæi* vaticinio, repletum undîs, Deus alveô solitò fluentem effecerat. (x x x x) Eius autem ipsius die pridianam sub vesperam, quo die scatere *torrens* inceperat, *Moabita*, secundùm ripas, aliquantò supra torrentis ostium, in valle *Zarêtha* castra locaverant: hostem manè posterò, vel excepturi, vel quæsituri. Iamque posterus, in hanc spem à barbaris interposita noctis quiete, dies exortus erat: *radiq;* Soli matutini, qui multum adhuc *Aurora* retinebant, *colore* (sicut solent) *semipurpureô* tincti torrentis undas, in *sanguinis* speciem tingebant: sic, ut crispatis tumescentésq; Favoni reflatu, fluctus adversi *subcruentum* reniderent. An potius (ut illius terræ, multis in locis, *rubicundum* esse sabulum glebâque solet alvei solum *subruffum*, ad tremulam defluentis aquæ superficiem percussô sui fulgore tincturam *sanguinis* referebat? An denique *Deus* ipse *Moabitis*, populi sui vetustissimi

hosti

Ruina Ieroboami.

hostibus, id oculorum objecit ludibrium: ut, videre se, crederent, quod tale revera non erat? (yyy) Quidquid autem esset, quod illis *rubescere*: suspicari conclamaréq; Moabitæ non dubitârunt; *Commissi prælii, largèq; fusi sanguinis, pignus & indicem, cruentas illas aquas esse. Nempe, Digladiatos inter se tres hostiles exercitus, extra dubium videri. Neque mirandum id esse: cùm regi Iosaphato, nonnisi coactum commilitium, Rex Idumæus, (quippe tributorum jugò pressus) præstaret: neque Ioram rex Iudæus, utpote religionum discordium tenaci, satis cohereret. Exercitum præterea tergeminum, ac tot millium, per arida, cultûq; destituta, loca, famem inter sitimq; tractum; quid tandem, nisi detrectâsse regum, seu suorum, seu longè magis, alienorum, imperium? & idcirco, motâ castris totis seditione, mutuis in se cadibus, esse debacchatos? Et hunc esse stragis internecina, sine dubio, Cruorem: qui torrentem, paullò prius humore destitutum, repentè fecerit undosum. Hanc illi sic habere se rem, decernunt. vitio mortaliū usitatissimô, quo, Quidquid, ut fiat, optamus, id accidisse, facillimè credimus. Conclamant: Victoriâ in manibus, etiam siccis & otiosis, esse: superesse, victoria fructum; Hostium invadere trina castra:*

M 3

vestes

Ruina Ieroboami.



*vestes, aurum, arma, spolia, divitiâsq; trium regno-  
rum, diripere.* Signa proinde convellunt: ordi-  
nibusque solutis, jam non ad pugnam, sed ad  
prædam, secundum adversi torrentis ripas,  
festinant: tandemque, quâ se vallis in plani-  
tiem diducit, in hostes, Moabitæ, castrâq; re-  
gum, non (ut sibi persuaserant) *irruunt*, sed  
*incidunt: inopinantes*, in eos, qui steterant *ad  
hoc ipsum intenti: palantes, & incompotis cu-  
neis, in preparatissimos* ad pugnam. Coortis i-  
gitur è vestigio, quos deletos jacentesq; Moa-  
bitæ crediderant, tribus exercitibus, cum re-  
gibus totidem, certaminis incensoribus; cæ-  
duntur undique barbari: vixque visô satis,  
nedum impulsô retusôq; contrariis ictibus,  
hoste, vertuntur in fugam; quacunque cæ-  
dendi lassata rabies evadendi viam eis indul-  
get. Continuôque victores, in tergis paven-  
tium hærentes; Moabitida regionem irrum-  
punt. oppida, minùs firma, capiunt, depræ-  
dantur, inflammant: agros item, segetes, hor-  
tos, ipsosq; fontes, ac cisternas, omni vastita-  
te corrumpunt, & exscindunt. Denique  
belli totius molem, in regiam vertunt ur-  
bem; cui, quòd lateritiis esset muris, *Chare-  
sêthe* nomen fuit. (xzzz) Hanc, cùm, vi  
sum-

Ruina Ieroboami.

*Summâ Ioramus* oppugnatam, irrumperere tentaret; jamque non procûl expugnatione res esset. prius, quàm supremus fortunis Moabitæ interitus superveniret, *Mesa* rex (qui *Charosétham*, è proxima fugâ, velut in arcem inexpugnabilem, sese receperat) ultima statuit experiri. Videbat autem, eâ, qua *Rex Idumæus* curabat, parte, lentius, ac laxioribus ordinibus, oppugnationis ardorem procedere. *Septingentorum* ergo, viribus & audaciâ præcellentium, militum delectu secum educto; cœpit, *Idumæorum* in castra conari, proturbatis stationibus, irrumperere. Sed ea res, partim fortissimè resistantibus ac de castrorum vallo tela densa jacentibus, adversariis; partim, ad clamorem bellantium, *Josaphati Joramique*; copiis opis causâ concursantibus, frustra suscepta; *Mesam*, amissis suorum promptissimis, in urbem ita rejecit; ut satis habuerit, hosti relinquere *victoriæ* decus: animamque nudam, velut in gratiæ beneficiique locô sibi retinere. Post quæ *Mesa*, rerum omnium desperatione fatigatus; facinus admisit, omnium longè facinorum immanissimû. Nam, seu Deos sibi suos propitios redditurus, ac præ cæteris *Chamôsum*, cui, Sacrificia fieri,

M 4

Ruina Ieroboami.

fieri, puerilium corporum immolatione, ritus Moabitis erat: seu pariter, apud Orientis circumjectos populos, invidiam odiûmque suscitaturus tribus regibus, suis hostibus; utpote, qui, circumsessionis suæ pertinaciâ, se compulissent ad infandam parricidii necessitatē: die clarô, spectantibus *intus* illacrymantibûsque civibus, *foris* autem stupentibus hostibus, theatrum ferale constituit. Namque, victimæ more, vittâ velatum, & infulis evinctû, filiorum natu maximum, successionique regiae destinatum, produxit ipse suâ manu, pater, in muros, supérq; summa turris, quam hostiles ballistæ modò teñtô nudaverant, tabulata. Districto deinde, fulgurantēque ferrô, *Sacerdos idem, ac genitor, atque carnifex*, jugulavit eum: subiectisq; flammis, *hostiam* fecit, quem *heredem* sibi regni creaverat. Hujus ergo facinoris indignitate commoti graviter indignatīq;, Josaphatus, & commilitones duo reges; simul & sortis humanæ recordatione tacti, quæ posset, & auderet, etiam Reges ex apice supremæ potestatis, ad rerum & consiliorum suorum incitas adigere: *noluerunt addere calamitatem, jam antè plus satîs afflictô*, Mesæ: nec in lapsum ulteriorem propelle-

Ruina Ieroboami.



pellere, ruentem. Quare solutâ protinus obsidione ; regem miserum in regni sui rudibus reliquerunt: ipsi, quâ via proxima facillimâque patuerat, suas singuli terras repeterunt. Hôc autem locô, non ignoro; Rabino Salomone præeunte, nonnullos obsidionis *Charesethæ*, totiûsq; regum expeditionis, finitæ, causam aliter longè, quàm nos, retulisse. *Mesam* quippe, cum septingentis suis erumpentem in Idumæa castra, non modò strenuè gessisse rem; sed etiam regis Idumæi filium, patri successurum, per eandem certaminis opportunitatem, captum, secum in urbem Charesétham in catenis abduxisse. Captivi porrò patrem, Joramo regi graviter indignatum; quòd ejus causâ filius suus libertate tunc excidisset, paullòq; pòst etiam vitâ fortassis exiturus esset: ab oppugnandô *Mesâ*, regûmque collegarum societate, non sine grandi mutuâq; trium exercituum exasperatione, recessisse. Post quæ, Josaphatum quoque Ioramûmque, finem obsidendi fecisse, ferunt. Nec tamen eo factô placatam obsessi regis iram, adversùs obsessores: sed cum, ultionis cupidum, cum obesse Iudæo Samariticòque regibus non valeret; in Idumæum

M 5

effu-

Ruina Ieroboami.

effudisse furoris omnem æstum: illius, quem  
in catenis habebat, filium supra murum im-  
molando. Quæ cuncta, figmentum magis  
quàm veritate, niti; satis *Editionis biblicæ*, quæ  
*Vulgatam* dicimus, clarissimus, in contrarium  
verborum contextus demonstrat: satis item  
absurditas ipsa conficiationis; *Immolatum est*  
*filium Idumæi, qui pro partibus Mesæ, ceterorum*  
*mnium ingratis, stare cœperit; ac non potius eu-*  
*patri continuo restitutum.* Denique, cujusnam  
obsecro, rationis (præsertim, militaris) fuerit  
ab oppugnando barbaro rebellique rege, prout  
usquam filii regii cædem faceret, cessare? potest  
eâque cæde, manu *Mesæ*, perpetrata, patri  
duobusque regibus, ac tribus exercitibus,  
spectantibus, non, ob hoc ipsum, illico ne-  
cessarium ad obsidium urbis cruentæ reverti? *Mes-*  
*samque*, non jam, ut regem desertorem, sed  
perditissimum *scarium*, ad usque stirpes  
radices excindere? *Regiorum enim Liberis*  
*sanguis, nec vitulinus est, nec plebeius: ideoque, nec*  
*Sanguine trucidantis, inexpiabilis.* Sed mittamus  
Rabbinorum *fabulas* (A a a a): & ad *Jer-*  
*ram*, narratione gestorum illius incor-  
ruptiore, revertamur. Hic post hæc omnia, non  
à *Iosaphato* sibi, nec à *Deo*, vel *Prophetis*, prout

statuatur

Ruina Ieroboami,

stitam, in expeditione contra Moabitas, operam tanti fecit: ut, sicuti *Beli* cultum, sic & *Vitulorum* impias aras, proiiceret. Neque vel sic tamen prætermisit Indulgentia Divina, nefarium, ingrátumque prioribus, regem, novís ad se beneficiis allicere: ministeriò potissimùm *Elisei*. Nam hic, & perterritum quondam *Foramum* ex eo, quòd ad se missus esset à Benadádo, Syrorum rege, *Naaman*, copiarum eius supremus ductor, *lepræ* depellendæ causâ; curis, ac novi belli metu, curatione *Naamanis*, expedit: & postea nihilo secius, ab eodem rege, non semel latrocinis, appetitum, & insidiis, quas, locis ancipitibus infessis, Syri *Foramo* tetenderant; incolumem eum præstitit: insidiarum detectio, vitarique vel antecapi, jussu locò. Nec minùs aliàs, missam adversus seipsum equitum ac peditem, Syrorumq; currilem, multitudinem; ex oppidi *Dothaimi* pomoeriis, immissa divinitus cæcitate, mediam in Iorami regiam, Samariæque forum, deduxit: trucidariq; prohibitos, ac cibò quoque refectos; in Syriam inviolatos remisit; ut ostenderet Ioramo, si Dei nitetur opè, non majus ei, regnòque, vivis ab hostibus, quàm ab interfectis, periculum incubiturum. Sed

Ruina Ieroboami.



Sed & post ista, recrudescente Syrorum, adversus Israëlitas, hostilitate; cùm *Benadâdus*, cum omnibus suorum copiis, Damascô profectus, Iordane transitô, tam diuturnâ *Samaritam* obsidione premeret: ut, invalescente fame, *caput asininum* octogenis siclis argenteis, (*bbbbbb*) & *pars quarta diarii* (*cccccc*) *columbini-skeroris*, in usum vicemque salis venditi, siclis argenteis quinâs, venirent; ut præterea mulieres suos liberos coquerent, & in alimentum sui verterent; réxque *Forâmus*, ob malorum omnium congeriem, cili cinis, ad placandum Deum, vestibis nudam cutem affligeret: ne tum quidem, aut *Deus* miseris, aut *Eliseus* Ioramo, quantumvis alia eundâ de se merito, defuerunt. Cùm enim rex *Eliseo* percussorem immisisset; eò, quòd, qui precibus suis & famem posset, & obsidionem, depellere, neutram tamen, post tantum temporis, depulisset: ac mox ipse, cum Optimatum præcipuis, *Propheta* domum venisset; *Iracundia divina flagella jam ad desperationem tolerantie processisse*, questus: consolatus tamen virum asperum mitissimus *Propheta*, bonum animum habere, cum omnibus Samaritis, iussit; eò, quòd in diem mox posterum

rum, & famis esset, & obsidii, calamitas exspiratura. Nec fefellit. Nam proximâ statim, ab eo vaticiniô, nocte, Syrorum omnis exercitus, injecto divinâ vi pavore, consternatus; relicti post se tentoriis, impedimentis, curribus, ac jumentis, projectisq; passim armis, & opibus, pernici se fugâ proripuit: perq; tenebras ægrè repertô Iordanis transitu, Syriam, ac Damascum, repetivit. Tantûmq; fugiendi studium ardôrque, fuit; uti, ne diluculô quidem sensim diem aperiëte, Syri respectarent, quid à tergo fieret. Imagine namque, vî quadam (uti diximus) altiore, sopitis eorum semisomnibusq; capitibus, per nocturnam caliginem, impressâ; terribilîq; falcatorum curruum, & equestrium pedestriumq; copiarum, stridore fremitûque, lymphatas barbarorum aures implente; fingeant illi, cervicibus suis imminere, Cypriorum (dddd), & Aegyptii regis, auxilia, nescio quæ, quâmq; numerosa: regis (ut putabant) Samaritæ stipendiis conductâ. *Nec minus virium habuit, ad pavidos verè profligandos, suspicionis vana mendacium; quàm armata veritas, torvumq; pralium, habuisset.* Accidit autem; ut in castra Syrorum, sub ejusdem illius noctis alteram ferè vigiliâ,

*Leprofi*

Ruina Ieroboami.

Quid enim (ut cætera vitiorum eius præter-  
cam) quid ei prodesse potuere *Beli* Statuæ de-  
jectæ: qui perstiterit interim, in supremum  
usque diem, in *Vitulis suis Divinitatis* honore  
prosequendis? *Qui delinquit in Vno; factus est*  
*Omnium Reus (h h h h h)*. Cadaver igitur inter-  
fecti regis, projectum est in agrum supplicii  
*Nabothæ*; mandatô successoris: in locum autem  
*tormentorum* perennium, *Anima*. Finit porro  
*Foramus*, post regni *duodecim* expletos annos:  
in omni quidem Pacis ac belli fortunâ *varios*;  
in sola verò mentis pravitate, *semper sibi con-*  
*stantes*, & immotos.

**I X.** Excepit autem *Iorami* regnum **I E-**  
**MUSE**s: qui, *Iosaphatô* genitus, *Israëlitâ*, priva-  
tæq; sortis virô, *Namsaum* habuit avum: (*i i i i i*)  
à cuius etiam solius nomine, *Namséides* ali-  
cubi, patris mentione prætermisâ, cognomi-  
natus est. (*k k k k k*) Hic, è primis *Iorami*, re-  
gis Samaritici, Ducibus, & in regiam succes-  
sionem jam olim, adhuc *Achabô* dominante,  
Numinis imperiô rescriptus: quo tempore  
*Ramôtha* Galaaditica, ductu *Iorami*, jam se-  
cundùm oppugnabatur; inter strenuissimos  
etiam ipse suum regi studium, & industriam,  
approbârat. Rege verò sauciatô, *Jezraëlém-*  
que

Quina Ieroboam,



que curationis ergò deportatô : non recessit ipse tamen ab urbis oppugnatione ; quippe, copiis interea castrisque Regiis, Legati supremi nomine potestatéque, præesse iussus. Non abscessit autem, ne captâ quidem à se, ducibusque, *Ramóthâ* ; quam jamjam intrânt, occupatámq; tenebant: intentus adhuc *arcis*, quam necdum Syri deseruerant, expugnationi. Dum autem plenæ victoriæ spei Duces assident: submissus ab *Eliseo* Vate, Dei mandatô, *Prophetarum* è Collegio minister quidam, ac discipulus *Propheta*; remotis arbitris, in penetrali domûs prætoriæ, *Iehúsem*, fusô super caput illius oleô, pariter & *Regem* esse jubet, & totius *Achabæ* stirpis *Extinctorem*. Et *Regem* quidem eum, re mox in Duces militesq; vulgatâ, fausta totius exercitûs acclamatio, suffragiâque, fecerunt. *Achabæ* verò domûs *Exstirpatorem*, ipse se *Iehúses* exhibuit, intentissimum: hinc quidem, Imperiô summi Numinis; indè verò, Ducum, agminumque cunctorum, adversùs *Foramum*, conjuratione fultus, & adjutus. Primum igitur omnium ejus operum, tam *suómet* regali solio collocando, quàm *alieno* subvertendo, fuit; compositis *Ramóthæ* rebus, aliò curarum traductus animus.

N

Dis-

Ruina Ieroboami,

*Leprosi* quatuor, rei gestæ penitus ignari, su-  
 premâq; famis necessitudine subacti, trans-  
 fugerent: ac, præter ea, quæ, festinationis stu-  
 diô, Syri fugientes reliquerant, atque proje-  
 cerant, in castris hostile nihil invenirent. Quo  
 proinde re *Samariam*, primùm quidem ab  
 iisdem illis perfugis renuntiata; mox deinde  
 per emissos exploratores equites, compert-  
 firmatâque: castra Syrorum, & viæ, quibus  
 Iordanem repetierant, omni facultatum, &  
 annonæ, copiâ refertissimæ, deprehensæ spo-  
 liatæque sunt. Ad summam! Opes illinc e-  
 gestæ, raptæque, *Samariam* omnem postridie  
 commeatu pariter, ac divitiis, ultra fidem o-  
 mnem humanam, ex sola de Syris prædâ re-  
 pleverunt. Itâ, quod sponponderat *Eliseus*  
 pulsus hostis est; depulsa fames; *Samaris*  
 granarium opulentum facta. Quibus ex o-  
 mnibus, magnopere *regis* apud animum, *Elisæi*  
 crevit auctoritas: ut &, de mirandis *Pro-*  
*pheta* gestis differentes, narrantésque, cupidis-  
 simis auribus attenderet: &, auscultatione  
 benevolentiam eius, in illum, acuate; quæ-  
 cunque postularentur, auctoritate memoriâ  
 ve sanctissimi *Vatis* interpositâ, nequaquam  
 gravatè largiretur. (eeee) Neque tamen hæc

hæc omnia profecere quidquam ; vel ad emendandum . è *fibris animi* , Joramum ( quia *Deus* , toties spretus , ac repulsus , invicem tandem aspernabatur rebellem , & abiiciebat . ) vel evadere *Ruinam Salutis* , & præsentis potuit , & sempiternæ : quia *Deus* , rex magnus , & cujus improbi profanîq; reges , nō nisi *Ridiculi* , sunt , ( ffffff ) impunè temerèq; nunquā irridetur . ( gggggg ) Post aliquantum ergo temporis , extincto jam hoste veteri , *Benadado* Syro ; dum adversus regem *Syriæ* novum , *Hazaëlem* , ad *Ramoth* , Galaaditicam illam urbem ac munitionem , *Achabi* patris exemplō reducto , pugnam *Joram*us init : exemplō patris , filius ibidem sauciatur . Paullòq; post , dum , curandæ plagæ causâ , *Iezraëlem* urbem , in qua *Iorami* mater interficiendum *Nabothum* curarat , in aperto curru deportatur : à *Jebuse* ( qui successor ei suffectus erat à Numine , ) vulnere graviore , tale nihil expectans , afficitur ; in ipso corporis ad fugam reflexu , sagittâ trajectus , inter scapulas , ictu tam prodigioso cuspidis incidentis : ut hæc , per cordis ipsius sinum mediū , antrorsum egrederetur . Quare , nullo temporis interposito puncto , concidit in quadriga *Joram*us ; æternūq; periit . Et quippeni ?

Quid

Ruina Ieroboami.



*Leprosi* quatuor, rei gestæ penitus ignari, supremaq; famis necessitudine subacti, transfugerent: ac, præter ea, quæ, festinationis studiô, Syri fugientes reliquerant, atque procerant, in castris hostile nihil invenirent. Quâ proinde re *Samariam*, primûm quidem ab iisdem illis perfugis renuntiata; mox deinde, per emissos exploratores equites, compertâ firmatâque: castra Syrorum, & viæ, quibus Iordanem repetierant, omni facultatum, & annonæ, copiâ refertissimæ, deprehensæ spoliataque sunt. Ad summam! Opes illinc egestæ, raptæque, *Samariam* omnem postridie, commeatu pariter, ac divitiis, ultra fidem omnem humanam, ex sola de Syris prædâ repleverunt. Itâ, quod sponderat *Eliseus*, pulsus hostis est; depulsa fames; *Samaria* granarium opulentum facta. Quibus ex omnibus, magnopere *regis* apud animum, *Eli-sæi* crevit auctoritas: ut &, de mirandis *Propheta* gestis differentes, narrantesque, cupidissimis auribus attenderet: &, auscultatione benevolentiam eius, in illum, acuate; quæcunque postularentur, auctoritate memoriæve sanctissimi *Vatis* interpositâ, nequaquam gravatè largiretur. (e e e e e) Neque tamen hæc

hæc omnia profecere quidquam ; vel ad emendandum . è *fibris animi* , Joramum ( quia *Deus* , toties spretus , ac repulsus , invicem tandem aspernabatur rebellem , & abiiciebat ) vel evadere *Ruinam Salutis* , & præsentis potuit , & senipiternæ : quia *Deus* , rex magnus , & cujus improbi profanîq; reges , nō nisi *Ridiculi* , sunt , ( ffffff ) impunè temerèq; nunquā irridetur . ( gggggg ) Post aliquantum ergo temporis , extincto jam hoste veteri , *Benadadō* Syro ; dum adversus regem *Syriæ* novum , *Hazaëlem* , ad *Ramothbam* , *Galaaditicam* illam urbem ac munitionem , *Achabi* patris exemplō reducto , pugnam *Joram*us init : exemplō patris , filius ibidem sauciatur . Paullòq; post , dum , curandæ plagæ causâ , *Iezraëlem* urbem , in qua *Iorami* mater interficiendum *Nabothum* curârat , in aperto curru deportatur : à *Jebûse* ( qui successor ei suffectus erat à Numine , ) vulnere graviore , tale nihil exspectans , afficitur ; in ipso corporis ad fugam reflexu , sagittâ trajectus , inter scapulas , ictu tam prodigioso cuspidis incidentis : ut hæc , per cordis ipsius sinum mediū , antrorsum egrederetur . Quare , nullo temporis interposito puncto , concidit in quadriga *Joram*us ; aeternūq; periit . Et quippeni ?

Quid

Ruina Ieroboami.

*Leprosi* quatuor, rei gestæ penitus ignari, si-  
 premâq; famis necessitudine subacti, trans-  
 fugerent: ac, præter ea, quæ, festinationis stu-  
 diô, Syri fugientes reliquerant, atque proje-  
 cerant, in castris hostile nihil invenirent. Quo-  
 proinde re *Samaritam*, primùm quidem a  
 iisdem illis perfugis renuntiata; mox deinde  
 per emissos exploratores equites, compertam  
 firmatâque: castra Syrorum, & viæ, quibus  
 Iordanem repetierant, omni facultatum, &  
 annonæ, copiâ refertissimæ, deprehensæ spo-  
 liatæque sunt. Ad summam! Opes illinc e-  
 gestæ, raptæque, *Samaritam* omnem postridie  
 commeatu pariter, ac divitiis, ultra fidem com-  
 munem humanam, ex sola de Syris prædâ re-  
 plexerunt. Itâ, quod spononderat *Eliseus*  
 pulsus hostis est; depulsa fames; *Samaritanorum*  
 granarium opulentum facta. Quibus ex om-  
 nibus, magnopere *regis* apud animum, *Elisei*  
 crevit auctoritas: ut &, de mirandis *Prophetæ*  
*gestis* differentes, narrantesque, cupidissi-  
 mis auribus attenderet: &, auscultatione  
 benevolentiam eius, in illum, acuate; quæ-  
 cunque postularentur, auctoritate memoriâ  
 ve sanctissimi *Vatis* interpositâ, nequaquam  
 gravatè largiretur. (e e e e e) Neque tamen hæc



hæc omnia profecere quidquam ; vel ad emendandum . è *fbris animi* , Joramum ( quia *Deus* , toties spretus , ac repulsus , invicem tandem aspernabatur rebellem , & abiiciebat ) vel evadere *Ruinam Salutis* , & præsentis potuit , & semipiternæ : quia *Deus* , rex magnus , & cujus improbi profaniqu ; reges , nō nisi *Ridiculi* , sunt , ( ffffff ) impunè temerèq ; nunquā irridetur . ( gggggg ) Post aliquantum ergo temporis , extincto jam hoste vetere , *Benadadō Syro* ; dum adversus regem *Syriæ* novum , *Hazaëlem* , ad *Ramotham* , *Galaaditicam* illam urbem ac munitionem , *Achabi* patris exemplō reducto , pugnam *Joram*us init : exemplō patris , filius ibidem sauciatur . Paullòq ; post , dum , curandæ plagæ causâ , *Iezraëlem* urbem , in qua *Iorami* mater interficiendum *Nabothum* curarat , in aperto curru deportatur : à *Jebuse* ( qui successor ei susceptus erat à Numine , ) vulnere graviore , tale nihil exspectans , afficitur ; in ipso corporis ad fugam reflexu , sagittâ trajectus , inter scapulas , ictu tam prodigioso cuspidis incidentis : ut hæc , per cordis ipsius sinum mediū , antrorsum egrederetur . Quare , nullo temporis interposito puncto , concidit in quadriga *Joram*us ; aeternūq ; periit . Et quippeni ?

Quid

Ruina Ieroboami.

*Leprosi* quatuor, rei gestæ penitus ignari, supremaq; famis necessitudine subacti, transfugerent: ac, præter ea, quæ, festinationis studiô, Syri fugientes reliquerant, atque proicerant, in castris hostile nihil invenirent. Quâ proinde re *Samariam*, primùm quidem ab iisdem illis perfugis renuntiata; mox deinde, per emissos exploratores equites, compertâ firmatâque: castra Syrorum, & viæ, quibus Iordanem reperierant, omni facultatum, & annonæ, copiâ refertissimæ, deprehensæ spoliataque sunt. Ad summam! Opes illinc egestæ, raptæque, *Samariam* omnem postridie, commeatu pariter, ac divitiis, ultra fidem omnem humanam, ex sola de Syris prædâ repleverunt. Itâ, quod spoponderat *Eliseus*, pulsus hostis est; depulsa fames; *Samaria* granarium opulentum facta. Quibus ex omnibus, magnopere *regis* apud animum, *Elisei* crevit auctoritas: ut &, de mirandis *Propheta* gestis differentes, narrantésque, cupidissimis auribus attenderet: &, auscultatione benevolentiam eius, in illum, acuate; quæcunque postularentur, auctoritate memoriæve sanctissimi *Vatis* interpositâ, nequaquam gravatè largiretur. (eeee) Neque tamen hæc

hæc omnia profecere quidquam ; vel ad emendandum . è *fibris animi* , Joramum ( quia *Deus* , toties spretus , ac repulsus , invicem tandem aspernabatur rebellem , & abiiciebat ) vel evadere *Ruinam Salutis* , & præsentis potuit , & sempiternæ : quia *Deus* , rex magnus , & cujus improbi profaniqu ; reges , nō nisi *Ridiculi* , sunt , ( ffffff ) impunè temerèq ; nunquā irridetur . ( gggggg ) Post aliquantum ergo temporis , extincto jam hoste vetere , *Benadadō Syro* ; dum adversus regem *Syriæ* novum , *Hazaëlem* , ad *Ramotham* , *Galaaditicam* illam urbem ac munitionem , *Achabi* patris exemplō reducto , pugnam *Joramus* init : exemplō patris , filius ibidem sauciatur . Paullòq ; post , dum , curandæ plagæ causâ , *Iezraëlem* urbem , in qua *Iorami* mater interficiendum *Nabothum* curarat , in aperto curru deportatur : à *Jehúse* ( qui successor ei suffectus erat à Numine , ) vulnere graviore , tale nihil exspectans , afficitur ; in ipso corporis ad fugam reflexu , sagittâ trajectus , inter scapulas , ictu tam prodigioso cuspidis incidentis : ut hæc , per cordis ipsius sinum mediū , antrorsum egrederetur . Quare , nullo temporis interposito puncto , concidit in quadriga *Joramus* ; eternūq ; periit . Et quippeni ?

Quid

Ruina Ieroboami.

—



Quid enim (ut cætera vitiorum eius præteream) quid ei prodesse potuere *Beli* Statuæ dejectæ: qui perstiterit interim, in supremum usque diem, in *Vitulis suis Divinitatis* honore prosequendis? *Qui delinquit in Vno; factus est Omnium Reus (b b b b b)*. Cadaver igitur interfecti regis, projectum est in agrum supplicii *Nabothæi*; mandatô successoris: in locum autem tormentorum perennium, *Anima*. Finit porro *Ioram*, post regni *duodecim* expletos annos: in omni quidem Pacis ac belli fortunâ *varios*; in sola verò mentis pravitate, *semper sibi constantes*, & immotos.

**I X.** Excepit autem *Iorami* regnum **I E** MUSE: qui, *Iosaphatô* genitus, *Israëlitâ*, privataq; sortis virô, *Namsaum* habuit avum: (*i i i i i*) à cuius etiam solius nomine, *Namséides* aliquibi, patris mentione prætermisâ, cognominatus est. (*k k k k k*) Hic, è primis *Iorami*, regis Samaritici, Ducibus, & in regiam successionem jam olim, adhuc *Achabô* dominante, Numinis imperiô rescriptus: quo tempore *Ramôtha* Galaaditica, ductu *Iorami*, jam secundum oppugnabatur; inter strenuissimos etiam ipse suum regi studium, & industriam, approbârat. Rege verò sauciâtô, *Jezraëlém-*

que

Ruina Ieroboamî,

que curationis ergò deportatô : non recessit ipse tamen ab urbis oppugnatione ; quippe, copiis interea castrisque Regiis, Legati supremi nomine potestatéque, præesse iussus. Non abscessit autem, ne captâ quidem à se, ducibusque, *Ramóthâ* ; quam jamjam intrânt, occupatâmq; tenebant: intentus adhuc *arcis*, quam necdum Syri deseruerant, expugnationi. Dum autem plenæ victoriæ spei Duces assident: submissus ab *Elisæo* Vate, Dei mandatô, *Prophëtarum* è Collegio minister quidam, ac discipulus *Prophëta*; remotis arbitrîs, in penetrali domûs prætoriæ, *Iehúsem*, fusô super caput illius oleô, pariter & *Regem* esse jubet, & totius *Achabæ* stirpis *Extinctorem*. Et *Regem* quidem eum, re mox in Duces militesq; vulgatâ, fausta totius exercitûs acclamatio, suffragiâque, fecerunt. *Achabæ* verò domûs *Exstirpatores*, ipse se *Iehúses* exhibuit, intentissimum: hinc quidem, Imperiô summi Numinis; indè verò, Ducum, agminûmq; cunctorum, adversùs *Foramum*, conjuratione fultus, & adjutus. Primum igitur omnium ejus operum, tam *suomet* regali solio collocando, quàm *alieno* subvertendo, fuit; compositis *Ramóthæ* rebus, aliò curarum traductus animus.

N

Dis-

Ruina Ieroboami,



Discessum enim est paullò post : Iterùmque properè Jordane transitò, reductus in Samariæ terras exercitus; ità primùm taciturnè, nulloq; tanti motùs strepitu: priùs ut in Iezraëlis urbis, & *Forami*, conspectum *Jebúsés*, ac miles eius, quàm rumor, & fama venientium, pervenirent. Nempe, *bene suscepta collocatàq; Jebúsés festinatio videbatur; qua festinanti Regnum emeretur: cujus alioqui comparandi facultas cunctatione plerumque corrumpitur.* Imminenti porò jam moenibus, & ex præcipiti currûs agitatione, quà solebat uti *Jebúsés*, agnito; *Joramus*, ut certiora cuncta, præsertimq; mentem advenientis exploratam, haberet: bigis junctis, in occursum effudit se: comite, rege Jerosolymorum, *Ochoziâ*. Nam hic, *Athaliâ*, Joram sorore, genitus; eodem ipso tempore, propinquitatis & officii causâ, Ierosolymis ad ægro tantem è vulnere *Joramum* descenderat: ac ne videretur *ad mensas tantùm & lectulum amicus* esse; constituerat, quoquo pacto se re haberent, & ipse periculo, quod subiturus esset avunculus, sese nepos committere. Deprehendit autem illico *Joramus*, è tumidis asperisq; *Jebúsés* verbis, *Insidias* adversùm se, conjurationemque, compositas. Quapropter

discr-

Ruina Ieroboami.



discriminis illius, imminētisq; mali, nepotem etiam regem voce clarâ commonefaciens; ne tentatis quidem, ad sui tutelam, armis, fugæ se præcipiti mandavit. In ipso porrò fugæ conatu primo, sicut in superioribus est dictum, interficitur. Idem autem fugiendi secutus consilium, & exemplum, *Ochozias*; quippe, suis in oculis confixò jam avunculò; confestim, in ipso fugæ molimine, persequente cum suis eum *Iehúse*, percutitur & ipse, currum adhuc suum insilens. Hic, post primum istud vulnus acceptum, aurigâ licèt, equorum incitatione rapidissimâ, suis eum hostibus eripere studente; morti tamen eripi non pòtuit: animâ paullò pòst, *Mageddòne*, (quò pervectus fuerat, in oculis & à gladio *Iehúsis*, novis affectus vulneribus) (lllll) exhalatâ. Causa consortii necis eius, cum nece *Iorami*, societas fuit, sanguinis *Achabæi*: cujus, nō desummare tantum, sed funditus quoq; defecare, tabum omne reliquiarū, iussus erat interfector *Iehúses*. Inter hæc autē, priusquam prorsus occumberet *Ochozias*; à *Iehúse*, conjuratisque, jam ventum erat ad ipsam regiam, in *Iezraëlis* urbe, domum: in qua tunc *Iezabel*, alterius quidem regum occisorum mater, al-

N 2

terius

Ruina Ieroboami.



terius autem *avia*, diversabatur; rerum tantarum exitum opperiens. Hæc, *anus* jam licet, ac conspersa canis, mitrâ tamen regalî caput evinxerat; omnique muliebris mundi vernante cultu corpus exornârat: nec *adscititiis* quidem, pro sexûs illius vanitate, formæ *lenociniis* prætermisîs. Nam, ut partim *cilia* luminum, jam *albicantia senio*, nigredine tingeret; partim oculorum spatium, ætate sensim ac rugis adstrictius, dilataret, aspectuq; contuentium formosiores se propinaret, quàm revera, vel esset, vel esse per annos posset: etiam *antimoniô* (quod vulgò vocant) oculos circumspersit. (*m m m m m*) Id ego, minimè dubitaverim, à muliere, quondam *lascivâ*, nonnullô quoque venustatis sibi conciliandæ studiô, factum esse: tametsi sint, quibus placeat; Ornatum illum universum ab ea tunc *ascitum* fuisse, regie dignitatis & originis, etiam in illa commutatione sortis, ostentanda, vel asserenda, causâ. Voluisse namq; Iehûsi declarare; Quare, duobus & Viris & regibus, vulneratis, aut interfectis, contra fœminam saltem unam, à Martialis animi Ducibus, bellandum non esset. contra coronatam verò, minimè gentium stringendum esset ferrum; salvâ verecundiâ culminis eius: utpote

qu

Ruina Ieroboami.

*quæ non Regina tantùm, Achabò superstite, fuisset; sed etiam Regni, sub filiis duobus, moderatrix, & arbitra: regis Sidonii filia; Regis Samaritici conjux; alterius Samariæ regis nurus: duorum Israël regum, & reginæ Ierosolymorum, mater: Judææ regis, Ioram, socrus; ac novissimi deniq; Ierosolymitæ regis, avia. Cujusnam ergò, quantumvis barbari percussoris, ruborem duraturum, ad eius, quæ tot regiis circumfulgeret titulis, sanguinem fundendum? Quòd si tamen atiq; fieret: Regium esse; generositatem dignissima conditionis, etiam in indignissima rerum sorte, retinere: contemneretque potius, & ex alto despicere, quàm formidare, cruentum hostem. Non dubitavit igitur, ignara supplicis fortunæ, velificationisque temporum, Iezabel; intranti Iezraëlem victori Iebusi, negare, simplicis etiam occursus, ac salutationis, obsequium. Sed, è diverso potius, de superioribus Regiæ fenestris prospectans, portam atrii palatini subeunti novo Regi, prior, & ultrò, convitiis ingestis, insultare cœpit: eique, Iorami, domini quondam sui regisque sicario, Zambris exprobravit imitationem; & ominata supplicium est: negans; Cum eo sibi mortali pacem unquam, aut humanæ vitæ consuetudinisque consortium, esse posse: qui, sicut Elam re-*

N 3

gem

Ruina Ieroboami.



gem dux ejus, Zambris, sic ipse Ioramum regem, copiarum ejusdem ductor, è medio sustulisset. Ejus proinde qui secutus parricidium esset, etiam pœnas utique secuturum esse, Iebúsem: seség, spontaneis flammis injecturum. Hæc & alia talia Iezabel garriebat, in regem. Sed parùm Iebúsem impudentis Reginae verba perculerunt; quem modò duorum Regum, & Syriæ totius arma, non exsternârant. Tantummodo, levatis sursum oculis, intueri bacchantem dignatus, & interrogare; *Quenam esset illa, præter omnes ætatis sue leges tam expolita cultu, tam petulans lingua, mulier? quivè circum eam essent?* spadonibus interim aliquot, à tergo reginæ stantibus, ac prospectu, capitumq; prono flexu, suum Iebúsi ministerium offerentibus, mandavit; *Vt infame portentum illud in præceptis darent.* Nec illi cunctati sunt exsequi, quod imperatum fuerat: sed, hominum, in omne ministerium ac fortunam venalium, ingenio moréque, Dominam famuli, Reginamq; suam cubiculi custodes, præcipitiò subruerunt. Hujus porro super corpus, dispersò cerebrò, Regiæq; parietibus sanguine maculatis, primus omnium, currum equosque suos Iebúses; post hunc autem, Duces, & equitatus reliquus, cum agita-

rent:

Ruina Icroboamí,

rent:ungulîs equorum conculcata discerptâ-  
que *Iezabel* est : laceratûsq; vestimentorum  
cultus,& interior quoque direpta distractâq;  
tunica, præter nudum Reginæ cadaver, reli-  
quære nihil. Quare, discessu tandem omnium,  
ad epulas atque stabula, factô : locus aditûsq;  
liber *canibus regis* patefactus est, ad corpus *Ie-  
zabelis*, ex *Elia* vaticiniô, devorandum. In quo  
*Canes* negotiô, tam industrios sese strenuôsq;  
statim præbuerunt: ut, cûm ab, ignarô rei ge-  
stæ, *Iebûse*, paullò pôst, negotium ministris da-  
retur *Sepultura*, quam execrabilis mulier, etsi  
nequaquam bonis moribus, *regiâ* tamen *ori-  
gine*, meruisse videri posset : præter caput  
(quod ad calvam usque, craniûmve, canum  
aviditate consumptum erat) & pedes, ac  
manuum extremitates, quod in tumulum in-  
ferretur, nihil invenirent. Quæ res, uti, nun-  
tiata *Iebûse* Regi, vaticiniorum *Elia recordatio-  
nem* refricuit; (quippe, tales exsequias *Iezabeli*  
præfagiētis); itâ, tristissimum illud factum in-  
tuentibus, *admirationem*, ac stuporem, movit:  
ut lugubriter exclamarent, Divinorum judi-  
ciorum decretis attoniti; mortalisque fastigii,  
tam profundê detracti demersique, conditio-  
nem expendētes. *Iebûses* porrò, post sublatam

N 4

tam

Ruina Ieroboami.

tam facilè *Iezabelem*, quam nationes ac Re-  
 ges, ipsique Numinis Prophetæ, formidârant;  
 nihil jam non obvium stragi Ruinæq; *Domûs*  
*Achabææ*, meritò verèq; ratus; ad residuū illius  
 excidium, totâ se mentis contentione vertit.  
 Ac primò quidem Samaritis, penès quos *A-*  
*chabi*, Joramique regum, filii nepotésque *se-*  
*ptuaginta*, diversis contuberniis, educabantur,  
 optione per epistolam oblatâ; deligēdi, quem-  
 cunque successionē regiâ dignissimum judi-  
 carent: cū illi, metu, suarūque virium dif-  
 fidentiâ, perterriti perculsiq; se Regem a-  
 lium, præter *Iehúsem*, negarent aut lecturos,  
 aut, lectum ab aliis, agnituros; & ob id, sese  
 totos ei, cum omni Samaria, permisissent: *Ie-*  
*búses*, alteris ad eos datis litteris, obsequii pi-  
 gnus, ab Optimatibus urbis ejus mitti sibi  
 perferriue continuò, *septuaginta* filiorum ne-  
 potūmq; regionum illa *capita*, præcepit. Et il-  
 li, sine mora, sui quisq; (cruentum quidem,  
 sed Deo tamen gratum, spectaculum) alu-  
 mni præcisum caput, in cumulum, contulêre.  
 mox injecta corbibus, in oppidum Jezraëlem,  
 ad *Iehúsem*, deportâda bajulis commiserunt.  
*Iehúses* autem, in geminam congeriem, hinc  
 & hinc, ad principium portæ Jezraëlitidis, *ca-*  
*pita*

Ruina Ieroboami.



*pita* coacervari jussâ; postridie Jezraëlitis ostentavit: ut, non se solum, sed alios quoque *sevisse* ( si sic tamen loqui conveniret ) in *Achabi* sanguinem , demonstraret : utque tot cædium, siqua fortè vel tunc glisceret, vel in posterum oriretur, Invidiâ, à se penitùs amoliretur; in mandatum videlicet altissimi Numinis, Eliæq, prædictionem, illas reiiciendo (sicut & rejecit) aut cum aliis etiam illam, & iis quidem auctoritatis primæ viris , partiendo. Monuit itaque populum, dum spectare cruenta capita cunctos jussit: ut meminissent; Cujusnam Imperio, tanquam Unius unô Gladio , tot regalia desecta colla , plebi nunc scenam, theatrumq; , darent ? Post horum autem interitum, ne superessent, qui vel spirare vindictam, vel ad mortis eorum memoriam suspirare , de propinquis & amicis, auderent: generum omniû mortales omnes, qui vel consanguinitatis , vel affinitatis aut necessitudinis, ullo nexu, seu denique familiarî notitiâ, comminus, eminûsque, nomen *Achabaum* attingerent, è medio sustulit. *Sacerdotes* demum ipsos , qui domui detestabili quoquo pacto, siue *Belais* in Sacris, siue *Sidonie Veneris*, operam suam commodaverant:

N S

unâ

Ruina Ieroboami.

unâ supplicii procellâ cunctos, tum Jezraële, tum alibi, perculit, & extirpavit. In itinere verò, quò Jezraële, compositis jam rebus, Samariam cum exercitu sese commovere cœperat; ad locum, cui *Bethacâthe* nomen *ovium* *tonstrina* dedit, ubi tunc *casa pastoralis* erat, in novam cædis materiam incidit. nam sub id ipsum tempus in urbem commeantes *Samaritam*, gestorúmque; penitus ignaros, nactus est, regii generis, *duos & quadraginta* viros. Quos ubi, suâmet confessione, *filios* esse comperit *Jorami* Iudæi regis, *Athaliæque*, filiæ Iezabelis; &, ea propter, *Ochozie* Ierosolymorum regis, nuper occisi, *fratres*, qui se venire salutatum reges *Samaritas* profiterentur: comprehendi iussit universos; statimque, suis in oculis, detrusos in cisternam siccam, *Casæ Pastorum* propinquam, ad unum omnes jugulari. Nam *Achabeus* & isti sanguis erant; *Athaliâ* procreati, Reginâ Ierosolymorum: quam, ad exemplum *Achabi* patris, sub idem ipsum tempus Deos execrabiles colentem, & mox, impiè crudelitérque; dominari Iudæis ausam; Summi Pontificis *Joadæ* conjuratus gladius neci dedit. In hunc itaque modum periit, quidquid *Achabum* ac *Jezabelem* quoquo pacto, vel a-

gna

Ruina Ieroboami.



gnatione, contingebat, vel imitatione morum adhuc redolebat. Divini namque præcepti fuit, ut *Dei-Contemptorum* & arbor interiret, & cum radice fibræ: nequid Impietatis, etiam posthumæ, repullulare posset. Iam verò, sublati Sacrilegiorum auctoribus, universâ nempe Regiâ domo: non congruebat, incolumes superesse sacrilegos ararum ministros: *Belæos* Flamines, atque Popas. *Jehûses* igitur, ut & in hoc Achabi Iezabelisq; Manes infestaret, & ureret: *Beli Sidonii* (qui, quod alibi, nec rarò, monuimus, Achabæis *Hercules Tyrius*, non, *Iuppiter Babylonius*, fuerat) cultum, bene quondam cum aris statuisque suis, ab Ioramo, sub regni principium, excisum; postea verò sensim, importunitate Iezabelis, restitutum: funditus eradicandum, arte talî, sibi sumpsit. Simulatione namque propagandæ venerationis *Beli*; dimissis per omnes regni sui terras nuntiis, acciri Samariam *Belæos Sacrificulos*, ararumque ministros universos, ad diem certum, descriptumque, mandat; tanquam sollemnius præteritis omnibus Sacrificium, *Beli-Tutoris* honoribus, obituros. In hunc deinde modum collectos illos in *Herculis Samaritanam Basilicam*, ingentem, totiusque

Ruina Ieroboami.



que sacrificæ multitudinis capacem; operari victimis jubet, eò, quò semper antehac assuèssent, vestium ac stolarum habitu. Præpararat autem Rex & collocarat, *Belicolis* prorsus inscientibus, extra templum, idoneò locò, cum Ducibus suis, cohortium prætorianarum selectissimos; cum armis, ac scutis: & pro delubri foribus, alios octoginta; robustos ipsos, & armatos: per caussam quidem, ne quis, à cultu Belæi Numinis alienus, irrum-pens, victimam proturbaret; re tamen verâ, necunde quis eorum, quos in fano conclusos tenebat, foràs erumperet, ac fugâ salutem inveniret. Quibus in hunc modum compositis, cum jam *Belæi* perlitâssent: Rex, qui de loco superiore templi, cum Ionadabo, Rechabitarum instituti Principe, spectatissimæ virtutis ac religionis viro, superstitionis Beli cæremoniis, per altum, intenderat: signum militibus, de quo convenerat inter eos, foris dari jubet. Quo statim perceptò, nullâ morâ, distractis gladiis, quibus id mandatum fuerat, effractisque foribus, in templum; *Belæi* verò Sacerdotes, intellectu sui discrimine capitis, in fugam ac latebras, sese conjiciunt. Sed, intercludentibus effugium iis, qui dispositi pro

tem-

templi valvis erant; à furente regis satellitio, ducibúsq; ceduntur in medio, ne quicquam *Herculis* sui Numen & opem implorâtes: *Herculis* universi Sacerdotes, ac flamines. Protrahuntur occisorum cadavera: dejicitur *Herculæum* Simulacrum; & in frustra priùs comminutum, tandem & in rogam inicitur. Fanum ipsum denique, teñtò culminéque dejectis, parietibúsq; subrutis, fundamentorum pæne tenus, destruitur: universaq; veteris usus facie corruptâ deformatâque, vertitur in populi *Latrinas*. Ità, quæ magnifica nuper *Herculis* fuerat, *Augæi-stabuli Repurgatoris*, *Domus*; ex eo deinceps tempore *Iovis* esse *Stercutii* plebeja sedes, Aedésque, coepit. Ex qua tamen meliùs sanè Samaritanorū agris, quàm aris antea, religionibúsq; consultum fuisse, nemo pius dubitârit. Quis porrò jam, post talia reglæ *Pietatis* pignora, legitimique Dei cultûs, tot significationes; non è *Iebúse* *Davidem* aliquem, aut *Iosaphatum* saltem, exspectâset? At ille, tam *Deo* mox, quàm antè paulò *Belicolis*, mentitus; spem & opinionem omnium, factis planè contrariis, elusit: quando, *Beli* quidem exterminatorem, *Vitulorum* tamen, si quisquam alius ante se, veneratorem se præ-

Ruina Ieroboami.



se præbuit: *Ieroboami* secutus impiam, in regno subjectisq; populis retinendis, rationem. Quô, quidnam poterat esse bonis omnibus, ac *Ionadâbo* potissimum *Rechabao*, lucuosius, & magis inopinum? Hanc cine Deo, Regni donatori, redditam esse gratiam, adducit? Nonne saltem, eodem, quo nuper falsum *Herculis* Numen, jure, sublato quoque *Vitulos*, & ejectos, oportuit? At *Hercules*, homo saltem aliquando fuerat, *bouum* armentorumq; domitor, victor, abactor: nunquam autem, *Herculis* incursores subactoresque fuere *Vituli*. Tamen, (proh nefas!) in illa tunc *Iebusæorum* temporum iniquitate, *Vitulorum* lus, causam & *Herculis*, & ipsius veri Numinis, triumphavit. *Iekûses* igitur, contentus, *Achabææ* domûs eradicatore fungi; simulac *Carnificis* personam explevit, in cæteris, eorum, quos interfecerat, personam atque mores induit: ut in hoc homine satis appareret; *Quantò facilius quisque graviusque Sceleribus alienis irasci viderit, quàm suis*. Sed videlicet; hoc ipsum in magistratibus hodièq; sollemne multis est. Asperè vitia persequuntur *palàm*; quædam amplectuntur: &, alieni dorso castigatores, ac *Virgæ*; subinde suis in moribus retinent, quod etiam

Ruina Ieroboami.



etiam *Securibus* exscindendum esset: nisi latebræ nequitiam eorum recondere; & loci dignitas, *facinorum excusatrix*, eos protegeret. Haud rarò namque Potestas superior, Inferiori pro Scuto fit, ac præsidio: non sanè, quòd hæc Innocenter agat; sed, quia nocenter agentes atrociter ulcisci nôrit. *Quidam enim homines, in hoc nati sunt: non, ut bene vivant ipsi, sed, ut, quàm malè vivant alii, quarant; ac deprehensos, plectant: vitiorum interim ipsi sæpe gurgites, & Cloacæ.* Sed, quos sanè tribunalia dimittunt humana, divinum impunitos non transmittet: uti nec *Iehúses*, aut indonata suam industriam, in improbis exscindendis; aut inultam perfidiam, in improborum imitatione, tulit. Nam, & ob strenuè præstitam divinis imperiis operam; *Achabeorum*, quibus vitam ademit, *Regnum* occupavit: & in regno, quod annorum octo supra viginti, *Samariæ*, solitâ regum *Israëlis* sede, tenuit, hostem sibi gravem assiduûmque, *Syriæ Damascenæ* regem, *Hazaëlem* concivit: innumerâsq; turbas est, & clades, expertus. Ac, tametsi morte demum, quam ei *natura* lex, non *gladii* vis, indixit, senectutem finiit: *Ruinâ* tamen satis magnâ prostratus est; qui, quas regiones princi-

pio

Ruina Ieroboami.

piô regni, tanquam sui juris, ac proprias, accēperat; eas, imperii vitæque progressu, bellis cōtinuïs pervastari vidit: ac, Syriacis tandem expugnatas armis, & amissas, alieni regis in manibus relinquere coactus est. Eæ regiones fuerunt: terra transamnana tota; Manassæorum, Gaditarum, Rubenitarumq; pecorossæ ditiones; & quidquid regni Basanis, ac Perææ, nomine censebatur. *Calamitosior est autem, imminuti, tot partibus, universi Regni; quam Vnius solius, etsi Regii, capitis, adversus Casus.* Omnium autem Casuum longè flebilissimus est; in vita quidem, Deo Summo *nauseam, protegendæq; Republicæ tadium*, creare (quod profectò creavit *Iehûses*; ob quem, *pigere Numen Ter Optimum Maximum favoris*, ac tutelæ, coepit, Israëlitis ad id usque tempus impen-sæ;) post vitæ verò finem, sine fine *displicere Deo*, quod accidit Animæ *Iehûsis*; quam, instituti pravi constanter tenacem, iustitia vindex de solio regali projecit in Latumias Inferorū sempiternas, inextinctò semper rogò (quis non horreat?) exæstuentes: ubi, pro *Vitulis suis holocaustum*, incendiis, nihil exoraturis, *assentur*.

X. Post *Iehûsem* porro, regnum, hæreditati

Ruina Ierobqami



tatis jure, *Joachazes* adiit, filius: quod *Samaria*, suetâ regum sede, tenuit; in annum usque *decimum ac septimum*. Sectatus autem est & hic regum superiorum, in *Vitulis* Jeroboamicis adorandis, amentiam: eâque propter, à Deo, *furiosorum ac vecordium more*, donec ad mentem, aliquantulum saltem, reverteretur, dire ceditur. Immisissis enim ei *Syris*; eorumque duobus per ordinem regibus, *Hazaële*, *Benedad*que *juniore*; tantopere, captis passim urbibus, ac pervastatis *Samaritici* regni terris, cum omni populo, premitur & atteritur: ut scriptor divinus non dubitârit, *Israëliticum* temporum illorum *statum* ac regnum *areæ* comparare: *cujus humus, assiduâ tritura flagellatione, tandem in pulverem evanescit*. Aptissimam autem fuisse comparisonem eam; indicio fuit, etiam extrema virium ad repugnandum imbecillitas, eorumque, quibus hosti tunc obsisteretur, præsidiorum paucitas: quippe cum, infinitam *Israëlitarum* multitudinem *Damascenis* interficientibus, non plus *decem millibus peditum*, in tam immenso nuper populo; nec, nisi *Quinquaginta (nnnn) milites equestres*, decemque bellicæ *Quadrigæ*, *Joachazi* superessent. Unde, supremâ subigente

O

neces-

Ruina Ieroboami.



necessitate, sepositâ tantisper *Vitulorum* suo-  
 rum imploratione; precibus seriis aggredi rex  
*Deum Cœli* cœpit; uti *volens, propitius, opem se-*  
*bi, populoque, ferret.* Nec Deus, pro consuetâ  
 suâ, supplicibus gratificandi, facilitate, quod  
 rogabatur, abnuït: sed, partim adhuc vivo  
*Joachazi*, vires animosque contulit, ne dele-  
 retur à Syris, ad internecionem: partim au-  
 tem, & ampliùs, jam extincto, *successorem* dedi-  
*filium*, & è filio nepotem: qui, quæ *Syri* rege  
 Samariticis terris abraferant, secundiore præ-  
 liorum successu, recuperarent. Et tamen  
 (*quæ Circumcise gentis illius incircumcisa fuit, &*  
*effrænis, in Idololatriam, prurigo*); quiete respi-  
 rationeque nonnullâ bellicis à tempestatibus  
 potiti, Rex & populus, à DEO protinus ad  
*Vitulos*, stupore planè bubulò, redierunt. Neque  
*Vitulis* contenti; *lucum* etiam, quem *Hercul*  
*Sidonio* jam olim *Achabus*, in *Samariæ* nemo-  
 roso clivo, suscitârat (00000); quémque *Je-*  
*zabel* excindi vetuerat, & *Jehûses* vastas  
 prætermiserat: superstitione pertinacî retine-  
 bant. Tam ingratum igitur beneficiis suis  
 Regem, DEUS tandem, etsi non cruentâ, tamen  
*æternæ felicitatis extorri*, morte sustulit: explo-  
 raturus quodammodo; num genitore gratio-

ren

Ruina Ieroboami.

rem se *filius Successor* præstiturus esset? Præstitit autem aliquatō quidem feliciorē se bellis, sed moribus nihilō meliorem, JOAS. Hic enim *Joachazis*, sicuti traditum sibi per manus à patre moriente regnum; ita vivendi quoque ritum, accepit. Nam & ipse, sicuti reges superiores universi, thura victimasque *Vitulis* adolevit. Unde planè permiranda sit *Josephi Flavii* temeritas, & confidentia; contra divinorum voluminum apertissimam auctoritatem, eum *Pium* ac *Religiosum* proclamantis. (ppppp) Qualiscunque tamen JOAS hic (cujus initia regni, cum extremis *Joasis*, Iudææ regis, annis concurrere): strenuum interim bellō se, neque parū fortunatum, exhibuit; Numine, ne sic quidem homini, tam perperam erga religiones affecto, prosperos militiæ successus denegante: quoniam hunc ille, paternis olim precibus exoratum, *oppressi Populi vindicem*, assertorēque, destinarat. Ternis ergo præliis *Benadadum* Syrum, *Ha-zælis* filium, profligavit. *Amasiam* quoque, Iudææ regem, insolenter ac temerè se provocantem; acieque congregi, contra salutarem suam à mala mente dehortationem, ausum: in campis Bethsamæis, Iudaicæ ditionis

O 2

solò,

Ruina Ieroboami.



necessitate, sepositâ tantisper *Vitulorum* suorum imploratione; precibus seriis aggredi rex *Deum Cœli* cœpit; uti volens, propitius, opem sibi, populôque, ferret. Nec *Deus*, pro consuetâ suâ, supplicibus gratificandi, facilitate, quod rogabatur, abnuît: sed, partim adhuc vivo *Joachazi*, vires animosque contulit, ne deleteretur à Syris, ad internecionem: partim autem, & ampliùs, jam extincto, *successorem* dedit *filium*, & è filio nepotem: qui, quæ *Syri* reges *Samariticis* terris abraferant, secundiore præliorum successu, recuperarent. Et tamen, (quæ *Circumcise* gentis illius *incircumcisa* fuit, & *effrenis*, in *Idololatriam*, *prurigo*); quiete respirationeque nonnullâ bellicis à tempestatibus potiti, Rex & populus, à *Deo* protinus ad *Vitulos*, stupore planè *bubulò*, redierunt. Neque *Vitulis* contenti; *lucum* etiam, quem *Herculi Sidonio* jam olim *Achabus*, in *Samariæ* neroso clivo, suscitârat (00000); quémque *Jezebel* excindi vetuerat, & *Jehûses* vastare prætermiserat: superstitione pertinacî retinebant. Tam ingratum igitur beneficiis suis Regem, *Deus* tandem, etsi non cruentâ, tamen *æternæ felicitatis* extorri, morte sustulit: exploraturus quodammodo; num genitore gratior  
 rem

Ruina Ieroboami.



rem se *filius Successor* præstiturus esset? Præstitit autem aliquātō quidem feliciorē se bellis, sed moribus nihilō meliorem, J O A S. Hic enim *Joachazis*, sicuti traditum sibi per manus à patre moriente regnum; ità vivendi quoque ritum, accepit. Nam & ipse, sicuti reges superiores universi, thura victimasque *Vitulis* adolevit. Unde planè permiranda sit *Josephi Flavii* temeritas, & confidentia; contra divinorum voluminum apertissimam auctoritatem, eum *Pium* ac *Religiosum* proclamantis. (ppppp) Qualiscunque tamen J O A S hic (cujus initia regni, cum extremis *Joâsis*, *Iudææ* regis, annis concurrere): strenuum interim bellō se, neque parū fortunatum, exhibuit; Numine, ne sic quidem homini, tam perperam erga religiones affecto, prosperos militiæ successus denegante: quoniam hunc ille, paternis olim precibus exoratum, *oppressi Populi vindicem*, assertorēque, destinârat. Ternis ergo præliis *Benadâdum* Syrum, *Hazaëlis* filium, profligavit. *Amasiam* quoque, *Iudææ* regem, insolenter ac temerè se provocantem; acieque congregari, contra salutarem suam à mala mente dehortationem, ausum: in campis *Bethsamais*, *Iudaicæ* ditionis

O 2

solò,

Ruina Ieroboami.

solô, cum universis copiis, ingenti clade fudit, regem ipsum captum, in catenis Ierosolymâ adduxit: ingressusq; , victor ac triumphator, hostis victi Regiam ; murorum urbis partem diruit. neq; prius reversus *Samariam* est; quàm Sacris Ierosolymorû, profanisq; palatii, thesauris raptis, acceptisque, quos voluit, obsidibus, *Amasiam* sibi vengalem, id est, paullò minùs, quàm *servum*, reliquit. Idem autem hic, ab *Eliseo* moribundo, victoriarum de *Syris* complurium vaticiniis, ac rei bene gerendæ consiliis, animatus instructusque; non sine fletu lamentisque discessit ab expirante *Prophetâ*. Nec tamen *ad Deum* ideò, legitimâq; sacra, se recepit: *Vitulis* etiam ipse suis immortuus, anno regni *sextodecimo*. Quem, sucto Samariticorum regum illatum Mausoléo; *fatum siccum*, *Ruinâ* (proh dolor!) *irreparabilê*, detrussit in *Lacum sicciozem*, ab *Ezechiele* Vate descriptum (qqqqq): in quo non est aqua *Refrigerii*; sed igne *sulphurêq;* *flagrans Stagnum*. (rrrrr) Hoc nempe præcipitium eos manet: quos, rebus hîc secundis in altum evectos, immemor beneficiorum durities animi, tanquam grave saxi pondus, ad profunda detraxit. Cæterum, ejus imperium filius excepit,

IERO-

Ruina Ieroboami.

**IEROBOAMUS**: damnatum *primi Ieroboami* memoriâ vocabulum ; omnibûsque bonis mentibus fugiendum , *nomen*. Ille tamen, (quod utique plus est) ne *mores* quidem, cognominis sibi, detestabilisque, Regis fugit: in *Vitulorum* cultu frequens & ipse, pertinâxque. Quocirca mala, sine dubio, tam præsentis, quàm alterius, vitæ meruisset omnia: nec effugisset; nisi, misertus DEUS Israeliticæ gentis calamitatum, quibus premebatur à Syris; *publicè felicem fecisset eum, quem privatim habebat invisum sibi*, Ieroboamum. Quare, secundo Numine, *Vitulorum* licèt adorator, *Victoriæ* pennis ac signis, nec minùs *Ionæ* quoque *Prophete* vaticiniis, incitatus: per omnia *Syrorum* castra prosperrimè *volitavit*. Ac primis quidem cōgressibus, *transamnanam* Israelitarum terram, à fontibus *Iordanis*, ad usque *Lacum Asphaltiten*, (qui, quod sæpe jam monuimus, *Mare mortuum est*) regno *Samaritico* restituit. Novissimò verò præliò, terram etiam *Emathitida*, quæ *Libani* montis radices citeriores stringat, recepit. neque destitit, quoad *Damascum* quoque, finitimásque *Damasco* ditiones, *Davidi* quondam *Salomonique* possessas, postliminiò juris *Hebræi* faceret. Sed non, quàm

O 3

*victor*

Ruina Ieroboami.



*vi*ctor ex Deo, tam & *memor* opis Divinæ, cele-  
 bratorq;, *Ieroboamus*; cuius nomen *nascens* ac-  
 cepit, ejus regis impietatem, *moriens* secum  
 asportavit: cadavere tenus, *sepulcrum Sama-*  
*riticum*; Animâ verò, *terre Centrum*, ingressus,  
 Inferorum aulam: in qua rex miser, *annorum*  
*unius & quadraginta*, quibus imperavit, ingratis-  
 simam Deo felicitatem, suppliciis, non minùs  
 ingratis sibi, pro mensura scelerum, exsolvit.  
 Habuit autem hæredem regni, quem & *vite*;  
 ZACHARIAM, filium: *quartum* jam, è sangui-  
*ne Iehûsis*, *successorem*; sed, sine sanguine, *Iebu-*  
*sitarum* sceptrâ non finiturum. Cùm enim,  
 intestinâ Ducum contentionibus, in regno  
 Samaritico, per annos prope duodecim, *In-*  
*terregnum* potiùs, quàm *Regnum*, fluctuâset;  
 (sssss) trahentibus, in suas unoquoq; par-  
 tes, populi studia, Competitoribus, qui *Iehûsis*  
 stirpem redactam in ordinem cupiebant: tan-  
 dem tamen, ægrè licèt, *successione Zacharias*,  
 à Numine sibi destinatâ, potitus est. Sed, ob-  
 sistentibus sibi, quos spe suâ depulerat, etiam  
 tum æmulis; diu tenère potestatem supre-  
 mam non potuit: à *Sellumo*, (ttttt) *Iabesi* fi-  
 liô, purpuratorum illius facilè primô, per in-  
 sidias ac dolum contractâ conjuratione, die  
 popu-

Ruina Ieroboamî,

populòque palàm , ferrò dejectus ; vixdum  
 plenò regii dominatùs *semestri* transactò. Per-  
 iit autem & ipse, *peccatis magis suis*, & adora-  
 tione *Vitulorum* , quàm manu *Conjuratorum* ,  
 oppressus : secùmque traxit, & absolvit, omne  
*Iehusæ* Domùs, quod annis centum, duobus,  
 ac dimidiò, stetit, *Regnum*. Ità Sanguinariæ  
 stirpis *Achabæ* cruenta vindex stirps *Iehús*,  
 in cruore vicissim subsedit : in Ianienæ legi-  
 timæ, qua progeniem Achabi concidit, pre-  
 tium, *Quatuor*, ex promisso Divino, Reges,  
 post *Iehúsem*, regni possessorem primum, ade-  
 pta. *Totidem* enim, in Achabo, Iezabele, Iora-  
 móque, regibus Samariticis, & Ochoziâ, Ie-  
 rosolymorum rege, capita coronata de me-  
 dio *Iehúses*, propter impietatem, sustulerat.  
 Pro *Zacharia* porrò, tanquam pretium cædis,  
 interfecto illius, *SELLUMUS*, habenas regni  
 cepit : *administravitque*, sicut *Vitulorum* & ipse  
 cultor, *impiè* ; sicut Tyrannus autem, *infelici-  
 ter*, & non diuturnè. *Trigesimò* namque susce-  
 pti, pèrque vim rapti, principatùs *die* , finem  
 vivendi simul, ac dominandi, fecit : à *Manabé-  
 mo*, Gadi filiò, Therisitâ cive, trucidatus. Indi-  
 gnatus enim hic ; à *Sellúmo*, nec regiæ stirpis  
 homine, nec populi suffragiis, assensúve, sum-

O 4

mæ

Ruina Ieroboami.



mæ rerum impositô, tractari regnum; gentiq;  
 dici jus, ac leges, aliô jure nullo, quàm, quod  
 ipse sibi ferrô procudisset: adversùs eum ex-  
 arsit armis. Itaque, nunc singulos concitan-  
 do, nunc universos *urbis* suæ, quæ *Regia* quō-  
 dam & ipsa fuisset, incolas, atque finitimos:  
 ingētem brevissimo tempore multitudinem,  
 non tam ad sui (dissimulabat enim ipse sui  
 quæstum) quàm ad æquitatis constituendæ,  
 studium, pertraxit. Eoque voluntariorum  
 exercitu, primô statim in regiam urbem ad-  
 ventu, tyrannum pariter, & prætorianas co-  
 hortēs, unâ cum præsidiis, ac Samaritis, *Sellu-*  
*mo* juratis, oppressit. Statim autem, *non tam*  
*se depellere Tyrannum, quàm mutare*, voluisse,  
 declaravit: & cum modis aliis, tum ipsâ sta-  
 tim dominatûs invasione, terrorēq; gladio-  
 rum, si quis dissentire niteretur, ostentatô,  
 palàm fecit. Ad summam! Impietate, quâ  
 Jeroboamæos *Vitulos* amplexus est; truculen-  
 tiâque, quâ regnum exercuit, abundè demon-  
 stravit: Non se *vindicare* Zachariam, in *Sel-*  
*lumo*; sed, tum imitatione morum, tum oc-  
 cupatione potestatis, eorum utriusque per-  
 sonam agere, voluisse. Quare primùm omni-  
 um, *Thapsenses* (finitimam *Thersais* urbem)

unâ

Ruina Ieroboami.



unà cum circumjectis, Thersam versùs, oppidis, ac municipiis, aggressus armis, occupavit. quod mortalium illic, utriusque sexus, & cujuslibet ætatis, reperit, obtruncavit: ac (quod crudelitatis genus, nec in Scythis olim; hodie verò vix unquam in Scythiæ ramò, Turcìs, invenias) nequis illis nasci vel posthumus aliquando paterni cruoris ultor, hostisque, posset: matres Iſraëlitidas, hoc est, suæ gentis, locorum illorum universas, uteri manifestas, dissecuit, à pectore deorsum versùs: in uno tunc eodémque factò, plusquam millies iteratò, pariter & pudoris, & humanitatis, legum violatarum, multiplici nexu reus. Immanitatis tantæ causâ fuerunt, pendentibus adhuc inter Sellumum ac Manahemum regni controversiis, præclusæ Manahemò Thapsensis urbis Portæ. Mirandum ergo non fuit; A tam nocente, nec diu, nec procùl, *divinam abfuisse manum, nefandorum omnium ultricem*: quæ, ministeriis usa mortalis fastigii, demonstravit armis vicariis; *super humana regum Solia majestatem immortalem volitantem, in eorum promerita, pœnasq;, serió vigilare*. Sub eadem igitur illa tempora, paullòque superiora, *Jebuseorum* regum, consumptò suismet,

O 5

&amp; flam-

Ruina Ieroboami.

& flammis, & libidinibus, Assyriorum rege *Sardanapalo*: victores, eversoresque *Ninivés*, *Arbaces*, *Belésus*, *Phules*, primi Ducum; suas sibi singuli partes illius imperii, mutuò consensu concessu, rapuerant. Mediam quidem, ac *Bactrianam*, *Medus Arbaces*; *Babylonem* verò *Belésus*; *Ninivés*que dirutæ reliquias, *Phules*. Horum postremus, Assyrii *Ninivitic*que regni quoquo modò restitutâ sensim, tam appellatione, quàm veteris imagine quadam amplitudinis; ad *Manahemi*, Samaritarum regis, usque tempora, regnando pervenerat. (uuuuu) Eum, ferunt, aut à *Thapsensibus* adhuc obsessis, aut, post excidium, à reliquiis, eorumve propinquis, excitum; *Manahemo* bellum indixisse. Sunt, è diverso, qui credant; *Phulem* ultrò, vel adversus dominantem adhuc *Sellimum*, vel pro seipso postea, (quippe populi rebellionem, propter editam in *Thapsenses* truculentiam, permetuente) per legatos à *Manahemo* fuisse pretiò conductum; idque suo, quod, titubaturum esse, satis apparbat, regno firmando. (xxxxx) Quidquid autem horum fuerit, quorum postremum ego vero simillimum existimaverim: veniebat *Phules*; arma, vim, & copias, ostentans; e-  
vasta-

Ruina Ieroboami.

vastaturus ( nisi , seu pretium operæ bellicæ ,  
 seu regni vectigalis stipendium , penderetur  
*annuum* ) terram omnem *Samaritarum* . Ei pro-  
 inde sibi , fortunisque suis , in perpetuum con-  
 ciliando , neſtendóque : *Manabemus* , cùm ex-  
 hauſtum jam populi vulgus tributis eſſet ; di-  
 tiſſimo cuique , maximéq ; de nobilitate , ſti-  
 pendium indixit *quingentum argenti ſiclorum*  
*( y y y y ) annuum* . quod hominum *ſexaginta*  
*millia* cùm conferrent , *annua talenta millena*  
*Manabemus* ex eis redigebat : decenniò ve-  
 rò , quo rerum potitus eſt , *decem millia talen-*  
*torum* ; hoc eſt , *Sexagies centum millium aureo-*  
*rum ſummam* . qui *ſex aureorum* ( ut hodie lo-  
 quuntur ) *milliones* erant . ( z z z z z ) Univer-  
 ſum hoc argentum *Manabemus* , in *Phulis* fi-  
 ſcum effudit : vel , ut haberet , cujus armis ad-  
 verſum ſubjectos tegetetur , in imperio , malè  
*partò* , propterea q , malè *fidò* : vel , ne *Scutum* illud  
 ipſum ſuum *Aſſyrii fœderis* , ac ſocietatis , in  
 hoſtilitatem aliquando converteretur ; ut ſa-  
 nè converſum tandem eſt in ſucceſſoribus  
*Manabemi* . Quæ res docet , quàm ſit *inſtabile*  
*regnum omne* , quod nec ope Dei , neque ſubjectorum  
*benevolentia* , ſultum eſt : unde conſequens tan-  
 dem fiat ; ut , quod adagiò veteri ferebatur ,  
*ne fer-*

Ruina Ieroboami.



ne ferréis quidem bastis fidi tutò possit, sed argenteis pugnandum sit. Ac Manabemus quidem, in hunc, quem dixi, modum, regnò potitus, ac functus; expletò tyrannicæ potestatis decennio, vitâ cessit: caussam suam, ob tam foedè cæsos Thapsenses, dicturus ad illud tribunal; à quo nullus *provocationi* locus est. Regnum porrò, filio per manum tradidit; cui PHACEIÆ nomen. (a) Hic patris, omniumque regum superiorum, in *Vitulis* adorandis, imitator; nec impietatem ultra, quàm in *biennium*, nec potentiam, prorogare potuit: in *arce turritâ* palatii Samaræi, conjuratorum oppressus, ac trucidatus, manu. Conspirationis illius caput, PHACÉAS fuit, *Romélie* filius, cohortis primæ, seu prætorix, tribunus; Hebræis, *Tertius à Rege*, dici suetus. Hic, consilii sui conscios, *Argobum*, & *Ariaum*, prætereaque *Galaaditas* quinquaginta, secum in Regiam trahens; testes eosdem, adiutoresque, *Phacejane* cædis, habere, suæ dignitatis, & ad populum defensionis, existimavit. (b) Cui porrò *vitam* Phacéas; eidem, ac posteris ejus, etiam regnum ademit: *vigintiq;* deinceps *annis* illud, iniquitate, qua corripuerat, eadem & administravit: par superioribus regibus universis, impiò

Ruina Ieroboami.

impiô *Vitulorum* cultu: neque dispar castigat-  
ione; quâ Deus, tam ipsius regis, quàm ple-  
bis, in malo morigeræ, nefanda facta flagella-  
vit. Primùm igitur omnium, erepta sana-  
mens & consilium à Deo, *Phacée* fuit; ut in  
potestate stipendiôque Regis Assyrii, *Manahemi*  
filiique, regum antecedentium, exem-  
plô, degere perseveraret. Et opportunè tunc,  
Assyrio Regi, *Phulî*, vivis exempto, filius *Teg-  
lath-Phalassar* successerat. cujus ætatē haud  
dubiè *Phacéas*, ad rebellandum accommo-  
datiorem sibi ratus, quàm *Phulîs* robustos an-  
nos, confirmatamq; potentiam; annui tributi  
jugum excutere, regum Samariticorum pri-  
mus, coepit. Quod igitur, à *volente* Phacæa  
rex Assyrius, per legatos & internuntios, im-  
petrare non potuit; id extorsit ab *invito*, ca-  
stris & armis: ac, pro tributo grandi, damnô  
longè grandiore, munitiones, urbes, terras,  
integrôsq; populos, avellit, & asportavit.  
*Cis* Jordanem namque, bellô captas, *Ajônem*,  
*Abel-Dômum*, *Máacham*, *Jánöen*, *Cedessam*,  
& *Azorem*, oppida munitissima populosissi-  
mâque, vastavit; & incolis exhausit. Regio-  
nem quoque *Nephtalæam* omnem, hoc est,  
*Galileam*, quam *Gentium* appellabant; non de-  
popu-

Ruina Ieroboami.

populatus tantum est, sed planè vacuavit: cultoribus indè, maximam partem, in Assyriam traductis. Postea, non contentus hac clade, quam *Cisamnanis* intulerat; ac vectigali, quod novum, nec fortassè tolerabilius priore, Phacæe pendendum, imposuerat: profectus cum copiis omnibus, *trans Jordanem*; terras *dimidiæ-Manassæ* tribus, & *Galaaditidem*, ac *Rubenitarum*, inprimis populosas ac peccorosas, adeò redegit in solitudinem, & vastitatem; ut in iis nihil relinqueret, unde rebellionis metus aliquis ostendi posset. Omnem autem multitudinem reliquam, utriusque sexus, *Lábelam*, *Háborem*, *Haram*, & in finitima *Gozáni* fluvio loca, (quæ superioris Mediæ quondam urbes ac provinciæ fuerant) abduxit. Ibi, *Servitutem*, quam Deo noluerant, & *Vitulis* maluerant; barbaris & *DI*s, & nationibus, serviebant: idololatriæ dignissimò, creberrimisque promisso minis, operæpretiò. Nec tamen, vel post tantam rerum suarum plagam, *Phacæas*, aut à malitia destitit insani *Vitulorum* cultus; aut ab inquieto bellandi, contra votis suis opportunos, studiò: sed, aliunde prædationibus reparaturus, quod Assyriacis cladibus amississet; in Judæum regem, *Achazem*, arma, totis



totis reliquiarum suarum viribus, convertit. *Arbitratúsque*, quidquid sibi regni superesset, *Rapinam esse* spoliúmque; Phacejæ detractum, quem occiderat, ac beneficium gratiámque regis Assyrii, qui sibi non totum ademisset; in minimis curis belli Iudaici successum habuit: quippe, siue vinceret, lucrum indè reportaturus; siue vinceretur, haud ità magnò damnò res suas corrupturus, quas antè jam attritissimas haberet. Magnis igitur animis in Iudæam movit, è Samaria. Neque tamen multum, *rex impius*, profecisset; nisi casu tunc in hostem *magis impium*, Deoq; pro pessimis factis invisum, *Achazem*, incidisset. Quare, permissu Numinis, Achazem, ac populum Iudæum, simulacris tunc addictos, pleñtensis; sub unum eundémque diem, quo conflixit, unicò præliò *centum viginti millia* robustissimorum, è Benjamínis ac Iudæ tribubus, virorum, Phacéas interfecit. Quo pariter, adco truculentò, præliò, mañdandique tumultu, ne regiæ quidem pueritiæ, nobilitatíque primæ, vitæ gratiâ factâ: trucidatus est, Zechris Ephraimitæ manu, Regis filius, *Maasias* (γ), & Ezricas, regiæ domui præfectus; ac, vices regis obire solitus, Elcanas, purpuratus. Nec  
cæde

Ruina Ieroboami.

cæde satiatus *Phacéas* ; secum in catenis Samariam abduxit, *mulierum, puerorum, ac virguncularum*, agmen miserabile, *ducenta millia* : cum immensa prædâ. Quos tamen omnes, priùs, quàm Samariæ pedem inferrent, *Obédi propheta* jussu, primorùmq; de ducibus ac tribunis coactû, cum omni præda remisit: cibo priùs, medicamentisq; refectos; unctos ac delibutos oleô; vestitos, & calceatos, è spoliis; ac, siqui minùs incessu viribûsque valerent, jumentis & curribus impositos : omni cum humanitatis significatione, libertati primùm, deinde patriæ, restituit: Ierichuntem deportatos. Dignus *Phacéas* erat, qui tantæ civilitatis gratiæque famam, ad Inferos illibatam deportaret. Sed hujus pulcherrimi facti sui gloriam, ipse sibi, subsequente mox hostilitate, maculavit, & destruxit. Cùm enim, uti *Regum barbarorum mobilia sunt ingenia*, cum Syriæ rege, *Rasîno* ( qui *Benadâdo Juniori* successerat) consilia *Phacéas*, ac foedus, sociâset: & uterque decrevissent, *Achazi*, Iudææ regi, (quòd is hostis sui, regis Assyriorum, amicus esset) exauçtorato; *Tabéélis* cujusdam filium, sibi junctissimum, in imperium sufficere: vertente confestim annô, junctis copiis & animis

nimis , ad Ierofolymam castra collocârunt.  
 Urgebant autem regem unum, & unam ur-  
 bem, gemini reges, obsidione validissimâ; nec  
 parùm diuturnâ: cùm interim omnis circum-  
 circa Benjamînis, ac Jude, terra, cum agris fini-  
 timis, evastaretur. (δ) Quancquam autem *re-*  
*gem unum*, Deo præsertim invisum, *regibus duo-*  
*bus*, expugnare, non admodum operosum ef-  
 fet: operosissimum tamen laboris successum  
 faciebat, *Urbis* Ierofolymæ, manu sitûque va-  
 lidissimæ, robustus, intrâ muros, numerosus-  
 que, propugnator. desperationis autem ple-  
 num negotium faciebat, ipse Deus, *pro cir-*  
*cumseßis* tunc, *adversum obsessores*, staturus. id,  
 quod Ierofolymitis *Isaias*, vates regius, ac di-  
 vinus, appromittebat. Nec fefellit promissi  
 fides. *Teglath-Phalassar* enim, *Achazis* intel-  
 lecto discrimine, cuius ingentibus auri pro-  
 missis evocatus erat: primùm quidem, motis  
 in Syriam copiis, Damascum, Rasini regiam,  
 oppugnat: oppugnataque famâ, *Rasinum* à  
 societate castrorum *Phacææ*, Ierofolymisque  
 vexandis, avellit: quippe properantem, *sua*  
*jam magis turri, quàm alienis imminere fortunis.*  
 Moxq; congressum acie, Damascenis in cam-  
 pis, & vitâ regem; & mœnibus veteriq; fastu

P

Da-

Ruina Ieroboami,



Damascum ; ac libertate denique facultatibusque, Syros illos universos, exuit: *Cyrénem*, Medorum urbem, translatos. Rebus autem ita, sicut dixi, circa *Rasimum* compositis: in *Samaria* deinde regnum adversum *Phacéam* copias victrices Teglath-Phalassar mittit. urbes, agros, mortalesque multos, & prædam omnium generum, capit. *Phacéam*, deserere Ierosolymas cogit; ac Samariam sese suam, rebus jam extremis, recipere. Cum autem, quod voluerat, *Affyrius* assecutus esset; regum, inquam, inimicorum ab *Achaze* divulsionem: prædâ simul, ac plurimorum iterum *Israëlitarum* abductione (ε), *Vitulo* denique *Danitarum* *Aureo*, secum raptô, ditatus: (ζ) in Syriam *Damascenam* rediit: neque multo post in suam *Affyriam* exercitum universum reduxit. Circumsidere verò *Samariam*, & nondum tempestivum, & ad expugnationem haudquaquam facilius, quàm *Ierosolymam*, videbatur. Sed, quod *Samaria* tunc dilatum, pro peccatis, supplicium est; id mox in *Phacéam*, *Samariæ* regem, deproperatum est. Cum enim, & ob imperium iniquè raptum, & ob iniquius postea perniciosiusque gestum, multi passim summorum infimorum-

Ruina Ieroboami,

rùmque fremerent: O S E A s eum, *Elæ* filius, purpuratorum illius, amicorùmque, facile princeps, insidiis occupatum, oppressùmque, paullò post discessum exercitûs Assyriaci, trucidavit: *annorum viginti tyrannum*, sed *innummerabilium regni malorum reum*. Etsi sanè, diu postea turbatâ seditionibus omni Samariâ, nondùmque; stabilî gentis ullo rege; depulsus impræsentiæ soliô *Phacéas* fuerit: meliora verò tempora, morésque, non restituti. Quanquam autem, ex quo *Phacéam* è medio sustulerat; gubernaculis admoveere manum O S E A s instituerit: *Teglath-Phalassare* tamen mox tributis eum opprimente; tum & popularium factione, novis eum quotidie tumultibus exagitante, *servus potius servorum suorum, quàm rex*. Assyriiq; regis quæstor magis, quàm tetrarcha fiduciarius, esse compulsus est: donec vix tandem, nonò. post annò, *novem alios in annos*, attollere coronatum caput coepit; sed, id ipsum *diminutione* demum in ordinem redigendum. Id quod sequentia declarabunt: quæ Regum Regnîque Samariæ *Ruinas* in extero Solo soléque; quin, & in fuga pulveréque, collocabunt.

X I. Annus erat, à mundo condito, ter

P 2

mil-

Ruina Ieroboami.



millesimus, trecentessimus, quintus; Urbis Romanæ positæ, Romulique Regis, quartus; Achazis, Iudææ Regis, duodecimus; Olympiadis septimæ Quartus: cùm *Oseas*, Phacææ regis interfectior, quòd in nonum jam annum, Tegloth-Phalassaris, Assyriorum Imperatoris, pendendis ei tributis, & imperiis exsequendis, *servum* se probâisset; neque Reipub. partem ullam, pro Rege se gerendo, tractâisset: dignus denique Domino suo, tam diuturnâ servitutis patientiâ, visus est; qui, potestate saltem fiduciariâ, dominari Samaritis, & Israëlitarum reliquiis, inciperet. Itaque *regis* ei nomen, ac, quæ regiæ dignitatis insignia sunt, ab Assyrio conceduntur: & *Oseas*, hòc demum annò, verè regnandi facit initium. In hac autem potestate, tametsi Simulacrorum cultum Ieroboamicum, non, ut debuerat, antiquârit; & verò, ne degeneraret à regibus antecedentibus, ipse quoq; *Vitulum Aureum*, qui tunc unicus erat reliquus, in urbe Bethelæa, venerari soleret: in cæteris tamen, multùm à priorum impietate tyrannidèque recessit. In eo verò præcipuè, *religionis ac facilitatis* quandam imaginem exhibuit: quòd, cùm Reges Israëlitarum universi, Ieroboami

Primi

Ruina Ieroboami.



Primi nefandâ violentâque lege, loca civitatésque regni sui *limitaneas* cunctas, per quas esse transitus, Ierosolymam versùs, adoraturis posset, præsidîis militum excubiisque validissimîs firmâssent; quæ transituros prohiberent, aut interciperent: *Oséas* præsidia primus deduxit; *ternisque vicibus*, uti Legibus Mosaicis constitutum erat, quotannis omnibus promiscuè permisit, Ierosolymam, adorandi veri Dei causâ, proficisci. ( ) Quod sanè mirandum in primis fuit: quo tempore sacrilegus Iudææ rex, *Achazes*, Templi Domini fores, & valvas, ac religiones, omnibus occlusit; eodem ipso, Samariæ regem, *Oséam*, eadem illa, quantum esset in se, cunctis aperire. Quanquam autem talis, qualem expressimus, *Oséas* esset; ut, comparatione Regum suæ nationis, etsi *malus*, videri tamen *bonus utcunque* posset: in eum nihilosecius, velut columellam ultimam, fundamento putrido subnixam, omnis tot regum antecedentium, gravata peccatis, moles incubuit: quique cæterorum omnium minimè deliquit, plurimùm in hac vita plexus est. Neque tamen defuère, quas ipse sibi suum in malum contextuit, interitûs causæ; sicut, ut plurimùm,

P 3

quæ-

Ruina Ieroboami.

quæcunq; foris calamitates in improbos incurrunt; intus, & ab domo, nascuntur. Jam primum omnium, *Teglatb-Pbalassare* vivis exempto, *Salmanasari* filio, successorique, cunctatus *Oseas*, veſtigal anniverſarium exſolvere: traxit in regnum ſuum hoſtiles Aſſyrii regis copias; tributi fidem, ni ſpontè maneret in obſequio, viribus & armis coërcituras. Ac tum quidem illico manus dedit *Oseas*: opibus ſuis infirmior, & alienis nondum ſibi proviſis. At non multo poſt, annò nondum plenè vertente, mentem *Oseas* vertit: certuſque, detrectare deinceps, in perpetuum, tributi penſionem; cùm facile perſpiceret, id abſque novâ graviorèq; *Salmanasaris* exaſperatione nequaquam eventurum. quò firmioribus adverſum illius arma præſidiis opibusque res ſuas communiret; legatis in *Aegyptum* miſiſ, *Regis* illius fidei ſe ſuâque committere, non dubitavit. Nec abnuſit *Aegypti rex*, qui tunc, *Sua* nomine, diſcors Aſſyrio, quemvis obvium adverſum illius potētiam ipſe tegere, quam latiùs alterum dominari, malebat. Nimirum, & *Reges*, ac non ſoli *ſiguli*, certare mutuïs inter ſe mentium odiis, haud alienū majestate ſuâ ducunt: & *Qui plus poteſt,*  
*plus*

Ruina Icroboami.



*plus Invidia sustinet ab emulo vicino. Quod utinam non & nostræ tempestatis continentia bella, de livore plerumq; nata, loquerentur. Sed nos antiquas hostilitates, & Osée calamitates; exsequimur: recentiora, posteritatis memoriæ, scriptoribûsque, relinquimus. Osées igitur, defectionis ab Assyrio consilia, societatemq; Regis Aegyptii, tantâ calliditate tractare non potuit; quin suspectus primùm, deinde sensim manifestus, Salmanásari redderetur. Hic ergo, tanquam fugitivum suum injectis manibus ad officium retracturus; relictâ Ninivâ, validissimam peditum equitumque manum, transportavit in Syriam Damascenam: indeque, transitô Jordane, Samaritici regni terris infudit. Et Osées quidem, tranquillis suis rebus hostilia solitus consilia volvere; bellô postea, quod tamen ipse sibimet accersierat, pavidus, latebras quærebat: Samariæ se mœnibus, & arci, contra vim Assyrii Martis, includens. Salmánasar autem impunè primò regnum omne Samariticum pervagatus; obistente nemine, prædas, incendia, quæque cætera, belli licentia secum affert, exercebat. Vitulum item Aureum, qui Bêthele jam solus restabat, dejectâ columnâ, cum cæteris sacris*

P 4

pro-

Ruina Ieroboami.

Salmanasar



profanisque spoliis, asportavit (9): Ut adeo  
 posthac miserrimis Israëlitis *Numen* superes-  
 set *nullum*; quippe, qui *Deum verum* jam o-  
 lim à se proscripsissent: & tunc *Deos*, etiam  
*falsos*, amisissent. Pervastatò verò, magnà ce-  
 leritate, nec minore passim clade, regnò, *Sal-*  
*mánasar*; eodem adhuc annò, qui fuit *Oséa*  
 septimus, & *Ezechia* ludææ regis quartus, bel-  
 li vim omnem in regni caput, *Samariam* (Æ-  
 gyptio rege suppetias altum dissimulâte, con-  
 tra spem *Osée*) convertit. Hanc, omnibus co-  
 piis circumfessam; postquam armis, viris, ma-  
 chinis, ac ballistis, *fame* denique, quibusvis tor-  
 mentis bellicis potentiore, diutissimè, sed frustra,  
 fatigasset (tanta murorum firmitas erat, &  
 oppidanorum intus obstinatio) *post triennium*  
 tandem expugnavit: *Oséam* vivum cepit (\*);  
 captum, in catenas & carcerem, ut plebejum  
 ac *servile* caput, compegit: urbem diripuit:  
 incolis arma detraxit, ac libertatem. Omni-  
 bus denique; quorum causâ venerat, in re-  
 gno Samaritico compositis, ac sub arbitrium  
 suum redactis; *Regnum ipsum Samariticum*,  
 quod sub Israelitici nomine, *ducentis annis*, &  
*quingenta quinq;* steterat, (1) funditus ever-  
 tit: *Regemq;*, compedibus ferreisq; manicis o-  
 nera-

Ruina Ieroboami.

neratum, custodiâ quidem eduxit; sed in ar-  
 tiorem aliam, secum eum trahens in Assy-  
 riam, conjiciendum dedit. Quibus in vinculis  
*Oséas*, non, ut *Rex*, sed, ut exempla novissima  
 meritis *flagrio*, consenuit, atque consumptus  
 est. Ne verò superessent in posterum, qui,  
 more suô, *Reges*, ubi non invenirent, è corpo-  
 re suo, per factiones, suscitarent; indèq; nun-  
 quam finis ac modus fieret, adversùm Assy-  
 rios, *in populo, seditionum amantiſſimo*, rebellan-  
 di: *Salmanasar*, quidquid electioris aliquan-  
 tò populi superfuit, quod non aut in Iudeam,  
 aut trans Jordanem, ad Moabitas, & Arabas,  
 aut in speluncas denique, profundâsque syl-  
 vas, fugâ se recepisset; in *Assyriam* primò se-  
 cum transportavit. In *Medorum* deinde regio-  
 nes, urbésque; nominatim autem, *Halam*, &  
*Háborem*, aliâsq; flumen *Gozânem* adjacentes,  
 (κ) eos trajecit. Est autem *Gozan*, amnis in-  
 gens; in mare se Caspium evolvens: *Ortelio*, ci-  
 tra controversiam, *Araxes* appellatus. (λ)  
 Qui fluvius cùm, ad Occidentem Solem, Ar-  
 menix Majoris partem aspiciat; à Cori late-  
 re Colchos, & Ibéros, ac Ponti viciniam; ad  
 Ortum verò, Mediam, Hyrcaniam, Baſtrian-  
 nam; ad Austrum autem, fines Persidis; ad A-

P 5

qui-

Ruina Ierobœami.



quilonem denique Septentrionumque latera, Scythas, hinc quidem Europæos, illinc autem Asiaticos: minimè mirandum sit, ab recentioribus Divinorum voluminum expositoribus, Israëlitis his, à *Salmanasare* novissimè terrâ majorum suorum abstractis, loca nominum, tam inter se diversorum, assignari. Præter eos enim, qui, cum divinis monumentis, eos in *civitatibus Medorum* constituerunt, sunt, qui partem decem tribuum illarum in *Colchos* & *Iberos* ( $\mu$ ) abducant: argumentum è *Circumcisione* petentes, quâ *Colchos* in infantes masculos uti, tradat Herodotus. Sunt alii, qui *trans Medorum Persarumq; montes*, eos passim in *Septentrionem Orientis* effundant; quibus in locis, dictu mirum est, quàm multa suæ gentis millia reperisse se, confirmet *Benjaminus, Jona filius*, inquilinus *Cæsaraugustanus*, Israëlites: qui multos eorum, in montibus *Haphtonis*, *Chaldaicâ*, refert, hodièq; linguâ solitos uti. (v) Sunt etiam, qui cum *Genebrardo* credant; à magna *Captivorum* illorum parte *Scythiam* infessam esse *majoris Asiæ*; non eam modò, quam *Catayum* hodie nominant, ubi multitudes sunt Israëlitarum: verùm &, quam *Tartariam*, ac perperam *Tartariam*, appellamus.

In hac

Ruina Ieroboami.



In hac enim *Hordas*, quas vocant, seu coetus multitudinum nonnullos, adhuc retinere nomina, perhibent, tribuum Danis, Zabulonis, ac Nephthalææ: non sine quibusdam aliis originis Hebrææ monumentis. Genebrardus quoque suspicatur; Occupatam à translatis Israëlitis fuisse *Tartariam* illam, quæ, Septentrionalis Orientis in angulo constituta, solitudinem Belgianam adjacet: ex eâque, Cingit quodam duce, sub annum postea Christianum millesimum ducentesium, erumpentes, imperium repentè *Magni*, quem vocant, *Chami* constituisse. *Tartaros* autem hos, *Mahometis* deinde legem execrâdam tantò proniùs acceptavisse: quòd, ab Hebræis oriundi, *Circumcisionem*, à puerilibus jam olim annis, secum circumferrent. Non desunt etiam, qui, *Scythiam* ab eis *Europeam*, signatèque, *Russia*, *Sauromatarum*, *Livonum*, ac *Moscorum*, terras impletas esse, persuasum habeant: ob eam, quæ reperitur in illis, Hebræorum multitudinem. Nonnulli verò, longiùs adhuc multò captivos illos projiciunt: & in *Americam* quoque delatos, cum Genebrardo contendunt. Argumento sunt illis; sepulcrorum saxa subterranea, notis Hebraicis vetustissimis inscripta,

Ruina Ieroboami.

pta, majorumque nostrorum memoriâ refo-  
 fa. Quibus equidem hæud repugnârim. In-  
 tercedit autem eorum opinioni *Salianus*: qui,  
 post *linguarum* potiùs *divisionem* statim, ad-  
 eoque sub Diluvium Noachæum jam dila-  
 psam, Hebraicæ linguæ scientes, eò delatos  
 esse, censet. (ξ) Ad summam! Ingens hæc  
 fuit Israeliticæ gentis, latissimèque strata, *Rui-  
 na*: quæ *tribuum decem* populos, fabulosi pul-  
 veris aut pælearum instar, è vaticinio Mo-  
 sis, ad *quatuor cæli cardines*, ac *Ventos*, difflavit.  
 Et quanquam etiam tum in Chanaanitide,  
 Moabitarum, Arabum, & Ismaelitarum, ab-  
 strusioribus terris, Israelitæ complures, in scio  
 Salmanasare; vulgus item humile, consciò,  
 remanserint, ad quos, progressu temporum,  
 hinc indè captivorum & exulum, alii sub a-  
 lios, clam reversi sunt: tardissimè tamen, im-  
 mò nunquam in solidum, ad pristini statûs  
 ac gentis florem sese recollegerunt. Neque  
 mirum id fuit: cùm, præter *viraginem* unam  
*Juditham*, sui sexûs ætatîsq; Principem (quæ  
 tamen & ipsa, multis pòst annis, sub *Manassis*,  
 Judææ regis, principatu vixit) nihil ibi *Regium*,  
 verèque *magnum*, extiterit. Simul autem, &  
*colonia*, quas in regnum Samariticum deduxit  
 Assy-

Ruina Ieroboami.



Assyrius, improbæ sacrilegæq; nationes; progeniem Israeliticam colluvione suâ mixturâque corrumpebant. Erant autem hi, quos indicavi, *coloni*, quisquiliæ *Babyloniorum*, & *Avabai*, *Cuthaique*; *Deserta*, quam vocant, *Arabia latrones*, & incolæ. Præter hos, *Emathitidis*, ad Libanum, ac Damasci fines, & *Sepharvææ*, maritimæ regionis, barbari cultores. Quos, cùm initiô, *Leonum* solitô-ferocior, ac densior multitudo locis omnibus, ac palàm, invaderet atque laniaret; eò, quòd *terram auderent incolere, quam sibi cultuig, sui Deus, antiquitus jam, seposuerat*: edocti postea legem cæremoniâsque Mosaicas; in impietate tamen suâ nihilo segniùs pergebant: singulæ gentes, singula, sub simulacris suis, *Dæmonia* barbarica venerantes. Et hæ sic, immistæ genuinis Hebræis, vivebant; ut hos, suæ pravitatis exemplis, inflammarent; tandêmque nomen esset infamiæ, *Samaritam*, (hoc est, *partim Moscolam*, *partim Cacodæmonum cultorem*,) esse. Prognati sunt autem ex his barbarorum facibus, mortales perfidi; rerum novarum, ac seditionum, studiosi; principum legitimorum contemptores; prædones, & sicarii. quorum è numero fuère, qui postea vivum concremârunt

Ruina Ieroboami.



mârunt *Andromachum*, ab Alexandro Magno Syriæ componendæ præpositum (θ). Ex eodem genere nationum descendere; qui *Garizai montis* templum, Jerosolymitano templo, non sine religionum maximis perniciosissimisque turbis, opposuerunt. Ex iisdem denique provenire, *Sicariorum*, sectarumque ductores, & antè Christi Servatoris ætatem, & post eam; *Dositheus*, ac *Simon Magus*: pessimus uterq; suorum temporum *heresiarches*. Illi quoque, qui cum *Sadduceis*, Atheorum deterrimis, *Spiritum*, *Angelum*, *Corporumq;* *Resurrectionem*, cum Animorum immortalitate negabant; ex horum *Serpentum* nido prorepere: Divinorum voluminum auctoritatem omnem, præterquam *Mosaici Pentateuchi*, subruentes. (π) Tolerabile tamen utcumq; malum hoc fuisset; Samariæ solius, aut universim, Chananææ terras, hac, quam dixi, mortalium ac sectarum peste tunc infectas esse: si modò suis se finibus orisque tenuissent; nec in omnem reliquum se terrarum orbem diffudissent. qui cum reliquias perniciosi simulacrorum cultûs, ac *Vitulationes*, unâ cum Mosaicis legibus, retinerent: in nefariis suis erroribus contumacissimè perennârunt.

Ruina Ieroboami

nârunt. Sed nimirum, & ipsi *Samaritæ* posteris temporibus, etiam longè post Christum, Orbi jam toti patefactum; *heresi* teterrimâ Religionem sanam, ac rebellionibus turbulentissimâs Orientem, exagitavêre, sub Imperatoribus potissimùm *Justiniano*, *Justinôq.*, *Juniore*: sacris passim Imaginibus exterminatis; sibique (si Superis placebat) etiam Rege creato (ρ). Præter *Samaritas* autem, *Israëlitæ* cæteri, *tertium* ab Assyriis, uti dixi, *Capti*, sed *plusquam* *millies*, in omnes terræ nationes, *dispersi*; paucissimâs exceptis, qui Christi subinde leges ac Sacra recepêre: *venenatis Thal-*  
*mudi* sui rivis terrarû omnem inundaverunt ambitum. Quorum cum execranda deliriorum pertinaciâ, nostris adhuc temporibus, & in ipsa quidem *Europâ*, sic conflictamur: ut nos, non *gens* modò, sed ipse sæpe *gentis numerus*, fatiget. Fuit enim, cùm una nonnunquam urbs, paullò populosior, *Hebraici* nominis capita *plusquâ* viginti, vigintive quinque, millia numeraret. (σ) Quis igitur (ut aliquando suum adnaviget portum ista narratio) non videat, & *magnitudinem* *Israelitici Casûs*, & *multitudinem*? illam quidem, è *Novendecim* ordinè *Regibus* (τ), ad *Tartari* profunda

Ruina Ieroboami.

funda descendantibus; & illic eternum (proh dolor!) sedentibus, ac fessuris: istam autem, è continente, tam numerosæ gentis, ad usque mundi finem, interitu. Quem geminat, tam præsentis, quàm futuri statûs, infelicissima calamitas, atque strages.

XII. Sed (per omnia sacra profanâque te rogo, lector) quis hanc tantam sempiternorum Ignium necessitatem, *Israëlitis*, sive *Regibus*, sive *Populis*, injunxit? Quis, è Solio vitæque, florentes quondam, ad Incendia, sine caritura, detraxit? Profectò, non *DEVS*; cui proprium est, misereri semper, ac parcere; sed singulorum & omnium, spontaneus impetus; prava voluntas; & peccandi libido. Nempe, Deo retrahente; Prophetis reclamantibus; lege Mosis contrà stante; prodigiis, beneficiis, minis, ac pœnis, dehortantibus; tamen suas singuli cupiditates, pro Deo, Prophetis, lege, monitis, habere sunt ausi. Quodq; *Jeremias* postea, de sui Sæculi scelestis Iudæis conquestus est; hoc de Samariticis, & Regibus, & colonis, plangere non intermisisset: *Omnes conversi sunt ad cursum suum; tanquam Equus, impetu vadens ad prælium.* (v) Ac *Reges* quidem *Israelitas*, ut *Vitulorum* sacrilegum cultum excogi-

Ruina Ieroboami.



cogitarent, & â semel excogitato nunquam  
 avellerentur; *Ambitio* pessum dedit, Regnîque  
 retinendi præposterum studium. *Prudentia*  
 sanè mortalium, *Dei spiritu* carentium, sed  
 Deo, planè *Stultitia*! Sapiencia, non coelô de-  
 scendens, sed (pace vestrà, Machiavellistæ!)  
*terrestris, animalis, Diabolica*! (Φ) Perdidissent  
 (inquis) sibi posterisve suis, Israelis impe-  
 rium; si populus ad Judææ reges se retulisset.  
 At, ob id ipsum, perdiderunt; Deo diffidentiam  
 eorum plectente: non amissuri, si, Deo nixi,  
 formidines humanas despuissent. Finge ta-  
 men; Populô *Jerosolymam*, & non ad *Vitulos*,  
 cuncte, regnum Israeliticum ad Domum Da-  
 vidicam, Judææque reges, fuisse rediturum.  
 Numquid igitur, ut tu decem annos, trigin-  
 tâve, vel quinquaginta, principeris; amittere  
 perfidia tuâ, *Vitulorumq;* cultu, consultum pu-  
 tas, *Regnum omnium Seculorum, & Æternitatis*  
*Imperium*? O, te, dementissimô quovis de-  
 mentiozem! qui, post Mosen ac Prophetas, ne  
 tantillum quidem adhuc sapis; quantum  
 nunc obvis quisque *legulejus*: In humano ni-  
 mirum Solio te non posse Perennem esse. Sceptrum  
 tuum, suapte naturâ fragile, paucorum fore men-  
 sum, aut annorum: pro cujus proinde tutelâ,

Q

non

Ruina Ieroboami.

non sit inimicus tibi capiendus ille, *Cujus potestati nemo resistere potest: nemoq; resistit aliquando; simulque pacem habuit; (x) sub quo curvantur & hi, qui mundi machinam portant, atq; circumagunt. (ψ) An verò tu solus ignorabas, quod vel cæci vident; Regnum tibi præsens, præsentî saltem cum vita perituum: nec ullum Opus humanum durare semper; mortaliqu; labore, nihil effici perpetuum & immortale (ω). Regum autem Regem, tuæque defectionis ultorem, nec mori posse; nec unquam suum finire principatum. Sed quæstus (inquis) ingens, è populi defluxu, fisco fuerat regio decessurus, vectigalium ac tributorum imminutione, quæ Regnorum anima succûsq; sunt; & Populus, Vitulinorum sacrificiorum dulcedine depulsus, alienior à rege prohibentē, majestatem illius enervaturus erat. Hoc nimirum, hoc ipsum est, Interitûs regum Israeliticorū lethale punctum: quod idem, novissimis hîs mundi Sæculis, Principum haud paucos evertit, ut antiqua Sacra convellerent; novarique religiones, permitterent, & amarent: Populo nempe ne displicerent; & suas interim opes amplificarent. De quo, si quis fortè dubitat; eamus in exempla sanè neminem desig-*

guan-

Ruina Ieroboami.

gnando, multò minùs nominatim exprimen-  
do, sed ea duntaxat, quæ palàm Orbe gesta  
sunt, & in Acta monumentorum publica ve-  
nerunt, generatim, tanquam nudas in lineas,  
colore destitutas, mittendo. Testis erit ho-  
rum, Britannia; testis, magna Germaniæ pars:  
& Aquilonares, vel Insulæ, vel Chersonési,  
vel Regna, provinciæ, populi, Civitates. Exar-  
sit alicubi vulgus, in studium *hereticarum* O-  
pinionum, ac librorum, non sine minis, obse-  
quiù, siquid sibi negaretur, excutiendi. Per-  
missa *Religionum libertas* est, ab altiore pote-  
state: concessi Doctores, errantes, & in erro-  
rem mittentes: indulti libri, conciones, coetus,  
in præcipitia pertrahentes? Ut POPULO PLA-  
CERENT, tam Optimates, quàm illæ tenebrio-  
num FABULÆ. Displicuit alibi (*sed ubi, qua-  
so, non?*) amara, Sacerdoti peccata detegen-  
di, necessitas; non vulgo magis, quàm princi-  
pi magistratuque. Displicuit, legem illam,  
è Divissimo jure, Sacrisque codicibus, ur-  
gens, Romani Pontificis *interpretas* Potestas.  
Statim igitur obviis est amplexibus excepta  
doctorum, corruptorumque, *tribus illa, largè-  
manicata barbatæque*: quæ *delictorum* accura-  
tam *Confessionem, Claviumq; Pontificalium*, vim  
ac præ-

Q 2

Ruina Ieroboami.



ac præceptum, eluderet. Adjecit Principum aliquis, aut Regum, aut alio quovis titulô Dominantium, mentem ad libertatem vitæ, libidinûmque licentiam: adjecit ad divites *Episcoporum, Abbatum, Sacerdotiorum, Cœnobiorum*, ac Basilicarum reditus, animum. Quæsi- vit igitur, ac celeriter invénit, eadem cupien- tes, approbantes, suadentes, *Ganeones, volupta- tum amatores, alienorum raptores*; qui plebi, ru- di, nec disparia sitienti, scriptis & concioni- bus instillarent, *Divinarum legum intolerabile*, proptereaq; salvâ conscientia rumpendum, *onus*: quique Romanæ Cathedræ totam au- thoritatem à *fundamētis* (ut ipsi somniabant) excinderent. In eundem modum, de *Conju- giis* est actum. Nam, sicui potentium sua dis- plicuisset *uxor*, amore pellicis: *Praconem* re- periebat aliquem aut conducebat, *proleta- rium; multarum mulierum virum; lascivum bir- cum*: qui matrimoniorum, sub unum idem- que tempus, adhuc vivâ priore conjugē, mul- titudinem laudaret. Ipsi verò, *Pracones* tales, è cucullis, aut antris educi, tam laxæ senten- tiæ suæ præmium à Principibus suis istud ac- cipiebant: ut diffibulati, Romanique Sacer- dotii legibus exsoluti, gignerent, *crescerent, ac mul-*

Ruina Ieroboami.

*multiplicarentur*. Hoc videlicet erat; *Pro Vitulo* (quod vulgò dicitur) *Taurum exsolvere*. Sic hi, remunerationibus hujuscemodi provocati; diruebant invicem *Ecclesie præcepta*, carnivoris & obesis Primatum virorum ventribus præmolesta. Vota destruebant, *Operumq; Bonorum merita*. Virginitatem, unà cum *Virgine-Virginum*, infestabant. Purgantes *flammas*, in *fumum*, ac ludibria, vertebant. Infernos ignes extinguere, nudâ Fide, mentiebantur. Ad summam! Suum unusquisque sibi *Vitulum*, ad ingenium ac vota sua, cudebat: erectumque, populo colendum præbebat. Ipsi Magnates interim, capitâque populorum, Reges, Sacerdotes, Pontifices, ac Dictatores, erant: à quibus (si Cœlestibus placet) jus provocandi non esset. Hæc Regum Israelis, & omnium, post hos, imitantium eos, Interitûs ac Ruinæ causa fuit: Ambitio, radixque malorum Avaritia. *Populus autem Israëliticus*, undenam periit? Regibus nempe pessimis, in rebus, longè pejoribus, libenter obtemperando; non sine quodam Excusationis honestæ palliô. quando, naturæ vitiô, comparatum sic est; *Vt, ad quod suâ quisque cupiditate fertur, id Obsequium Neceffitatemque, nominet: Et in scelere suo, tan-*

Q 3

quam

Ruina Ieroboami.

quam in umbra virtutis, acquiescat. *Israëlitarum* igitur pars maxima, non tam, quod regum suorum imperiis adigerentur, quàm, quod ipsismet volentibus id esset; *Vitulis aureis* Danis ac *Béthelis*, urbium, & *Herculi Tyrio*, cæterorumque Deorum ac Dearum Simulacris, victimas cædebant, thus adolebant, genua supplices inflectebant, in delubris, urbibus, lucis, excelsisq; montium arbustis, ac viretis: quoniam id sacrificiorum cœtuumque genus crassæ voluptariæque gentis sensus ac membra demulcebat. id, quod *Ierosolymis*, ad aras legitimas, ac *Mosaicas* cæremonias, minimè licebat. Ibi namq; purè *Deus*, à puris, hostiarum sobriis absorptionibus, adorabatur. At à simulacrorum cultoribus, *Bacchanalia* vivebantur. Confluebat uterque promiscuè sexus, & omnis ætas. Edebatur, potabatur; ludi fiebant, ac saltantium chori. psallebant in lucis puellæ; concinebant juvenes; ingenuisq; virginibus, ac matronis, immistæ meretrices & prostibula, similitudine morum suorum, ac turpitudinum, accēdebant etiam honestatem. Illic temulentorum clamores; amantium, in lasciviam fractæ voces, & carmina; tibiæ, lyræ, citharæ, psalteriæque, depravabant

Ruina Ieroboami.

Immoderata amor



vabant animos, etiam castos; quippe, vinò jam præoccupatos. Et ( ut in *Daphne* fiebat Antiochenâ, *Tempèque Thessalicis* (\*) ac templo Jerosolymorum, Antiochi temporibus,) in nemoribus quidem, cum sua quisque pare, secedebat, ubi visum esset, in abstrusiora lucorum; indulgebâtque suæ cupidinis intemperantiæ, tanquam id demum esset, quod ab suis, Vituli, cultoribus, atq; cultricibus, exigèrent: *reig, Divina* nulla dari consummatio*opera*, nisi Venere, posset. In confessibus autem *Excelsorum*, ut quisque lascivientes oculos in alienæ formam defixisset; colloquendi datâ copiâ, pelliciebat ad stuprum; & adulteria conducebantur, in proximam opportunitatem. Alia denique cuncti generis flagitia fiebant; *Idololatriâ, scelerum omnium magistrâ,* matrêque fœcundissimâ, sic eis dictante. Quæ spectans *Venerius* ille *populus*; sub *Vitulina*, tam formæ, quàm carnis, epulo delicato ( quod, à Vitulorum adoratione, semper inibatur) *Divinitatem*, hoc est, *Bonum Summum*, sibi constituebat: ideoque nullius ad operis celerem executionem, ac frequentem usum, sibi vim à regibus afferri tantopere gestiebat: quàm, ad *Ventris* hanc *Voluptatem*. In quo profectò

Q 4

facile

Ruina Ieroboami.

facile quis *Imaginem* viderit *Evangelicæ*, quam hodie vocant, *Libertatis*, &, rigoris omni lege solutæ, *petulantie*. (aa)

Perierunt igitur & *Reges* *Israëlis*, & *populus*; ab *intestinis* sibi *vitiis* everfi potius, quàm ab *externis* *Assyriorum* *armis*. Cùmque (quod mirādum inprimis est) tum vel maximè, magisque postea *Judææ* rex *Ezechias* floreret; cuius anno *sexto* regni, *Salmanasar* *Oséam* & *Israëlitæ* in *Mediam* abduxit: *Samariticum* contra regnū adeò jam à radicibus inchoatā strage concidit; ut *novemdecim* *Reges*, haud amplius *ducentos annos*, & *quingenta quinque*, *duratione* *culminis* explerint; *Intrāque* *regnum* *unius* *Ase* *Jerosolymitæ*, *Sex* *Israëlitæ* *Reges* consumpti sint. (66) A principio verò regni *Jeroboami*, *Vitulorum* auctoris, ad *Oséæ* supremam cladem, non nisi *Tredecim* *Jerosolymitæ* *reges*; aut, si cum *Flavio* *Iosepho* *Reginam* *Athalias* excludere placeat, *Duodecim*, gubernaverunt. Sed *Israëliticorum* quidem *Regum* plerique, cecidère tantisper, alienæ manûs arbitriò: *Judaicorum* haud plures, quatuor. *Israëlitæ* denique *Reges*, non solitarii corruere, sed, cum ingenti populi sui multitudine; barbarorum ferro concisâ: *Judaici* contra,

Ruina Jeroboami.



contrà, florentibus adhuc, aut certè sub Eze-  
chia saltem revirescentibus, plebis quoq; for-  
tunîs. Sub eodem igitur annorum curricu-  
lo, plures illic Principes; hîc, diuturniores: & re-  
galium capitum, pauciores fuerunt in Iudæa  
Coronæ; plures autem in Israële, cades, atque  
victimæ. (γγ) Fit nimirum hoc; ubi Sceptri  
potior est, quàm Cœli Deique, cura.

## AUCTORES.

(A) Ecclesiastici capite 47. vers. 21. de Salomo-  
ne Spi. itus Sanctus hæc ponit verba, ad quæ hîc lo-  
cò allusum est; Et inclinasti femora tua mulie-  
ribus: dedisti maculam in gloria tua; & pro-  
fanasti semen tuum, inducere iracundiam ad  
liberos tuos, & incitari stultitiam tuam: ut fa-  
ceres Imperium bipartitum. (b) Ad fungen-  
dum munere suo, egressum esse Jeroboamum, ex ur-  
be regia, patriam suam versùs; agnoscit, cum Jo-  
sepbo, Salianus, in annum mundi 3057. num. 25.  
Cum Comitatu verò egressum esse, nec ipsi negant;  
& post alios, expressè tradit Stephanus Menochius,  
in caput XI. libri. 3. regum: causâmq; addit; Je-  
roboamum Salomoni charum, & Quæstorem  
regium, fuisse; ideòq; incomitatum ire, vix decuis-  
se,

Ruina Ieroboami.



se, vel debuisse. (c) *Iidem, quos modò adduxi, auctores; de via seorsim abductum, extra arbitrorum oculos, docent; præeuntibus, in hoc, Septuaginta Interpretibus, quorum phrasis est; Et removit eum de via.* (d) *Menochius, & cum eo plures alii, dicunt; Salomonis mentem ac decretum fuisse, ut Jeroboamum occideret: vel, quòd audisset, ei regnum ab Abia promissum fuisse; vel, Quia populos sollicitabat ad defectionem. Et hoc posterius sanè probabilissimum est auctoribus eruditis: quorum idcirco & ego sententiam amplecti, non dubitavi: contra opinionem cujusdam, è recentioribus, sed claris tamen, Temporum ordinatoribus: cui videtur Jeroboamus, bonus ante regnum fuisse. (in annum 3057. num. 39.) Quod equidem, probare non possum, multis de causis; quæ, mea legenti, non difficulter in mentem venient.* (e) *Hoc Flavius Josephus asserit, l. 3. de bello Judaico, cap. 4. & post eum, expressius, Egesippus de Excidio Jerosolym. lib. 3. cap. 6. ante finem. Arbitrantur quoque nonnulli, huc allusum fuisse à Propheta Amos, cap. 4. v. 1. clamante; Audite verbum hoc, Vaccæ pingues, quæ estis in monte Samariæ! (\*) Fuit enim ejusdem regni, nominisque, Jeroboamus alius: ut in sequentibus narrabitur. Qui autem Jeroboamo Primo suffecti fuerunt, ii sunt,*  
*Nadab,*

Ruina Ieroboami.

*Nadab, Baasa, Ela, Zambri: quibus successit Ambri, Samarie conditor. Porro, Jeroboamus Primus, etsi sedem sibi principiò imperii sui Sichimise constituerit (uti refertur 3. reg. c. 12. v. 25.) postea tamen, Phanuëla quoq; urbe, vel recens posita, vel reparata, videri potest, illic aliquamdiu mansisse. Cùmq; filius ejus primogenitus, & uxor, memorètur Thersæ commorati; sicut narratio sequens referet: apparet, & Ieroboamum nonnunquam illic habitasse, ubi & sui. (f) Ex Brocardo, Christianus Adrichomius, in descriptione Tribûs Ephraim, n. 81. (g) Incredibilem enim urbis illius magnificentiam brevibus explicari posse, negat Adrichomius, locò citatò. (h) De terra Chabul, præter ceteros, Cornelius eruditè commentatur, in caput 9. libri 3. reg. v. 13. De fecunditate verò, ei inducenda, dubitare nō sinunt, Brocardus, illius inspector, & Bredenbachius: & vallis Sennimæa (de qua diximus in Ruina Sisaræ, Decade Ruinarum Secundâ) locaque Galilæe-Gentium alia fertilia, ei vel interjecta, vel finitima; quibus assiduâ tandem agricolatione similis utcunq; est effecta terra Chabulæa. (i) Egesippus, l. 3. de Excidio, c. 6. ad med. (k) Præter ea, quæ super Galilæe amœnitate, glebæq; fertilitate, ex Hodæporico Stephani Gumpenbergii, & aliis, alibi produximus; minimè supervacuū.*

Ruina Ieroboami.

cum fuerit, hoc loco, inferere verba quōque Melchioris Seydlizii, Nobilis Silesii, qui anno 1556. Syriam ac Palestinam adiuit, & anno 1557. lustrare perrexit. Is in Ephemeride diei 25. Aprilis ita scribit: Als wir über gemelte Bruggen (Jacobsbruggen / über den Jordan gebaut) zogen/verließen wir das schöne lustige Land / Galilæa; welches mit vñle der Flecken / wiewol sie auch schlecht erbaut/ so wol mit Wasser / Fruchtbarskeit/ vñd Getrayde/ Graß/ Vieh/vñd anderen/vñl Land in Asia vbertriff. *Hac ille, linguâ Teutonicâ, quâ solâ Itinerarium illud (quod quidem ego sciam) vulgatum est. (1) Christianos, hic desertor, diversis diverso locò convitiis, & maledictis, interdum & Ironiis, immò & factis asperis ac tyrannicis, unâ eademque operâ, insequitur; atq; in Misopogone suo, quæ est in Antiochenos invec-tiva Oratio, pag. 97. appellat populum, qui Impietatis sectam prælegit, ac sequitur: (ait enim, ὁ ἡμῶν ἀπὸς ἀθεότητος προσελόμεν) & pag. 107. urbes, Antiochiæ vicinas, laudibus extollit, non solum ex eo, quòd, se imperante, Deorum templa quàm primum restituerint; sed etiam, quòd sepulcra τῶν ἀθίων, id est, Christianorum, omnia, signò à se nuper datò, everterint. Sed nullo (sicut ipse putat) maledictò, crebrius, & utitur, & oble-*

Ruina Ieroboami.



oblectatur; quàm, quòd Christianos appellitet Galilæos. Hoc facit Misopogónis pag. 94. ubi Emisānam urbem collaudat, quòd Galilæorum sepulcra incendissent. Et pag. 114. Antiochenis exprobrat; quòd (inquit) unusquisque uxori suæ mandet, ut omnia Galilæis (id est, Christianis Sacerdotibus, Viduis, Et egenis) largiantur. Frequentiùs autem longè in Epistolis suis, id agit. Vt, Ediçtò adversus S. Athanasium, ad Alexandrinos; Galilæis, Καὶ ὁ μακαρίτου Κωνσταντῆς Φυλαδευθεῖσιν, (id est, Christianis orthodoxis, à Divo Constantio, Imperatore Ariano, in exilium pulsus) se reditum in patriam, non autem Episcopis ad Ecclesiæ suas, permisisse. Vnde, nec Athanasio se concessisse, ut ad Cathedram suam Alexādrinam reverteretur. sicut Et mox, epistolā ad Ecdicium, Aegypti Præfectum, denuò eum proscribit, Et ut Deorum inimicum, Et ut causam, cur, ejus operā, etiam ab aliis DI contemnantur: Et quòd ausus sit, in regno suo, fœminas Græcorum illustres ad baptismum impellere. Epistolā quoque ad Artabium, bis Christianos appellat Galilæos - dicitq; Ἀλλὰ τῶν Γαλιλαίων μωρίαν, ὀλίγῃ δὲ αἰνῶν ἀνατραπῆναι, hoc est, propter Galilæorum stultitiam (sugillat tempora Constantini Magni) minimò minis abfuisse, quin omnia subverterentur. Decretò præterea,

Ruina Ieroboami.

terea, adversus Professores ac Magistros Christianae pueritiae; praecipit eis, ut eant in Galilæorum Ecclesias: ibique Matthæum & Lucam interpretentur, & non in Auditoriis Homerum, Hesiodum, Demosthenem, ac ceteros, quorum Deos negent. In Epistolâ insuper, quam ad Aëtium dedit, Eunomiane hæreseos Pseudoëpiscopum, ait; Se ceteris omnibus, qui à Divo Constantio in exilium acti fuerant, ἐνεκεν τῆς τῶν Γαλιλαίων ἀπορίας (propter Galilæorum inertiam ac desidiâ) reditum indulgisse. Ipsum autem, memoriâ pristinae amicitiae, etiam ad se, in Regiam, vocare. Epistolâ quoque ad Porphyrium Alexandrinum; Georgii (Pseudoëpiscopi Ariani, ab Ethnicis Alexandrinis discerpti) magnam, ait, ac copiosam, fuisse bibliothecam: sed, de Galilæorum maximè doctrina permultos in ea, variòsque, commentarios extitisse. Quam proinde totam, ad se mitti Antiochiam, jubet: intentatis mortis minis, nisi diligentiam omnem adhiberet. Epistolâ denique ad Ecébolum; de Galilæis, ait, omnibus se tam clementer & humaniter statuuisse; ut nemini vis inferretur. Quia tamen Ariani, apud Edessam urbem, in Valentinianos irruissent, enormiâq; in eos perpetrâssent; idcirco se eorum pecunias omnes, ab Edessenorum Ecclesia auferri iussisse, militibûsq; dividi; quò facilius,

Ruina Ieroboami.

cilius, quod illis ἐπὶ τῆς θαυμασιωτάτης νόμου (ab Admirabilissima lege, scilicet Evangelii Christi) imperatum est, explerent: quò Pauperes effecti, facilius ad regnum Cœlorum pervenirent: neque regnò cœlesti, quod unum adhuc sperent, privarentur. Hac ille οὐρασικῶς, in Galilæos ad illud alludens Christi dictum, Matth. 5. Beati pauperes Spiritu! quoniam ipsorum est regnum Cœlorum. Ex hoc porro Iuliani Apostata loquendi genere, mos hic, Christianos appellandi Galilæos, etiam ad Indos tandem, Idolorum cultores, transmigravit. Nam, ἔ apud S. Ioannem Damascenum, in historia Barlaami ἔ Iosaphati, rex Indorum ceteriorum, Abenner, antequam Christo se adjungeret, Christi sectatores nominat Galilæos, bis. cap. 25. ἔ rursus c. 26 ἔ cap. 32. Idem ipsum ἔ Theudas magus facit. (m) Theodoretus lib. 3. histor. c. 20. Vide ἔ Cesarem Baronium, Annal. Eccles. in ann. Christi 363. num. 14. ἔ seq. (n) Christianum Adrichomium, si placet, inspicere, in Theatra Terræ Sanctæ, descriptione tribus Nephtalæ, n. 50. ante fin. (o) In suo Misopogone, adversus Antiochenos, pag. 129. editionis in 8. per Petrum Martinium, Morentinum, gente Navarrum, curata. (p) Ioan. c. 4. v. 22. (q) Act. c. 2. v. 7. Nonne, ecce, omnes isti, qui loquuntur, Galilæi sunt? Loque-

Ruina Ieroboami.



Loquebantur autem Apostoli, ac Discipuli; Quorum, in omnem terram, jam ab eo tempore, sonus exivit, & in fines orbis terræ verba eorum: teste S. Paulo, ad Romanos c. 10. v. 18. ex psalmo 18. v. 5. (r) Numeror. cap. 32. per totum. (s) Flavius Iosephus, passim in libris Antiquitatum Iudaicarum, & de bello Iudaico: nec non & Cajus Plinius, l. 5. historię naturalis, cap. 41. Guilielmus item Tyrius, apud Adrichomium, in descriptione Tribûs Gadæ, num. 35. Quanquam autem sanè Egesippus etiam, libro 3. cap. 6. idem fertilitatis encomium, cum Iosepho, non tam de Peræa, quàm de Galilæa, prodat: mihi tamen certum est; Eorum utriusque saltem interpretes (ipsos enim auctores αὐτογλωτῆς, nunc quidem, ad manum non habui) confusè loqui; & adeò quidem, ut, apud eorum utrumque, descriptio Sitûs & Geographiæ, ad Peræam: ubertatis autem terrarum, ad Galilæam, manifestè pertineat. Alioquin enim ipsimet secum, in eadem Peræa, & celebrandâ, & infamandâ, circa rem prorsus eandem, pugnarent, ac discordarent. Adrichomius tamen in terra Gad, num. 35. ac Tyrius, uti dixi, pro Fertilitatis laude, in Peræa, stant. Et mea, paullo ante, è Numerorum cap. 32. producta ratio, Perææ fecunditati plurimum auctoritatis addit, ac ponderis. (t) lib. 2.

Para-

Ruina Ieroboami.

*Paralipom. cap. 13. v. 3. & seqq. (u) Cornel. à Lapi-  
de, in caput 12. libri 3. reg. v. 30. ducentos quinquaginta  
sex ponit annos regni Israëlitiçi : Iacobus  
verò Salianus constanter. 255. Ideo ego, ut aliquid  
utriusque sententiæ deferrem, particulam adjeci,  
Circiter. (x) Opera fuerit pretium, propter &  
verbi divini tractatores, & eos, qui Scandali pec-  
catum scriptis, aut exhortationibus, exagitant, ad  
calculum vocari loca Scripturæ illa; quibus gravi-  
tas annotatur delicti regis Ieroboami, Qui pec-  
cavit, & peccare fecit Israël: ut audientes, le-  
gentes, numerantesque, divinæ sententiæ, toties iis-  
dem verborum tonitruis repetita, fulmina; abster-  
reantur, ab inducendis ad peccatum quibuscunque  
mortalibus; ne iudiciò se onerent intolerabili. Sic  
igitur, ut expressi, loquitur Spiritus Sanctus, lib. 3.  
regum, cap. 13. versu 16. Capite 15. v. 30. & ad cap.  
eiusdem ipsum finem. Capite 16. v. 19. Capit. 21. v.  
22. & 53. & rursus 3. reg. c. 16. v. 13. de Baasa, &  
Ela, Ieroboami imitatoribus. & de Achabo, lib. 3.  
reg. cap. 21. v. 22. Quartò præterea Regum libro,  
cap. 3. v. 3. & capite 10. ejusdem libri. v. 31. & cap. 13.  
v. 2. & v. 6. & v. 11. Capite item 14. v. 24. Capite  
15. v. 9. v. 18. v. 24. v. 28. Capite 17. v. 21. ubi verba  
sunt; Peccare eos fecit Peccatum magnum;  
putà, Idololatriam, peccatorum omnium matricem*

R

& in-

Ruina Ieroboami.

Et involucrum. [y] Suetonius in Iulio, cap. 30. fin. [z] Thomas Campensis, de Imitatione Christi lib. 1. cap. 23. v. seu num. 4. Qui multum peregrinantur, raro sanctificantur.

[Aa] Herodotus Halicarnassæus, lib. 2. [bb] Schor, Hebræis est Bos: Et Appaim, vel Appim, Facies, vultus, frontes. quasi dicas, Bovem-vultuosum. Et hæc mihi nominis Serapis origo, Et explicatio, apud Cornel. à Lapide, in caput 32. Exodi, v. 4. potius arridet, quam Iulii Materni, apud Baronium, in annum 389. num. 16. ubi Serapim, seu Sarapin, à Sara, vult deductum. Magis item huic, quam dixi, Cornelianæ accedo sententia; quam Philippi Camerarii, docti licet alioquin viri, Ictique, Reipub. quondam Noricæ à Consiliis: qui in Operis suis Succisivois, cap. 72. ad medium, primam Compositi hujus, Ser-apis, partem ac Syllabam, à origo deductam, existimat: quasi Sor-ápin dicas; eò, quòd Sepulcrum [Græcè σαρπς] cujusdam Apis, Alexandriam deductum, venerationis Serapicæ dederit initium. Quod utiq; de Sepulcro Bovis nemo facile vel interpretaretur, vel credere [tamen si sanè fando acceperim; nostrâ tempestate fuisse, qui Canem Molossicum, sibi Dominumq; pretiosum, ac morbo extinctum, sex, octove, si non Et pluribus, linteaminibus involutum, sepelierit in horto

Ruina Ieroboami.



borto suo pratoriano. quod liberalitatis officium  
 cadaveri humano & Christiano defuncti paupe-  
 ris, sine dubio negassent]. De Api igitur, non bo-  
 ve, sed rege, Aegypti, capiendus Camerarii locus  
 est: de quo nos hoc loco non loquimur. loquimur  
 autem paullo post. Caterum, quod de hoc eodem  
 Api, rege Aegypti, & Iosepho, Aegypti-totius, tem-  
 pore septennis famis, nutritore conjectavi: aliquid  
 ejusmodi, jam olim, Ruffinus etiam prodidit. quod,  
 his jam scriptis, & apud Casarem Baronium re-  
 veri, in annum Domini 389. num 16. quanquam,  
 e suspicionis origine, nonnihil diversa. [cc] De  
 hoc Ariete, Curtius Rufus quoque memorat, libro de  
 rebus gestis Alex. Magn. 4. cap. 7. [dd] De hoc  
 Api, vivô bove, non solum Cornelius à Lapi-  
 de nonnulla habet, in caput 32. libri Exodi, v. 4.  
 sed etiam Cornelius Tacitus, l. 5. Historiarum, lon-  
 ge post initium. Clemens lib. 6. Constitution. cap.  
 20. Lactantius Firmianus, lib. 4. Institutionum, c.  
 10. Marcellinus lib. 22. Alexander ab Alexandro  
 lib. 6. cap. 2. & Philippus Camerarius, Meditatio-  
 num Historicarum cap. 72. [ee] Opus ac labor  
 fuit, Bryaxis artificis; impensa, Sesostris, Aegypti  
 regis. De gemmis, contritis in pulverem usque, &  
 in materiam statuae Serapidis redactis, Ruffinus  
 habet, lib. 2. cap. 23. & Clemens Alexandrinus, ad

R 2.

Gentes.

Ruina Ieroboami,

Gentes. [ff] *Cæsar Baronius, in annum 362. n. 6. De picturis autem, & Imaginibus thoracis, idem, in annum 389. num. 17. [gg] Ruffinus, l. 2. histor. Eccl. cap. 23. quo loco idem auctor, ac postea ex eo, Camerarius citatus, Demolitionis illius simulacri narrationem, haud inamœnam, institunt. quam, si nostri fuisset instituti, hic non prætermissemus. Vide & Callistum in Theodosio. [hh] Cælius Rhodiginus, Antiquarum lectionum lib. 1. c. 34. & aliquid etiam Baronius, in ann. 389. num. 16. [ii] Exodi 32. v. 28. [kk] Sufficatur etiam Cornelius; Ieroboamum, ad conciliandam sibi gratiam Sesaci regis, coluisse in Aegypto Apin. Vituli specie prostantem: ac postea, occupatò Roboami regnò, sperâsse; se Aegyptiorum auxiliò faciliùs Iudeis restitutum. Ità opinatur, in caput 12. libri 3. regum, v. 28. [ll] Non illam, quæ trans Iordanem erat sita; de qua dixi Decade 2. in Abimelecho & Gedeone: sed aliam, quæ in tribu Ephraim, ultra sepulcrum Iosephi patriarchæ, versus Zephyrònotum jacebat. Vide Adrichom. in descriptione Ephraim, num. 75. [mm] Exodi cap. 34. v. 23. [nn] Hoc Iacobi Patriarchæ, de tribu Iuda, vaticinium fuit, Genes. 49 v. 10. quod nec Ieroboamum latere potuit, nec ceteros decem tribuum Israëlitas. Hujus autem, id est, Iudæ tribus,*

con

Ruina Ieroboami.



contribulem fuisse, Davidis omnem familiam, quis nescit; nisi, qui omnia ignorat? ac patet ex 1. Matthei, & Luca 3. capite. [00] Vbi namq; Vulgata nostra legit VITULOS; ibi Septuaginta, & ex his, Cornelius à Lap. in caput 32. Exodi, v. 4. Salianus item, in annum mundi 3061. num. 14. ex Iosepho, Ruffino, Tertulliano, Sulpitio Severo, VITULAS legunt. Immò Cornelius, Commentar. in cap. 12. libri 3. regum, VITULARUM tantummodo CAPITA. Ego tamen, Vulgata versionis Latine, Scriptorumq; probatissimorum, vestigiis insistentes; nequid novarem, Vitulos constanter, & ubique, retinui. [pp] Controversa non parùm hac Bethel est, propter diversas complures, easque cognomines inter se, urbes Betheles: ut videre est apud Cornel. à Lapide, in cap. 12. libri 3. reg. v. 29. & Adrichomium, in descriptione tribûs Ephraim, num. 27. Mibi placuit, amplecti Cornelii, Menochii, aliorumque sententiam, ut communio rem. [qq] Genes. 28. v. 19. [rr] Iudicum cap. 17. & 18. [ss] Hæc vox, Postea, idcirco additur, hõc locò: quoniam Tabernaculum, illiusque Cherubini, post Primam demum Aurei Vituli adorationem, fabricata sunt; ut constet è cap. 36 Exodi, v. 37. Præcessere tamen aliquam multis seculis adorationem Vitulorum Aureorum illam, quæ sub Ieroboamo, posterisque regi-

R 3

bus

Ruina Ieroboami.



*bus Isræliticis, increbuit, [tt] cap. 10. v. 14. [uu] De hac Cherubini formâ, ac voce, per metathesin diversè mutabili; inspice Cornelium à Lapide, in caput 25. Exodi, à v. 18. usque ad vers. 21. exclusivè per aliquot paginas. (xx) Osee cap. 4. v. 2. (yy) Osee cap. 4. v. 1. (\*\*\*) Lutherum rectissimè scripsisse, Fidem solam sufficere ad salutem, hoc ipso tempore, quo hac condimus, etiam Martinus Beer, seu Vrsus, Norimbergensis Prædicans, defendere contendit; Colloquiò, de Invocatione Sanctorum mortuorum, à numero 106. usque ad num. 114 (zz) Deuteronomii, capite 6. v. 4.*

*(Aaa) Lege lib. 2. Paralipomen. cap. 11. vers. 15. (bbb) Paralip. cap. XI. v. 14. (ccc) Ibid. v. 16. (ddd) 3. reg. cap. 19. v. 18. quo loco Deus ait: Et derelinquam mihi septem millia virorum. Ac S. Paul. Roman. 11. v. 4. Reliqui mihi (in præterito) 7000. virorum. (eee) 3. reg. cap. 18. v. 15. (fff) Tobie 1. à v. 1. usque ad v. 9. (ggg) Numeror. cap. 26. v. 2. ac per totum caput reliquum usque ad v. 51. (hhh) Lege lib. 2. Regum, cap. 24. & lib. 1. Paralip. caput 21. usque ad v. 7. (iii) 2. Paralipom. cap. 13. v. 3. (4) Vide libr. quartum Regum, cap. 17. de sceleribus Isrælitici regni. (kkk) Ità loquitur S. Ioan. Apocalyps. c. 6. v. 1. (\*\*\*) Satis, è modo loquendi Sacra Scriptura.*

*app.*

*Ruina Ieroboam.*

apparet; Ieroboamum, antequam regni Quæstor, ac deinceps Rex, fieret; industria majoris, quàm nobilitatis ac natalium, fuisse, vel Opum. Expende librum 3. Regum, capite XI. versu 26. Verba item, libri 2. Paralipom. cap. 13. v. 6. Tametsi interim non eam inficias; Tribum Ephraimi (utpote filii, Iosephi illius Magni, Proregis Aegyptii) ceteris quibusdam tribubus, quæ de Bala ac Zelpha ancillis ortæ sunt, fuisse generosiores. Nego tamen, omnes illius tribus, equaliter fuisse conspicuos, & opulentos. (lll) Publ. Terent. Afer, Eun. Act. 2. sc. 1. ad finem. (mmm) Sic, in illo tersissimo Epigrammate, Poëta Romanus ἀνδρώπους lusit, apud Tranquill. in Tiberio, cap. 59. (nnn) De isto, Sacer Scriptor hæc ponit verba; 3. reg. cap. 13. v. 1. Et ecce, vir Dei venit de Juda, in sermone Domini, in Bethel; Ieroboam stante super altare, & thus jaciente, &c. Hujus ergo Viri-Dei nomen à divina Scriptura non proditur. Prodere conati sunt, extra Scripturam, alii; neque pauci: sed sanè usque adeò diversè varièque, ut vel hinc quoque luceat; Quàm inanem frivolamq; vulgò sibi sumant operam, quicumq; divinīs destituti seu codicibus, seu Revelationibus ac Traditionibus, tamen divinare conantur. Hunc enim Vatem celestē, Flavius Iosephus, Jadon appellat: Adrichomius,

R 4

Come-

Ruina Ieroboami.

Comestor, Dionysius Richelius, Nicolaus à Lyra, Nicolaus Serarius, Gasp. Sanctius, Addo. Hugo Cardinalis, & Addo, & Gad. Divus Epiphanius, Joam; Tertullianus, Semejam; Clemens Stromatèus, Samejam; Theodor. & Glycas, Joëlem. Quanta, rogo, diversitas est ista? Tot pene nomina, quot nominantium capita. Quocirca, nos tutius eum, unà cum Sacro Scriptore, reliquimus innominatum. (ooo) Ità Christianus Adrichomius, in Chronologia suâ fusiore, in annum mundi 3970. sic fortassis interpretatus verba libri 3. reg. cap. 13. v. 33. Quicumque volebat, implebat manum suam; & fiebat Sacerdos Excelsorum. Quae tamen verba Cornelius, cum aliis, aliter aliquantò exponit: ità tamen, ut sententiam Adrichomii non evertat. (ppp) Sic sentit Iacobus Salianus, in ann. mun. 3078 num. 2. fin. Neque reperi, qui dissentiret. (qqq) Hac eruuntur è Septuaginta Editionis Romanae. in quibus mulier haec ANO dicitur: & Soror major Reginae Aegypti, Tapbnès. De alterius Sororis ejus, hoc est, minoris natu, nuptiis, cum Adádo-Iduméo, generis regii juvene; habes libr. 3. reg. cap. XI. v. 19. (rrr) Libro de regibus Apostaticis, ad Constantium Augustum, secta Ariana hyperaspisten acerrimum. (sss) Verba sacri Scriptoris, lib. 2. Paralip. c. 13. v. 20. sunt ista. Nec  
valuit

Ruina Ieroboami.



valuit ultrà resistere Jeroboam, in diebus Abia (*Judææ regis:*) quem (*id est, Jeroboamum, ut Salianus, Cornelius, & complures alii, exponunt*) percussit Dominus: & mortuus est. (ttt) *Al-lusum est ad illud Proverb. 17. v. 11. Semper jurgia quærit malus. Angelus autem Crudelis mittetur contra eum. (u u u) Sententia hæc est Jacobi Saliani, in annum mundi 3081. num. 2. Alphonsi Tostati, quæstione 84. & Stephani Menochii in caput 13. libri 2. Paralip. ad finem. (xxx) Sethus Calvisius, Joan. Cluverus, Christoph. Helvicus, Wilhelmus Stratemannus, Baësam appellant eum. Thomas Lydwatus Anglus, Basam, & Bas-sam. Jacobus Cappellus, Bahefam; syllabis dissolutis; ut & Roboamum dissolvit in Rehabeamum, Helvicus. Vulgata autem Editio, cum Patribus, & Antiquitate, Baasam constanter scribit. (y y y) Ista Saliani, caterorumq; complurium, sententia est; Ne foeminam quidem ullam, crudelitatem Baasæ effugisse. (in ann. mundi 3085. num. 3.) (z z z) Haud absurdè Jacobus Cappellus, hanc ipsam belli causam, si non, adequatam, at certè primariam fuisse, mihi videtur conjectasse, in ann. mun. 3053. cum ait. Hoc annò, videtur Asa, Mahacæ, matri suæ, Absalomi filiæ, regiam auctoritatem detraxisse; atq; hæc fuisse caus-*

R 5

se caus-

Ruina Ieroboami.

se caussa, cur, haecenus pacificus Bahesa, deinceps omnibus regni sui diebus, Asam bello infestaret. At Jacobus Salianus aliam quoque causam addit: quod videlicet Asa urbes aliquot montis Ephraim regno suo, jure belli victoriaeque, restituisset. (in ann. mun. 3090.)

(Aaaa) Vide Salianum, in annum mundi 3100. num. 2. fin. (bbbb) Flavius Iosephus, l. 8.

Antiquit. cap. 7. De Ioramo verò, fratre tumultuarii regis Tbebnis, habent Septuaginta Interpretes, apud Cornel. in caput 16. libri 3. regum v. 22.

(cccc) Deduco hoc ex libro Budæi, de Asse: & doctrinâ Cornelii, in caput 18. Matthæi, v. 24.

(dddd) Observârunt istud, tum alii, tum novissimè Stratemannus etiam, in Theatro suo Historico (quod Ienæ vulgavit anno 1656.) in annum mundi 3016. Et sanè res ipsa, ratioque, dictabant, Sic ea regna nominari deinceps, ac distinguere, oportere. (eeee) Vide, hoc locò, Salianum, in annum mundi 3119. & Tostatum, in c.

3. lib. 3. regum, q. 3. apud Cornel. in cap. 16. libri 3. reg. v. 31. (ffff) Ithobalum Cappellus eum nominat: ac Tyrîi Annales Ithobalem, apud Stratemannum in regibus Regni Israël, in annum 3025. (gggg) Astarótham Deam Cappellus vocat, in ann. mun. 3056. Astarten autem,

Iose-

Ruina Ieroboami.

*Iosephus l. 1. contra Apionem. Cappellus, ibidem etiam interpretatur nomen Etbahal : dicitque, Quod Græcis οὐν Θεῶ, Latinisque, Si Deus annuerit; id esse Tyriis (ac Sidoniis) Et-Bahal, id est, Si Bahal dederit. Hunc porro Etbbaalem, & Tyri fuisse & Sidonis regem, Cornel. ait in c. 21. l. 3. reg. Et Stratemannus, loco cit. (h h h h) Libidinofam, ac veneficam quoque fuisse Iezabelem hanc; satis indicio sunt verba Iehu, regis novi, 4. reg. cap. 9. v. 22. ad regem Ioramum. Adhuc fornicationes Jezabel, matris tuæ, & veneficia ejus multa, vigent. (nisi Fornicationum vocabulò, ut sæpe in Scriptura sacra, mysticas intelligi malis, hoc est, Idololatriæ crebros actus). Sed libidinum indicium facit etiam versus 30. ejusdem capituli; Depinxit (Iezabel) oculos suos sibi: & ornavit caput suum; cum tunc tamen jam olim Vidua esset, & anus. Ac revera, quenam esse pudicitia poterat, in muliere, tam profligata vita, tamq. addictâ insanis Idolorum cultibus: ex quibus omnia alia, præsertimq. Carnis, vitia scaturiunt? (i i i i) Veneficia ejus MULTA, arguit interfecto illius Iehu. 4. reg. cap. 9. cit. (k k k k) Hoc significant verba S. Scripture 3. reg. cap. 21. v. 20. & 21. Venundatus est, ut faceret malum; sicut explicant Abulensis illic, & Cajetanus.*

**Ruina Ieroboami.**



nus. (llll) Sic *versum* 39. *capitis* 22. *libri* 3. *regum*, *exponit à Lapide, ibid.* & *Gasspar Sanctius, in cap. 3. Amos.* (mmmm) *Iosephus auctor est, lib. 8. Antiquit. cap. 7. ante med.* (nnnn) *Capite namq; 18. libri 3. reg. v. 19. ait Elias Achabo; Congrega ad me \* Prophetas Quadringentos Quinquaginta, Prophetasque lucorum quadringentos. Versu verò 20. ait Sacer scriptor; Misit Achab, ad omnes filios Israel (apud quorum oppida scilicet, & pagos, luci Baal dispersi erant) & congregavit Prophetas (quos scilicet petierat Elias) in monte Carmeli: qui erant numerò octingenti quinquaginta. (oooo) 3. enim libro regum, cap. 21. v. 9. inter primos populi, ceu Senator, & Index, locari iussus dicitur. (pppp) De filiis etiam Nabothi, occisis eodem tempore, habes expressum 4. reg. c. 9. v. 25. (qqqq) Lege 4. reg. cap 9. v. 25. (rrrr) Hoc apertis verbis Salianus tradit, in annum mundi 3138, num. 34. Et Biennium Imperfectum Cappellus quoque agnoscit, in annum mundi 3095. nec dissentit Calvisius. Stratemannus quoq; assentiri cogitur: cum dicat; Bienniò (regni) exactò, Ahaliam decidisse per cancellos: cum tamen id paullò post mortem Achabi, saltèmq; nondum solidò evolutò annò, acciderit. Fateri itaque co-*

gitur,

gitur, Eum biennii illius sui partem potissimam in regno egisse, patre adhuc in vivis constituto: adeoque regni collegam extitisse. (ssss) Stephanus Menochius, in caput 1. libri 4. regum. & Sallianus, Græco textui convenienter, in ann. mun. 3138. num. 40. Aliquantò verò id ipsum secus, sed Scripturæ parùm concorditer, Iosephus narrat. (tttt) Hunc Tertium Quinquagenarium, fuisse Abdiam illum, Achabicæ domûs Dispensatorem; qui Dei veri Prophetas occultè sustentavit, per quinquagenos, & quinquagenos; Joannes Ierosolymitanus ait, cap. 15. apud Menochium. Sed profectò, vix probabile est; Abdiam illum ex universæ Domûs Achabæ Procuratore regio, tanto-pere redactum fuisse in ordinem: ut vel unius cohortis Tribunus, nedum, quinquaginta gregariorum, & unius manipuli, ductor pedestris, fieret. (uuuu) Regis namq; appellatione Idumaum illius temporis rectorem S. Scriptura dignatur, locò non unò: exempli causâ, 4. reg. cap. 3. v. 9. & v. 10. v. 12. v. 13. Cur autem Sallianus, & quidam ex aliis, eundem, Proregem potiùs dicendum, existimârint: vide, in Annum mundi 3139. num. 65. (xxxx) Huic autem conjecturæ meæ (videlicet, Torrentem illum fuisse, torrentem-Zareth) non obstant verba cap. 3. libri 4. reg. v. 20. Factum est igitur

Ruina Ieroboami.

igitur manè, &c. & ecce, Aquæ veniebant  
 per viam Edom! *Licet enim torrens Zareth,  
 decurrat ex Orientali plagâ; Idumæa tamen (hoc  
 est, Edom) fines, etiam è usque versûs excurrunt:  
 Et indè etiam ad Asiongaber, (maris Rubri, seu Si-  
 nus Arabici, portum) sicut è tertio regum libro,  
 cap. 9. v. 26. Salianus quoque eruit, Et agnoscit, in  
 ann. mun. 3139. num. 74. Addo ego: Flavium  
 Iosephum sentire (nec dissentiente Salianò, ibid.)  
 torrentem repletum fuisse aquis, quæ ex Edom  
 seu Idumæa, ubi pluerat imbre copiosissimò, à me-  
 ridiana cœli plagâ, Septentrionem versûs, adeòq,  
 in terræ Moabitidis extremos terminos fluitabant.  
 Vbi proinde necessariò Zareth torrens exundavit.  
 Quare, dicuntur per viam Edom, seu Idumæa  
 venisse, in alveum torrentis Zareth. (yyyy)  
 Omnes hæ, quas posui, causæ concurrere potuerunt.  
 Primam tamen, videtur Scriptura ipsa satîs nobis  
 ingerere: cùm libro 4. reg. cap. 3. v. 22. ait; Primò-  
 que manè surgentes, & ortò jam sole, ex ad-  
 verso aquarum (quod fieri utique potuit; si ap-  
 paratus ille, ad prælium, contigit circa Autumnî  
 exitum, Et prope Solstitii hiberni viciniam. Tunc  
 enim in Zarethum torrentem Sol oriens, ex obli-  
 quo saltem, adversus incidebat.) Viderunt Moa-  
 bitæ, è contrâ, aquas rubras, quasi Sanguinem.*

Ruina Ieroboami.



nem. (zzzz) *In Hebraico textu, Charofeth, muros fictiles significat. quod vocabulum quidam, convenienter Editioni vulgatae, converterunt in nomen Proprium. Vide & Salianum, in ann. mun. 3139. num. 77.*

(Aaaaa) *Tota nata controversia est è dictione Hebraica, beno; quae significare potest, & Filium suum, & Filium eius. Hoc tamen locò, notat, Filium suum (id est, Mesæ) & non Filium eius (scilicet, Idumæi regis). Etiam apud Græcos (ut exercitatis notissimum est) frequenter αὐτός, & αὐτοῦ, in eundem cadunt sensum. Vide etiam A Lapide, in caput 3. libri 4. reg. v. 27. Menochium, & Salianum, cum Abulensi. (bbbbb) Siclus unus quatuor appendebat Julios nostrates Romanos, seu Regales Ibericos. Vide Menochium. (ccccc) Hoc enim erat Quarta pars Cabi, id est, Cibi unius diecula, seu Cboenicis, librae majoris Atticae. Quod cum ita sit; non video, quid sibi recentissimus Chronologus, è numero Novatorum, velit: dum in annum mundi 3045. scribit; Benadadum ad tantam famem adegisse Samariam: ut caput Asini fuerit octogenum siclorum argenti; & quarta pars, venter ipse, qui est in cavo columbarum, quinum siclorum argenti. (ad cap. 6. libri 4. reg. v. 25.) nisi fortè librarii sit hoc loco*

mic.

Ruina Ieroboam.

*mendum. Scripturæ quidem verba, clarissima sunt: nec obscura verborum, ea, quam auctores eruditissimi suggerunt, explanatio. Stercus porro columbinum, salis, & condimenti, vel obsonii, vice fuisse fame laborantibus Samaritis; Iosephus, Theodoretus, Gelenius, Menochius, & alii, affirmant. (ddddd) Ex Græco namque & Hebraico, Chaldaicòque, textu, colligitur; hoc loco Græcarum insularum populos indicari: quarum propinquissima Palestina Phœniciæq; Cyprus fuit. Græci autem, Cithæi, & Cethæi, in Sacris libris nominantur. (eeeeee) Colligitur è 4. reg. cap. 4. v. 13. & manifestum est aliunde, ex cap. 8. ejusdem illius libri, v. 4. ac deinceps, usque ad v. 7. (ffffff) Allusum, ad illud Habacuc, cap. 1. v. 10. Ipse de Regibus triumphabit; & tyranni, Ridiculi eius erunt. (ggggg) Ad Galat. cap. 6. v. 7. (hhhhh) Iacobi cap. 2. v. 10. (iiiiii) Nam 4. reg. cap. 9. v. 2. & 14. dicitur Iehu, filius Josaphat, filii Namsi. (kkkkk) 3. reg. cap. 17. v. 16. & 4. regum cap. 9. v. 20. ac 2. Paralipom. c. 22. v. 7. (lllll) Vide de hac controversia, breviter agentem, & clarè, Stephanum Menochium, in caput 9. libri 4. regum v. 27. (mmmmm) De Stibio, sive Antimonio, vide eundem Menochium, in cap. 9. libri 4. regum, v. 30. ex Plinio, libro natural. 33. cap. 6 & Dioscoride,*

*Ruina Ieroboami.*



scoride, libro 5. cap. 99. (nnnnn) Josephus, qui libro 9. antiquit. cap. 9. quingentos posuit; pro quinquaginta, erubuit Judæus, Romanis Græcisq; confiteri paucitatem: veritus, ut fidem inveniret, si, cum tam paucis, rex Israël, tamen à Syris populosis se expedisse, diceretur. (ooooo) Lucum illum, fuisse eum ipsum, quem rex Achabus plantarat, Salianus asserit, in annū 3193. n. 7 (ppppp) Libro 9. antiquitat. cap. 9. (qqqqq) Ezechielis cap. 26. v. 20. & cap. 31. v. 14. & cap. eod. v. 16. & cap. 32. v. 13. ac v. 23. (rrrrr) Apocalyps. c. 21. v. 8. (sssss) De ista, plusquam undecim annorum, contentione, inter Israëlitas, super rege ac regno, donec Zachariæ tandem successio constabiliretur: locò non uno Salianus agit. ut, in annum mundi 3252. num. 3. ubi auctores etiam alios complures adducit: qui secum negent; Continuo Zachariam, à morte patris, regnare cœpisse. Et in ann. mun. 3255. num. 13. fin. & ann. 3263. per totum. Consentit Abulensis, & alii: qui tamen non Contentionis, sed Tutelæ, annos in illo undecennio duodecenniòve, agnoscunt. At verò Thomas Lydwatus, Anglus, in ann. mun. 3220. sentit; Zachariam statim à morte patris sui Jeroboami regnum iniisse: sed id seditionibus turbari cœptum, sensimq; dissolutum fuisse; sic, ut totius ejus regni, non nisi 6. S postre-

Ruina Ieroboami.



postremi menses numerati sint à Sacro Scriptore. Sententia hæc, qualisqualis in ipsa re (non est enim improbabilis) in nullo tamen Chronologia diataxin notabiliter turbat. Verba autem Lydwati sunt in annum mundi 3232. ista. Interfectio Zachariæ, rege Israël (cujus regni dissoluti tantum sex mensium postremorum fit mentio; quibus vigere cœpit conjuratio, quâ sublatus est, omisissis præcedentibus annis 12.) scilicet regni ejus, &c. In Duodecennio pleno, & Sex insuper mensibus superadditis, aliquid, sed non multum turbulenta, novitatis est. (ttttt) Thomas Lydwatus, Schallimum & Schallemum; Stratemannus, Sallimum, pronuntiant: ne loqui cum venerabili Antiquitate cogantur; quæ Sellum eum nominat. (uuuuu) De hoc, præter Gilbertum Genebrardum, libro 1. Chronographiæ, in regibus Israël, & alios quosdam; videri potest etiam Sallianus, in ann. mun. 3235. num. 5. & 6. & in ann. mun. 3265. num. 4. (xxxxx) Congruit hoc, phras. S. Scripturæ: quæ 4. reg. cap. 15. v. 19. sic loquitur. Et dabat Manahem Phul mille talenta argenti, ut esset ei in auxilium, & firmaret regnum ejus. Quæcirca magis assentior opinioni, quam posui, postremæ. (yyyyy) 50. Sicli argentei, per singula ditiorum capita, efficiebant 200. Regum

Hisp

Ruina Ieroboami;

Hispanicos: juxta ea, quæ superius de valore Sicli diximus. Idem & Menochium sentire, postea videtur. Porro declinandus hoc loco, reducendusve in viam, Flavius Josephus est: qui tributum illud caput. 17. libri 9. Antiqq. circa medium capitis, ait, Drachmas fuisse 50. & non, Siclos. cum tamen Siclus (quem expressè Sacer Scriptor ponit) sive Stater, Drachmam in se quater contineat: quod & Salius, in ann. mundi 3265. num. 5. & 6. ex S. Epiphanio, & Villalpando, notavit. Quadruplò igitur grandior fuit illa potentiorum contributio, à Manabemo extorta; quàm Josephus finxerit: qui amen, nec drachma Romana Atticæve, nec Sicli Hebraici, pretium, ac valorem, potuit ignorare. (zzzzz) Vide Cornel. à Lapide, in caput Matt. 18. v. 24. Hoc porro mille Talentorum tributum, fuisse annuum, adeoque decies Phuli fuisse numeratum à Manabemo, pro spatio annorum regni sub eodem Phule; bonis ductus conjecturis Salius, locò paullo suprà allatò, sentit.

(a) Stratemannus, ac Lydwatus, & siqui, 2000a sectantium, alii sunt; Pekajam illum nominant, Manabemi filium: quem Vulgata nostra lectio Phacejam dicit. Successorè verò illius Pekah dicunt; quem nos cum antiquitate, Phacée. Josephus autem, è contrario, lib. 9. antiq. c. 12. succes-

§ 2

forena

Ruina Ieroboami.

forem Phaceja, non Phacee, sed Phacejam & ipsum nominat: nisi fortè sit Interpretis hic error. Eadem quoque novitatum cupidine, pruritùque, Sedarii nonnulli Phacee filium Romeliæ, filium appellant Remaliæ: ac Rasin infrà, Syriæ regem Rezin. (C) Hoc loco videndi Commentatores, interque se conciliandi, sunt, in 4. reg. cap. 15. v. 25 ubi Argob & Aric, quibusdam loca certa videntur; non autem, Viri. Quinquaginta quoque Galaaditæ, occisi; & non, occisores. Hebræa tamen & Chaldaica, Græcæque, lectiones, nostram sententiam statuunt. De conciliatione verò utriusque explicationum istarum, agit, post alios, Menochius in caput idem, ejusdem libri regum, cit. [γ] Hoc refertur libro 2. Paralipom. cap. 28. à v. 7. ubi circum filium hunc regis varii varia comminiscuntur ne fateri cogantur, Achazis regis fuisse filium. Scertè, Scripturæ Sacræ verba, quantum ad hoc clarissima sunt. Nec impedit, quò minus Filius hic Regis admodum puerulus fuerit: Achaze, ejus patre, viginti tunc annos natò. Aliæ sententiae nimis sunt contortæ; longèque petitis utuntur effectibus. Vide & Salian. in ann. mun. 3294. num. 1. [d] Hoc loco Wilbelmus Stratemannus narrat Pekah [hoc est, Phacéam] & Rezin [Rasin Syrorum] ferrò & igne totam Judæam vastasse.

Ruina Ieroboami.

Quo



Quod non improbo. Illud autem baud perinde concesserim ei : quòd Obsidionis illius Ierosolymitana tempore [quam obsidionem, ponit, accidisse anno mundi 3208.] dicat, eos reges 1200. [sic enim signat numerum] militum trucidâsse; 200000. hominum, in tristissimam servitutem abduxisse: quos tamen, suâsu Prophetæ Obed, manumiserint. At id acciderat anno jam superiore: nec junctâ Rezini operâ; sed per Phacæam solum, & quidem, Ierosolymæ obsidione nondum inchoatâ. [ε] Sic Iosephus tradit lib. 9. antiqq. cap. 13. id, quod ceteri non improbant. Et hæc jam Secunda fuit Israëlitarum Captivitas Assyriaca. Tertia, eâque temporum illorum postrema, sub Salmanasare sequetur. [ζ] Hebræorum Chronicon, capit. 22. apud Salianum, in ann. mun. 3296. num. 6. [η] Gilbertus Genebrard. in annum mundi 3449. ex Hebræorum Annalibus, cap. 22. Quod & Saliannus, cum aliis pluribus, admittit, in annum 3305. num. 6. & Menochius, in lib. 4. reg. cap. 17. v. 2. in verba illa sacri contextûs. Fecitque malum coram Domino; sed non, sicut Reges Israël, qui ante eum fuerunt. [θ] Hoc tradit Chronicon Hebræorum, cap. 12. admed. [\*] Quidam, & in his nominatim, Calvisius Cappellus, ac Strate-mannus, existimant; Oseam regem initiò statim,

S 3

hoc

Ruina Ieroboam.

hoc est, adhuc septimum agentem regni sui stabiliti annum, in manus & carcerem Salmanasaris, venisse: ac tum demum, captò jam rege, cœptam fuisse circumsideri Samariam. At Salianus alii- que credunt, & ratio suadet; Oseam illico refugisse in urbem suam regiam; eamque cum civibus impigrè defendisse: quæ urbs alioqui, captivò jam rege, cum esset sine capite, nec haberet, pro quo propugnaret, absque morâ se Salmanasari tradidisset; nec tam acerbam triennii obsidionem, & calamitatem, sine causâ, pertulisset. Quòd autem S. Scriptura prius mentionem faciat capti, & in carcerem compacti, Oseæ: postea verò primùm, obsessæ Samariæ; facit id, ut frequenter aliàs, κατὰ πρόληψιν, seu, per Anticipationem, posterioris gesti- ante prius gestum. Unde vix dubium ullum esse debet; Oseam in triennali obsidione perdurasse: tandemque cum cæteris, immò præ cæteris omnibus, captum fuisse: ac, donec omnia à Salmanasare expedirentur in Syria, ac Phœnicia, in carcere tantisper adservatum. (1.) Ex supputatione Jacobi Saliani. cuius χρονολογισμὸν, haud temerè me describaturum, primâ statim Operum istorum Decadesum professus; nec adhuc pœnitet. Ponit autem in le Numerum, quem ego posui, in Annum mundi 3314. num. 3. & 6. alibi que crebrius. Cornelius (u

alibi

Ruina Ieroboami.

alibi monui) unicum superaddit annum. Gene-  
 brardus autem. 241. annos numerat, ac menses 7.  
 Flavius Iosephus, annos 240. menses 7. diēsque 7.  
 Eusebius Pamphili 250. annos. Stratemannus 257.  
 à morte Salomonis, & initio regni Ieroboami. Lyd-  
 watus 260. à divulsione regni Israëlitici ab Iudai-  
 co. Ioan. Georg. Herwartus, apud Cappellum, itidem  
 260. Cappellus ipse, 257. Torniellus 254. Scaliger,  
 temporum emendator, 259. Aliter denique nume-  
 rant alii, in suo quisque sensu abundantes.  
 Sed Salianus chronotaxin suam, Scholiis in annum  
 mundi 3309. satis in luce constituit; Regum Iudæ &  
 Israëlis annis inter se ἀντιπεραδιήλως compositis,  
 & expansis. (κ) Quarum aliquot & Benjaminus  
 nominat, locò non unò, in suo Itinerario, pag. 155.  
 & 162. & 170. 171. 172. 173. editionis novissimæ  
 Lugduno-Batavica Elzevirianæ, ann. 1633. In iis  
 urbibus, plurima millia se reperisse Israëlitarum,  
 memorat. (λ) In tabula Geographiæ, quam in-  
 scribit, Sacræ; si eam conferas cum tabula alia,  
 Expeditionis nimirum Alexandri Magni. De  
 Araxe, (gemino tamen) & Araxis in mare Cas-  
 spium influxu, tradit etiam vir experientissimus,  
 Adamus Olearius, l. 6. hodiæporici Persici c. 7. cum  
 Tabula maris illius, (quod ipse oculis usûque tri-  
 vit) dimidiatâ pag. 711. & c. & l. 5. c. 3. Tabulam

S 4

verò

Ruina Ieroboamii



verò plenam invenies, fini libri 6. subnexam. [μ] Christophorus Helvicus, in Theatro suo Historico. ann. mun. 3230. & Cappellus, in ann. mun. 3276. Et de Colchis, etiam Genebrardus meminit; cū, in Arsereth eos venisse, docet; quam, ait, nonnullos interpretari regionem Colchidem. [ν] Benjaminus, Itinerarii paginā 159. editionis suprā laudatæ. Non enim distinxit opusculum hoc in capita: quæ produci possent pro testimonio. Idem, pag. 172. inquit; In urbibus Nisboris, seu Nisbonis (montana regionis, qui montes fluvio Gozani imminet) quatuor Israëlitarum inveniri Tribus: tribum nimirum Danis, Zabulonis, Ascheris, & Nephthali: captivam multitudinem, quam Schalmanasar, Assyriæ rex, abduxit. Addit, pag. 173. Illorum Israëlitarum terram, seu regionem, ad viginti quatuor dierum iter protensam esse. Civitates, & castella, in montibus habere; quæ ab uno littore Gozan fluvius alluat: nec ullo gentium jugo premi; sed eos Principi præposito parere, cui nomen sit, Doctor Joseph, Præfectus, Summus Levita. Aliquid de hac Israëlitarum abductione, & dispersione, vide etiam apud Adamum Olearium, Itineris Persici libro 5. c. 3. pag. 545. de Portis Caspiis. (ξ) In annum mundi 3314. num. 13. (ο) 2. Curtius

Ruina Ieroboami.

tius libro 4. de gestis Alex. cap. 8. (π) Origenes Adimantius, bomil. 25, in librum Numer. § l. 1. ac 2. contra Celsum; apud Genebrard. in ann. mun. 3443. § Samaritanorum origo. Caterum, Sallianus, de illis Samaritanis, qui Christi tempore fuerunt, clementius aliquantò judicium fert: quippe, qui, in annum mundi 3315. num. 17. dicat; Eos, post Machabæorum tempora, repudiatis penitus Idolis, ceterà Judeis ferè consensisse: De templo verò, locòq, Adorationis, ex Ioan. 4. totam inter eos fuisse disceptationem. Bene dicit, Ferè. nam, in Quibusdam religionis punctis, alii, præcunte Iosepho, secus de Samaritanis, etiam illorum temporum, sentiunt. Quibus ego, non sine justis causis, assentior: quarum non postrema est, quòd Iudei Christo Iesu (cujus erant hostes juratissimi, & idè in rebus minimè vulgaribus, aut exiguis, eum calumniari solebant) velut contumeliarum & conviciorum compendium, non semel objecerint, Eum esse Samaritanum. quem tamen certè Garizæū templum, aut ejus locum, ac reliquias, de quibus Adorationis disceptatio erat, frequētasse, nusquam legimus: adeoque, nec in illo loco, ac monte, sed Ierosolymis, adorasse Patrem, scimus. Immo, Samaritani, Ierosolymorum templum petentem Christum, & Garizæam eadem aut locum declinantem,

S 5

ob id-

Ruina Ieroboami.



ob idipsum oppidis suis & hospitibus excludebant: quia facies eius erat, euntis in Jerusalem. Lucæ 9. v. 53. Oportuit ergo, Iudeos aliud longè majus, in Christo, crimen tangere voluisse, quo Samaritani infames esse illa etate consueissent. (e) Hæc, è vita S. Sabbæ Abbatis, & è quibusdam Sanctionibus Imperatoriis, refert Cæsar Baronius, in annum Christi 530. n. 3. & in ann. mun. 574. num. 2. & c. (f) Legatur passim Benjaminus, in bodæporico: & Hieronym. Osorius, de rebus gestis Emmanuelis, Portugallie Regis, l. 4. histor. Afric. & Indic. l. 4. ubi, die 19. April. anno 1506. sub turbidam Ecclesiastæ cujusdam, & imprudetem duorum collegarum ejus, concitationem, à furentibus Olysipponis civibus Christianis, ad 2000. Hebræorum interfecta, intrâ triduum unicum, intrâque mœnia unius urbis, tradit. etsi, meritò, nec ipse id approbet; ac neque Rex Zelum illum Concionatoris, & sociorum ejus, ac Civium, intempestivum, reliquerit inultum. Idem factum, ex Osorio, prolixè refert, ac per ordinem, Philippus Camerarius, meditationum historicarum cap. 40. Succinctiùs verò aliquantò Laur. Surius, Commentariò rerum, in orbe gestarum, in ann. 1506. ubi trucidatorum & combustorum Iudeorum, numerat 1930. Vbi tamen observes; longè maximam ejus gentis multitudinem,

Ruina Ieroboami.



nem, per eosdem illos dies, neci subtractam, vel latebris, vel Christianorum quorundam pietate ac misericordiâ, fuisse: qui omnes alioquin interfissent. Ex quo constet, Quanta tunc Israëlitarum multitudo versata fuerit intra muros & pomœria Olyssipponis urbis: quippe, in quam, Osorio eodem teste, lib. 1. de gestis regis Emmanuelis, ad diem à rege eis præfixum, Iudæorum innumerabilis confluxisset exercitus. Id, quod ad propositum nostrum abunde sufficit. (†) Vt hanc Regum seriem accuratus & exactus lector in promptu semper, anteq̃ oculos, haberet constitutam: è re visum est, eorum hic Catalogum, cum annis regni singulorum, apponi: quem & Iacobus Salianus, in Scholiis anni mundi 3309. pag. 213. edit. Colonienf. & melius, in Auctario Enchiridii, (licet à typothetis per transpositionem turbato, ideòq̃ non, nisi oculato valde homini, legendò) aliq̃ contexunt. Est autem, qui sequitur:

Jeroboamus Primus, regnavit annis. 22.

Nadâbus, 2.

Bâasa, 24.

Ela, 2.

Zambri, diebus. 7.

Amri, annis 22.

Achabus, 22.

Ocho-

Ruina Ieroboami.

Ochozias, cum patre adhuc, & post,	2.
Joramus, frater ejus,	12.
Jehu,	28.
Joachaz,	17.
Joas,	16.
Jeroboamus Secundus,	41.
Interregnum,	12.
Zacharias,	menses 6.
Sellum,	menssem 1.
Manahen,	annos 10.
Phacejas,	2.
Phacée,	20.
Quasi Interregnum rursus,	9.
Oseas, plenè Rex,	9.

(v) *Jeremie* 8.v.6. (Φ) *Iacobi* cap. 3. v. 15. (χ) *Iob* 9.v.4. & 13. (ψ) *Ibidem*, v. 13. (ω) *reg. Iur.* nullum. ff. (\*\*\*\*) *Vide Abrahamum Ortelium*, in tabulis calcographicis *Daphnès*, ac *Tempe*: in quibus, quæ de ritibus *Idololatrarum*, in *Sacrificiis suis*, diximus, oculis aptè subiicit: turpitudines, post carecta, densaque sylvarum arbusa, relinquens; conjecturâ magis, quàm aspectu, deprehendendas.

(αα) *Hujus rei Imaginem*, penicillo *faberrimè expressam*, habet, & ab antiquo asservat, *Ingolstadiensis Universitatis Conclave Academicum*, seu, *Patrum*

*Ruina Ieroboami*

*Patrum Academicorum Consultationibus destinatum, penetrale. In qua icone, circa Vitulum, in sublimi constitutum columnâ, choreas ducunt, ac meretriculas suas, excucullati partim, partim adhuc cucullati, cuculi, religionum sacrarum Apostata, & Hæresiarchæ: cum desertrice quisque Vestali suâ, ad sudorem usque, saltantes; applaudente factis eorum, atque dictis, vesano, novitatumque cupidò, populò. (66) Observârunt hoc multi: clarumq; est, numerantibus ab Asa, filio Abia: quo, regnum jam ingressò, Ieroboamus Primus interfectus est à Deo. Post eum, morte sublatis sunt, Nadab, Baasa, Ela, Zambri, Amri. & Achabò regnare jam orsò, biennium adhuc in vivis, & imperio, versatus est rex Iudeus, Asa. (77) Observare quoque, hoc locò, licebit; Romæ quondam, per annos circiter ducentos (L. Floro teste, lib. 1. cap. 1.) non, nisi Septem, imperitâsse reges: cum in Israël contrâ, unius unici regis Asæ anni Quadraginta, & unus, Septem reges Israëlitos devorârint: adeoque etiam Ducenti illi Romanorum regum anni, si solos Quinquaginta quinque annos superadjicias, Samaritanos & Israëlitis reges novemdecim, tumulârint.*

*Cætera, quæ crebrò, nimiumq; sæpe, testimonia requirere suorum Auctorum videri possent; in im-*

*men-*

Ruina Ieroboami.



mensum excrevissent. Quapropter, in summa,  
 moneri satis est: Qui Regum hanc Israëlitico-  
 rum Ruinam eruditione plenâ complecti velit; eum  
 in 3. & 4. regum, ac 2. Paralipomenon libro, exer-  
 citatissimum esse oportere. Tunc, de Veritate nar-  
 rationis nostræ dubitare non poterit; nisi, qui di-  
 vinitis quoq; libris fidem detraxerit. Hi-  
 storicus Sacer, verborum meorum  
 obses erit.



RUINA XXXII.

*Qua fuit,*

SENNACHERIBI,  
REGIS ASSYRIORUM.

BREVIARIUM CAPITUM.

I. *Quinam, post Sardanapalum, reges Assyriâ potiti sint, & quòtnam annis; enumeratur. Ezechia, regis Iudææ, regnum, Salmanasar, & Sennacheribi, imperio concurrit. Is, tributum Assyriaci recusationem animò volvens: prius Philistheos sibi subigit. deinde, à Sennacheribo deficere certus, divina sibi humanâque, ad bellum Assyriacum sustinendum, adjumenta, multò antè, preparat. Ierosolymam autem præcipuâ diligentia firmat, ac permunit. Aegyptii quoque regis opem sollicitat: improbante tamen Deò. Cui Ezechias meritò considerare debuit (ut & fecit): quippe, de Divinis & ipso præclarè meritis.*

II. *Ob apertè detrectata sibi, ab Ezechia, tributa; Sennacheribus immensum, diversis ex gentibus, exercitum, in terram Chanaanitidem ducit: infest-*

Ruina Sennacheribi.

*infestus, non hominibus tantum, sed & DIs, ac v  
ro Deo. Bipartitis autem factis copiis; earu  
partem unam adversus Philisthaas urbes, Eze  
chia subditas, & hinc in Aegyptum, expedit: alte  
verò cum parte, Iudaeam ipse vexat, ac prem  
Contra cuius adventum, omnesq; belli casus, ad b  
accuratiùs, quàm antebac, Ezechias Ierosolyma  
munit; operaque cœpta perficit. Pià quoq; orati  
ne, suos ad spem, in Numine collocandam, exbo  
tatur: antiquorum allatis fiducia documentis,  
exemplis. Ac nihilominus ad Sennacheribum a  
fectionis ab eo suae deprecatores ablégat. Is ei do  
se pacem spondet; ingentemq; pecuniae mulctam in  
positam, adeptus, in hostilitate nihil secius progr  
ditur.*

**III.** *Sennacheribi Dux, Thartban; expugna  
Philisthaëa maritimâ, in Aegyptum promovet o  
pias: & Pelusio obsesso, tandemq; penetratò, cont  
Aegyptios prosperè rem gerit: rege Aegypti à su  
rum plerisque destituto; qui Sethon fuit, Vulca  
simul Sacerdos. Causse destitutionis, referuntur  
& regis tenacitas, imprudentiâque, qua militare  
ordinem offenderat, reprehenditur. Is Vulcano s  
supplicat: Deo tamen Cœli, aversò.*

**IV.** *Sennacheribus, inter hac, adjiciens anim  
Ierosolymis, sine suorum sanguine cladève capie*

*Ruina Sennacheribi.*



dis: tribus missis eò Legatis, eam urbem dedi sibi, mandat. Inter Legatos illos, arrogantissimus, impiissimúsque, Rabsaces: primùm ad tres, ab Ezechia missos internuntios, ferociter insolentérq; loquitur: regemq; Ezechiam absentem insectatus, ostendit eis; In eo nihil fidei, nec opis, esse Iudais: propugnatores urbis paucissimos: in Aegypti rege, spem vanissimam: in Deo Hebraorum (propter Excelsorum cultus, ab Ezechia abolitos) omnino nullam. Ingreditur deinde, narrare commoda Regionum, ad quas traducendi sint Iudæi dedititii; idque, jussu Dei Hebraorum.

V. Interrumpens orationem Rabsacis, Eliacimus; rogat eum, ne Iudaicâ, sed Syriacâ linguâ, loqui pergat: idque, propter populum, qui in muris attendebat. Rabsaces autem, tanto magis, & vocalius, Iudaicè loqui perseverans: novam exorditur declamationem, ad Cives ac milites. In ea, primùm exsequitur laudes ac fertilitatem regionum; quas Hebræi, deditâ Ierosolymâ, inculturi deinceps essent. Vbi Media potissimùm, & Bactriana, cum Hyrcania, predicantur, à natura bonis. Deinde, demonstrare conatur impiis argumentis, infirmissimas DEI-Iudeorum vires, in illis contra Assyrios defensandis: cum nec alii DI ulli clientes suos, ac terras, prestare tutas, contra reges Assyriorum, po-

T

the.

Ruina Sennacheribi.

*infestus, non hominibus tantum, sed & DIs, ac vero Deo. Bipartitis autem factis copiis; earum partem unam adversus Philisthas urbes, Ezechie subditas, & hinc in Aegyptum, expedit: altera verò cum parte, Iudam ipse vexat, ac premit. Contra cujus adventum, omnesq; belli casus, adhuc accuratius, quàm antehac, Ezechias Ierosolymam munit; operaque cœpta perficit. Piâ quoq; oratione, suos ad spem, in Numine collocandam, exhortatur: antiquorum allatis fiducia documentis, & exemplis. Ac nihilominus ad Sennacheribum defectionis ab eo sua deprecatores ablêgat. Is ei dolosè pacem spondet; ingentemq; pecunie mulctam impositam, adeptus, in hostilitate nihil secius progreditur.*

*III. Sennacheribi Dux, Thartban; expugnatâ Philisthæâ maritimâ, in Aegyptum promovet copias: & Pelusio obsesso, tandemq; penetratò, contra Aegyptios prosperè rem gerit: rege Aegypti à suorum plerisque destituto; qui Sethon fuit, Vulcani simul Sacerdos. Causse destitutionis, referuntur: & regis tenacitas, imprudentiâque, qua militarem ordinem offenderat, reprehenditur. Is Vulcano supplicat: Deo tamen Cœli, aversò.*

*IV. Sennacheribus, inter hac, adjiciens animû Ierosolymis, sine suorum sanguine cladève capiendis:*

*Ruina Sennacheribi.*

*dis: tribus missis eò Legatis, eam urbem dedi sibi, mandat. Inter Legatos illos, arrogantissimus, impiissimisque, Rabsaces: primum ad tres, ab Ezechia missos internuntios, ferociter insolentérq; loquitur: regemq; Ezechiam absentem insectatus, ostendit eis; In eo nihil fidei, nec opis, esse Iudæis: propugnatores urbis paucissimos: in Aegypti rege, spem vanissimam: in Deo Hebraorum (propter Excelsorum cultus, ab Ezechia abolitos) omnino nullam. Ingreditur deinde, narrare commoda Regionum, ad quas traducendi sint Iudæi dedititii; idque, jussu Dei Hebraorum.*

*V. Interrumpens orationem Rabsacis, Eliacimus; rogat eum, ne Iudaicâ, sed Syriacâ linguâ, loqui pergat: idque, propter populum, qui in muris attendebat. Rabsaces autem, tanto magis, & vocalius, Iudaicè loqui perseverans: novam exorditur declamationem, ad Cives ac milites. In ea, primum exsequitur laudes ac fertilitatem regionum; quas Hebræi, deditâ Ierosolymâ, inculturi deinceps essent. Vbi Media potissimum, & Bactriana, cum Hyrcania, prædicantur, à natura bonis. Deinde, demonstrare conatur impiis argumentis, infirmissimas DEI-Iudæorum vires, in illis contra Assyrios defensandis: cum nec alii DI ulli clientes suos, ac terras, præstare tutas, contra reges Assyriorum, po-*

T

the.

Ruina Sennacheribi.



tuerint. Vbi etiam; aut nullos ferè superesse Deos, contendit, extra Nesroch, & Sennacheribum: aut certè, prorsus imbelles: maximè verò, Deum Iudeorum. Sermonem denique, cum contemptu, concludit.

VI. Rabsaci, nec populus respondet, nec regi legati. Sed hi quidem ad regem Ezechiam moesti redeunt: populus autem, domum. Mittuntur ad Isaiam Prophetam ab Ezechia, cum mandatis ac precibus, legati: quorū petitionis forma, Summāq; apponitur, ex sensu S. Scripturæ: ejusq; verborum cateroquin difficultas, mens explicatur. Ezechia interim in templo Deum orat: ac Prophetā, domus sue. per quem Deus Ezechia responderi, spēque successus optimi compleri, jubet: promissā Ierosolymorum securitate, & Assyriorum, contrā, Interitu.

VII. Sennacheribus autem, cognitā Ezechia, in abnuendā deditiōe, constantiā: totis exercituum sui viribus, ad oppugnandam Ierosolymam, accingitur. Sed retrahitur ab eo proposito, nuntiō dē Thāraca, rege Aethiopum; adversus Assyrios exercitum educente. Contra quem proinde, & ipse, maximis cum copiis, festinat: missis prius ad Ezechiam iteratō mandatis, de Ierosolyma deditiōe litterisq; in Deum blasphemis, & in Ezechiam arrogantibus. Ezechias & litteras, & causam suam

Ruina Sennacheribi.

suam, in templo, Deo cognoscendam, committit: adjectis precibus intentis. Deus continuò, per Isaiam, increpandum prolixâ reprehensione, absentem licet, Sennacheribum mandat. Cujus Orationis contextui, fida simul verborum illius sententiarumq; (ceteroqui difficile) explicatio intermiscetur. Documentum additur; cum Deo reverenter, ab omnibus, tractandum esse.

VIII. Deus, orationis illius, quam Isaiæ mandaverat, alterâ parte, ad Ezechiam directâ; confortatur regem: & quid triennio illo, quo in Aegypto Sennacheribus (ex parte saltem temporis) hæsus sit, circa victum, agendum sit, præscribit. Pollicetur frugum copiam, suamque, pro urbe Ierosolyma, tutelam: regisq; Assyrii irritam expugnandi perem; & ignominiosum, in Assyriam, reditum. Omnia, propter Se, & Davidem, servum suum fidelem.

IX. Huic Dei promisso, dum, cum suis, acquiescit Ezechias; Sennacheribo tantisper, admirandâ Numinis dispositione, bellorum procellam omnem in Aegyptum & Aethiopiam effundente: morbo prosternitur, & repentino. & immedicabili. Quem Ezechia morbum, non seriùs, sed sub idem ipsum tempus, evenisse, per transennam ostenditur. Undenam ægritudo illa nata videri possit? Restitui-

T 2

tur

Ruina Sennacheribi.



tur rex priscae sanitati. Cujus historia diffusa cum pretermittatur; rationibus, ex Historia Lege petitis, & allatis, demonstratur.

X. Sennacheribus, post longam in Aegypto, & Aethiopia, moram; reverti cogitat in Iudeam. Hiernat in finitimis locis. Herodotus, circa res Sennacheribi in Aegypto gestas, an vera scribat; excutitur, ubi de Muribus, illius regis exercitui perniciosus, narratio intertextitur: & de Pelusio, ab Assyriis capto, receptoque, quid tenendum.

XI. Annò regni Ezechiae decimò sextò, rex Assyrius, cum omnibus copiis, undique contractis, Ierosolymam versùs, expeditionem suam repetit. Quantò id cum motu fecerit, ac tumultu: & quid iter habuerit? Ierosolyma tabernaculis & castris Assyriacis circumcingitur. Iis auditis belli redi-vivi motibus, & conspectis hostium castris; quanta coorta sit, in urbe, civium, praesertim seditiosorum, turbatio. Eorum, adversùs Isaiam, Ezechiam, ac Dei promissa, tanquam jam irrita, querelae: deditionisq; consilia. Regis, è contrario, Prophetarum & meliorum in urbe mortalium, constantia, preces; & placando Numini, corporum afflictiones. Idque, nec sine causà; nec sine fructu. Dormientibus enim Assyriis, intempestà nocte, de caelo veniens, blasphemiae vindex, Angelus; Assyriorum



centum octoginta quinque millia interneccione delet.

XII. De ratione, quâ percussî sint Assyrii; secundum varios auctores, variè differitur. Non placet, Gladio interfectos esse; nec pestilentia; nec, iactis de cælo fulminibus; ob causas, quæ singulis his modis subiunguntur. Vtrum verò, corde oppresso, vel spiritu intercepto, perierint; breviter ventilatur: & præfertur opinio, quæ sentit; Eos flammis intestinis incineratos esse: indumentis, ac ceteris, salvis. Cujus sententia commoditas, in propatulo proponitur.

XIII. Sennacheribus, manè postero experretus; frustra suos, ad ministeria solita, præstolatur, inclamat, & querit. Oculis tandem suis met credere cogitur; universum exercitum suum, altiore quadam vi, deletum. Idem, pauculi nonnulli, adhuc superstites ab Angelo relictî, regi nuntiant: & ad fugam eum incitant. Quibus acquiescens, eorum in comitatu, relictis omnibus, celeriter, & ignominiosè, suam repetit Assyriam.

XIV. Illius autem, comitumq; fugâ; necnon, universâ castrorum strage, per speculatores partim urbicos, partim & per emissos exploratores, compertâ: Ierosolymite, tandem urbe catervatim gressi, prædam infinitam inveniunt, diripiunt, as-

T 3

por-

Ruina Sennacheribi.

portant, & avebunt. Eâque, tam seipsum quisq.,  
quàm Regem Ezechiam, præ cæteris, ditant: Deoq.  
gratas laudes persolvunt. Cladis autem Assyriacæ  
causam, & auctorem proprium, aliquamdiu i-  
gnorantes; ex Isaia deniq., tam discunt, quàm I-  
saïas ipse prius, à DEO didicerat: letiq., de cætero,  
spoliis, ac successu rerum, tam secundo, fruun-  
tur.

XV. Sennacheribus autem, Niniven rever-  
sus exiguâ gloriâ; coëptusq., sibi met-subjectis fieri  
contemptui: exardescit in Israëlitas, qui sui regni  
tunc erant. In iis, post multos interfectos, etiam  
Tobiam persequitur; quod occisos sepeliret. Exaspe-  
rantur adversus Regem Ninivitæ; palamq., in eum  
fremunt. Ipse, in periculo constitutus, Deo suo Nes-  
rocho supplicat: eiq., de filiis suis duos, victimam  
Humanam, voto promittit. Id filii, patris consilio  
cognito, deliberationeq., habitâ, præoccupant: patre  
ad ipsam aram occiso. Succedit occiso, filiorum  
tertius, Assarhaddon: à quo tamen Satrapæ qui-  
dam continuò deficiunt. In his, Merodachus, Ba-  
bylonis rex à seipso factus; ad Ezechiam legato  
mittit: etiam fœderis cum eo ferendi causâ. Sen-  
nacheribi, tam corporis, quàm Anima, interitus,  
eo dignus.

XVI. Ostenditur, sub hac, Dei erga suos,

tam

Ruina Sennacheribi,

tam Ninivæ, quàm Ierosolymis, commorantes, ad defendendum eos, paterna benignitas. Rigor, è diverso, castigationis justissimus; adversus Assyrios, eorumq; Regem: quorum apud Inferos sepultura, conditiôq; producitur; verbis Ezechielis, ad hoc argumentum, partim disertè spectantibus, partim autem, accommodatis. Transitus inde fit, ad Blasphemorum, in Deum, divina, ac Sanctos, justissimam exagitationem: quibus, excusationem Ignorantiæ, quam sibi præpandunt, affectatè, monstratur, ad salutem nihil profore. Perstringuntur autem, præ ceteris, Sacramentarii, Iconoclastæ, & Invocationis Sanctorum irrisores: qui, latentes, cum malefecerint, & exultantes in rebus pessimis; interdum, in hac quoq; adhuc vita, mercedem Impietatis recipiunt: Semper autem (nisi resipiscant) in futurâ,

§(\*†\*)§

T 4

RUI-

Ruina Sennacherib



R U I N A  
 SENNACHERIBI,  
 E T  
 EXERCITUS ASSY-  
 R I O R U M.

§ (I.) §



O s t *Sardanapálum*, ab Arbace  
 Medo voluntariò coactum incen-  
 diò, suamet in Regiâ finire vitam,  
 uti dictum superius est; *Niniven*  
*Assyrii*que regni fumantes reliquias, *Phules*  
 successor occupavit: paullatimque, non resti-  
 tutum tantummodo, sed & amplificatum, ad  
 annos tenuit quadraginta tres, quasi redivi-  
 vum Imperium. (A) Regnum *Phulis*, *Teg-*  
*lath-Phalassar* excepit, filius ejus: annisque  
 rexit triginta, cum aliquot præterea mensi-  
 bus. Hic (ut & *Phules* antea,) præter rapi-  
 nas ac vastitates, *Israëlitis* frequenter illatas;  
 eosdem etiam, eorûmque reges, stipendiarios  
 sibi fieri coëgit. Quòdque pater nondum ten-  
 târat,

Ruina Sennacheribi.

târat, ipse primus, promissis ac pacis invita-  
tus ab *Achaze* rege, tributorum acerbam &  
anniversariam exactionem, etiam ad *Judææ*  
reges extendit. Eaque servitutis facies dura-  
vit, silentibus ac gementibus, Judeis, ad usque  
primum *Ezechia* regis annum; quô *Teglatb-  
Pbalassar*, vitâ functus, & imperium, & illud,  
qualecunque jus, exigendi stipendii, *Salmana-  
sari* filio reliquit. Nec destitit ab extorsione  
*Salmanasar*, quoad deinceps vixit & impera-  
vit; quod tempus decennii non pleni fuit. Is  
quippe finiit, *Ezechia* decimô principatûs an-  
nô; cûm aliquantulô priûs regnare cœpisset  
*Ezechias*, quàm *Salmanasar*. *Subrogatus* por-  
rò *Salmanasari Sennacheribus*, cognomentô  
*Sargon*, (b) eodem genitus; tributariam in  
*Iudææ* reges tyrannidem, quantô patre fero-  
cior ac tumidior, tantô constantius & impe-  
riosius, exercere perseveravit. Quæ principiô  
quidem ab *Ezechia*, quanquam ægrè tolera-  
ta; tacitô tamen cum dolore devorabantur:  
quippe, qui, sibi virium suarum imbecillita-  
tis conscius, facilè perspectum haberet; se, do-  
nec *Philistæos* quoque finitimos domaret, ac  
regni sui tam urbes quàm opes corroborara-  
ret, *Assyrio, Regum regi*, frustra repugnaturû:

T S

etiam

Ruina Sennacheribi.]



etiam in eo, quod, ei pēdere, nec jus, nec decorum, esset. At verò, cū, progressu temporis, & rerum indignitas illa cresceret, ex Assyriorum, in vectigales sibi Iudæos, insolentia (quam eis insolentiam, creber, atque continuus, variis è gentibus, victoriarum cursus faciebat); & *Sennacheribus*, insitō quodam in Hebræum nomen odiō, crudeliter Israëlitas, in urbē Niniven à Salmanasare nuper transportatos, tractaret; calumniis, fortunarum direptionibus, fugationibus, interfectionibus: excutiendum denique suis è cervicibus Assyriacum sibi jugum existimavit. Igitur, haud ultra differendum sibi, quod annis jam aliquot animō voverat, *detrectandi tributi* consilium ratus *Ezechias*: annō regni sui decimō ferē tertiō, palām solvere stipendia *Sennacheribo* regi, tanquam rex & ipse, propterea que libertati natus, recusavit. Quanquam enim, si conferrentur inter se regna; Iudæa, vix agellus videri posset *Assyriorum*, Oriente totō diffusi principatūs, & Imperii: si tamen alternis compararentur ipsi reges; haud inferiorem *Sennacheribo* se fore, Deo præsertim suō nixū, *Ezechias*, confidebat. Præterquam enim, quod regiam, ex Davide progenitore, nobilitatem

Eze-

Ruina Sennacheribi.



*Ezechias* ab annis ampliùs quinquaginta, supra trecentos, ostentare, contra *Sennacheribi* regiam antiquitatem, posset; ut, quæ per *Pbulum*, barbaricæ militiæ ductorem, cœpta, nondum annos octoginta quatuor, neque capita dominantium quatuor, excessisset: validissima sibi *Judææ* rex, intrâ paucos illos, quibus regnum inire cœperat, annos, belli præsidia terrâ cœloq; circumspexerat, atq; præpararat. Veritus enim idipsum, quod pòst evénit; adversùm se, detrectatâ tributi solutione, venturum, cum exercitu grandi, *Sennacheribum*; ne conjungi barbaris, ab Oriente Sole profecturis, barbari possent *Occidui*; nève Rex *Assyrius* augere copias in dies, ipsèq; circumcludi: primùm omnium *Philisthæos*, impiam ac profanam, ad mare *Phoenicium*, gentem, subigere festinavit. Quibus & eripuit; quidquid juris & oppidorum, à *Phoeniciæ* finibus, ad usque *Gazam*, ac primos *Aegypti* fines, obtinuerant. (c) Post hæc, ad suimet regni firmandas vires, conversus; urbes *Judææ* cunctas, & castella, turrèsque, quantis potuit, opibus, adversùs vim inimicam, permunire solerter instituit. Præ cæteris autem omnibus, *Jerosolymis* intentus, adversùs quemvis incursum

Ruina *Sennacheribi*.

sum armandis, & obvallandis: capita suburbanorum fontium omnia, rivumque *Cedronem*, ne servirent Assyriis aquaturis, aut obturavit; aut canalibus subterraneis in urbem induxit: ubi cisternis ac stagnis profundissimis collectas asservavit undas: quæ mox, in tempore, civium obsidendorum sitim sublevarent. Intrà *Ierosolymorum* verò pomœria, muros, ordine triplicî, tam foris, quàm interiùs, urbi circumpositos, unà cum turribus; partim instauravit semirutos, aut collapsos; partim novos penitus, & à fundamentis, excitavit: nemine non operi manus admovente. *Mellôn* quoque *voraginis*, de qua dictum in Ruina Regum Israël est, moenia; quâ parte *Sionem* montem, ab Aquilonis plaga firmissimò saxorum ambitu tuebantur, compage solidiore reparavit: apertisque, jam ante periculum & ingruentem hostem, præmaturè diversorum officinâ armorum; telis, gladiis, clypeis, atq; cæteri generis corporum tegumentis ferreis, armamentarium instruxit. (†) Ad *Aegyptium* insuper *Regem* legatos, ac diversarum opum munera, camelorum deportata dorsis, misit; amicitiam, & instantis ab Assyrio belli propulsandi societatem, rogantes.

Ruina Sennacheribi.



tes. (d) Quod, opis exteræ quæsitæ, consilium, cum manifestè Deus, per internuntium suum *Isaiam*, improbârit : arbitramur equidem; id, *Optimum* potiùs, quàm ipsiusmet, insigniter Deo probati, *regis Judaici*, vel auctoritate, vel importunò studiò, susceptum tunc, & expeditum, esse. (e) Quamvis autem ea *fœderis Aegyptii*, præstandique rebus in arctis auxilii, tota spes, & postea fefellerit Hebræos; & à Numine, jam ante motam Assyrii regis expeditionem, prædamnata labaverit (f): antequam tamè de mente sententiæque Dei, constaret *Ezechia*; poterat aut is, aut procerum eius confessus, legationis illius auctor, indè quoque nonnullā aliquamdiu, minùs formidandi regem Assyriorum, causam fiduciæque concipere. Sed quamquam hæc, quæ diximus, utcunque firma *Judæo* videri regi præsidia possent; ad repellendam sustinendamve vim Assyriam (etenim, nisi Deo disertè prohibente, prudentis est Principis; humanis etiã opibus sua rectè consultâ substruere : ne tentare Divinæ potentie vires, expectatione cælestis auxilii penitus otiosâ, videatur): universa tamen interim *Ezechia* regis fortitudo, confidentiæque, sic Deus erat; ut, cõniti solò,

Ruina Sennacheribi.



solô , meritò censerì posset. Nec id temerè. Tametsi namque *meritis* ille suis minùs, quàm *insitæ Deo clementiæ* , consideret : non tamen nihil ille de *Deo*, divinisque rebus, ad eum usque diem, bene meritus fuerat. Hic est enim *Ezechias* ille; qui, pessimi genitoris præstantissimus filius , simulac Judaici regni gubernacula suscepit , templum Salomonæum , ab *Achaze* priùs patre perpetuò clausum, reclusit: obstructasque, non reseravit modò, sed ornatui quoque, nitorique pristino, restituit templi valvas. Is est *Ezechias* , qui collium superstitiosa delubra subvertit : qui simulacra Deorum contrivit: qui turpitudinum latibula, lucos & nemora, succidit: qui *Serpentem* *Mosis æneum* ad impios jam cultus trahì coeptū, in pulverem ac favillas redegit. Ipse, qui veræ Divinitatis adorationem; qui legitimas aras, & sacrificia; qui Pascha, qui sollemnè Agnum, qui Sacerdotes, Levitas, Cantores, populorūque concursus, & universos sacrorum ritus, in integrum restituit. Is est deniq;, quē, qualēmq;, *DEO per omnia placentem*, in Ruina Davidicæ Domūs, etiam superiùs, pro rei necessitate, describebamus. Hæc igitur, aliæque talia , Principi religiosissimo, nequid

Ruina Sennacheribi.

nequid inauspicatius à bello timeret Assyria-  
cò; neu' cœptæ jam detrectationi vœdgalium  
immanere formidaret, animos addebant.  
Princeps autē ipse, vividis, ad fortitudinem,  
exhortationibus, populo stimulos in dies ad-  
movebat. Et super hæc (ut ferè fit) *impavi-*  
*di Regis alacritas, etiam imbellibus, omni bellicâ*  
*tubâ generosius erat, ad audaciam, irritamentum:*  
quantumvis inter hæc nec Assyria quidem  
*classica* dormitarent.

II. *Sennacheribus* enim, anno regni sui  
quintò, qui *quartus decimus* Ezechiaë fuit; jam  
non cunctatione tantum, ac tergiversatione,  
sicut annis prioribus, sed manifestâ tributâ  
soluti negatione, *Iudaorum* in rege deprehensâ,  
vehementer irritatus: non ultra differendum  
existimavit armatum, quo cogeret *Ezechiâ*,  
imperium. Copias igitur, quantas, post *Semi-*  
*ramidâ*, vix alius priorum Assyriaë monarcha-  
rum, immensas properè contrahens; equestribus  
pedestribsq; militiæ formidandum eduxit ex-  
ercitum. Erant autem sub signis, non Assyrii  
tantum, & Hyrcani, Medique, Babylonique,  
(qui tunc populi *Sennacheribo*, quantumlibet  
inviti, tamen adhuc, parebant) sed etiam *A-*  
*rabes*: quippe, quorum non minus, quàm *As-*  
*syria*

Ruina Sennacheribi.



*Syrriorum*, regem, *Sennacheribum* Herodotus, in Euterpe suâ faciat. Præter hos insuper, in eodem exercitu militabat, per *Salmanâsarem* nuper subacta, Moabitarum, Ammonitarum, Emathæorum, Phœnicum, ac Samaræorum, apta bellis, juvenus. Cum his universis, & multitudine pavendîs, & barbarie truculentis, nationibus; Jordane trajecto, movit in Judæam Imperator Assyrius: non in solum intentus *Ezechiam*, Judæosque subigendos; sed *Aegyptio* quoq; regi, (quippe, cujus in foedus *Ezechiam* venisse didicerat; & ejusdem expectare copias auxiliares, nequaquam dubitabat) imminens, & infestus. Portabat autem secum, & quocunque pedem inferret, circumferebat, primùm omnium, instrumenta belli, machinâsque, munitionibus expugnandis idoneas; & castrensem annonam, omni victûs genere refertissimam: deinde, *Deorum omnium* exterorum, & ipsius adeò *Supremi verig. Dei*, superbissimum impiissimûmque contemptum. Neque dubitabat ullô modô: quin & *Judeorum* eradicaturus, eâdem facilitate, *Numen* esset; quâ gentium nuper aliarum *Simulacra* de medio sustulisset. Expugnârat enim, exemplô majorum suorum, iis, quibus

regnum

Ruina Sennacheribi.



regnum tenebat, annis, hoc est, haud amplius  
*quatuor*, non populos tantum & urbes, sed &  
 eorum *Deos*, ac *Deas*: in quibus erant, qui Li-  
 bani montis radices accolebant, *Emathæi*; ma-  
 ritimæq; nationes, *Sepharvaimæi*, cum *Arpha-*  
*deis*, *Aneis*, & *Avais*, Samaritarumq; (sit licetia  
 novatæ-vocis ea venia!) *Deunculis*, Dæmoni-  
 isque sculptis. Horum ille simulacra *lignea*  
 flammis; ærea ferreæque fabricis armorum;  
 argentea demum, & aurea, conflata fornaci-  
 bus, in belli regniq; vires, thesauris suis im-  
 portarat. Unde factum est; uti, nemine *Deo-*  
*rum illorum* suū contumeliam vel ulciscente,  
 vel (quod minimum fuisset) mussitante sal-  
 tem, aut muginante; *Divinitatis-veræ* falsissi-  
 mus æstimator, *Sennacheribus*, sibi persuade-  
 ret: iisdem se tumoris sui cornibus, in *Cæli-*  
*Deum* impetum esse facturum; quibus nuper  
 ipse, vel pater ejus, ac progenitores, in mino-  
 rum gentium mimicas *Deorum* statuas, ac  
 Numinum formas e mentitis, incurrisset im-  
 punè. Sed nimirum, *Cælo bellum inferre*, *Gigan-*  
*tum*, ac *Stultorum esse*, non *Regum*, opus; nondum  
 hic infelix intelligebat. Unde *serulis* erat, ac  
 poenīs, erudiendus. Inter quæ tamen eum,  
 dum is in supplicia pleniora maturesceret,

V

lasci-

Ruina Sennacheribis

lascivire Deus Ter Optimus Maximus permittit; nec Deos pensi, nec homines, habentem. Cum venisset igitur in campos Jerichuntis rex *Assyrius*; cuius exercitum ægerrimè planities illa, locaque finitima, capiebant: purpuratorum suorum habitò consiliò, copias divisit. Ac partem quidem earum, per Samaritici regni fines circumductam, misit, ad Philistææ regionis maritimas urbes, ac munitiones, occupandas; ex quibus *Ezechia* præsidia deicerentur. Omnis enim, (utì superiùs expressum est) Philistinorum, ad *mare Magnum*, regio, Gazam usque, sub *Ezechia* potestatem, belli victoriæq; jure, jam antè concesserat. Eâ sub ditionem redactâ suam; videbat *Assyrius*, obsistente sibi nemine, proniorem futuram, in *Aegyptum*, expeditionem: eâque cum primis viâ se Regis illius, ad *Ezechiam*, auxilia, vel deterriturum ostentatione victoriarum; vel, ad arma collisîs armis, prohibiturum & *Aegypti* penetrandæ facultatem inventurum. Cum his igitur copiis, *Tharthânus* misit; exercitatum belli Ducem, sibique cum primis fidum. Isque Philistæas urbes, & inter eas, omnium primam, *Azótum*, regi suo subjugabat. At dimidium exercitûs alterum,

Rex

Ruina Sennacheribi.



Rex *Sennacheribus* ipse ducebat; ac per omnē circumquaque *Judææ* tractum, & *Benjaminis* terram, deprædator agrorum, & oppidorum expugnator, ac direptor, secum raptabat: certus, ut primū potitus minorum nominum urbibus atque castellis esset; armorum vim universam *Ierosolymis*, tanquam procellosam quandam tempestatem, superinfundere. Verū hæc tentabat tunc potius rex *Assyrius*; quā revera, sub unum statim idēq; tempus, perficiebat. Urbes enim & oppida *Judææ* permulta tunc erant; & ad resistendum, validissimo licet hostium exercitui, nec ab operibus ac situ, nec à propugnatoribus, imparata. Totus nihilominus erat, in *Judæa*, sub ditionem suam redigendā, *Sennacheribus*. (g) Neque tamen sibi suisque defuit interim *Ezechias*; hōc *Assyriorum*, tam hostilī, conatu sibi nuntiātō: sed primū omnium ea, quæ iam superiūs memoravi, tolerandi barbarici belli præsidia; murorum instaurationem; armorum apparatus; & copiarum suarum, ac populi suburbani, conductionem, intrā mœnia *Ierosolymorum*, supremā munitionibus impositā manu, perfecit. (h) Fontium item, ac rivorum, intrā *Ierosolymam* per canales

V 2

abdi-

Ruina Sennacheribi.



abditos immissorum, capita suburbana, plenissimâ tunc obturatione clausa, barbaris ad usum, in perpetuum, interceptit. Neque contentus *rebus*, ad obsidionem sine damno tolerandam præparatis: etiam *verborum* adjecit hortamenta; suæque, quâ Deo niteretur, fiducia *tempestivam*, nec tamen arrogantem ostentationem: collectis in platea Jerosolymorum amplissimâ militibus, atque civibus, è loco sublimiore, stimulos alacritatis, animosque, subjiciens. Ne paverent, neu' repugnandi mentem demitterent, in eo rerum impendentium articulò. Meminissent antecedentium mundi temporum; ac priscarum Israëliti populi, de barbaris, palmarum: quas reportavissent, exiguâ sepe copiarum suarum numerò; contra tremendas robore multitudines prosperrimè pugnando. Sic Abrahamum, cum exiguo sociorum agmine, cumque trecentis, decem & octo, vernulis, invasisse reges Orientis quatuor; cum totidem eorum exercitibus, nuperrimè partâ victoriâ tumidis: eosque turbatos, disiectos, casos, ac spoliatos, ope Numini ad internecionem usque delevisse. Sic Josuam, Israëlis Ducem Vnum, cum exercitu non plus Uno supra triginta Chananaeorum reges, cum totidem eorum castris & exercitibus, tractu temporis ex-

Ruina Sennacheribi,

gu

quò, fudisse, trucidâsse, profligavisse. Sic postea, Gedeonem, virum Unum, ab horreis, ac tritici ventilatione, contra Madianitas eductum; trecentis manipularibus, ac pari numerò fictilium laterarum, tubarumque, sine gladio suo, solis ipsorummet hostium gladiis, innumerabiles hostes occidisse. Quòd siqui tamen etiamnum obstendorum paucitatem, & eorum è diverso, qui Ierosolymam obsessuri forent, immensam multitudinem, in trepidationis causam arriperent: numquid oblitos eos esse cœlestis illius Sententia, quæ olim pronuntiârit; Non humano robore, militumque numerò, bella, sed causâ, Deoq; propugnatore, consistere? Num immemores se promissionis Davidicæ: quâ pollicitus vir ille Iovinus, ore Dei, sit; Brachia peccatorum contritum iri (i); quippe, carne constantia, propterque fragilia: Deo verò fidentium, ut arcus æneus, ita lacertos fore firmos? (k) Numquid excidisse memoriâ, vatis Elisæi casum: quem, undique conclusum, cum Syri quondam obsiderent, nec effugii facultatem humanam ullam ei relinquerent; scirent, nec ipsum animo propterea condidisse, neq; trepidare famulum suum, passum esse: Im ei monte, curruum & equorum igneo, am refertissimò, demonstratò, diceret: Multos

V 3

qui-

Ruina Sennacheribi.



quidem adversum se, Syros; at longè plures, pro se, contra Syros, in armis esse. Contra se, mortales hostes; pro sui verò tutelâ, cœlestes propugnatores, consistere. Quam vos (inquit Ezechias) Elisei vocem, nunc & vestram facite; sic apud animum quisque suum reputando: Numerus Assyriorum validus, & innumerus, est: validior autem, & innumerabilior, Angelorum. Et super hæc omnia, Deus, (cujus hostis est Assyrius) amicus nobis; auxiliorum omnium instar, & compendiorum, erit. Hîs Ezechias, aliisque talibus, sobriæ confidentiæ plenîs, verbis, quantum concionem auribus, tantum animis, arrectam, dimittebat: eloquentiâ sacrâ fortiùs, quàm armis, adversus belli dubia, confirmatam. Quoniam tamen, inter hæc, urbes eas & oppida, quorum incolæ, propter multitudinem, intrâ Jerosolymorum pomoeria recipere nequissent, ab Assyrio malis omnibus, intelligebat, affligi cœpta; vel ad incitas, aut ad opis desperationem, aut denique (quod istorum utroque detestabilius futurum esset) ad defectionem à lege Mosis, ad Sacra barbarica, compulsus iri: cuncta sibi priùs Rex optimus, quàm armis, experiri, consultum, & populare, fore ratus; redimendam esse sibi gen-



tis suæ vexationem , urbîsque regiæ securi-  
 ratem, quantâvis, etiam auctoritatis propriæ,  
 jacturâ, constituit. Quanquam igitur ità, tam  
 animîs, quàm armîs, ad excipiendum hostem,  
 præparatus esset; ut non haberet, unde ma-  
 gnopere vires *Assyriorum* expavesceret: quò  
 tamen, omnia fecisse priùs, quàm temerè bel-  
 lârè, verè dici posset; legatos ad *Sennacheri-*  
*bum* expedit: rupti nuper obsequii, detre-  
 ctatque vectigalis annui, suîs verbîs, depreca-  
 tores. In *Assyrii* deinceps auctoritate, *Judæa* re-  
 gem, & cum fide, perstiturum; &, quòd fidem infre-  
 gisset, mulctam nummariam, quantamcunq; rex  
 major regi clienti censuisset infligendam, sine mo-  
 rà depensurum. Tantummodo, bonâ fide se rever-  
 ti sineret ad priscum obsequium: &, quam movere  
 cœpisset adversùs *Judæam*, ac *Ferosolymam*, ar-  
 morum vim, & potentiam; eam deinceps, in pi-  
 gnus restitutæ pacis, abstineret, & abduceret. Non  
 invitus audivit hæc oratorum promissa rex  
*Assyrius*: &, quòd sibi supplicem dejectûmq;  
 cernere regem *Judaum* videretur; &, quòd, ul-  
 trò sibi, videret, offerri partem opum illarum,  
 quarum ipse nihil secius, paullò pòst, residu-  
 um universum per vim esset ablaturus. Id  
 enim, à principio jam expeditionis suæ, desti-

V 4

natum

Ruina Sennacheribi.

natum animô, spe, (sicut autumabat), certissimâ devorârat. Ergo, quod petebatur, *sine magnâ morâ*, sed *non sine magno dolo*, concedit; magnificoque verborum ambitu, quô suam absenti *Judeo regi* demētiam, tentatâmq; rebellionem, exprobat, legatis dat *verbosam pacem; defectionis fictam veniam; discessûs è Judæa, Punica promissa*: sed hæc tamen ipsa, quârumvis falsa, non nisi *sub ingentis mulctæ*, continuò repræsentandæ, *conditione*, durissimâq; lege. Nam *argenti* trecenta sibi *talenta* solvi jubet: *auri*, triginta. Quam summam si quis ad caput revocare voluerit; ingentem, & arctis tunc *Judæa* rebus intolerabilem, deprehendet. Cûm enim *Talentum argenteum*, ponderis *Hebraei* siclorum ejusdem metalli, *tria millia* contineret; *aureum* autem, *millia totidem* siclorum aureorum: sicli quidem *argentei* singuli, quaternos pendebant Regales Hispanicos, Juliosve Romanos: *aurei* verò sicli, nostratis pecuniæ quaternos aureos. Quo fit; ut ex *trecentis* argenti, *trigintâq;* talentis auri, siclorum utriusque generis immensam, reguloque *Judæo*, (nondum tunc ditissimo) prægravem, assurrexisse numerum acervumque, necesse sit. At rex barbarus, acceptâ tantâ

Ruina Sennacheribi;

tantâ pecuniâ, quam Ezechias, ad ultima red-  
actus, non è sacro minùs ærario, quàm pro-  
fano domesticoque, corraferat: nihilò tamen,  
vel placatior, vel abstinentior; contra datam  
*Judaïs* fidem, perrexit, hostiliter omnia vasta-  
re, rapere, circumfidere. Nec enim *pacis ani-*  
*imum* illis, sed *verba tantum, dedisse* se, gloria-  
batur.

III. Insolentiam autem ejus extollebant,  
rerum, in *Palestinis*, & ad *Aegyptum*, principiò  
præsertim expeditionis illius, læti statim pro-  
gressus, ac rumores. Jam enim, primùm o-  
mnium, nihil ad mare Phoenicium hostile  
post se, vel bellò non edomitum, *Tharthânus*,  
copiarum illius in Aegyptum ductor, reli-  
querat. Occupatis enim, Anthédone, Rhino-  
corúris, & Ostracinâ; per Casiotidem terram,  
secundùm lacum Sirbonidem, penetrârat  
in Aegypti primos fines. Rectâ deinde *Pelu-*  
*sium* aggressus: operibus illud, & ingentibus  
aggerum exstructionibus; tum præterea totis  
castris suis, instituit circumcludere. *Pelusium*  
porrò, quod sæculis posterioribus *Tamiatis*, &  
*Damiata*; *Caphior* item, & *Helviopolis*; ac novis-  
simè, *Belbâis* etiam, appellatum est: urbs fuit,  
ad *Ostium* Nili fluminis *Primum*, quod ad Sq-

V 5

lis ost

Ruina Sennacheribi.



lis ortum vergit: &, Aegyptum è Palæstina petentibus, omnium primum occurrens, ab urbis ejus appellatione nomen suum hausit. (l) *Aegypti-Robur* Ezechieli vati (m); Suidæ verò, *Clavis* ejusdem Regni, dicitur: aliis denique, *Limes*, quo principium Africæ determinatur ab Asia, Solem occiduum spectante. Quo titulô proinde, *Clastrum* etiam, & *Fauces*, atque *Porta*, tum Aegypti, tum totius Africæ, rectè *Pelusium* nominari possit. Et hîc occupatô, regionum illarum quasi vestibulô; minori mole, non in *Aegyptum* modò, sed in *Libyam* etiam *Aethiopiã*q, miles externus victor, irrupturus erat. Id igitur spectans *Sennacheribus*; vi summâ, suis auspiciis, ac *Tharthani*, Legati sui, copiis, expugnare *Pelusium* festinabat. Nec tandem defuit industria, successus suus. Perruptis enim (quod & inferius dicitur) ab Assyrio, post operosum obsidium, claustris illis; ostiôque Pelusiaco transmissô: penetratum in Aegyptum est; & cum Aegyptio rege, diversis locis, aliquoties collata signa, secundaque facta prælia sunt, à *Tharthano*. Nam id dubitare, nec Divus Hieronymus, aliique, super Isaiam, commentatores, sinunt: nec Isaias ipse; clades, & captivitates, Aegy-

Ruina Sennacheribi.

Aegyptiis & Aethiopibus (qui suppetias tandem Aegyptio regi ferre conati sunt) è Numinis ore minitatus. Eas autem minas eventis suis expletas fuisse; nemo prudens *vaticiniorum* ejuscemodi, (*quoties absoluta, sinéque conditione sunt*) æstimator, in controversiam deducet. (n) *Aegyptiis* porrò, non modò prima belli fortuna parùm propitia, posteaque, cladibus aliis super alias, calamitosior extitit; cùm adhuc auxiliis exteris ac socialibus carerent: sed nec in posterum, *Aethiopum* armis adjuvari coepta, magis se benevolam exhibuit. Causa; tum *Dei furor*, super illa se regna, sicut ipse decreverat, & ipsa meruerant, exoneraturus: tum præterea (siqua fides Herodoto) gentis Aegyptiæ perfidus in Regem suum, & in obsequia militaria contumax, animus: ideòque victoriarum hostilium *promotor* potiùs, quàm *propulsator*; quia suimet regis, viscerumque regni, *proditor*. Cujus rei causam ex eodem, quem modò nominavimus, Halicarnasséo gestorum conditore, delibare libet: quæ talis est. Erat, eâ tempestate, Rex Aegypti, *Sethon*, Sabaco successus, & Anyfi, regibus Aegyptiis: quorum prior tamen, Aethiops, Aegypti regnum quinquaginta

Ruina Scanacheribi.

ginta, fertur, annis tenuisse; postea verò, nemine depellente, libens, volensque, suos Aethiopas repetivisse. *Posterior* verò, cui natale solum *Anysis* urbs fuit (unde nomen quoque suum traxit) *cacus* cum esset, & bene tamen Aegyptios, qui plus cæteris sibi gentibus videre videbantur, regeret; Aegyptum cum ingentibus copiis occupanti *Sabaco*, regnum cessit: &, in palustria latibula, fugæ celeritate, substractus, ibi vitam *inglorius quidem, sed tamen ignoratus* subseffori suo, proptereaq; tutus, egit. In Aethiopiam autem demum regresso *Sabaco*; mirificò Fortunæ lusu, tantò post, *Successoris sui* denuò factus est *Successor*, *Anysis* rex: imperiùmque priscum, etsi *luminum* adhuc orbis; mentis tamen ingentì *perspicacitate*, rexit: neque minore suorum gratiâ favoréque; quippe, quos liberalitate non inferiore, quàm ante se *Sabacus* fecerat, sibi devinciret. Huic autem, fatis functo, *Setbon*, quem dixi, subrogatus est; *Vulcani Sacerdotiò* supersticiosæ genti venerabilis: quod *sacerdotiùm*, is etiam unà cum regno postea, *diademati* sociatìs *infulis*, obire perseveravit. (o) Ingressus porrò regni, tam latè patentis, administrationem *Setbon*; hominum illorum ingeniò,



geniô, qui, de *minore* potentiâ repenti, præterque spem, ac natalium suorum sortem, ad *supremam* evadunt : despiciere gentem eam ipsam coepit, à qua sublevatus in altum fuerat. Præcipuè verò, *bellicosissimum* quemque contemnere, *quorum tamen, non ira minus, ac studia, quàm arma, formidanda fuerant*, instituit. Et, quasi non majus illi negotium cum *hostibus* aliquando futurum esset, in *acie*; quàm cum *hostiis* ei victimis que fuisset, sub *cultris* ad Aras: ità milites, tum, ut inutiles sibi, palàm fastidiebat; tum etiam, honoribus immixtos, inglorios ætatem agere compellebat. Ne verò, saltem opibus aliquando *fortunisque* sublatis, spiritus adversum se militares resumere possent, & erigere : paullatim agris etiam (quos illi *duodenos* viritim, à regibus antecessoribus, acceperant) eorumque priscis possessionibus, illos extrudebat. Demens, &, cui venisset in oblivionem; *Periculosè crabrones irritari : nec ullum esse regnum firmum diuturnumque posse; quod nec armis septum, nec armatorum benevolentia munitum, esset*. Certè quidem abalienavit hanc, & arrogantiam, Sethon, & avaritiæ turpitudine, pleramque Regni sui multitudinem : sed inprimis, omne *militare*  
nomen,

Ruina Sennacheribi.

nomen. (p) Factum est igitur; ut, irrumpentibus paullò post *Sennacheribi* copiis in Aegyptum, ac *Pelusium* machinis verberante, finitimæque loca populationibus evastante, Tharthanò Duce; *Sethonem*, tantis his malis occursurum, in arma nemo, natus armis, sequeretur: sed vix exiguus cauponum, institorum, operarumque, manu victum quotidianum exercentium, manipulus: imbellis, praterea, deq; foro deductæ, plebeculæ turba, belli magis umbra, quam corpus, in expeditionem iret. (q) Quare fiebat; ut præliò justò diu, vel nullo concurreretur; vel nullo non *Sethon* succumberet. *Affyrriorum* enim etiam aspectus solus, tanquam leonibus cervos ac lepores territantibus, ita timidos ac trementes *Aegyptiorum* pedes, in fugam avertebat. *Sethonem* igitur, in has, quas memoravi, redactum angustias; quidnam, post omnia toties incassum per suos tentata, consilii speique melioris caperet; anceps cura distringebat. Et *Herodotus* quidem, Ab *Aegyptio* cuncto milite destitutum illum, plorasse, refert, ac lamentatum: Deinde, quasi *Mars* etiam, *Minervæ*que, bellorum præsides ab illis tunc sæculis habiti, pariter eum execrarentur, & odissent: ad Deum confugisse suum, (haud dubiè,

Ruina Sennacheribi.



biè, *Vulcanum* ) quippe , cujus is & Pontifex erat; & in sacrario palatino dedicatam statuatam habebat. (r) *Vulcanum* autem, secundum quietem, ei semet offerentem; ad urgenda coepta, denuòque belli tentandam aleam, *felicitè* adhortatum esse. Nam, sub hæc, continuo Pelusii solutam ab Assyriis obsidionem fuisse. Quod tamen nos universum, cujufmodi sit, & quàm veritati consentaneum; inferius, suo locò, discutiemus. Interim autè, *historiâ profanâ cunctâ certior, biblici scriptoris auctoritas*; dubitare nos non finit, de *Tharaca*, remotiorum *Æthiopum* Rege: copias in Ægyptû, adversus Assyrium, movente. (s) Quas Æthiopix copias, dum Assyrios hinc quidem vexant, & aduersum seipsas laceffunt; inde verò, nonnihilò regis Ægyptiorum à cervicibus eos divertunt: conjectura non improbabilis suadet, etiam à *Setbone* fuisse, si minùs stipendiò, precariò saltem, evocatas. Tametsi sanè, nec *Æthiops*, Ægyptio conjunctus, adversus *Tharthanum*, ac *Sennacheribum*, quidquã promoverit: DEO ( quod acta sequentia docebunt ) non Assyriæ-Victores, Æthiops, sed Iræ suæ *Victimas*, destinante.

IV. Prosperis igitur, uti dicere coeperamus,

Ruina Sennacheribi.



mus, Aegyptiaci belli, per *Tharthanum*, initiis, auctâ plurimum insolentiâ, sibi cæteroquin antè jam insitâ, *Sennacheribus*; volvere secum instituit: quonam modo, nec *Judaam*, sine plena victoriâ, dimitteret (utpote, cujus oppida munitiora, tunc vel maximè, premere perseverabat, ac, seu vi, seu pactis, occupabat,) & interim tamen *Jerosolymam* quoque, cujus incursus & obsidio longè maximum erat militem requisitura; sine magnâ temporis ac belli mole, citràque suorum sanguinem & cladem, redigeret in potestatem. Tandem igitur ei placuit, & ut *presidenti*, nihil negatum iri suis, nec iniquis quidem, postulatis; &, ut *Superbo*, regiæ civitatis spontaneam deditio- nem *verbis regis* imperare. Quod ut *Ezechie*, civiumque, grandiore terrore perficeret: cum *manu validâ*, comitatûque magnifico, quò magis *Affyriacam*, tam majestatem, quàm potentiam ac vires, ostentaret; *tres* è purpuratorum suorum numero *legatos*, & in his ferocissimum, sibique Deorum hominûmque contemptu simillimum, *Rabsacen*, *Jerosolymam* expedit: adjunctis ei *Rapsari*, *Tharthano*que quodam; qui *Tharthano*, bellum in Aegypto gerenti, cognominis erat. His mandat, quæ dici

Ruina Sennacheribæ.

dici *Judeo-regi* , quæque civibus *Jerosolymitis*, velit: ipseque tantisper, *Lachis* urbis, (quæ *Lobnam* inter, ac *Ramatham*, mediò ferè situ jacebat, ad Australe latus vergens) mœnibus imminens; castris eam circumfidere, munitio- nibusque, pergebat. *Rabsaces* igitur, cum suis, *Jerosolymam* profectus; quanquam eam ingre- di, situmque, cum multitudine defensorum urbis, eadem simul operâ tacitus explorare, (t) gestiret: clausam sibi tamen, metu mul- titudinis comitum ejus, invenit. Quod pro- ximum igitur erat: ad *Aqueductum Piscina- superioris* ( quæ tunc erat in via campi, quo pannos eluere *fullones*, & ad Solem siccandos suspendere, consuêrant, Austrum versùs (u), extra mœnia, quæ *Sionem*-montem, ac *Re- giam*, cingebant) *Assyrii* substiterunt. Indè Regem *Ezechiam* ad colloquium, super sum- ma rerum, bellique rationibus, evocant. At ille suam legatis *Assyriis* præsentiam commit- ere detrectavit: partim, quòd tantæ barba- rorum multitudini, quæ parvi fidem ac fœ- dera faceret, parùm crederet; partim, quòd id minùs è sui gradùs dignitate futurum intelli- geret, nuntiorum, se citantium, arbitriò, Regem a auribus oculisque populi sibi subjeeti sta-

X

16:

R. 1111. Sennacheribi.



re : mandatâque mancipiorum Principis Assyrii, *Davidica stirpis* Principem coràm accipere. Ne tamen eorum aspernari postulatum videretur : ad tres *Legationis* illius primores, totidem, visum est, è primoribus *Ierosolymitis* ablegare. Progrediuntur igitur ad eos, reducis mox à tergo portis, *Eliacimus* (x), domus regiae procurator; idemque (quod crediderit quidam) sacrae quoque pecuniae questor in Templo Salomonæo : (y) *Sobna*, Legis peritus; quod litteratorum genus, Hebræi sermonis consuetudo *Scribas* appellat : & *Ioaheus*, Asaphi filius, ab Arcanis, commentariisque regiis, quem noster hodie loquendi mos, à Cancellis, nominaret. Hos, ad portam euntes, ac postea digressos urbe, civium (ut in talibus rerum motibus fieri consuevit) ingens à tergo subsecuta multitudo ; summa moenium, ac tures, & pinnacula, *Colloqui* loco viciniora, confertim occuparat : permittente quidem id humanissimò Regum, *Ezechiâ*, postquam concursus hic ei renunciatus est disertis tamen verbis, per destinatos, eodem submissos, imperante ; Satis ut haberent, audire speculari, de cætero, nemo se legatorum verbis, interrogatisve, reciproco sermone, misceret, aut inter-

pone-

Ruina Sennacheribi.



poneret. Postquam porro ventum ad congressum est; priores Assyrii sermonē exorsi sunt: & eorum audacissimus, Rabfaces; *Quoniam mutuum, inquit, orationis nostrae commercium, quod in rem tamen illius magis, quam nostram, futurū fuerat, aspernatus est Ezechias vester* (his ipsis enim est usus verbis Rabfaces; Regis eum appellatione, fastu barbaricō, dedignatus: ut & Darius postea Codomannus Perses, Alexandrum, Macedonum regem) *haec sunt, quae, Sennacheribi Regis Assyriorum, hoc est, Regis-Regum, verbis, ex nobis discat absens; dum fugit ea praesens. Permittat, ac tradat, Regi Magno, non jam, impositam nuper centum talentorum argenti, trigintaq; talentorum auri, congeriem; quam stipendii simul, ac mulctae, nomine, sicut debuit, ita pependit: sed & seipsum, & Ierosolymam, unā cum incolis ejus, universaq; reliquā Iudaē. Credat enim; haec omnia, jam dudum, non Sua, sed Magni Regis, fuisse. Primum, ex quo tempore Servus illius esse coepit; pensitatione tributorum, amissae Libertatis exuvias professus. Deinde, peccatis recentibus; quibus, etiam fiduciariā se regni Iudaici possessione, sciens, ac volens, dejecit: quando non modò vectigalis deinceps esse detestavit; sed, praeter hoc, novum sibi Dominum, Ae-*

X 2

gypti

Ruina Sennacheribi.

gypti regem, Magni Regis hostem, fœderibus, ac nummariis pactionibus, adscivit. à quo ne nunc quidem, dum clausus undiq; constrictusq; tenetur, recedere meditatur. Insanus utique, nulliusq; cordis, & consilii! si, quam cœpit, in rebellionis cogitatione perseveret. Amentes autem & vos; & quicunq; muris clauduntur istis, indigena, vel inquilini: si prava volenti, pravioraq; machinanti, Rebelli subscribitis. Nam, dicite mihi! Quibusnam vel confisi subsidiis, vel retenti Commodorum illecebris, aut insurgitis in Assyrios, aut Assyria Iudeam antefertis? Subsidiis vobis fiduciâ ista (puto) faciunt; si bene spes vestras assecutus sum. Ezechias vester; copia defensorum urbis; Aegyptii regis fœdus, & auxilia; postque cetera jam universa conclamata, Deus ille vester, cuius esse vos in tutela, persuasum habetis. Emolumenta verò, quæ vobis odium regionum externarum, vestrae contra nimis immodicam æstimationem amorèmq; subiiciunt; Terra vestratæ bonitas, atq; fertilitas, est. Hæc omnia, cuiusmodi sint; agite, percurramus. Ac primùm omnium; Ezechia quis vanior? quis promissorum facilior, fidei fluxior, fœderum inconstantior, verborum factorumq; mendacior, ac mutabilior? ut, qui, diversò quidem spei, sed uno tamen oris sui, flatu, regum

maxi-

Ruina Sennacheribi.

maximorum obsequia juret; ac mox dejeret: detre-  
 ctet; & continuò recipiat: recalcitret; ac statim de-  
 nuò supplex fiat: pœnis digna committat; & illico,  
 pœnitentiæ simulatione, muneribûsque, contuma-  
 ciam redimat: donec iterum, ad pœnitenda re-  
 vertatur; Omnium temporum, ac ventorum, ho-  
 muncio. Propugnatorum autem urbis vestra  
 si nescire nos multitudinem, aut paucitatem, arbi-  
 tramini: vehementer erratis. Nam sanè! pro-  
 ducite, siquid in vobis roboris ac virorum est; &  
 in castra nostra transeundi facultatem eis, com-  
 meatumque, præbete. Dimissis ego, de copia jumen-  
 torum nostrorum immensâ, duo largiar equo-  
 rum millia; qui, sine comparatione, plura possem.  
 Ità mibi Belus noster propitius! ità Magni Regis  
 nostri Divinitas, præsidio nunquam sit! si totidem  
 vos, de copiis vestris, infessores, quot ego, de stabu-  
 lis nostris, asturcones, suppeditare valeatis. Adeò,  
 pleniora nostra, vel sola sunt equilia; quàm uni-  
 versa vestra tecta, stabula, castra. Sed nempe; de-  
 stitutos ab his, rex Aegyptius sublevabit; & cor-  
 nu vobis cristâsq; surriget? Ille quadrigas falca-  
 tas; ille currum, & aurigarum, & equorum, e-  
 quitumque, metuentam Assyriis tempestatem, ef-  
 fundet. Miserum enimverò Martem illum! misè-  
 riorémq; Iovem, ac Tonantem! qui primum ipse

X 3

fronot

Quina Sonnackenhû,



gum, & Imperia: qua, quaeso, fronte vos, ac fiducia,  
 cum Ezechia vestro, protegi vultis ab eo; cujus  
 ipsi vos umbracula, sacratq; loca cuncta, vasta  
 fecistis, atq; deserta? Cujus Excelsa, lucos, alta-  
 ria subscribentibus vobis, Ezechias dejecit, excidit,  
 ac demolitus est; ne stirpe quidem, aut trunco; ne  
 ruderibus quidem, aut (quod minimum esset) ara-  
 rum pulvere relictò: qui pulvis monimento junio-  
 ribus esset; ubinam majores eorum victimas ali-  
 quando thurag, Deo suo succendissent? Ad unicam  
 autem, unius Aedis, aram, lege Sacrorum durissi-  
 mâ tyrannicâque, tanquam ad carcerem, & vos,  
 & hostias vestras, Numenq; suum, imperiosus Fla-  
 men, alligavit: jussitque, vel Jerosolymorum in  
 Templo, vel nusquam, rem fieri Divinam. Et  
 speret quisquam, nisi mentis imminuta vir; tot E-  
 zechie sacrilegiis, non tam exasperatam Deum  
 vestrum, quàm placatum ac deletum esse? spe-  
 retne quispiam impudens; Eum ad auxilia de-  
 scensurum mortalium illorum: quorum ipse mani-  
 bus ex omni colle frondoso, nemorêque læ-  
 tō, detractus; de Cœlo quoq; suo (si quod tamen  
 habet) timere sibi, periclitariq; coactus est: ne for-  
 tassî & indè detruderetur? Mibi credite! siquid  
 in eo Consilii, siquis Majestatis suæ sensus, adhuc  
 superest: contumeliam hanc tantam ulciscetur;  
 inque

Ruina Sennacheribi.

inque suae dignitatis violatores animadvertens, excindet excisores: & extirpatores eradicabit. lege, non tantum Majestatis, sed & Talionis, agget. Et adhuc tamen haec ita differo; tanquam divinans, aut conjiciens; Eum poenas de vobis expetiturum. Quasi verò non jam factis ipsis vindictam, & mandarit nobis; & per manus nostras exerceat? Nam certè quidem, tam per somnia frequenter, & Oraculorum haruspicumque responsa, Sennacheribus, Rex magnus noster, adversum vos impulsus est; quam nostrà, patrùmque majorumque nostrorum, memorià, Phules, Tegelath-Phalasar, ac nuperrimè Salmanasar, Assyrii Reges, incitati fuerant: quando Phœnicas, Tyrios, Samaritas, & Judæe partem, evastaverunt. Ipsi, siquid vestrum Numen est: aut, si nihil est, Deorum omnium, unanimi stimulo, reliquimus Niniven: & Judæam ac Jerosolymam aggressi sumus. Ipsi, siquid sunt, aspirantibus; si nihil sunt, Regis nostri Divinà Felicitate, tot jam in manibus nostris urbes & oppida vestra sunt. quae verò nondum sunt; propediem erunt. VIRIS, ubique virtutibus, si DI nulli sint; pro DIs, successus, & Fortuna, sunt. Coelum sanè, noster Belus-Juppiter, & Adonajus vester, occupent. Assyriorum Coelum, omnis est Mundus; cui jura dant. tanta

X 5

præter-

Ruina Sennacheribi.

Sennacheribis Ruina



præterea potentia, per utrumq; Solem diffusa, vis, ut Hebræus omnis hic, qui nunc capita de muris tollit, populus ac miles, cum universo Regni suo robore, nec infimi quidem unius, ex Imperiò nostrò, Satrapæ, minis & apparatus bellico par sit futurus. Quantò minùs ergò, Satraparum omnium Imperatori Monarchæq; Regi? Sunt igitur hæc, quæ refutavimus bucusq;, spei vestræ bellica, Magna, si DIs placet, subsidia: Princeps, aio, vester; miles, ac civis, propugnator: Pharaon, socius & protector; Deus, extremi discriminis vestri Clypeus, ac propulsator. Nunc autem, & Commoda regionis vestræ qualia sint, & quàm digna, quæ nauseam vobis Assyriæ nostræ Mediæq; creent, &, quasi voluptatum compedibus quibusdam adstrictos vos, in Iudæa detineant; per transennam saltem aspiciamus. Patebit etiam hinc: non majores fuisse pinguiorèsq; quondam causas; cur gentem vestram Deus, ut affirmatis, vester, ex Aegypto limosâ, sterilibusq; Sine solitudinibus, in Chanaanitidem evocârit: quàm, cur nunc, è Chanaanitide, migrare jubeat, in Assyriam: cùm, armorum nostrorum operâ, vos illuc transferri mandat. Ipsius enim (siquid monita Divina sunt) magis, quàm Imperatoris Assyriorum, omnis hæc est expeditio. Nostra signa sunt, & Columba (cc) vexillorum: vestri

Ruina Sennacheribi,



*fieri verò Numinis, ut antè monui, ductus est, atque Tube.*

V. Cùm autem hæc diceret *Rabsaces*, & quidem *Judaicâ*, (quam usu, studioq; longo, didicerat) linguâ; quippe, *Judeos* ad *Optimates*: populi sensim multitudo cœtusque major, supra mœnium partem illam, quæ *Legatis* exadversum opponebatur, convolans; intentiores arrigere visus est aures. Erâtque periculum, ne, prædicandis à *Rabsace* regionis *Afsyriacæ* deliciis, emollirentur audientes; ad telluris alienæ genium, natalis soli commodis anteferendum. Periculum quoque: ne *Deus*, à *Rabsace* migrationis auctor & impulsor jactatus, falsò sine dubiò; complurium tamen malè-credulorum mentes, tanquam indubitabili veritate, permoveret. Visus est igitur, interrumpendus iste, *Declamatori* propior, quàm *Legato*, sermo: ne cum pernicie serperet, ad quos, non expediret. *Eliacimus* itaque, de sententia quoque comitum duorum; *Rogamus*, inquit, *Domine*, *nos tui*, *Magnique Regis*, ad omnia licita, *mini-istri*. *Libeat tibi*; quæ supersunt, *Syrò sermone*, (qui tibi sine controuersia, tam familiaris, quàm vobis non ignotus, est) *prosequi*; ne de *Judaico*,  
quo

Ruina Sennacheribi.

HERCULES

gum, & Imperia: qua, quæso, fronte vos, ac fiducia, cum Ezechia vestro, protegi vultis ab eo; cuius ipsi vos umbracula, sacratâq, loca cuncta, vasta fecistis, atq, deserta? Cujus Excelsa, lucos, altaria, subscribentibus vobis, Ezechias dejecit, excidit, ac demolitus est; ne stirpe quidem, aut trunco; ne ruderibus quidem, aut (quod minimum esset) ararum pulvere relicto: qui pulvis monumento junioribus esset; ubinam majores eorum victimas aliquando thurâq, Deo suo succendissent? Ad unicam autem, unius Aedis, aram, lege Sacrorum durissimâ tyrannicâque, tanquam ad carcerem, & vos, & hostias vestras, Numenq, suum, imperiosus Flamen, alligavit: jussitque, vel Jerosolymorum in Templo, vel nusquam, rem fieri Divinam. Et speret quisquam, nisi mentis imminuta vir; tot Ezechie sacrilegiis, non tam exasperatam Deum vestrum, quàm placatum ac delevitum esse? speretne quispiam impudens; Eum ad auxilia descensurum mortalium illorum: quorum ipse manibus ex omni colle frondoso, nemorêque lætô, detractus; de Cœlo quoq, suo (si quod tamen habet) timere sibi, perichitariq, coactus est: ne fortassis & indè detruderetur? Mibi credite! siquid in eo Consilii, siquis Majestatis suæ sensus, adhuc superest: contumeliam hanc tantam ulciscetur; inque

Ruina Sennacheribi.



inque sue dignitatis violatores animadvertens,  
 excindet excisores: & extirpatores eradicabit. le-  
 ge, non tantum Majestatis, sed & Talionis, a-  
 get. Et adhuc tamen hæc ita dissero; tanquam  
 divinans, aut conjiciens; Eum poenas de vobis  
 expetiturum. Quasi verò non jam factis ipsis  
 vindictam, & mandarit nobis; & per manus no-  
 stras exercent? Nam certè quidem, tam per so-  
 mnia frequenter, & Oraculorum haruspiciūq; re-  
 sponsa, Sennacheribus, Rex magnus noster, adver-  
 sum vos impulsus est; quàm nostrà, patrūque  
 majorūque nostrorum, memorià, Phules, Tbeg-  
 latb-Phalasar, ac nuperrimè Salmanasar, Assyrii  
 Reges, incitati fuerant: quando Phœnicas, Tyrios,  
 Samaritas, & Judæa partem, evastaverunt. I-  
 psius, siquid vestrum Numen est: aut, si nihil est,  
 Deorum omnium, unanimi stimulo, reliquimus  
 Niniven: & Judæam ac Jerosolymam aggressi su-  
 mus. Ipsis, siquid sunt, aspirantibus; si nihil sunt,  
 Regis nostri Divinà Felicitate, tot jam in mani-  
 bus nostris urbes & oppida vestra sunt. quæ verò  
 nondum sunt; propediem erunt. VIRIS, ubiq; vi-  
 ctoribus, si DI nulli sint; pro DIs, successus, & For-  
 tuna, sunt. Coelum sanè, noster Belus-Juppiter,  
 & Adonajus vester, occupent. Assyriorum Cœ-  
 lum, omnis est Mundus; cui jura dant. tanta

X 5

præter-

Ruina Sennacheribi.



gum, & Imperia: qua, quaso, fronte vos, ac fiducia,  
 cum Ezechia vestro, protegi vultis ab eo; cujus  
 ipsi vos umbracula, sacrataq, loca cuncta, vasta  
 fecistis, atq, deserta? Cujus Excelsa, lucos, alta-  
 ria subscribentibus vobis, Ezechias dejecit, excidit,  
 ac demolitus est; ne stirpe quidem, aut trunco; ne  
 ruderibus quidem, aut (quod minimum esset) ara-  
 rum pulvere relicto: qui pulvis monumento junio-  
 ribus esset; ubinam majores eorum victimas ali-  
 quando thuraq, Deo suo succendissent? Ad unicam  
 autem, unius Aedis, aram, lege Sacrorum durissi-  
 ma tyrannicaque, tanquam ad carcerem, & vos,  
 & hostias vestras, Numenq, suum, imperiosus Fla-  
 men, alligavit: jussitque, vel Jerosolymorum in  
 Templo, vel nusquam, rem fieri Divinam. Et  
 speret quisquam, nisi mentis imminuta vir; tot E-  
 zechie sacrilegiis, non tam exasperatam Deum  
 vestrum, quam placatum ac delectum esse? spe-  
 retne quispiam impudens; Eum ad auxilia de-  
 scensurum mortalium illorum: quorum ipse mani-  
 bus ex omni colle frondoso, nemoreque læ-  
 tō, detractus; de Coelo quoq, suo (si quod tamen  
 habet) timere sibi, periclitariq, coactus est: ne for-  
 tassis & inde detruderetur? Mibi credite! siquid  
 in eo Consilii, siquis Majestatis sue sensus, adhuc  
 superest: contumeliam hanc tantam ulciscetur;  
 inque

Ruina Sennacheribi.

inque sue dignitatis violatores animadvertens, excindet excisores: & extirpatores eradicabit. lege, non tantum Majestatis, sed & Talionis, agget. Et adhuc tamen hac ita differo; tanquam divinans, aut conjiciens; Eum poenas de vobis expetiturum. Quasi verò non jam factis ipsis vindictam, & mandarit nobis; & per manus nostras exerceat? Nam certè quidem, tam per somnia frequenter, & Oraculorum haruspicumque responsa, Sennacheribus, Rex magnus noster, adversum vos impulsus est; quàm nostrà, patrumque majorumque nostrorum, memorià, Pbules, Tbeglatb-Phalasar, ac nuperrimè Salmanasar, Assyrii Reges, iucitati fuerant: quando Phœnicas, Tyrios, Samaritas, & Judæa partem, evastaverunt. Ipsi, siquid vestrum Numen est: aut, si nihil est, Deorum omnium, unanimi stimulo, reliquimus Niniven: & Judæam ac Jerosolymam aggressi sumus. Ipsi, siquid sunt, aspirantibus; si nihil sunt, Regis nostri Divinà Felicitate, tot jam in manibus nostris urbes & oppida vestra sunt. quæ verò nondum sunt; propediem erunt. VIRIS, ubiq; victoribus, si DI nulli sint; pro DIs, successus, & Fortuna, sunt. Coelum sanè, noster Belus-Juppiter, & Adonajus vester, occupent. Assyriorum-Cœlum, omnis est Mundus; cui jura dant. tanta

X 5

prater-

Ruina Sennacheribi.



subomet à cœlo, regnòque, depellere belli nubem non  
 sufficiat; quâ premitur à Thartano, copiisq; no-  
 stris. Quis autem unquam erexit alium; qui suâ-  
 met in strage jacet? Deinde, ne sit jam Sethon;  
 ne Cecus, ante Sethonem; ne Sabâcus Aethiops,  
 gentis Aegyptia supremum culmen. Sesâcos nobis,  
 & Bôcchores, ac Psammos, & Osorchos, (2) &  
 illa, quantò vetustiora, tantò potentiora, Pharao-  
 num nomina, pro vobis, si vultis, ex inferis revo-  
 cate. Docebunt vos, universorum temporum Ae-  
 gyptiorum litterata monimenta; captâ de fœdera-  
 tis pecuniâ, semper largè promississe reges illos:  
 prestitisse, vel nihil, vel exiguum. Frequenter e-  
 tiam; à simulatione fœderum, repentè conversos in  
 hostilitatem, evertisse reperietis, quos, erecturos  
 sese, venditârant. Nimirum, sui fluminis, jam o-  
 lim, Arundines sunt, Pharaones omnes. His, in  
 ripa Nilotica sese, baculorum ac scipionum in spe-  
 ciem, erigentibus; & repentinò, vel ventò, vel ta-  
 ctu, diffringi solitis: quisquis, ambulatione fessus,  
 ad respirationem incumbere tentârit: is nugas a-  
 get, & casûs sui ludos exhibebit. Nam, quæ soli-  
 da videbatur, ac statura; primò statim ponderis  
 sensu canna disiliet: invitentemq; sibi manum,  
 arundinis fracta subintrantes aculei perforabunt.  
 Viator autem, saucius, ac gemens, aliò se, deceptâ  
 spe,

Ruina Sennacheribi.



spe, convertet. Tales Aegyptiorum Reguli sunt, ac Dynastæ. (Aa) Fatigatis bello, vel servitute, vicinis nationibus; suppetias, ac levamen, ostendant. Aurum accipiunt; & auxilia promittunt. Tandem autem, & mittunt; quod ipsum tamen nondum Setbon fecit. Sesacus, & alii, fecerunt. hodieque faciant, si viri, si fidi fœderatis sunt, exopto. Sed sanè (quod, direptione sui, Roboamus vester expertus est) in sinum ac gremium accepti regnorum; & in fœderum societatem cœempti: fœdera juramentaq; rumpunt: opum reliquias exhauriunt, asportantq;: regna nuda, reges spoliatos, omnes denique bonis omnibus everfos, in luctu squalorēq; destituunt. Et quisquam posthac Aegyptum, asylum; & illius auxilia, Salutem arbitretur: nisi, cui clades, victoria sunt; & perniciēs, rerum instaurationis? Verū, nimis hæc multa sunt, super Aegypto: nec erat opus oratione tam diffusâ, contra spes exterarum illas; quas vel cæci vestri vident, nullas unquam fuisse, vel, in ventum difflatas. At ADONAIUS (bb) vobis, hoc est, DEUS ille vester, ad opem, adversus Assyriorum vires, expediendâ, reliquus & sufficiens est. Primū, si concedamus (quod postea tamen videbimus) aliquid, humanas ultra vires ac Solia, vestrum esse Numen; & illo nolente, frustra niti Maximorum sceptrum Regum,

X 4

Ruina Sennacheribi.

gum,

gum, & Imperia: qua, quaso, fronte vos, ac fiducia, cum Ezechia vestro, protegi vultis ab eo; cujus ipsi vos umbracula, sacrataq, loca cuncta, vasta fecistis, atq, deserta? Cujus Excelsa, lucos, altaria subscribentibus vobis, Ezechias dejecit, excidit, ac demolitus est; ne stirpe quidem, aut trunco; ne ruderibus quidem, aut (quod minimum esset) ararum pulvere relicto: qui pulvis monumento junioribus esset; ubinam majores eorum victimas aliquando thuraq, Deo suo succendissent? Ad unicam autem, unius Aedis, aram, lege Sacrorum durissimâ tyrannicâque, tanquam ad carcerem, & vos, & hostias vestras, Numenq, suum, imperiosus Flamen, alligavit: jussitque, vel Jerosolymorum in Templo, vel nusquam, rem fieri Divinam. Et speret quisquam, nisi mentis imminuta vir; tot Ezechia sacrilegiis, non tam exasperatam Deum vestrum, quàm placatum ac delectum esse? speretne quispiam impudens; Eum ad auxilia descensurum mortalium illorum: quorum ipse manibus ex omni colle frondoso, nemorêque lætô, detractus; de Cœlo quoq, suo (si quod tamen habet) timere sibi, periclitariq, coactus est: ne fortassis & indè detruderetur? Mihi credite! siquid in eo Consilii, siquis Majestatis suæ sensus, adhuc superest: contumeliam hanc tantam ulciscetur; inque



inque sue dignitatis violatores animadvertens, excindet excisores: & extirpatores eradicabit. lege, non tantum Majestatis, sed & Talionis, agget. Et adhuc tamen hæc ita differo; tanquam divinans, aut conjiciens; Eum pœnas de vobis expetiturum. Quasi verò non jam factis ipsis vindictam, & mandarit nobis; & per manus nostras exerceat? Nam certè quidem, tam per somnia frequenter, & Oraculorum haruspicumque responsa, Sennacheribus, Rex magnus noster, adversum vos impulsus est; quàm nostrà, patrùmque majorumque nostrorum, memorià, Phules, Tegelath-Phalasar, ac nuperrimè Salmanasar, Assyrii Reges, iocitati fuerant: quando Phœnicas, Tyrios, Samaritas, & Judæa partem, evastaverunt. Ipsi, siquid vestrum Numen est: aut, si nihil est, Deorum omnium, unanimi stimulo, reliquimus Niniven: & Judæam ac Jerosolyman aggressi sumus. Ipsi, siquid sunt, aspirantibus; si nihil sunt, Regis nostri Divinà Felicitate, tot jam in manibus nostris urbes & oppida vestra sunt. quæ verò nondum sunt; propediem erunt. VIRIS, ubiq; virtutibus, si DI nulli sint; pro DIs, successus, & Fortuna, sunt. Coelum sanè, noster Belus-Juppiter, & Adonajus vester, occupent. Assyriorum-Coelum, omnis est Mundus; cui jura dant. tanta

X 5

prater-

Ruina Sennacheribi.



præterea potentia, per utrumq; Solem diffusa, vis, ut Hebraeus omnis hic, qui nunc capita de muris tollit, populus ac miles, cum universo Regni suo robore, nec infimi quidem unius, ex Imperiò nostrò, Satrapæ, minis & apparatus bellico par sit futurus. Quantò minùs ergò, Satraparum omnium Imperatori Monarchæq; Regi? Sunt igitur hæc, quæ refutavimus bucusq;, spei vestre bellica, Magna, sicut DIs placet, subsidia: Princeps, aio, vester; miles, ac civis, propugnator: Pharaon, socius & protector; Deus, extremi discriminis vestri Clypeus, ac propulsator. Nunc autem, & Commoda regionis vestre qualia sint, & quàm digna, quæ nauseam vobis Assyriæ nostræ Mediæq; creent, &, quasi voluptatum compedibus quibusdam adstrictos vos, in Iudæa detineant; per transennam saltem aspiciamus. Patebit etiam hinc: non majores fuisse pinguiorèsq; quondam causas; cur gentem vestram Deus, ut affirmatis, vester, ex Aegypto limosâ, sterilibusq; Sine solitudinibus, in Chanaanitidem evocârit: quàm, cur nunc, è Chanaanitide, migrare jubeat, in Assyriam: cùm, armorum nostrorum operâ, vos illuc transferri mandat. Ipsius enim (siquid monita Divina sunt) magis, quàm Imperatoris Assyriorum, omnis hæc est expeditio. Nostra, signa sunt, & Columbe (cc) vexillorum: vestri

Ruina Sennacheribi,

*firi verò Numinis, ut antè monui, ductus est, atque Tuba.*

V. Cùm autem hæc diceret *Rabsaces*, & quidem *Judaicà*, (quam usu, studioq; longo, didicerat) linguâ; quippe, *Judeos* ad *Optimates*: populi sensim multitudo coetusque major, supra mœnium partem illam, quæ *Legatis* exadversum opponebatur, convolans; intentiores arrigere visus est aures. Erâtque periculum, ne, prædicandis à *Rabsace* regionis *Afsyriacæ* deliciis, emollirentur audientes; ad telluris alienæ genium, natalis soli commodis anteferendum. Periculum quoque: ne *Deus*, à *Rabsace* migrationis auctor & impulsor jactatus, falsò sine dubiò; complurium tamen malè-credulorum mentes, tanquam indubitabili veritate, permoveret. Visus est igitur, interrumpendus iste, *Declamatori* propior, quàm *Legato*, sermo: ne cum pernicie serperet, ad quos, non expediret. *Eliacimus* itaque, de sententia quoque commirum duorum; *Rogamus*, inquit, *Domine*, nos tui, *Magnique Regis*, ad omnia licita, ministrare. Libeat tibi; quæ supersunt, *Syrò* sermone, (qui tibi sine controuersia, tam familiaris, quàm vobis non ignotus, est) prosequi; ne de *Iudaico*.

quo

Ruina Sennacheribi.

Adversus Sennacheribem.



quo nunc usus es, in aures militum ac multitudinis, in mœnia confluentis, illabente; siquid asperius aliquantò jacias, è tanta viciniâ periculum, cum collegis legationis, adeas: & nos, qui prohibere non possemus, apud Magnum deinde regem, violati gentiam juris, invidiam incurramus. Nam, ne nescias, tum omne vulgus aspectu frequentia, secum sentientis, & fiduciâ loci securioris, ad opinionem contumeliarum, in ultionis impetum esse mobile, veloxque, solet: tum inprimis, Iudaicum; (dd) quoties præsertim arma secum, & hostilitatis titulum, gerit. Vnus aliquis insolentior, incitatiôrque, civis, aut miles; per furorem in vos contortò jactòque temerè jaculò, tota trahere secum bacchantium examina, parem in insaniam, queat. Quorum, quis tam subitò potentèrque deinde, sopire dementiam castigator possit; ut non priùs facinus ingens, in legatorum sacrosancta jura, consciscatur? (ee) Cui toti discrimini, sermo, quod dixi, peregrinior, minùsg, trivialis, submissiore præsertim vocis tenore missus, remedium præparabit.

In hæc Eliacimi verba, modestiæq; plena postulata, *Rabsaces*, arrogantium indole, quibus sana consilia ludibrio sunt, circumlatis ad collegas, equestrémque comitum multitudi-

Ruina Sennacherib:



tudinem (ff) oculis; *Videtis* (inquit), *quàm* pro salute nostrâ sollicitus hic, suorum etiam umbras & cadavera capiti timeat nostro? Mox deinde, nequid alienû à superbissimo suo spiritu, vir, omnium aliorum contemptor, ageret: idipsum, quod dissuasum erat, omni studiô versurus in contrarium; ab internuntiis, quos allocutus hucusque fuerat, aversum vultum & verba, transfert ad stantem in moenibus populum: orationemque, secûs penitus, ac rogatus fuerat, *clamosissimam*, tumultuosissimamque, tanquam Plebis-Tribunus aliquis, è Curia jam, ad Quirites ac Rostra transgressus, exorditur: & ; *DI melius!* (inquit, sermone denuò Iudajco) *quàm*, ut hi, quorum saluti consulturus huc accessi, pro fido benevolòque consilio, mihi spicula rependant! Cur enim è castris, missu Maximi Regis, Ierosolymam excurri? Num tui forsitan, Eliacime, tuique reguli, servandi causâ? quos equidem, propter contumaciam, nec ipsa quidem, si vel maximè velit, servare Solutus possit. Nonne legationis nostræ potiùs ista mens est, atque propositum: miserari, tanquam in castris confectas fame feras, sic, conclusos Ierosolymorum moenibus, cives & incolas? pallentes inedia; confectos macie; spiritu fatiscientes; ac, nisi

corpo

Ruina Sennacheribi.

corporum suorum purgamentis & facibus, tenuissimò pendentem adhuc stamine sustentent animulam: ante crastinum Solis occasum, vitales vobiscum reliquias exhalaturos? (†) Equidem, castrorum nostrorum comparatione, Ierosolyma, vix vicus, aut pradium est: copiaeque vestrae, nostris compositae copiis, vix pars, ac numerus, sunt. Et tamen, quae nobis abundè superest, res frumentaria, nulla vobis; spes messis autem, & in longinquum, & protritit ab exercitu segetibus, inanis est. Igitur, tam pauci licèt; necessarià tamen & inevitabili fame contabescetis. Pereundum, & vobis est, & liberis conjugibusque vestris; quod inter vos ipsi, reor, querelis taciturnis susurràtes confitemini. quod & si negaretis; res ipsa loqueretur: & exesimacie, vultus vestri faterentur. Quenam est haec igitur (proh malum!) amentia? quae vestra, viri Ierosolymita, vecordia: lactari vos, eludique, scientes prudentesque, futilibus Ezechie vestri promissis, ac declamatiunculis; quibus vobis cœlestem, nescio quam, adversus Assyrios, opem pollicetur? auribus contra surdis præterire Regum omnium maximi potentissimique, Sennacheribi nostri, fidem, obsequium, amorem? respicere dynastam vestri, clausas ad dandum, & vacuas ad auxiliandum, manus? E contrario, totius Orientis Domi-



ti, rectorisque, dexteram, promissorum fidam, gra-  
 tiaq; liberalem, aversari? Quin potius igitur id,  
 cuius ego vobis suator, Rex magnus autem, dicta-  
 tor & auctor est, agitis? Terra vestra sensum &  
 estimationem, nimis immoderatam, & illius, quæ  
 Ezechias vobis jactat, DEI fiduciam; discite sen-  
 sim, ex animis evulsam vestris, obliterare. Quod  
 enim, de Terra vestra genio, nisi nos Oratoris hu-  
 jus vestri sermo, parum tempestivus, interturbâs-  
 set, dicturus fueram: idem nunc explicatiùs ali-  
 quantò dico. Glebam vos colitis, campestem, ac  
 montanam; Melle, sicut jactare vos audio, lacte-  
 que fluitantem; frumenti divitem, ac pecoris &  
 armentorum abundantem: vinearum, ficuum, &  
 olivetorum, fertilem: quòdque vivis à fontibus,  
 fluviorumque perennibus aquis, vobis deest; id tor-  
 rentium cisternarumque frequentia suppletis. Ve-  
 ra sint hæc; ut, esse, puto! sed sanè, si quid sapi-  
 tis; & his frui pergite, quoad è re vestra, regis-  
 que Magni voluntate, fuerit: & tamen, opulentio-  
 res his, terras insidebitis, ad quas opportunò tem-  
 pore transferemini; dummodo nunc interim, Je-  
 rosolymis egressi, vosque liberòsque vestros, ac for-  
 tunas, invictissimo Sennacheribo permittatis. Post  
 hæc enim, compositis ab eo Phœnicia Syriaq; re-  
 bus, & Agypto perdomitâ; summâ, tum eius mu-  
 nificen-

Ruina Sennacheribi.



nificentia, tum voluntate vestra, transportabimini; pars in Media Bactrorumque, pars in Hyrcanorum, ac Margiana, regiones, & in Orientis opulentas provincias alias: quarum, cum vestris collata terris, bona terra, multis parasangis Persicis Chanaanitidem universam antecedunt. Perennes illic fluvii, crystalloque limpidiores unda; Choaspes, Araxes, Medus, Rhyndacus, Zioberis, Oxus, Bactrus: quorum minimo, postremoque, compositus vester iste Cedron, quid, nisi cloaca? Iordanes autem, ac Cison, toti quanti, quid nisi rivuli sunt; non fluvii? Tritici porrò messes, ne Libycis quidem Mæsanisque cedunt. Pabuli, pratorumque, luxuries, altitudine graminis atque succo, Mesopotamicis campis baud inferior; in unica Medorum, eaque spatiosissima, planitie, quam nos Hipoboton, ex ejusmodi jumentorum alimento, vocamus: prestantissimi seminis equorum millia quinquaginta continua castris nutrit, præsepibusque palatinis. (gg) Hæc eadem Media, quamvis olea baccifera (bb) vestris, quos admiramini, montibus & campis oliviferis concedat: sub Portis tamen Caspiis, humili licet concavoque loco, natura divitias universas, ac fructuum ubertatem, expandit. Et tum illic, tum alibi passim, Citriorum malorum ingentes in cælum arbores, (ii) ac

pra-

Ruina Sennacheribi.

prædensa nemora, consurgunt: foliis, laurorum æmulis, nulloque vento defluentibus; odore, succoq; pomorum medicatò; veneris inimicò; senescentis anbelitiùs fomenta. Quibus addite, Laserpitium, Cyrenaico nonnunquam præstantius; & siquando bonitate cedit, multitudine frequentiaq; defectum compensans. (kk) Taceo, Medum amnem; quicquàm meritò regioni dat omni nomen, tam copiosè præbet & Medicam, Orienti celebratam herbam: floribus ipse, pascuisque nemoribus, quidquid alluit, utrimque riparum exornans. (ll) Quid autem, quæ post Mediam ad Ortum jacet, Boreæ propiorem Bactrianam, & Hyrcaniam quoq; prædicem? terras, quæ, suismet sese deliciis opibusque celebrantes, bederà laudis alienæ non egent: pampinîs ipsæ vitibusque nativis gloriosæ: cateraque glebæ fecunditate latæ. Pomorum in Hyrcania copiam immensam, etiam arborum, quarum mellifera sunt folia, multitudo coronat (mm). ditant eandem & segetes, è granorum de culmis fortuito casu, spontaneæ; densisque messibus exsurgentes. Mel, item, ex oleis emanans (nn): vitèsque singulæ, vini singulas metretas proferre suetæ: ficeta denique, ficuum modios, ex unica stirpe sexagenos, protrudentes. (oo) De Bactrorum autem vitifera fertilitate; non equidem mentiar, quod fortas-

Y

sis

Ruina Sennacheribi.

*sis Asiatici Minores, de botris Eucárpia sua (pp) :  
 singulís illius urbis uvís singulos onerari currus :  
 Eósque, ponderis magnitudine, gementes nonnun-  
 quam, & inter vecturam confractos, sub unico  
 racemo, concidisse. Sint hæ Græciæ fabulæ ! Vos  
 autem, Hebræi, torrentem, nescio quem, ac Val-  
 lem ( ut audio ) Botri, sub Neheléscolis nomine,  
 celebratis ; quem botrum, antiquitas vestra ja-  
 ctare fertur, de vecte suspensum, duobus à ba-  
 julis esse deportatum. Nihil hic fidei derogabo ve-  
 terum. fuerit hæ Uva ! quæ, si fuit, una fuit, ac  
 fortassis & unica. Quotus enim quisque, cujus in  
 arbitrio bonæ rei delectus est, non ex omni copia  
 tollit id ; quod maximum est, ac præstantissimum ?  
 Sed Hyrcania nostra, vicinæque Margiana (qq),  
 vites passim exhibent, truncorum ac stirpium tan-  
 tã crassitie ; quantam virorum duùm occurren-  
 tia sibi mutuò, consertâq, brachia complexu meti-  
 antur : Racemos verò, duorum cubitorum  
 longitudine dependentes (rr). In hæc igitur Ori-  
 entis beata regna, vos quoque ( sicuti Samaritæ  
 nuper, & Israëlís caterum nomen ) inducemini ; co-  
 lenda, possidendâq, coloniarum, & inquilinorum,  
 lege. Quorum vos locorum, si modò vultis ipsi, si  
 Magni regis imperiis acquiescitis, & in deditio-  
 nem spontaneam venitis, esse Cives & incolæ sem-  
 piter-*

Ruina Sennacheribi,



piterni potestis. (ss) Ibi tum, qui nunc Jerosoly-  
mam, natale solum; & Assyriam, Exilium voca-  
tis: vice rerum ac nominum inversâ, Patriam  
dicetis Assyriam atq; Mediam; Jerosolymam  
verò vestram, Exilium, ac relegationem. Certè  
non, ut hic, ità Medorum in terris, fame contabes-  
cetis. Dixi, quod inter duo priore mihi locò pro-  
positum bucusq; fuerat; Cur nec in immensum  
arridere vobis Judæa vestra debeat: nec ullo  
modo displicere terra nostra. Superest, ut & fa-  
tuam vestram, quam in Deo, nescio quo, majorum  
vestrorum, defixistis fiduciam, sermone meò de-  
moliar. (tt) Agitè nunc ergo! Quis est iste tan-  
dem, quem pro summo Numine, proq; Cæli ter-  
rarumq; Rectore, colitis, ADONAIUS? Quis eum,  
vestrùm omnium, aut sensit unquam, aut contre-  
stavit; aut præsentem præsens, & alloquentem allo-  
quens, convenit? Immo, quod minimum est Deo-  
rum cum Hominibus commercii genus: quis hunc  
vidit uspiam; aut, qualî frontis orisq; specie,  
citra somnium, aut oculorum ludibrium, aspexit?  
Cum præsertim ipsi vos (ut nonnunquam, à refe-  
rentibus arcana vestra, didici) fateamini; Non  
posse cuiquam contingere mortalium, & vivere  
simul, & vidisse Numen vestrum. Tanquam  
verò conspectus Divinitatis illius, vilius emi ne-  
queat;

Y 2

Ruina Sennacheribi.

queat; quàm mortalitatis impendiò. Pretiosa, me-  
 hercule, majestas; si, quò videas, Qualis ea sit, pa-  
 cisci debeas; ut tu non sis! (u u) Quàntò civi-  
 liores igitur, & in hominem humaniores, omnes,  
 & Orientis, & Gracia, DI: Juppiter-Belus, &  
 Mars, & Saturnus, & Astarte-Venus, & Nesrócbus,  
 Magni regis nostri Deus; &, Assyriorum commu-  
 ne Numen, Semiramis; aliæq; cœlestes in terris Po-  
 testates? Quarum, Semiramis quidem, in Co-  
 lumbis saltem, se præsentem sistit. Cateri verò  
 Deorum, in auro stant, aut argento, vel ære, scitè  
 ductò; vel Pariò marmore, fabrè perpolitò; vel Ce-  
 dro denique, perennes in statuas efformatà, vene-  
 rabiles. Hos nos videmus; hos tangimus, ac  
 sentimus. horum aliquos, & olfacimus; odoratis  
 è stirpibus elaboratos. interdum autem (ne nesci-  
 atis) etiam aure percipimus; Oracula fundentes,  
 & futurorum nobis Arcana prænuntiantes. Quo-  
 rum omnium nihil vobis ADONAIUS præstat  
 vester: aut, si quid aliquando; de Cistæ cujusdam  
 inauratis, ac mendaci superstitione plenis, tabula-  
 tis, tanquam ex antrò magicò, perplexum ali-  
 quid susurrare perhibetur: ut dubium sit attoni-  
 tis; Silentione consulescentes, an Responsò, nebulosiore  
 circumvolutos, ab sese dimittat? Et hunc talem,  
 inaspectum, insensilem, incontrectabilem, ac  
 surdum,

Ruina Sennacheribi.

furdum, & elinguem, Deum Regulus vester, ac vestra fallax opinio, promittere vobis audent, adversum vires Assyrias, Opitulatorem, & asylum? At; quibus rogo de causis? An ideò; quòd Unus-unicus, uti jaclatis, Deus, Deorum multitudinem superet? an, quòd, Imaginarius ipse Ierosolymorum Juppiter, tot Vera presentissimæque terrarum orbis Numina, viribus anteiturum se confidat? Quod, quàm sit vanum, & inane; nemo, reor, nisi puer, aut puerilis stultitiæ supplicio dignus, ignorare potest. Quid enim? Jovene, Deo-Deorum, & Saturno, Marte, Belo, Cœlitum antiquissimis; aut Hercule, Semideorum fortissimo, potentior Adonajus, aut est, aut fuit? Vel berclè, siquid unquam fuisse visus est: numquid & presente spirantèq; Deo, Dominòq; nostro, Sennacheribo, presentior ac prestantior est? Quibus adjungite, si placet, & majores Sennacheribi; Reges Assyriorum priores: quorum tamen Rex iste potentiam, armorumq; robur, quantum annis præcessisse sinit, tantum Martio successu, perpetuisq; Victoriis, antecurrit; Triumphator, non hominum modò, sed & Deorum. Id si nescit DEUS ille vester: eat (suadeo) discatq; Deorum totius Orientis, vel ex ore lamentòq;, vel exemplis & excidio. Quàm pulcrè namq; sua quisq; regna, suos populos, aras,

Y 3

ac tem-

Ruina Sennacheribi,



ac templa, tutati sunt; qui, ne sibi quidem ipsis, statuisq; suis, ac simulacris, esse potuere praesidio? Vel, si potuerunt: ubinam igitur, aut terrarum nunc, aut caelestium regionum, sunt? Vbi, Libani montis accola vetustus, Emathaeorum Deus, Asimas? (x x) Vbi, maritimorum Phoeniciae portuum DI praesides, Portunus, Castor, atq; Pollux? (yy) Vbi Deus Arphadaeus, Aneus, Aveus, Samaritarum nuper tutela; nunc umbræ? Quos autem bodierna Samaritarum colonia Deos adorant: numquid non iidem prius, Regum nostrorum ante genua procubuerunt; à nobis bello, cum populis suis, subacti? Babylonius, inquam, Sochothbenothus? Chutaeorum, Nergel? Hevaeorum, Nebahazus & Tharthacus? Syrophoenicum maritimorum, Adrameléchus, & Anameléchus? (z z) & ipse deniq; Tyrriorum Sidoniorumq; tutor, Hercules antiquus? nam, quem nunc ei substituerunt, Deus recens est, & heri ferè natus. Omnes hi DI, Deaeque; tum & praeter hos, Gozanorum in Medis; & Haraneorum, ac Resephiorum; & Orientis Gentium, Edenorum, Numina: (\* \*) Phuli, Theglath-Phalasari, Salmanasari, regibus Assyriorum, jam olim in spoliis ac ditionem, belli captivitatisq; lege, concessere: Numina quondam ingentium populorum; nunc autem vana duntaxat, ad lu-

Ruina Sennacheribi,

*ad ludibrium , Nomina. Nec destitit Assyriaca, caelo victrix ac terris, armorum potentia: donec, & illo DIs suis, & istis Deorum metu, vacuatis, universa Divinitatis auctoritas ad duo redigeretur capita: Nesrócbum , inquam , mortuum; quem Sennacheribus noster adorat: & Sennacheribum ipsum , qui vivus vidensq; Deus, ab Assyriis adoratur. Ità, Qui primus in orbe fecit Deos, Timor (A a a); is idem eos, altioris potentie viribus, destruxit: unig; culminis Assyriaci reverentia, substravit se; quidquid ubiq; Divinum, aut erat, aut videri volebat. Fortissimís ergo Deorum, & sui vel solâ multitudine formidandis, nec Samariam antehac, nec Tyrum, ac Sidonem, & littora Philisthae: nec Ematbiam ac Syriam, Mediámq; , contra vires nostras tutari valentibus: credetne quisquam, nisi planè delirus, Iudeorum Numen ( si tamen ullum illis Numen est ) esse presidio posse suis Ierosolymis; ità jam clausis, quasi penitus dudum captis? Credet aliquis; ubi robustissimarum gentium D i succubuêrunt: illic, adversus invictam Assyriorum potentiam, ausurum aliquid, aut valiturum, hunc solitarium Circumcisorum DEUM? ( b b b ) Quae verba Rabfacer, cum non absq; superbissimâ vocis elatione, digitorúmq; crepitantium contumeliosô talitrô,*

Y 4

Ruina Sennacheribi.

litrô, contra Sionem, arcis (ccc) Regiæ montem, contrâq; templi frontem contortis oculis, *exspuisset*: ad suos obversô mox corpore, *novus Orientis Mezentius*, gestu significabat; *Ex aquo se mortales pariter & Immortales audere despicere*. Præstolabaturque; quid, aut *Cives* sibi, præsidarii que, *de mœnibus*; aut, cum sociis, *Eliacimus* esset, *extra mœnia*, responsurus.

V I. Et populus quidem, alto defixus, tam stupore, quàm silentiô, nihil ad ista Legato reposuit Assyrio: partim, quòd disertè taciturnitatem in mandatis haberent à rege; sicut in superioribus narratum est: partim (& rectè) quòd *Divina* pariter, ac *Regiæ Majestatis*, quarum utramque *Rabsaces* invaserat, Causam ac defensionem, aliter, quàm plebejô, tractandam ore, judicarent. Silentes igitur, ac super eventu legationis suspensi, de mœnibus, suam quisque domum, recesserunt. At non eadem usi dissimulatione sacrilegorum *Rabsacis* sermonum, *Eliacimus*, & collegæ; disruptis (ex Hebræo more, quoties aliquid Numini contumeliosum ad aures accideret) corporum suorum tegumentis, testati sunt averfantis animi justissimum dolorem; idque spectantibus, ac, pro barbarici fastûs

Ruina Sennacheribi,



fastûs consuetudine, cachinnantibus, Assyri-  
 îs. Mox, nullô redditô legatis, sed, velut in  
 regis sui nutum dilatô, responsô; laceris ve-  
 stibus, ac fletu rorantibus oculis, ad *Ezechi-*  
*am* revertuntur; de Barbarorum, inprimisq;  
*Rabsacis*, intolerabilibus in regem Deûmque  
 coniectis contumeliis quiritantes. Terruis-  
 sent alium, & præsertim, erga coelestia secus  
 affectum, Principem, Assyriorum ista toni-  
 trua, verborum minis atrocia. Fregissent a-  
 nimum, *Legatorum* insuper, in armis equis-  
 que latè fulgurantes, copiæ. Neque dubium:  
 quin *Achazes* quispiam, aut *pavida mentis*. Ro-  
 boamus, continuo manus postulatis hostium  
 dedissent: imbecillitate virium ad *humanas*  
 tantummodo rationes, nec *altius*, expensâ.  
 Quod accidere sanè necessarium est illic, ubi  
 Scelerum Impietatisque Conscientia subsi-  
 dii Divini fiduciam excludit. Vident enim,  
 exactô malitiæ stadiô, metam aliam, quàm  
 poenas, nullam superesse. Non autem tali  
 mentis habitu rex *Ezechias*; sed, ut palma,  
 ventis ac tempestatibus agitata, fortior ex i-  
 psa malorum concussione, repertus est: quia  
*Pius*; quia religiosus; & Deo, domesticoque  
 morum testimonio, confusus. Contentus e-

Y 5

nim

Ruina Sennacheribi.

nim primò, Divinæ majestatis, tot maledictis  
 impetitæ, contumeliam, dolore cordis inte-  
 riore, forisq; regiæ purpuræ dilaceratione,  
 testari : quantum convitiorum *Rabsaces* in  
 Deum, tantum ipse mox, è diverso, laudum  
 ac reverentiæ, congeffit. Neque dubium est;  
 quin irrisioni barbari, sibi renuntiata, reli-  
 giosas ipse lacrymas, piàmque mœstitiam, re-  
 posuerit. Deinde, sive responderi legatis jus-  
 serit; sive, quod propiùs prudentem conje-  
 cturam est, ipso silentiò suò, satis locutus pro  
 se suisque sit; *Postulatis tam indignis, arma se*  
*potiùs, ac sanguinem, & extrema quæq; quàm ob-*  
*sequium tam fœdum, impensuros :* (ddd) ipse  
 quidem, regalibus sibi detractis indumentis,  
 ac nautici squaloris cilicinò, de pilis, amictu  
 nudæ cuti superinducto; sese comparat ad  
 supplicandum, pro periculi magnitudine,  
*Potenti Deo-Cæli.* Simul autem, eodem in  
 vestigio, *Sacerdotii* totius venerabilissimum  
 quemque, moribus ac seniò gravem, cum E-  
 liacimo Sobnâque, vestitos etiam ipsos pilo-  
 sis corporum operimentis, ad *Isaiam*, Amósi  
 filium, regiæ stirpis virum, & Altissimi Dei  
*Propheten*, ablégat. His mandat; uti doceant  
 cum; *Quantò versentur in discrimine res Fero-*  
*soly-*

Ruina Sennacheribi.



*Ierolymorum; quorum ipse quoque Civis & alumnus esset ( habitabat enim Ierolymis Isaias ) : quantò barbarorum in contemptu volutetur , non Rex tantum , nomenque Judaicum universum ; quorum minima tamen , in despectione potestatis altioris , esset ducenda ratio : sed , quod extremum sit impudentiae furorisque genus , ipse sedens in Caelo , DEVS. Ac scelestos quidem illos , unà cum Rege suo , cujus iussu Numini maledixerint , improbitatem tam inauditam , nec à se , nec à comparatis adversus eos copiis , ablaturos impunè fore. Nam , omnium in eos ardere , tam mentes , quàm dexteras , armatas. Sed accidere sibi , quod foeminis pregnantibus , partum conantibus , nec tamen emolientibus : virium imbecillitate , continuisque laboribus , nixus felicitatem destituentibus. Ità , suas quoque suorumque justissimas , in vindictam , animorum flammās , intus aestuare clausas : sed in successum foràs , ob paucitatem pugnantium , adversus Assyriorum immensum exercitum , humanitus nunquam esse fortassis erupturas. Divinis igitur opibus ac praesidiis , in rem tam arduam , indigere se : quæ , dubio procùl , Isaiæ saltem precibus ( si nihil , apud Deum , regis ac populi valitura causa foret ) negatum non iri. Petere se proinde , non suo magis , quàm universi sanguine.*

**Ruina Sennacheribi.**



*sanguinis Hebræi, nomine; cujus stirpis vix tenues  
 supersint fibra: ne cunctetur, vir, apud Numen  
 graciosus, celerem extorquere maledicentia vin-  
 dictam; quam, ut, à nemine clariùs auditam ef-  
 fesse, quàm à Deo, certum sit: sic, à nullius dexterâ  
 castigari severiùs, quàm ab illius ejusdem, par,  
 ac justum, esse. DIVINITATEM explosam, vin-  
 dicari quoq; divinitus, æquum esse: Scelerisq; tam  
 atrocis in pœnam, cui tota non sufficiat terra, to-  
 tum effundi debere cœlum. Hæc, ut dixi, man-  
 davit Ezechias, sacro nuncianda Vati, per  
 destinatos ad eum Oratores. Ipse verò, po-  
 tentior omnibus, causæ tam probabilis, A-  
 ctor, apud potentius Tribunal, futurus: in  
 Templum se Salomonæum confert: Ibique, nunc  
 protensis in cœlum manibus, nunc in genua  
 dejectus, inque faciem pronus, cæsis insuper  
 hostiis quoque, placandi causâ lege præscri-  
 ptis (eee); eadem Deum, quæ rogari per le-  
 gatos ab Isaia jusserat, ipse quoque, verbisq;  
 diffusioribus, nec sine lacrymis, obsecrat.  
 Quod eodẽ ipso tempore cùm domi suæ fa-  
 ceret & Prophetes: quid mirum erat; Duorum,  
 Numini tam charorum, capitum, more sagit-  
 tarum ardentium erumpentes in Cœlum, pe-  
 netrantésque, preces (fff), Deo fuisse cor-  
 di,*

Ruina Sennacheribi,

di, Coelestibusq; curæ: neuter ut sine sperato  
 successu surgeret è loco, quem, prostrati cor-  
 poribus, ac jacentes, occupârunt? *Iunctarum*  
*enim*, socialiumq; *precum*, si præsertim calo-  
 re non dispari densentur, validius ad impe-  
 trandum esse robur; ne *poëta* quidem vete-  
 res, nedum *sacri vates*, dubitaverunt. (ggg)  
 Igitur *Rabsaces* quidem, cum suis, postulato-  
 rum irritus, ad regem suum, cum armato fru-  
 stra comitatu; rex autem *Ezechias*, in arcem  
*Sionæam*, plenus animorum speique bonæ,  
 redierunt. In cœlo verò, nubibusque, jam  
 sensim, consiliò dexterâque Dei Vindicis, in  
*Assyria* castra, Fulmen, & ultio, cudebantur.  
 Et id agi; nec Deus *Isaiam* orantem, nec *I-*  
*saïas* legatos Hebræi regis, responsum præ-  
 stolantes, celavit. quibus ad Ezechiam, hæc,  
 ex ore Numinis, mandata dedit. *Omitteret*  
*metum*: & *Assyriorum* impios in Divinitatem  
*sermone*, pro saxis haberet, in cœlum quidem ja-  
*ctis*; at in capita jaculantium relapsurîs. *Inten-*  
*tatas* verò belli vastationisque minas, cava sine  
*flammis* tonitrua, brutâque verborum fulmina,  
 duceret. *Sennacheribum* enim, neque tunc obsidio-  
 ni *Ierosolymorum* admoturum esse manum; quip-  
 pe, formidinis, divinitus immittenda, spiritu con-  
 sterna-

Ruina Sennacheribi.

*sternatum ; adventantisque novi cujusdam hostis nuntiō perplexum : ad cuius rumoris auram ille, non Ierosolymam tantū intactam, sed reliquam quoque Judæam, infectis rebus, sit omissurus. Post hæc autem, quanquam ad vetus obsidionum expugnationūque consilium revertentem ; majorē tamen clade, priusquam quidquam hostilitatis attingeret, repulsum in Assyriam iri : dexterâq; denique, non tam hominum ferientium, quàm Dei permittentis dirigentisve, prostratum ; gladio daturum pœnas, qui linguam suam ut gladium excuisset in Deum : (bbb) Et ore moribundo morsurū terram ; qui ponere non esset veritus os maledicum, in Cœlum. (iii) Hæc breviter tunc, animandi tam regis quàm consternati populi causâ, perferenda regiis ab Oratoribus ad Ezechiam, Isaias, auctore Numine, mandavit : donec, pluribus eum erigendi, copiosiusque consolandi, major paullò post exorta causâ ; tam Deum, Ezechia familiariorem, quàm interpretem Dei, propheten, fecit eloquentiorem. Cujus occasio fuit ea, quam nunc exponam : quæq; Sennacheribum iterum, & gravius, Honoris Divini Furem fecit, ac Prædonem.*

VII. Reverso namque, sicut dictum est, in castra, cum sociis, *Rabsace*; Regisque Judai-

ci fi-



ei fiduciam omnem , non in copiis viribúsq;  
 (quæ nullæ sint ) sed in *Deo-Cæli* , constitu-  
 tam esse , renunciante : graviter indignatus  
*rex Assyrius*;expugnandæ,quam tunc post di-  
 missam Lachin obsidebat, urbis Lobnæ con-  
 silium differre constituit; universámque bel-  
 li Judaici vim ac molem , adversùs Jerosoly-  
 mam solam,Ezechiamque,convertere. Con-  
 vocatís igitur *Assyriacis* propemodum omni-  
 bus, ex omni Judæa cæterâ, copiis; & in sua  
 castra conductis: à Lobnæ moenibus ac fini-  
 bus expeditionem , in agrum Jerosolymita-  
 num indicit. Ac jam in procinctu Rex erat,  
 & exercitus: cùm, ecce, nihil minùs exspe-  
 ctantibus,ex Ægypto nuntius ac litteræ cele-  
 res,ad Sennacheribum,à Tharthamo, copia-  
 rum ad Pelusium Duce,perferuntur.lis nun-  
 tiatur: *Regis Ægyptii fluctuanti fortune,fortas-  
 séq; Judææ quoq; pendentibus rebus; sive fœderum  
 nomine, sive per ambitionem, suppetias esse latu-  
 rum Aethiopum regem, Tháracam.* (kkk) Eum,  
 iam nunc,maximís agminibus & itineribus,in Æ-  
 gyptum,& adversùs Assyrios,properare. Nec du-  
 titandum:quin,conjunctis,& Setbon,& Tháracæ,  
 viribus, si prospere rem adversùs Assyrios in Æ-  
 gypto gessissent; eâdem audaciâ moturi sint in i-

psum

Ruina Sennacheribi,

psum Sennacheribum, ejusq; copias, per Judæam sparsas; ad Ezechiam, fœderibus sibi connexum, auxiliis levandum: nisi, celeritate summâ, totiusque Martis Assyriaci viribus, obviam iretur. Et si sanè tamen, non omnem omnino Judæam præditiis Assyriorum nudari, consultum sit: ne, (sicut fieri consuêssent) omni solutus hostili metu, rex Iudeus, à tergo superveniret Assyrio, Sethonem ac Tharacam impugnantem; sociusq; gemino Magni Regis hosti, tertius adjungeretur hostis. Hic rumor, & hæc epistola Tharthami, vehementer Assyrii regis animum, nec ex vano, concussere. Renamque verâ, Tharaca, rex Aethiops, in subsidium Sethonis; & si Genebrardo fides est (III), etiam Ezechia, cujus oppugnari sedem urbemque regiam rumor (etsi falsus) attulerat, veniebat. Eaque cuncta, quæ metuenta Regi suo Tharthamus ingerebat; esse formidini jurè potuere. Prævertendum igitur esse, tam ingentis, ac tam latè diffundendi, belli discrimen, ratus Assyrius: illico dimissâ, præcipitatâque, tam Lobnæ, quàm Ierosolymæ capiendæ, cogitatione; totoque Iudaici belli negotio curis aliis potioribus interscissô: totum se convertit, ad Tharacam; quàm fieri maturrimè posset, opprimendum. Eo

con.

Ruina Sennacheribi.



consiliô, relictiis paucarum duntaxat, quas in Iudæa jam occupaverat, urbium præsidiiis, in sui tutelam magis, quàm hostium memorabilem aliquam cladem, aut terrorem: profectiorem, quam Ierosolymam indixerat, mutatis jam vocibus atque classicis, versisq; retrô signis, in Ægyptum pronuntiat, & Aethiopiam. Illuc universum rapit exercitum; quem & ipse per se, nec jam per auspicia tantum, ac legatos, ducit: *Majori periculo majorem pariter obicem opponendum, præ se ferens. Interim autem, ne, se dimissum veriùs, quàm dilatum, Ezechias ratus; Assyriorum abitu, tanquam omni jam formidine defunctus, insolesceret: ac, vel præsidia deleret Assyriaca, per Iudæam sparsa; vel hostes Aethiopas Ægyptiosq; quoquo pacto, novis, seu copiis, seu consiliis, auctum, aut adjutum, iret: per internuntium, ad eum, in itineris ipso procinctu, misit epistolam (m m m) cum mandatis. Quorum quidem mandatorum, eadem prorsus, non summa modò, sed pæne verba quoque, fuerunt; quæ, primâ statim legatione, per Rabsacen effutita, memorabamus. Epistola verò, talis erat. Rex Regum (n n n) Sennacheribis, Ezechia, Sanio rem aliquândo mentem! Quod*

Z super-

Ruina Sennacheribi.



nuperrimè per Rabfacen te nostrum, sociòsq; legationis ejus, hortati sumus : illius nunc iterum iterumq; vehementer auctores tibi sumus; ut, Ierosolymis ultrò nobis apertis, præsidia nostra, sicut urbes ac gentes aliæ quàm plurimæ, recipias: nec ad extrema nos hostilitatis cardinem impellas. Equidem, adversus Aethiopem nunc, & Austri regna, propero. Sed tu, noli putare; nos & tibi pariter, & spei, capiundi Ierosolymam, terga vertere, recedendo. Longissimas enim adhuc, latèque se porrigentes, habemus manus: quarum alterà dum Ægyptum Æthiopiàmque stringimus; alterà nihilominus, Orientis imperium, & Judææ possessionem, complectemur. Quapropter, & Tharacam nunc insequemur: & te tamen, inter hæc, non dimitemus. Nec dixeris illud vulgare nobis; Duos, uno tempore, lepores captanti, neutrum captum iri. Nos enim, exiguo temporis intervallo, non duos modò, sed tres, in cassibus nostris ferratis, lepusculos aspecturi sumus; conclusos ac trementes: Tharacam, putà, Sethonem, & Ezechiam. Quid namque vetat, quò minùs id quàm primùm eveniat? Aut, quis Deorum, hominùmque, conatibus obstabit nostris, tam constanter ad vota fluentibus? Ac mehercules! mirari non cessamus; quànàm tu fiducià, nescio cujus

Numi

Ruina Sennacheribi.

Numinis, ac Potentiæ cœlestis, nixus; polliceâre,  
 Ierosolymis quidem tuis, securitatem, ab armis  
 Assyriis: tibi verò, rupti fœderis impunitatem, à  
 nobis; precariique regni perpetuum & tranquil-  
 lum, incubitum. Crede nobis! Fallere (ooo) nô-  
 runt & Numina: maximèque generis illius, ac,  
 farina; cuius Tuum illud est. Quod nemo videt,  
 tangit, audit: id invicem, adversus implorantes  
 se, cæcum, fugitivum, evanidum, surdum est. Sed  
 fac tamen; per omnia sibi constare Divinitatem  
 illius: ac numeris omnibus absolutas esse Maje-  
 statis ejus vires. Numquid ideò nostrum quoque  
 robur adequabit? ne dicam, & supergredietur?  
 Satis noster tibi Rabsaces nuper; satis fama, ru-  
 morque publicus, & annalium monumenta, de-  
 scripserunt, Regum Assyriorum invictas, erga  
 mundi regna, manus. Nostram autem, & ipse  
 sentis: ac senties, haud multò post, efficacius:  
 Quò minùs idcirco speres; Vnicum te Regulum,  
 ex omnibus Orientis, iisque magnis, regibus, ADO-  
 NAI tui beneficiò tutelâque, vim nostram eva-  
 surum. Quid enim? Num evasere, vel gentes  
 ulle liberatæ; vel, gentium se liberatores professi,  
 DI? quos omnes, vel numerare duntaxat, lon-  
 gum esset: & numeravit tamen Rabsaces tibi no-  
 ter; inutilisque demonstravit adoratoribus fuisse  
 suis.

Z 2

Ruina Sennacheribi.



*suīs. Ad eorum igitur modulum, ac mensuram*  
*Deorum, Tui quoque (siquid sapias) Dei pedem, ac*  
*dexteram opitulantem, exige: nostrisque tandem*  
*imperii acquiesce. Presidia nominis Assyriaci*  
*quæ sunt in urbibus Judææ captis, inviolata tan-*  
*tisper relinquito: dum ex Ægypto revertamur*  
*Nos isthac ad te postrema damus, per epistolam*  
*& cursores, mandata; salutaria, si resipiscere di-*  
*dicisti: Si nescis adhuc; peremptoria. Námque*  
*Stylum in hastas posthac, gladiosque, vertemus.*  
*His, in hunc, quem retuli, modum, manda-*  
*tis perscriptisque; Sennacheribus, cum exerci-*  
*tu pleroque movit in Ægyptum: seséqu-*  
*Tharthamo, quantâ potuit celeritate, con-*  
*junxit. Ezechias autem, perlatís ad se, pe-*  
*nuntium Assyrium, regiis codicillis, ac dedi-*  
*tionis imperiô decretoriô: nequaquam a-*  
*nimô comminutus, more filii, casus omne*  
*adversos paternum in gremium confidenti-*  
*bus querelis effundentis, in Templum Salo-*  
*monæum, Numinis alloquendi causâ, re-*  
*contendit. Ibi, sicut nuper, non tam rerum*  
*suarum extremo discrimine, quàm iterat-*  
*DEI contumeliâ, commotus: epistolam qu-*  
*dem Sennacheribi regis, impiæ crimination-*  
*plenam, expromit: & evolutam, explicitam*

Ruina Sennacheribi.



que, divinis oculis, quasi perlegendam expendendamque, proponit: ipse verò, rursus in genua faciémque pronus, totum in preces se dat; crebrisque gemitibus ac lacrymís interpolatas supplicationes in Coelum effundit. Rogabat autem, quæ proximè quoque Deum rogârat: ut, vindictâ, populis omnibus terrisque manifestâ, suas DEVS ter max., adversus sacrilegam Assyrii linguam ac manum, injurias ultum iret: neque differret, ostendere regnis terrarum universis; Se Solum verum, vivumque, nec alium aliquem, præter se, DEVM esse. Deos ceteros omnes, & inprimis, vanissimum Sennacheribum, Divinitatis esse fabulas, mendacia, pulverem, ac favillas. Numina Manu facta; manibus itidem humanis, meritò facileque dissolvi, destruique. Solum Cæli Numen, (quippe, quod ex seipso solo, nullius effectoris externi beneficiò, sit) Inviolabile nullius, vel manu, vel ore, semper fore. Tantò verò studiosius nunc approperandam esse maledicentiæ barbaræ castigationem: quantò, si mox & Æthiopibus eum, & Ægyptiis, fieri bellò superiorem, contingeret; insolentiâ furiosiore, victrix, & impunita, Regis impietas, revolutura foret in Judeam. Incastigatam enim, &, præter hoc, felicem adhuc, Improbitalē vix Superis un-

Z 3

quam,

Ruina Sennacheribi.

quam, nedum mortali patientiæ, venire posse tolerabilem. Hæc Ezechia regis, ex animô, Divinæ gloriæ studiis intimè succensô, deducta postulata; Deum, qui benevolentia se vinci nunquam finit, invicem commodorum illius, ac dignitatis, reddidêre fautorem: ac longè jam, quàm antea, studiosiorem. Qui namque cum Bono bonus, & cum Electo (quod David ait) electus est: amico quoque fit amicus: & amicitia lege, cum eo sua, tam vitæ pacisque bona, quàm animi decreta, communicare gaudet. Continuo proinde, quid Ezechia responderi velit, Isaiam Deus admonet. Hic, è templo reversum; per internuntium, bonum (utî nuper) & Heroë, qui Deo curæ sit, dignum, animum habere jubet. Quantum enim in Coelum, Sennacheribi voces impiæ contra fortunas Ezechia; tantum, è diverso, pias Ezechia preces, adversus Sennacheribum, ascendisse: Regemque, sub unum idemque ferè tempus, auditum illîc utrumque; sed diversissimis esse fatîs: alterum, ingentibus suis emolumentis; extremis verò malis suis, alterum. Hanc autem divini responsi summam, hoc compendium, esse. Sionem, ac Davidicam urbem, omnemque cateram Jerosolymam; à Sennacheribo

Ruina Sennacheribi.



Sennacheribo nunc quidem, tanquam Ninivès quoddam  
 mancipium, minis, terroribus, durisque deditio-  
 nis imperiis, ad omnem servilis conditionis vilitatem,  
 exagitari. Sed fore tempus : cùm, è contrario,  
 Sionis mons, & arx; cùm omnis cetera Jeroso-  
 lyma, suis cum incolis, contemptura Regem Assy-  
 rium, & illius exercitum, sit : exhibitatòque bar-  
 baricò fastu, ferocibus minis explosis, perditisque  
 Sennacheribi tam rebus, quàm consiliis, in ludi-  
 brium tractis; iridentium more, post dorsum fu-  
 gientis, motura caput, & quassatura, sit. Et id  
 quidem summo jure meritòque; Superis pariter  
 ac mortalibus approbantibus, Assyriorum insolenti-  
 ssimis castris eventurum : inprimisque Supremo  
 Castrorum Ductori. Quid enim? Ecquid in hu-  
 ministratum homuncionem aliquem, Sennacheribi  
 maledicam exsertam esse, strictamque, linguam?  
 Ecquid in lignea lapideave Simulacra, manuum  
 humanarum opera, caninum barbari convitiatoris  
 latratum sevisse? Numquid in Idolum quodpi-  
 am, aut in Poëticos Gracie Deos, hoc est, Demo-  
 nia, superciliosos Assyrii regi Oculos esse subre-  
 ctos? & non potiùs, adversus Hominis opificem,  
 adversus Universitatis auctorem; contraque Ma-  
 jestatem, omni reverentiâ prosequendam; Deo-  
 rum denique Deum, & Israëlita gentis Sacro-  
 sanctum

Z 4

Ruina Sennacheribi,



*sanctum ab ævo Numen ? Sanè , comparatione  
 tanti rerum ac regum omnium Imperatoris ;  
 quid aliud esse Sennacheribum totum ; quàm li-  
 xam unum, aut calonem ? Qui tamen, tanquam  
 ei quoque jura poneret , à quo Juris omnis eter-  
 na lex est ; dictatoria, per impura lingue nuntios,  
 mandata misisset , & convitia ; quibus Divinita-  
 tem altissimam , velut opis imbellem & invali-  
 dam , invaderent : exprobratione virium , quibus  
 Coeli-Deus, Deorum fictilium instar , aut non pos-  
 set, aut non auderet, addictos sibi tegere , vel sub-  
 levare. Tanquam verò , barbarus hic Dei con-  
 temptor , Suus ipse totus , & à se solo , vel esset,  
 vel posset, vel ageret ; quidquid bucusque fuisset ,  
 potuisset, perfecisset , in armis ac populorum exsci-  
 diis : ità, Pulverem illum , spumosaque bullam ,  
 gloriari solere ; se, quadrigis suis, falcatisque, ra-  
 ptatis ex Assyria, curribus percurrisse terras Oc-  
 ciduas ; pressisse montanos regulos ; superasse sa-  
 trapas , principes , ac majoris quoque fastigii Re-  
 ges , tanquam Libani montis vertices : dejecisse  
 potentissima quaque capita ; quæ se, Cedrorum in-  
 star , antehac erexissent ; & , ut coniferi procerio-  
 rum abietum apices , ovassent. Penetrasse se suis  
 cum copiis ; quò nemo priorum ausus sit : nec ul-  
 lum Phœnicês , & Libanicarum regionum , angu-  
 lum*

Ruina Sennacheribi,

lum, aut oram, inaccessam esse, vel castris suis, vel turmis: ac ne Carméli quidē abstrusissimos quosque recessus, editissimōsque saltus, sibi clausos: quod minùs hostilitatis suæ securibus, & asciis, eos prostratos daret. Exterarum præterea gentium regna, se tantis inunda-visse peditum equitūque copiis: ut pertranseundò, fontes quidem, ac cisternas, aquarum haustu; torrentes autem, & ingentia flumina, Iordanem, Cisonem, Elēutherum, vadatione, plantarūque vestigiis, exsiccārint. Novissimè verò, Nilum quoque, distractis in rivos ostiis, & æstuariis, per legatum ac militem suum, extenuāsse sic; ut pediti quoque, siccoque pane pediti, factus sit pervius. nec ingentes utrimque fossas, diorygēsque, quibus Nili brachia, rigandis campis, includebantur; vim exercitūs hostilis arcere valuisse. Quā sui-jactantiā, quēnam ventum, aut aquaticam bullam, esse posse ventosiore? ut vel id sibi quis arroget, quod Divini tamen consilii brachiique totum sit: vel insultare per impiam insolentiam ausit ei; cujus ad conspectum omnes bucusque, Cœlestes aquē terrestresque, potestates intremuissent? Numnam igitur solum ex omnibus Sennacheribum, aut tam fuisse surdum, ut veteris famæ tubam non audiret; aut tam fatuum, ut auditam non intelligeret? narran-

Z 5

tem

Ruina Sennacheribi.



tem videlicet ; Quidnam Superbis illis, ante diluvium, Gigantibus : quid, post hos, Babylonica turris exstructoribus : quid, improbitate tumidâ perditis, Pentapolitis : quid, Obstinatis Ægyptiis, Ægyptiorumq; regi, Pharaoni; quid regibus Chananais, Amorrhais, Basanitis, Syris, Ammonitis, & Aethiopicis, irâ Numinis, acciderit? Quod autem & ipse nunc aliquousque felix ; & antebac, majorum ejus nonnulli, victoriis, armorumq; successu, florentes sibi visi sint : an nondum eos intelligere ; non suis virtutibus, sed bello devictorū vitiis, eos hætenus invictos extitisse? Quod enim eis regna ; quod gentes, & in his, Hebrae quoque Samariticaq; procubuerint : nimirum, id non in arbitrio, facultatēq; Regum Assyriae nunc demum ; sed jam olim, ab æternis retrò sæculis, in Curia decretorum Dei, fatorumq; Providorum Tabulariis, incisum immobiliter stetisse. Iam autem, evolutò destinatorum temporum procursu, factum & immissum Terris esse ; quidquid suppliciorum de Cælo jussu esset, Assyriorum carnifice manu, delinquentibus Israëlitis infligendum. Quare sanè, stetisse prius, quàm Assyrius moveret in Occiduas illas terras, in collibus, ac saxosis montibus, urbes ; situ manūq; validas. In iis, sedisse reges, regulos, ac provinciarum rectores ; emulatione poten-

Ruina Sennacheribi,



potentia mutuâ, continuis armorum inter se con-  
 tentionibus digladiari solitos. Adhæc, Israëlitis quoq;  
 Reges, non paucos, insolenter subinde, tam in Deum,  
 quàm in exteri Solis reges, erigere se consuêsse.  
 Quorum omnium retundenda Superbia, factum  
 nunc esse, voluntate, mandatisq; Numinis, cuncta  
 temperantis: ut, plerâq; sub ditionem suam Assy-  
 rio subigente sceptro, gladiôq; victore rebellium ca-  
 pita coërcente: castellorum urbiumque munitissi-  
 ma queque, redigerentur in acervos ruinarum, ac  
 ruderum struem (ppp). Ut item Principum fero-  
 cissimi quique, sub jugum missi, dejectis incurva-  
 tisq; cervicibus, pleni confusionis, ac tremoris, in-  
 cederent: & quicunq; perpetui sibi viroris poten-  
 tiam animo somniâssent; nunc, extincto, priusquam  
 plenè permaturesceret, gloriæ flore, fœno reciso sic-  
 ciores, algâque viliores, & inutili tectorum grami-  
 ne neglectiores, evaderent. Et talium, tamq; mi-  
 randorum, mutatae fortunæ spectaculorum, ac Sce-  
 narum; nūmnam Sennacheribum, & non potius,  
 Cœli-Deum, fuisse munerarium, & editorem? The-  
 atrî tragici totius hujus negotium fuisse, Dei: re-  
 gum autem Assyriorum, solam personam, ac mimū.  
 A Numine denique, mutationum omnium cardines  
 esse volutos, ac revolutos. Superesse verò nunc  
 Sennacheribo quoq; sua; superesse castris ejus à cœ-

le

Ruina Sennacheribi.

lo destinata fata. Nam, quæ circa Regem, & exercitum Assyriorum, futura non multò post sint: aquè sibi comperta, jam nunc in antecessum, esse; quàm ea, quæ jam olim transacta præteritâq; sint. In explorato, numeratôque, Divinum Oculum habere, quietem omnem, ac motum, Sennacheribi. Perspectas ei, noctes illius, ac luces, esse: thalamum item, triclinia, regiam, & castrensia tabernacula. Ductu Dei, Ninivem eum reliquisse: petisse Palestinam, & Ægyptum. cogitare nunc Syenem etiam, & Meröen & Aethiopiam extremam. Illic quoque, quenam bellaturum eventa maneant; & ipsius, ex Austri plagis, in Aquilonares oras reditum, luce meridianâ se clariùs perspectum habere. Cui proinde Numini, res etiam illæ, quæ nondum accidissent, perceptæ sint; & cui longiùs posita, tamen præsentissimæ teneantur: quomodo sperari potuisse, subtrahi posse facinorum illorum notitiam; quibus majestatem suam imminuere conati sint impudentes Assyrii? cùm, ducente eorum impietatis rege, superbiæ suæ cristas, in cælum; os, maledicentiâ spumans, in Altissimum; sui furoris hastam, adversus Divinitatis Sacrarium, erigere, non sint veriti. Penetrâsse verba barbari tumoris, in aures usque Suprema, cunctâq; discussura, Majestatis: quam, sicuti convitiis inviolabilem; ita convitiis auctoribus

Ruina Sennacheribi

ribus implacabilem, esse futuram. Et quoniam praeteris omnibus Sennacheribus, ferocientis belluae more, caput, & os indomitum, in Dei templum, urbem, populum, & ipsius adeò Numinis exscidium, impiâ destinatione, succussisset; vice rerum conversâ, se quoque tractaturum eum, ut belluam: & ferinis ejus naribus chalybinò circulo, tanquam bisonti; maledicisq; labiis illius, ferrati capistrî vinculis insertis, & cancellato frano circumposito, suis à pravè cogitatîs abacturum esse. Quin immò, quoniam vago cogitationum suarum spiritu, tumideq; superbia libertate, perinde, quasi cete maria, sic ipse terras omnes, Insulasque, pervolaret; se quoque, balanarum in ritum, eum coërciturum: & in os ejus immisso futilis Spei fallaci bolo, rictum hominis hami lethiferi fatalibus aculeis, & uncis, induturum; propriiq; fastûs inflatis utribus circumactum, necessitatis inevitabilis funibus attracturum in terram; ejus laniena divinitus jam olim destinatam. (q q q) A carnificina populorum, Ninivâ, digressum Sennacheribum; ad eandem, iisdem, quibus primò venisset, itineribus, imperio coactûq; potestatis Altioris, esse rediturum. Illuc & quæ regna quaesierit, non deportaturum: & quæ teneat adhuc, turpiter amissurum: Spe regis Impii, tanquam lanugine, vel titivillitio, de plagis Occiduis

Ruina Sennacheribi.



*duis & Austrinis, in Euros suos, & Aquilones, di-*  
*volaturâ. (rrr) Sic, tubis magnificè concinenti-*  
*bus egressum; fractis ac mutis esse reversurum:*  
*silente pènitùs triumphì clamore; sed clarè concla-*  
*matìs Assyriæ fortunìs. Hæc fuit illa, quam, in*  
*Sennacheribum absentē directo sermone, Pro-*  
*phetes, ex ore Numinis, declamavit, Invectiva:*  
*copiosa verbis; indignantis verò sensu, longè*  
*copiosior. Nec facilè quis, extra Prophetarum*  
*& Apocalypticas declamationes, reprehensio-*  
*nem, sub Persona Numinis ipsius, aut proli-*  
*xiorē di&is, aut asperiorē sententiis, mi-*  
*narumque tonitruis, deprehenderit. Et, ex a-*  
*nimo (quantum in Deum istud verbi cadere*  
*potest) exulceratum stomachatumque fuisse*  
*Deum, cum maledicentiæ Sennacheribæ*  
*severissimâ detestatione; satis planum faciunt,*  
*iteratâ sæpius impudentis oris exprobrationes.*  
*Unde sanè discamus; Quantum, terrenis à*  
*Potestatibus, amplitudo Divina distet, & emi-*  
*neat: ut tam procùl à supremi cœli vertice*  
*non possit abesse medius terrarum ille pun-*  
*ctus, quem Centrum, & cor terræ, vulgò dici-*  
*mus; quantum, à reverentia, respectuque de-*  
*bitò Numinis, timidissima quæcunque fasti-*  
*gii mortalis adoratio: cautissimèq; proinde,*  
*semper*

Ruina Sennacheribi.

semper quidem , & cum omnibus ; sed , præ  
cæteris universis , cum Deo , deque Deo , lo-  
quendum , & agendum esse. *DEVS enim in*  
*Cælo* (verba Salomonis sunt , regum omnium  
sapientiam antecedentis) : *Et tu super terram.*  
*Idcirco* , non pauci tantum , sed reverentiâ quo-  
que plenissimi , sint *Sermones tui* ; nedum , ut te-  
merè quiddam , minimè gentiū autem , ut im-  
pium quid , effundas. (sss) *Ad summam ! In*  
*Cælum ringi ; Canini dentis est : in Solem autem*  
*ipsum , exspuere ; non , nisi Cerbereæ faucis , Sathanae*  
*spumâ plena. (ttt)*

VIII. Mox autem , & ad Ezechiam ora-  
tione translata ; longè blandiùs , ut amico  
nempe , filiōque , per eundem illum suæ men-  
tis interpretem , *Jsaïam* , renuntiari regi DE-  
US jussit : *Ne quid eorum , quæ vaticinatus ad-*  
*versus Sennacheribum , Et Assyrios , esset , in du-*  
*bium ullâ sui parte vocaret : sed , certissimò certi-*  
*us sic eventura singula , tanquam facta jam es-*  
*sent , consideret. DEI namque , non HOMINIS ,*  
*illa promissa ; propterea que fluxæ veritatis ac fidei*  
*nunquam fore. Quapropter , Securitatis ab hosti-*  
*li , non tantum expugnatione , sed etiam circumses-*  
*sione , certus : hæc ipsa , quæ nunc divinitus ei sug-*  
*gererentur , hortamenta , pro fidei veritatisque pi-*  
*gnore,*

Ruina Sennacheribi.

gnore, suscipere meminisset. Hæc autem esse, qua  
 moneret Deus, & agenda præciperet. Annonam,  
 atque commeatum, quem jam olim, cum prima  
 defectionis ab Assyrio consilia volutaret, ex omni-  
 bus Iudææ pagis, oppidis, agrisque comportasset, ob-  
 sidioni toleranda; confidenter eodem mox anno,  
 citra futurorum omnium formidinem, ipsæque, ci-  
 vèsque Ierosolymorum, absumerent. Nullam enim  
 futuri temporis, ex obsidione, penuriam instare nu-  
 trimentorum. Annò deinde, qui præsentem secu-  
 turus esset: cum, ob vagos passim, ac palantes in  
 agris, Assyrios, Iudæam obequitantes, tutum agri-  
 colis futurum non esset, vel arare, vel serere, me-  
 terève: fingerent animò tantisper, Annum illum  
 eundem Sabbaticum (uuu) esse, non operarium;  
 terramque feriatam, & in novalibus otiantem.  
 Interim autem, & iis, quæ de granorum è spicis  
 decidentium spontaneo semine progigneretur, fru-  
 gibus; & iis, quæ nasceretur in arboribus, intra Ie-  
 rosolymorum muros ac fines, pomis, famem arce-  
 rent: quorum utique fertilitati se favore suo cœ-  
 lesti non defuturum. (xxx) Tertium tandem  
 annum (quippe, maturè cunctà barbarorum ab ho-  
 stilitate repurgandum) impunè pènitus, & inof-  
 fensè, nullo cujusquam incommodi metu, sat age-  
 rent exercere; semente pariter, ac messibus: & vi-

nte.

Ruina Sennacheribi.



netorum aquè, camporumque, culturà: fruerenturque, quantum triticò, tantum & mustò. Nec enim fore tum amplius, quæ convivantium hilaritatem interrumpant, Assyrias tubas ullas, aut hostilia barbarorum classica. Quin etiam, absque futurorum, aut victus, sollicitudine, saturam ac letam omnes ætatem acturos; cum neq. quæ comedantur, defectura sint; nec, qui comedant, in interitum ultimum abituri. Tantam quippe frugum fertilitatis, & hominum, fore copiam: ut inde quidem, quod è Sione, Ierosolymisque frumenti redundaturum sit; tanquam è solo culto recens natum, erupturum sit sursum alibi, novas in messes; sementem frugum, in finitimas etiam, & tunc ab hoste depopulatas, oras transportantibus Ierosolymitis. (yyy) Hinc verò, pro fame, ferro, morbo, sublati Israëlitis, sobolem Domui Judæ, quin & ipsi Sionis Regiæ, suborituram: quæ, velut arborum fœcundarum surculi, propaginesque, reparaturæ sint spem, ad Messiam usque procursuræ, posteritatis. (zzz) Id, quò minus diffiderent, quin ita, sicut prædictum sit, eventurum esset: nihil eorum, operis humani, sed amoris in Ezechiam celestis, jugi benevolentia flagrantis, beneficium esse futurum. Hujusque singularis, in sui cultores, cbaritatis impulsu; cuncta Deum, pro Rege

A a

Iero-

Ruina Sennacheribi,

*Ierosolymitisque, facturum : quæ fieri ceteroqui ,  
 non nisi pro charissimis quibusque capitibus, ab ar-  
 denter amantibus , solerent. Se clypeum illis ac  
 lorica; se propugnaculum, murum, & castellum,  
 fore : se nocturnum æquè diurnumque presidium.  
 Regemque barbarum, cum exercitu suo , non modò  
 Ierosolymis nunquam esse potiturum ; aut, more  
 juræque Victoris, ingressurum : sed ne telum qui-  
 dem ullum, intrâ mœnia, suâ, suorumve manu,  
 jaculaturum : nec usquam, scalis applicitis, Assy-  
 riorum quenquam , objectò contra propugnantes  
 scutò, tentaturum ascensum. quantò minus in su-  
 premos evasurum muros? Denique, ne vallò qui-  
 dem, & aggere, vel bellicis ullis operibus, urbem  
 circumcludendi, spatium ac facultatem habiturû.  
 Divinâ namque conatus illius potentiâ præciden-  
 te, festinaturum ultrò, nemine Judeo fugante, re-  
 verti Niniven : ibique factorum suorum Actum  
 ultimum præstolaturum. Tam insignium porro  
 promissorum fidem, exsoluturum se factis esse, plu-  
 nimio veris ac contestatis. Idq; tam prodigiosum  
 Ierosolymæ protegendæ genus, & machinamentum  
 se daturum; non suæ tantum, quam Assyrius con-  
 temtu maledicò violâsset, Dignitati vindicandæ  
 sed Davidis etiam, addictissimi sibi quondam Ie-  
 rosolymorum regis, insignissimis in se meritis : cu-*

ju

Ruina Sennacheribi,



jus ipsum, si vel cuncta cetera barbarorum pede conculcarentur, nolle, neque regiam posteritatem, neque posteritatis Arcem, ac sedem, intercidere, collabique: quoad, in terras descendens, è Davidico sanguine, Corpus indueret is; qui Divinitatis æternum Solium obtineret in Cælo. Quapropter, ad summam! id cœlestis esse Senatusconsulti decretum. Plusquam uno titulo causæque moriendum Assyriis. Iræ Numinis, & Aræ læsæ Majestatis ejus, Davidisque denique Memoriam, Victimam debere, bubalum illum Cornupetam, Sennacheribum.

IX. Erexere non mediocriter ista, tam liberalia, disertæque, Numinis promissa, mentem, tam Ezechie regis, quàm totius regiæ Civitatis; & in tantam provexere fiduciam: ut jam, ne mulieres quidem, ac pueri Jerosolymitæ (sexus alioquin & ætas, ad omnem folii coccussi strepitum in formidines mobilis) ad nomē & arma Sennacheribi contremiscent. Nemōque tunc vivum, ac minas spirantem, timebat illum; cujus mors, in Cœli jam foro proclamata, nihil eum ab iis, qui jam olim expirassent, discriminabat. Intrà mœnia proinde Jerosolymorum (nam foris adhuc Assyria palabantur, & obequitabant, præsidia)

Aa 2

tan-

Ruina Sennacheribi,



tanquā altā paullatim pace, cives agitabant: & quò belli non erat acies, ac mucro, penetraturus, è vaticinii promissis; ibi ne facies quidem ulla belli, superstes erat. Itaque, Deo duntaxat, ac rei familiari, vacabatur. At Sennacheribus, inter hæc, in Ægypto jam Tharthamo (velut dictum superius est) conjunctus; non adversus Sethonem modò, cujus minores erant ad resistendum facultates, ac vires; sed etiam contra Tharacam Æthiopem, suppetias Ægyptio ferentem, castra, locis idoneis, habuit: & prælia fecit, non secundissima duntaxat, sed & cruentissima. Quòdque vaticinatus Ierosolymis *Jesaias* fuerat, tam ore, quàm ignominiosò vestitus habitu; quando per triduum, sine sucto prophetis operimento, calceisque, vias urbicas obivit (*Aaaa*): id tum repræsentatum factis ac rebus est, in Aegyptum pariter, & Aethiopiam. Et hoc quidem, ab expeditionis illius initiis, in tertium usque, quo demum reverti Sennacheribus in Judæam cœpit, annum. Nam illa gens utraque, castigante populorum etiam *Australium* enormia delicta Justo Deo; barbarorum *Orientalium* felici potentiâ, passim est victa, cæsa, strata, profligata,

Ruina Sennacheribi

figata. Quapropter, redactis in incredibilem vastitatem solitudinēque terris earum; e-gentes ipsæ, nudæ, squalientes; & pars, fa-me, cunctarūque rerum penuriā, confecti; pars, in catenis, ultimāque *confusione* detur-pati, circumibant. Felicissimūque sibi jam *Sennacheribus* esse videbatur, ex eo quoque; quod *reges* illos *duos*, totidēque *populos*, ef-fecerat infelices: adjecturus huic calamito-sorum numero (si cuncta sibi destinata pro-venissent) & *tertium* paullò post *regem*, atque *regnum*; Ezechia Jerosolymisque subjugatis. In quo toto prosperitatis Assyriacę tunc cur-su, non extra narrationis ordinem fuerit; Di-vinæ mentis, rebus in omnibus gubernandis interque se permiscēdis, inexplicabile quod-dam, ac veluti *theatralis* cujusdam *variatio-nis*, ingenium obiter admirari. Seposuerat ea sibi, suppliciis, pridem commeritis, affli-gendos Ægyptios, & Aethiopas; uti malos, & proinde malè tractandos. Seposuerat eā-dem Divina mens, & Assyrios sibi; pro deli-ctis, ut ego reor, longē pluribus, & infandio-ribus, poenas, & quidem altiori dextere, datu-ros. Horum autem Regem, quotquot in or-  
e tunc erant, regum omnium scelestissimū;

Aa 3

&amp; 18

Ruina Sennacheribi.



& in hac vita, manibus inexpectatissimis, & in altera, tormentis sempiternis maciandum, designarat. *Ezechiam*, è diverso, non modò quietis piorum Sedibus illaturus, post expleta fata; sed & cum gloria, dum viveret, extra metum, ac periculum omne, barbarici terroris, constituturus erat Deus: quia rex bonus, de Boni totius fonte bene merebatur. Et inter hæc tamen omnia, citò pressis ac perdomitis reïs illis *minoribus*; sinebat Deus, victoriis, aliis ex aliis, insolentem, toto volitare Meridie, *Sennacheribum*; quantumvis deteriora multò promeritum: improbòsque flagellabat; sed, per Lorarium improbiorem. At nimirum, id illud est; quod divinè jam olim *Salomon* observavit; (*bbbb*) *Vniuersa*, quantumvis humanæ prudentiæ discoloria videantur, propter semetipsum, &, ad sapientiæ suæ pertexendam telam, operatum esse Deum: In his autem, & *Impium*, ad Diem-malum; cujus nigra fata, suis ipsa quoque decurrerent, & evolverentur, horis. Et, cum *Abominatio Numinis sit Omnis prorsus arrogans* (utì porrò rex *Sapiens* subjungit): quantò minùs vindicem illius effugere manum *Sennacheribus* debebat, omnis arrogantiae *Luciferianæ* simulacrum.

Disse

Ruina Sennacheribi.



*Differebatur* igitur, umbraticæ suæ *felicitatis* interea quasi *pastu* quodam, *pinguiore* in pænas: uti luxurians aliquis in herbis, sed jugulatur cultro jam nunc destinatus, *Vitulus Faliscus*. Cùm inter hæc tamen, Jerosolymis *Ezechias*, is ipse, qui *promissorum aureos* verè (quia divinos, ac propheticos,) *montes* acceperat, angorum novis fluctibus involveretur: & quod mirareris, florente vigentq; *Sennacheribo*, repentinâ, nec meritis illius expectatâ, valetudine prostratus; decumberet. Id autem erat, intestinum, lethiferóq; pure collectum, ulcus: quod, humanis artibus immedicabile, nō per *homines* tantum, sed per Oraculū quoq; *divinum*, Isaiâ denuntiante, declaratum fuit. In hæc porrò, quibus Assyrius Ægyptum Aethiopiâque pervagabatur, tempora; non autem, post regressum tandem in Assyriam *Sennacheribum*, incidisse regis *Ezechie* morbum; etsi sint, qui dissentiant: nec pauciores tamen, nec argumentis inferiores, auctores concordant. (cccc) Quorum me subscribere sententiæ, nec prohibere possunt, qui secus opinantur; dum biblicæ narrationis ordinem aliquantò fortasse scrupulosius in hoc, quàm expensius, adurgent: nec indigna-

Aa 4

ri;

Ruina Sennacheribi.

ri, quòd annis iis, quos *Ezechia* Deus *Quindecim* deinceps per *Isaiam* pollicitus est, numerum constare suum, quàm hinc indè detruncari, malim: quippe, qui sciam; *Fidelem* non minùs *esse Deum Omnibus in Verbis suis*, quàm, *Omnibus in Operibus*, integrum atque *Sanctum*. (dddd) Nec sanè projici, sine gravi causâ, promissa quoque liberationis *Jerosolymorû*, & *Ezechiaë* regis, è minis ac manibus *Assyrii* regis, possunt, in tempus illud: quo tempore, digressò jam, ac trucidatò rege barbarò, sine meru tyrannidis *Assyriacæ*, gentes ac reges *Orientis* pacem agitabant; neminèmq; *Jerosolyma*, nisi Deum, timebat, ac legum ejus violationem. Certè namque, cùm *Ezechia* non sanitatem modò, virèsq; corporis validas, *in diem tertium*; sed, super hæc, *annos* adhuc vitæ reliquæ *Quindecim*, iis, quos vivendo jam transmisisset, superaddendos, *Isaias*, ex ore Dei, polliceretur: verbis præterea disertissimís, tanquam liberalitatis auctarium, adjecit; *De manu Regis Assyriorum* setam *Ezechiam*, quàm *Jerosolymitas*, *erutarum*: ut, citra metum hostilitatis omnem, liberi solutiq; vitam essent, urbemque suam, retenturi. Qui profectò tamen *metus*, absces-

fu

Ruina Sennacheribi.

su posthæc *Sennacheribi*, mortêque, quæ post paucos ab abitu dies accidit ; apud gentem urbemque , tam procul Ninivâ disjunctam, aut nullus omnino fuit : aut minimè virilis, ac necessarius. *Asarhaddonis* quippe, qui mox *Sennacheribi* regnum excepit , nec eæ fuêre vires ; imminutô quàm plurimùm , ex cæde patris , respectu veteris Assyriorum majestatis : & , siquæ fuissent ; à Babylonio mox Satrapâ *Merodachô*, cæterisq; finitimarum gentium Præfectis, Assyrio rebellantibus, plurimùm repressæ forent, & accisæ. Satis ergo, próque comperto, liquet ( nisi quis obstinatè potiùs, ac violenter, aliò, quàm necesse sit, detorquere sermonem *Isaia* contendat ) intrâ temporis illud intervallum, quod in Aethiopibus, & Aegypto, *Sennacheribus* egit, ægrotâsse Jerosolymis *Ezechiâ*. Ei porrò morbo, fortasse ( quod & aliis usuvenire frequenter experimur ) occasionem suppeditavit, & causas, turbatus ab Assyriorum armis, ac vastatione, Judææ status ; & , qui Jerosolymam nuper, inprimûsque Regem ejus, à *Sennacheribi* minis circumvallavit, terror : in corporis, uti fit, incommoda pestemque se diffundente trepidantis animi solitudine. Sed quid-

122

A a 5

quid

Ruina Sennacheribi.



quid id , & quibuscunque tandem è fontibus enati, mali fuerit : laborâsse Regem , & id quidem , ad desperationem usque curationis ab assueta medicorum sollertiâ; certissimum est. Quo pactô verò , jam indictam ab *Isaia* sibi, supremæ necessitatem horæ rex, profusis largè tam lacrymîs, quàm precibus , & obtestationibus , à capite suo depulerit : quantôque tunc prodigiô , retrotracta, tum in *Achazis* regis horologiô , per decem retrò *lineas* , umbra fuerit ; tum in Cœlo quoque, *Solis* regyrati luce, fides *Ezechie* facta sit, intrâ *triduum* reparandæ valetudinis; quam etiam reipsa , mox ei *massa ficuum*, ulceri superimposita, reduxit : hæc,inquam, omnia, partim in *Ruina Davidicæ Domûs* , tertiâ laboris nostri Decade, perstricta sunt ; partim autem , & à Commentatoribus *Isaie* Prophetæ, libri-que Quarti regionum Annalium , ac Secundi Paralipomenon , diffusius exquisitiûsque pertractantur. Præterquam, quòd argumentum hoc *Ezechie* decumbentis, & revallescentis, universum ; non ad *Sennacheribi* Ruinam , quam nos hîc librô solam exsequimur , sed ad Regis *Iudaici*, divinitus erectam, Salutem & incolumitatem, spectat. Intrâ quos proinde narra-

Ruina Sennacheribi.

narrationis institutæ, propositique nostri primi, limites, persistendum est. Quod hoc locum nos, oblatâ præsertim occasione tam appositâ, monendum pariter, suisque communiendum rationibus, existimavimus, propter nonnullos; quibus, in celebriore nonnunquam aliquâ *Ruinâ*, tragicove casu, quidquid undecunque connexum, vel etiam accersitum aliunde, jungitur, aut adglutinetur: id totum memoriæ, monumentisque gestorum, inferendum fuisse, persuasum est. Quare, siquid vel minimum eorum, quæ vel per transversum intervenere, prætermisum inveniant: continuo, neglecti muneris & officii sui Scriptorem postulant. Quod totum tamen secus est; esseque debet. In omnibus enim plerumque compositionis partibus, *Inscriptionis suæ destinationisque primæ*, memorem esse narrationum Auctorem, fas est. Quo fiet; ut, si partes implere suas satagat; sæpe, quæ, primâ fronte, minùs instituto congruere, videri possent, exsequatur: donec enarratæ rei se rationes aperiant, & evolvant. de cætero verò, *nec omnia prætereant; nec vicissim explanet, aut evisceret, omnia*: sed, mediocritatis aureâ viâ stylum deducat. Idque nos,

Ruina Sennacheribi.

nos, tum in *Ruina Mundi per Diluvium*, tum in aliis quibusdam libris superioribus, ut fieret; cum industria studiôque curavimus. Nec immeritò. Nam, si de cunctis scribenda cuncta sint, quæ sub idem subinde gesta tempus erant: *non jam voluminibus duntaxat Mundum* ( id, quod isti tales quærunt ) *sed impleri Mundò quodvis Volumen, oporteret.* Verùm, per *Digressum* hæc hætenus. nunc ad rerum gestarum residua promovendus est gradus; si *metam exoptat.*

X. *Sennacheribus* igitur, inter hæc, apud Ægyptios & Aethiopas, sursum omnia deorsumque versans; superbi passim Victoris partes, etiam variæ crudelitatis exemplis implebat. Jámque nullius nomen gentibus illis terribilius, quàm Assyrii Regis, & exercitûs eius, erat: ut, quas, jam dudum altâ, præsertim apud remotiores Aethiopas, in pace vitam agentes, præter insanos *Catarrhactarum* Nili fremitus, haud faciliè quidquam exsternâssent. Et jam annus expeditionis Assyriorum unus, & item alter, sese circumegerant: cùm *Sennacheribus*, omnibus ad Austrum perdomitis hostibus; reverti paullatim constituit: ac Jerosolymam, & Ezechiam, bello, quod affectum olim

Ruina Sennacheribi.



olim reliquerat, totis nunc victricium copia-  
rum viribus, & incurſu, repetere. Sed hyems  
instabat: cujus, uti qualemqualem, in oris il-  
lis, acrimoniam & incommoda subterfugeret  
(difficilius enim validarum urbium obsidio-  
nes, humô fluente, rigentéque suprà cœlô,  
procedunt) in *biberna* militem tantisper de-  
ducendum sibi, constituit. Ea, per brumam  
hospitia stativâque, pars Ægyptiæ regionis  
illa, quæ Chanaanitidem propiùs respicit;  
pars autem, & Philisthæarum, maximéq; (†)  
maritimarum urbium, quippe jam Assyriis  
obnoxiarum, præbere compellebantur. Ibi  
miles, in futuram Jerosolymæ circumfessio-  
nem, & exscidium, vires irâsque, velut per o-  
tium, colligebat: quoad anni sequentis amœ-  
nitas verna cœlum, ac bellâdi tempora, laxa-  
ret, & aperiret. Hoc autem loco prætereun-  
dus non est *Herodotus*: qui, super bene gestis  
à *Sennacheribo* rebus in Aethiopia, non solum  
parcus, sed planè taciturnus; de victricibus  
eiusdem in Ægypto palmis, & fine belli, con-  
traria potiùs, & *Sennacheribo* funesta, tradit.  
Ait enim; cùm ad *Pelusium* Assyrii, spe cona-  
tûq; potiendi tam nobilis ac muniti loci, se-  
derent: nec jam procul ab expugnatione res  
esse

Ruina Sennacheribi.

esse videretur: *Sethonem*, Ægypti Regem illū, eundemque *Vulcani* simul *Sacerdotem*, ab infensis sibi popularibus, ac militibus, omni destitutum auxiliō; *simulacro* tandem *Vulcanio* supplicem esse factum: ut, in ultimis sibi cōstituto, vel consiliō, vel ope, præsenti foret. *Vulcanum* autem supplici non defuisse: sed, cū in somnum, ē curis, ut fit, ac fatigatione, *Sethon* delapsus esset; dormienti regi mandasse: *Poneret metum*; & à desperatione melioris successus animum laxaret: neq̃ vereretur; cum suorum copiis, etiam tumultuariis, obviam ire copiis *Arabum*, & *Assyriorum*. Auxiliares enim ei se submissurum. *Sethonem*, somnō solutum, imperata fecisse *Mulciberi*: nemineq; suorum cū, præter inutilem bellō turbam, in castra comitante; festinasse *Pelusium*; ibique, cū illuc noctu pervenisset, metatum esse castra. Cū autem, hinc quidem *Sennacheribus*, cum imensis pæne suorum copiis; illinc autem *Ægyptius*, tantū non *solus* ac desertus, in fortunam uterque suam intenti, federent: nocte, quæ diem illum antecessit, quō, de summa rerum, ferrō decernendum erat; à *Vulcano* vim *agrestium murium* infinitam effusam: &, inopinatō castris immissam *Assyriis*, corrupisse

mor-

moribus suis arcus hostium, atq; pharetras.  
 Ac, ne saltem clypeorum etiam illis, adver-  
 sùs ictus & sagittas, usus superesset; insuper  
 & habenas scutorum introrsus, & lora, qui-  
 bus à bellatrice manu scuta comprehēdun-  
 tur, abruptis mures dentibus, & inutilia red-  
 didisse. Quo factum sit: ut, diluculò posterò,  
 cùm, in Ægyptium signa cani, stringique fer-  
 rum, Assyrius imperaret: armorum repente  
 tantò deprehenso dispendiò, cùm nec phare-  
 træ sagittis, nec sagittæ suis arcubus, aut scu-  
 ta manibus, ad usum inservirent; pugna ne  
 tentaretur quidem, sed Ægyptiis Assyrii cæ-  
 denda terga darent, ac pedes fugæ: numero-  
 sâque suorum strage mactati, terris ac fini-  
 bus alienis excederent; & illuc, unde vene-  
 rant, redire festinarent. Ejus porrò de Senna-  
 cheribo Victoriæ testē, suò superfuisse sæculò,  
*Setbónis*, in Aede Vulcani, stantem lapideam  
*statuam*: quæ, manu *musculum* comprehen-  
 sum ostentans, posteros ad æmulam suâ Re-  
 ligionem, ac Divorum, angustis in rebus, im-  
 plorationem, invitaret, hisce verbis; IN ME  
 QUIS INTUENS, ESTO PIUS! (eee) Hæc,  
 quæ retulimus hætenus, de *Sennacheribi* ge-  
 stis in Ægypto rebus, *Herodotus* in medium  
 affert.

Ruina Sennacheribi.



affert. Sed, aut malè me conjectura fallit: aut Græcus hic scriptor, Annalium Hebraicorum, & Arcani Sanctioris, ignarus; cùm à referentibus, incerti quiddam, & tanquam rumore transmarinum, de Regis Assyrii *nocturnâ* strage, fugâque, *divinitus* immisissis, inaudisset: in tanta regionum illarum propinquitate, rerum fidem commentis confudit. Itaque, Palæstinæ Pelusium; Ægyptumq; Judææ, substituit. Et, quod evenisse *beneficii cælestis* genus Ezechix regi, memorare debuerat; id, in alium sibi notiores transferens, obtigisse regi *Setboni*, vel credidit, vel confinxit. *Angelorum* denique *clandestinis*, in infligenda *nocturnâ* clade, viribus, *subterraneos* ipse *mures* subrogavit: & eos quidem *agrestes*; eò, quòd, totis circa Ierosolymam campis & Agris (velut sequentia docebunt) Assyriorum omnia eade, longè latèque constrata, tegerentur: &, disiectis temerè scutis, arcubus, ac telis, horrerent. Quid, quòd nec istud ab opinione veri prorsus alienum videri debet: *Pelusium* quidem ab Assyriis, primâ statim, tam *Tharthami*, quàm ipsius etiam Assyrii regis, in Ægyptum irruptione, captum esse; presidioque firmatum (*ffff*): post tamen, cùm

procul

Ruina Sennacheribi.

procùl indè diùque *Sennacheribus*, ultra Syénem ac Meröen, in debellandis *Aethiopibus*, moras traheret; repetitum ab *Aegyptiis*: expulsoque peregrinò præsidio, recuperatum illud *Niloticum* regni *Clastrum* esse? Quod nos ipsum tamen posthæc, à *Sennacheribo* redeunte, receptum esse, priusquam is Iudæam repeteret; ex *Isaiæ* vaticinio, nequaquam dubitamus. Revertebatur enim, & ut omnium à tergo jam domitor: & ut ante se stantia, non multò post ipsa quoque domiturus. Is enim Temporum illorum, publica belli *Tempestas* erat.

XI. Dum autem in hibernis *Affyrii*, contrà verò, supremis afflicti cladibus *Aethiopes*, & *Aegyptus*, in luctu sunt: annus interim exortus erat, à *Mundo Condito*, ter millesimus, tercentesimus, vicesimus quartus: *Ezechia*, Iudæam regentis, decimus sextus: *Affyriorum*, in *Aegyptum*, expeditionis, jam tertius: & is ipse videlicet, in quem *Isaias*, tertio (quod recordandum) abhinc anno consitionem agrorum ac vinearum, & messëm atque vindemiam, indixerat; è præcepto Numinis repetendam. Jamque vernis resoluta sideribus, omnis ad Austrum Orientemque ter-

B b

ra;

Ruina *Sennacheribi*.



ra; non in flores magis & pabula, quàm belli resumendi tempestivam opportunitatem aperta stabat. (††) Vulsis ergo signis, & expeditionem educis agminibus suis, Assyrius; *Ierosolymam* versùs iter indicit. Mor nulla fit. Strepunt equis, viris, & armis, & spoliis onustorum curruum stridore, quadrigarumque bellicarum multitudine, quaque versum avia, perviaque, *Casiotidis* regionis, & omnisq; *maritimæ* *Palestinæ*. Sicubi porrò directabatur imperium: ibi passim in coelum fumus ac villarum incendia: passim agrestum clamor, fuga, (†††) luctus: &, quacumque miles incederet Assyrius, dies pulveris nubilus; nox terroribus iniquis; agrorum miseranda vastitas; in prædam abacti greges ad stuprum raptæ virgines, uxores, & ingenui floris pueri: corporum electorum parta barbaræ cupiditati ludibria. Foeda locorum ubique, miserandaque, facies. Ibi præsertim, ubi præsidia neutrius Regis erant. Nam suis utcunque parcebat Assyrius. Ceterarum Urbium autem & oppidorum, quæque propius erant, quæq; sita remotius, pavore ingens, auxilium nullum, certa desperatio. Volitabat, inter hæc, insolentiæque barbari



ricâ natabat, in publicis gentium illarum lacrymis Sennacheribus; &, felicitum arrogantium more, ridens; quod, propter unum se, tot millia lamentarentur: quantum capite super omnes, tantum fiducia quoque futurorum, eminebat. Non describam hoc locô, quod ante nos fecerunt aliqui, locorum, per quæ, reversus ex Ægypto, Judæam ac Jerosolymâ petivit, seriem atque nomina: quoniam, aliter hîc *Isaia decimum caput* (gggg) ex Hebræorum Rabbini Divus Hieronymus, Paraphrastes, & Vatablus; aliter, cum aliis, Leo Castrius, & (ut ait ipse) septuaginta Græcorum interpretes, ac ratio Tabularum Adrichomii, capiunt, & exponunt: dum illud hi, *de via, quæ Sennacheribum in Ægyptum duxit; illi de via, quæ reducem ex Ægypto retulit in Judæam*, interpretantur. Nobis autem, non litium est, sed nudæ Veritatis, cura. Cujus in studium intentis, id satis est; prætermisîs implexis, ad simplicem rei summam properare. Sennacheribus igitur, ad lævam quidem, regione Cedarenorum, & Ægyptii maris littoribus; ad dexteram verô, Pharaneis solitudinibus, & Idumæâ, relictis: per Ægypti, quem appellant, Rivum, ac mox Bósorem quo-

Bb 2

que

Ruina Sennacheribi,

que *Torrentem*, inter *Samiram*, & *Etham*, munitissima locorum, irrupit in *Judææ* planiora, campestriâque, loca. Jamque pertransiis *Hebrónis* finibus, ex editioribus *Ramæ* *Bethlehemique* collibus, *Jerosolymorum* aspiciebat viciniam: cum animis simul ac verbis exultans; *O*, (clamat) ô! *nostris*, tu quoque, *debita*, tot gentium urbiumque domitricibus, *Columbis*! (hhhh) & *bucusque* tamen frustra *cristis elata tuis*, *Jerosolyma*, *salve*! Nam, quæ nunc *Ezechiæ*, tuique *juris*, tibi *videris*: cras *nostra*, sub hoc ipsum diei tempus, & adeò prius, *eris*. (iiii) Tanta capiendæ *Jerosolymorum* urbis erat, in *Assyrio* rege, confidentia: tanta *fiduciæ* *superbia*! Cum autem, jam antè, per constitutos ad id antecursores, admoniti *presidiorum* in *Judæa* *Prefecti*, quos, in *Ægyptum* abiens, *Sennacheribus* olim reliquerat, ex urbibus, ac munitis locis omnibus, copias eduxissent suas; & ad diem, ac locum, à rege sibi constitutum, occurrissent: incredibile dictum fuit, quantâ curruum, impedimentorumque quantâ peditum, équitum, ac iumentorum multitudine, tunc omnis repente, sub unum temporis articulum, suburbanus *Jerosolymorum* ambitus, circumcirca fremeret, ac

tumul.

Ruina Sennacheribi.

tumultuaretur. Jámque *Ierosolymorum* in cō-  
 spectum & *Sennacheribus* ipse venerat: & *pur-*  
*puratorum* illius, ac militiæ *ducum*, intimus  
 quisque promptissimúsque. tendebantúrque  
 tabernacula, non regia tantum ac primo-  
 rum, sed equitum etiam ac peditum *Affyrio-*  
*rum*; longè quidem ac latè, circa *Ierosoly-*  
*nam* passim omnem: sed inprimis, è regio-  
 ne *Sionis* montis, ac *Regie Davidicæ*; quā pla-  
 gam cœli *meridianam* respiciebat. (kkkk)  
 Nec aberat ulla *Castrorum hostilium* iusta con-  
 suetáque facies (llll): ac nec *Obsidionis* qui-  
 dem, erat, aut *oppugnationis*, abfutura species,  
 si *Deus* eam, diésq;, concessissent *Affyriis*. Sed  
 oppositurus se conatibus impiis *Deus* erat:  
 & quo tempore se, suáque tentoria, *Ierosoly-*  
*mis* circumfuderat hostilis exercitus; diei  
*vesper*, in *noctem* jam vergebat. Cæterum *E-*  
*zechia*, civitatique, jam antè, tum agrestium  
 fuga; tum, motus expeditione tot millium,  
 procùl pulvis, & venientium adequitantiúm-  
 que fremitus, *Affyriorum* ex *Ægypto* redi-  
 tum nuntiârat. Improvisum id videri pleris-  
 que; nec, post tot *Securitatis* pollicitationes,  
 expectatum *Ierosolymitis* malum. Horror  
 apud attonitos; ac pavor immensus, apud

Bb 3

uni-

Ruina Sennacheribi.



universos. Ut verò de summis regiæ speculis, templiq; fastigio, *Sennacheribum* jam ipsū omnēque copiarū illius multitudinem tanquam belli quendam *Oceanum*, urbis pomœria circumfluentem, conspexêre: jam non lacrymas, non questus, ac lamenta, continere cives. Mulierum præcipuè, parvorumque liberū, per vicos omnes & compita concursationes, ploratus, & in cœlum voces; pectora virorum, etiam fortissimorum suū commiseratione concutere, Martiūque labefactare robur, incipiebant. Quiritari frenderēque, pars populi major ac deterior & illa videlicet urbis fœx; quæ deinde, *post annos ferè quindecim*, à cultu veræ Divinitatis, ad impura Simulacrorum numina transfūgit. Ea regis, ea vatis *Isaiæ*, fores & aure incurfare; fatigare clamoribus importunis ac tumultuosis vocibus obsidère. *Promissorumne fidem hanc illam, & Oraculorum inconcussam certitudinem, esse: quam, ad se cœlò delatam jactassent ambo?* Non intraturum urbem esse *Sennacheribum*. non conjecturum, nec sagittam, nec lapidem: non extruendum aggerem, ac munitionem, obsidii causā: nec clypeatum ullum in muros evasurum: *Sennacheribum*

Ruina Sennacheribi,

ribum, viâ, quâ venisset ex Assyriis, eâdem in eosdem reversurum. Huncceine reditum illum; hoccine reditûs in Assyriam compendium esse? Pelusio remeare Ierosolimam? ut & istius urbis captivitate gloriosus, & spoliis opulentior, in Arabiam denique suam, Ninivénque, triumphanti similis, iter convertat? Hancceine promissam illam anni tertii fertilitatem esse frugum: cujus exundante de copia, proculcatîs utique per Assyrios agris, Ierosolyma finitimis etiam oppidis, ac populis, erogatura victûs & annonæ subsidia sit? sicut tamen pollicitus, ex ore Dei sui, fuerit Isaïas. Videlicet: facillimum esse creditu, nec oppugnatu-ros urbem Assyrios, nec fundis in eam, arcubûsque, sævituros; nec multi laboris munitiones, & cuniculos, acturos: si, tot millium exercitus, die postero, non nisi coronâ, sit mœnia circumdaturus. Vt enim otiosæ sint ad omnia manus; nec gladium stringat usquam hostis; nec telum immittat, aut lapidem: profectò tamen, multitudinis tantæ vel solo conspectu, tremefactam Ierosolimam; cùm effugii locum jam porrò nullum visura sit, daturam ultrò manus: & si sint, qui deditionem nollint; se verò, vel primos omnium, concessuros in fidem, ac jura, Regis Assyrii: potiùs, quàm longæ famis, aut cruenti ferri, pessimis exemplis intereant.

B b 4

Ruina Sennacheribi.



eant. Et, si non sit intraturus urbem sponte sua Sennacheribus (ut polliciti sint Ezechias & Isaias); se, curru regio protinus obviam misso, vel suas inter manus, atq; scapulas, eum in mediam adducturos Ierosolimam: ut, victore saltem utantur propitio; qui minacem experti sint lucusque dominum, ac sollicitatorem. Denique, si, sui nominis è professione, nihil aliud, jam olim, Ierosolyma sit; quàm PACIS-ASPECTVS: pacem cum Assyrio, quantumvis id nolint Isaias & Ezechias, se saltem, concordibus omnium animis, agitatuos; non bellum. Et hæ voces erant utriusque sexus turbulentorum; quippe, quibus opis humane, quàm cœlestis, potior esset, ut sit apud omnes improbos, respectus, atque ratio. Totam hi noctem, coitionibus ac turbis miscendis, insumebant. At, immoti terroribus his pars populi-Dei melior, inprimisque Rex Ezechias, & Vates Isaias; animis adversum omnia futura firmissimis, jam tum à discriminis huius initiis, inter vota tempus, ac preces ardentissimas, exigebant. Ac, suâ quidem in domo Propheta: rex autem, ac Procerum religiosiores, invitante viciniâ, supplicabant in templo Salomonico: saccis, ex more gentis, cilicinis adoperti: cinere perspersis capitibus:

Ruina Sennacheribi,



bus: & in pavementum corpore vultuque, sic nempe postulante supremæ necessitatis articulo, dejecti. (mmmm) Quod utique meritò fecerunt. In hac enim *spei* rerum tam arduarum, quas animò Deus destinârat, *constantia*, situm erat, in solio Divinitatis decernere; *Digniôrne*, propter pauciorum bonorum turbam, ardentem supplicantem, esset Jerosolyma, quæ servaretur? an, ob multitudinem, in fiducia *scædè* titubantem; quæ disperiret? Et alioquin, in magnis æquè, minimisque, rogandus Deus; quantò calidiùs erat, ac religiosiùs, adorandus, in re tunc omnium ferè maximâ: quippe, cujus, sinè motu maximo, felix aperiri vix posset exitus? In hoc igitur Rex, & Jerosolymæ pars sanctior, erant toti: dum inter hæc, mandato regis, è Primoribus ii, qui pollebant auctoritate, populum, per coetus, aut in domiciliis collectum, sermonibus, & spe felicitis successûs, erigerent; siqui solationum etiamnũ capaces essent: cùm turbidos, è diverso, turbatoresque, verbis, ad tempus accommodatis, Iræq; divinæ minis propositis, castigare non prætermitterent. Et utriq; labori suum constitit operæ pretium: cùm & *timidioribus* accrescere spes inciperet, atque

B b

5

rob-

Ruina Sennacheribi.

robustior animus: & *inquieta*, quidnam fortunæ candidioris dies posterus allaturus esset, præstolari sustinerent. Nullius autem operis, aut occupationis, sub idem ipsum tempus, major fructus; quàm, intentæ precationis, quæ nubila cœlûmque perrumpebat, eluxit. *Orabant* enim adhuc, *rex* cum suis, ac *Vates Isaias*; & jam, quod voluerant, *exorârunt*: cùm *Rex* interim *Affyrius*, ac *Itharthamus*, & *Rabsaces*, ac legiones peditum, & equitatus omnis; pridianâ partim fatigatione, partim & epulâ, ac vinô, profundissimum in soporem provoluti; toris passim campis collibusq; sparsi, sub tentoriis ac dio sterterent somnôq; (sicut animis destinârunt) in oppugnationem urbis postridianam, sibi vires colligerent, & instaurarent. Jâmque *tenebrarum* idem ipsum tempus ibat; quod, & quale veterem olim *Ægyptum*, cæde repentinâ *primogenitorum*, afflixit exhausitque: *Tempus*, cui verba Salomonis (nnnn) & Ecclesiæ (oooo) vulgatissima, perquam appositè convenirent. Dum *medium*, inquam, *silentium omnia contineret*; & *NOX* (pppp) in suo cursu *medium* ite haberet: *omnipotens sermo*, de calo, regalibus à *Sedibus*, *DURUS DEBELLATOR*, in *mediam* ex

*termini*

Ruina Sennacheribi.

*terminanda barbariæ terram profiliit : Gladius acutus, expertem figmenti perniciem, ac plus nimio verum Interitum, ad imperium nutumq. DEI, portans. Qui stans, & à terris in cælum usque pertingens, OMNIA REPLEVIT MORTE: cum ALIUS alibi PROIECTUS, jacéret; non, ut Ægyptii quondam, SEMIVIVUS : sed, planè Mortuus, & extinctus. Divini Scriptoris hæc, quæ retuli, verba sunt; Assyriorum, uti diximus, haud minùs nunc, quàm Ægyptiorum quondam, cladi congruentia.*

Narrationis autem hæc est summa. Missu Numinis, *Angelus*, ut verisimilius est, *Cælestis* (qqqq), ac Divinæ gloriæ studiosior cæteris assertor; spississimas inter noctis tenebras, in *Assyria* descendens *castra* : momentò temporis viribus, & nativis, & divinitus insuper sibi tunc collatis, instructus armatusque; solò cum paucissimis exceptò *Sennacheribò*, (rrrr) barbarorum universum, circa *Jerosolymam*, delevit exercitum. Non gregarium, aut peditem ullum; non equitem, aut calonem, aut aurigam; non ordinum ductorem, aut centurionem, aut tribunum, aut equitatùs & castrorum præfectum ullum; non strenuum quemquam, aut ignavum; non *Rábsacen* denique,

Ruina Sennacheribi.



nique, vel *Tharthamum*, aut *Rábsarin*, reliquit intactum. Unus ferientis impetus, tota pervadens castra, cunctos extinxit: morte, quantò properantiore, tantò magis formidandâ. *Ferebantürg*, deletarum tot simul animarum millia, (nam *centum, octoginta quinque millia* ceciderunt) *in profunda Tartarorum*: adhuc ignorantium, quomodo, vel quónam funeris auctore, cecidissent?

XII. *Modum* porrò tam atrocis interfec-tionis, à Scriptore Sacro signatè non traditum; aut certè, verbis non nisi translatis expressum: diversum diversi conati sunt assignare. Quidam, ex *Isaia capite trigesimo primò*, suam in opinionem tractò, (ssss) credidère; *Gladiò* cæsum fuisse corporeò, sed *Angeli* manu rotatò, barbarorum Exercitum. Quo rerum casu, *Tostatus* Abulensis veritus est: ut taciturnè transigi plaga tot millium potuerit; quippe, dolore vulnerum clamores, & clamoribus tumultum, & concursationem, ac cæterorum fugam, excitaturò. Quo proinde factum esset, ut & rex Niniviticus expergefactus, & alii quàm plurimi; medias adhuc inter tenebras, & non demum illucescente die, profugissent. Et sanè, silentiò summò

Ruina Sennacheribi.

mô tranſactam fuiſſe cædem illam ; non ratio modò , ſed ipſe ſacri ſtyli narrandi modus, ac ſapor, ut mihi videtur, ſubindicant. Sed, ut id ita ſit geſtum ( ſicuti, geſtum eſſe, prorsus perſuadeor ) uti nullô , non modò clamore, ſed nec gemitu cujuſquam , editô, trucidarentur : nûmnam difficile fuit , vel *Deo* ; vi ſuâ cohibere voces, ac ſuſpiria, morientium ? vel *Angelo* percuffori , ſingulorum cervices, & maximè, ſomnô ſtratorum, unico ſtatim ictu reſectas , in mortem abſolvere ? cùm id ſæpè carnifex poſſit, ac faciat, mortalis : reipſaq; fecerit, qui, noſtrâ memoriâ, juſſu Michaëlis, Arimennis reguli, deſertoriſque Religionis noſtræ , pueros duos, Chriſti cultores, unâ cubantes ac dormientes, decollavit; nec vocem mittentes, nec doloris ac ſenſûs ſignificationem ullam edentes. Interim tamen Iſaiæ *Gladium* illum , nec ego ſecus, quàm *translatè*, reor interpretandum. Nonnullis placuit; immiſſâ repentè *peſtilentiâ*, velut Iſraëlitis olim, ac præſertim Jeruſolymæis, in pœnam, à Davide numerati populi ; conſumptos *Aſſyrios*, exſpirâſſe. ( t t t t ) Sed, præterquam, quòd, & hòc in genere moriendi, ſuperſederi dolore, gemitu, queſtibusque, late ſo-

Ruina Sennacheribi.

tè sonorîs, absque novo miraculo, non potuisset: hanc interitûs formam meritò, cum aliis, horret *Salianus*; ut, quæ contagione sui vestes etiam, & arma militum infecta, cum utensilibus, & impedimentis universis, effecisset ad prædam Jerosolymitis inutilia, meritòque fugienda. (uuuu) Fuerunt alii, quibus visum esset; dejectis cœlò *fulminibus*, aut cæteris iratarum nubium ejectamentis, oppressum barbarorum exercitum, interisse. Cujus sententiæ fueritne Divus *Joannes*, cognomētō *Cbrysostronus* (qui, teste Sacrosanctâ *Nicænâ Synodo Secundâ*, cæteras inter *Imagines*, etiam hanc ipsam *Exercitûs Assyrii stragem*, in tabula coloribus expressam, habere solebat, oculis propositam): id, ex illius, super hōc argumentō, verbis, certò statui non potest. *Multis*, inquit, *millibus Assyriorum*, *Ezechias rex*, *Isaia preces opposuit. Nec eum opinio fefellit sua. Simulac enim manus suas in cœlum Isaias sustulit; SAGITTIS de cœlo missis, Deus exercitum Sennacheribi confecit.* (xxxx) Præterquam autem, quòd hæc *Christiani Demosthenis* verba, de *Sagittis*, cœlò dejectis, sensum præseferant, *Rhetoricum* potiùs, ac *similitudine floridum*; quàm *Historicum*, & ad *Veritatis libellam exactum*:  
tribue-

Ruina Sennacheribi.



tribueretur hæc, Assyrios interficiendi, via,  
Deo potiùs, aut nubibus; quàm *Angeli solius*  
ministerio: cùm hic tamen passim *Solus*, ceu  
Divinæ minister vindictæ, *percuſſiſſe castra* bar-  
barica perhibeatur. Et, præter hoc, tonitruis,  
iratarumque nubium fragoribus, ac stridore  
fulminum, intervenientibus: quo pacto, *cum*  
*ſilentio*, Regéq; non excitatô, clades tam assi-  
dua densaq; contingere potuiſſet? Magis igi-  
tur eorum arrideret ſententia; qui, *Genii cœle-*  
*ſtis* violentâ manu, cenſent, ſingulorum re-  
pentè ſpiritum intercluſum; aut, occultô  
quodam, ſed pernicioſô, motu, *cor*, momen-  
tô temporis, ſine ſenſu morientis ullo, com-  
preſſum & extinctum. Unde, ſine vulneribus  
ullis, diſcurrente per ſingulorum omniumq;  
vitas funere, mortui priùs Aſſyrii ſunt, quàm,  
mori ſe, ſentirent. (γγγγ) Sed, in hac ipſa ta-  
men tot millium extinctione, talem in mo-  
dum peractâ; quid factum deinde *cadaveri-*  
*bus* eſt; jacentibus illic ſuffocatorum *centum*  
*& octoginta quinque millibus*; ne tetrâ fluentis ta-  
bi *graveolentiâ* Jeruſolymorum fines omnes,  
& auram, imbuerent? cùm ſubinde, vel *decem*  
ſola peremptorum *millia*, ſufficere poſſint  
(calidioribus præſertim in regionibus; cujus-

modi

Ruina Senſacheribi.

modi *Palæstinum* omne *cælum* est) ad causam, emigrandi tantisper, ac sedes alias exquirendi. Qua de causâ, cæteris, quas hucusque produximus, opinionibus omnibus, eorum, arbitramur, anteponendam esse sententiam; qui, *flammis* in corpora dormientium, vigilantiumve, *latentibus* & extemporalibus ab *Angelo-Percussore* suscitatis, & immisis; ita, censent, *incendiis intestinis* deflagrâsse, velut unicò temporis punctò, singillatim, ac viritim, *Assyrios*: ut, salvis tamen adhuc per prodigium armis, atque vestimentis; cætera solverentur in *cineres*, ac *favillas*. Eaque nihilominus cadavera, quantumvis in pulverem torrendò redacta; simulacra tamen & facies hominum, animâ carentium, foris retinebant: donec (quod nos & in pomis Sodomorum, & magis adhuc in balsamò conditis cadaveribus, interdum experimur) tactu vel afflatu violata diffuerent. Unde, tetri foetoris, nulla nec formido, neque necessitas, invehitur; hâc postremâ, quam posui, sententiâ: quæ Scriptorum est, auctoritate conspicuâ non carentium (zzzz): etsi claro nonnemi tempore horum Scriptori, dum adhuc viveret, ea displiceret. Cujus mihi tamen, in oppositum,

argu-

Ruina Sennacheribi.



argumenta, semper visa sunt, non pauca tantum, sed & minus firma. (a) Verum, satis interea, super his, ista dicta sunt. *Qualicumque tandem ictu percussus Assyriorum Exercitus, tunc jacuerit: certè, jacebat!*

XIII. Verum hæc *jactura*, non antè patuit; quàm, omni demum nocturnâ depulsâ caligine, Sol reductus diem, & dies rerum omnem faciem, aperiret. Decreverat, pridianò belli ducum habitò consiliò, *Sennacheribus*; posterò manè, primùm omnium, ad *Ezechiam* ac *Ierosolymitas* caduceatore (fortassis autem & denuò *Rabsace*) missò; tertiis jam imperiis ad urbis deditionem eos hortari. Si verò, quod hucusque fecerant, abnuere perseverarent: instructos ad urbem ordines, & oppugnationis omnem vim machinasque, producere constituerat: certus, ut eum suæ spes, ac spiritus, inflabant, ad primum apparatus tanti, multitudinisque tam immensæ, quantam non antè facilè vidissent, aspectum, submissuros animum *Judeos* esse; sequeque potentiæ, cui pares nequaquam essent, permissuros. Sin autem nec id quidem apud vesanos procederet: tum, coronâ circumdatis moenibus, & scalis ad omnem

Cc

muro.

Ruina Sennacheribi,



murorum partem applicitis, in scensionēque factā; de reliquo, vi cuncta, ferroque, cædibusque, pro libidine victoris se, decreverat acturum. Nec aliud, qui Jerosolymis clausi sedebant, & adhuc Deo plenè non fidebant ab Assyriis opperiebantur. His igitur, quæ dixi, cogitationibus imbutus; somnum *Assyrius* inierat. harum & insomniis occupatus, in Solis ortum usque, soporem prodixerat: cùm, ecce, tandem expergefactus, admiratur; tam clarā jam luce, tum prætoriorum, ante tabernaculum suum, militum exercitûs tot millium, incredibile passim *silentium*. Non legatos saltem, ac duces, tribunosque; non, consilii sanctioris participes *Assyriorum* Optimates, ac *Megistânes*, (6) e more quotidiano, manè salutatum irrupturos, ante prætorium strepere?

Surgit stratô: signisq; consuetis, ac vocis quoque, cubiculi regii ministros, & spadone citat. Cùm illi cunctarentur; clamoribus instare clarioribus: &, jam hunc, jam illum, nominatimque, semper aliâs proximè tabernaculo solitum accubare Regio, *Rabsacem* vocatum suum pergit. Sed nusquam auditor; nusquam, nec *Rabsaces*, nec cæterorum quisque

qui paréret, aut comparéret, aut omnino responso regem dignaretur. Tandem ergo, non furoris minùs, quàm stuporis & admirationis, plenus; circumjectis sibi vestibibus, tabernaculò prorumpit: &, *Heus*, inquit, *heus*, *Somni mancipia*; non *Regis vestri satellitia*! Quò tandem, quousque, pigerrimi glires, stertetis? Vò cubi- culi ministri nobis? ubi corporis regii custodes? ubi solita *Purpuratorum obsequia*? *Rabsaces*, ubi tandem? & tu, *Rabsaris*, ac *TbARTHAME*, quibùs nam sub tentoriis latetis? Dum loquitur; intuetur. Circa tabernaculum, densò passim agmine, pronos alios, alios supinos reperit: ac, foedam stratos in mortem, orisque speciem, apparitores, eunuchos, ipsosq; militiæ Ductores, attonitus videt. Agnoscit, inter eos, & *Rabsacen*; &, *An semivivus saltem sit*, percussu pedis interrogat? At *Rabsaces* expirarat. Ad *TbARTHAMUM* venit: succussuque corporis & armorum, periculum facit; an aliquid vitæ super? A *TbARTHAMUS* expirarat. Circumcirca, satrapas, legatos, tribunos, obit: &, an aliquid illis saltem animæ relictum sit, experitur. Omnes vivis emigrant. Ingenti concussus igitur horrore; nec multum ipse quoque dispar iis ipsis, quos admirabatur: quando jam

Cc 2

nemi-

Ruina Sennacheribi

neminem, qui sibi sciscitanti responsum daret, inveniret; inter spectra sibi videbatur, a noctis imagines, obambulare. paullatim etiam interrogare seipsum; *Verene vigilaret aut etiam viveret; qui solus, ex tot millibus, adhu vigilaret, ac viveret: si parî modò tota castrata procumberent?* Dubitanti, Num éaden castrorum universim clades esset, ac fortuna paucissimi quidam, diversis ex agminibus, & alius aliunde, prorepentes; pallido terroribus vultu, flentésque, nuntiant; *Eandem castrorum cadaverumque, per omnem Jerosolymorum ambitum, tragœdiam ac faciem esse: quæ circa prætorium, & Regem, deprehensa sit. Se solos ex omnibus, adhuc intactos à morte, non intactos à certissima mortis expectatione; proripuisse se: nuntios magis, ac testes, infandæ stragis, quàm solatii Regis, vel Assyriorum agminum reliquias. Ecentum octoginta quinque millibus electissimorum militum, non modò mutire neminem, aut moveri; sed jam nec balare quidem, aut fugientem salutem animã agere. Nihil enim animæ superesse. Vera nuntiabant: & nimirum hos paucissimos ob idipsû hætenus inviolatos, Percussor Angelus dimiserat; ut, eorum narratione testimonioque, Sennacheribo, quidnam castris suis*

lat



latè diffusis , evenisset , innotesceret. Simul  
autem & hortatores illi, volebat , & comites,  
ignominiosæ fugæ, superesse. Nam *Regem* hi  
revera stimulabant ad fugam maturandam;  
jam antè curis omnibus angoribûsque cir-  
cumfessum: ac, præter hanc stragem, insuper  
jurè metuentem ; ne, clade copiarum hosti-  
lium internecinâ mox intellectâ, prorumpere-  
rent *Ierosolymita* : seque captum, & catenis  
oneratum , ad contumeliam & cruciatum  
*Ezechie* dederent. In equos igitur proximos  
quosque, si qui superfuerant, celeriter *rex*, &  
*fugæ suaves*, impositi ; relictis impedimentis  
omnibus, & insignibus quoque regiis abje-  
ctis , necui *Sennacheribus* eminus cominûsve  
hoscitaretur ; *Jordanem* versùs, per summam  
repidationem , fugam intendunt. Nec plu-  
res, tam immanis heri multitudinis impera-  
torem, quàm *decem* omnino, sequebantur :  
(γ) inglorium jam, & indécorem; ac, præter  
hoc, non spe solùm *Ierosolymæ* capiundæ, sed  
etiam victoriis suis *Australibus*, opibûsque,  
raptò sibi comparatis , dejectum : qui pridie  
tamen Deos hominésque , Coelumque cum  
terris, eradicatum advenerat. Fugiebat au-  
tem, festinatione summâ, per *Iordanis* utrobi-

Cc 3

que

Ruina Sennacheribi.

que fines; ac mox per Moabitidem, Arabiam, cæterasque, quæ sitæ sunt uiteriùs, terras ac populos; Assyriam versùs: incognitus tunc, propter Cidarim abjectam, Hebræis, Jordanem accolentibus; gentibus autem cæteris, è paucitate comitatûs, & clarâ significatione pavoris, irrisus. Usqueadeo, *timebat jam omnes, ac fugiebat; qui nuperrimè terruerat omnes, & fugârat.*

X I V. Ac Sennacheribus quidem, è conspectu se Ierosolymorum, proripuerat; & Ezechiam effugerat. Non autem eripere potuit, unâ secum, castra sua: nec fugæ suspicionē in longum effugere. Cùm enim essent, Ezechie jussu, dispositi, per plerasque Ierosolymorum editiores turres, accurati speculatores; iique, clarò jam die, nec vocem in castris barbarorum, nec motum, solitâsque concursationes, observarent: quin & Assyrios eos, qui, pro fronte castrorum, in excubiis pridie, stationibûsque, dispositi fuerant, pronos omnes in faciem jacere, deprehenderent, (nam, ut dictum est, proximè muros, qui Sioni monti prætendebantur, castrorum Sennacheribi principia se porrexerant; ut adeò difficile non esset, è regiæ Davidicæ locis editio-

Ruina Sennacheribi.

ditioribus, ac turribus, quidnam in castris gereretur, perspicere): non extra publici commodi rationes visum est iisdem illis speculatoribus; admoneri Regem *Ezechiam*, de castrorum hostilium insuetâ facie, prodigiosâque taciturnitate. Cùm autem Rex *nihil temerè vel credendum censeret, vel audendum; ne fortè de composito, pèrque tristis alicujus casûs dolosam simulationem, ostentarentur ea magis, quàm fierent: repente turrium custodes iidem, alius aliunde, referunt eidem, consilium optimatum agitati; Mediis è castris, nunc quempiam, Assyriis cæteris habitudine corporis spectabiliorem, cum equitum, non nisi decuriâ, subditis calcaribus, ac fugienti simillimum, ad Orientalem urbis tractum festinare: mediòque, Vallem inter Ennomæam, & hortum-Regium; itinere, Ierichuntem, videri petiturum. Difficile fuit, rerum ipsarum ignaris, assequi conjecturâ; Quid ista sibi vellent? difficilius autè ac stolidius, urbe prorumpere; pèrque media barbarorum castra, (si fortè quietem illi fingerent, & insidias malè credulis tenderent) paucos aliquos fugientes, tantò cum periculo persequi. Ne tamen omnium ignara ciuitas esse perseveraret: emittuntur, quâ portæ*

Cc 4

viz.

Ruina Sennacheribi,



viæque tutissimæ videbantur, è promptioribus aliqui; qui rem omnem exactius explorent: cognitæque, cum fide referant. Post paullò revertuntur; qui castrorum principia lustrânt; *Strata passim Assyriorum omnium jacere corpora, cæsis simillima*, memorantes. Quò cognitò, plerisque dubium non erat, id, quod sæpius antehac, nominatimque sub Gedeone Madianitis, sub Josaphato Joramòque, Moabitis, & Ammonitis, evenisset: *Mutuis in se ipsos gladiis, ictibusque, versos Assyrios; laniens theatrum de suis præbuisse corporibus, quod interminati Ierosolymitis fuissent.* Eaque conjectura, plerorumque jam animos occupârat: donec, qui singula castrorum accuratiùs penetrânt, certiusque cladis faciem inspexerant, certiora quoque nuntiarent; *Non videri suo pte barbaros concursu stratos: ac ne ferrò quidem. Sed occultâ quadam, ac prodigii plenâ, vi cecidisse. Quippe, nullò, nec vulneris alicuius, neque sanguinis, apparente vestigiò: quod gladium, aut tela, redoleret. Verè nihilosecius jacere cadavera: quibus omnia circumquaq; castra sint constrata. Proptereaq; non hominem modò nullum illic, sed ne Canem quidem, spirare. Reliquum esse, si modò saperent Iudæi, spoliare cadavera; prædâque, cuius opu-*

Ruina Sennacheribi,

*jus opulentiâ redundant castra, manibus utrisq;  
legere. Confidenter igitur irent; inventaq; (quo-  
rum partem & ipsi jam ostentabant) diripe-  
rent. Nec posthac Assyrium formidarent ullum.  
A mortuo namq; leone neminem morderi. Persua-  
serant hi, regi juxtâ, civitatig; cunctæ; quod  
narrârunt, ac suaferant. Diductis ergo mœ-  
nium portis, prorumpunt in castra: primùm  
quidem armati tantummodo; sed, adhuc in-  
structis, in utramque fortunam, ordinibus: &  
agmine, nequid fortasse barbarorû in insidiis  
delitesceret, compositò. Pòst, ubi tuta cun-  
cta, periculique vacua, comperta sunt; *inermes*  
quoque civium *vulgus*: & cum jumentis, im-  
mensaque curruum ac vehiculorum multi-  
tudine, balatrones etiam, aurigæ, bajuli, calo-  
nùmque turbæ, portis se pluribus effundunt.  
Non etenim sufficiebant, asportandæ prædæ,  
manus, aut humeri: sed, vecturis opus erat,  
ac plaustris. Jacebat enim in castris, sparsim,  
ac per tentoria; quidquid etiam insatiabilis  
posset, & auderet, Avaritia concupiscere.  
Commeatus omnium generum; & annona,  
quanta, vel obsidionis Trojanæ decennio, sa-  
tis fuisset. Ægyptiarum Cyrenaicarumque  
messium felices æstates; Mareoticæ vinde-*

Cc 5

miæ

Ruina Sennacheribi.

miæ veteres autumnî, curribus, ac doliis, con-  
 stipati. Cæterique victûs humani, tam ad *ne-*  
*cessitatem*, quàm ad *delicias*, affluens ubertas.  
 Adhæc, utensilium, armorum, phalerarum,  
 pretiosarum vestium, aulæorum purpuræ,  
 gemmarum Aethiopicarum, & eboris Libyci,  
 rubriq; maris unionum. Argenti, super hæc,  
 aurique, vasorumque generis ejusdem, non  
 tam *copia*, quàm *nundinæ* quædam, ac *forum*  
 & *emporium*: unde, non, quod emeret, sed  
 quod legeret, raperet, auferretque quisque,  
 quod vellet; &, quod proximū in oculos atq;  
 manus incurreret. In summam! Quidquid  
 opum secum ex *Assyria* Sennacheribus quō-  
 dam, ac tot millium exercitus illius, in *Iudæā*  
 advexerat; quidquid item, longā deinde va-  
 stationis *Iudaicæ* morâ, corraferant, ac dein-  
 ceptis ex *Ægyptiis* & *Aethiopibus*, tot expeditio-  
 num secundis successibus, egresserant: id jam  
 universum *Ierosolymitarum* erat, & inprimis  
*Ezechie* regis; ut, cujus in caput impendiæque,  
 præ cæteris omnibus, *Assyriaci* belli terror ac  
 discrimen intentatum fuerat, in idem quo-  
 que victoriæ spoliis potissima nunc  
 felicitas sese refunderet. Par enim erat; ut, qui  
 plus sensisset oneris, plus indidem sentiret & com-  
 modi.

Ruina Sennacheribi.



*modi. (δ) Regrediebantur igitur, qui sæpe nuper flentes exierant, cum exultatione nunc; portantes (quod olim David cecinerat) non jam manipulos tantum spicarum, ac messium; sed onera sarcinâsque spoliorum gentis Assyriæ: stridentibus, lætô cum rotarum gemitu, per omnes Ierosolymorum portas ac vias curribus, & gravatis opulentiâ barbaricâ plaustris. Nemoque jam pauper, nemo nudus, aut esuritor, erat. Cantabantur ergo, per omnes urbis sacræ plateas, & in Salomonico præsertim Templo, laudes Divinæ. lætæ religiosissimo Regi, lætæ vati Numinis Isaia, voces per urbem, & acclamationes, fiebant: non à bonis tantum, & in Deo semper antè defixis; sed jam etiam, à deterioribus; quique religionis constantiam, ad temporum auram, circumferre venalem solebant. Gaudium igitur ingens, ac multiplex. erat omnium; de tam ingenti, sinéq; sanguine Ierosolymitis partâ, victoriâ: gaudium, de victoriæ copioso fructu. Sed victoriæ genuinus auctor, & causa, vulgò latebat: nisi, quòd (ut omnia cætera, quæ feliciter hominibus eveniunt) in Deum, velut omnis boni fontem, hujus quoque Fortunæ fluvius, referebatur à bonis, ac Deo dignis. Sed immortalis Angelus, As-*  
*syrio-*

Ruina Sennacheribi.

*Affyriorum Percussor*, cuiusnam mortalium plebejæ tantummodo probitatis, venisset in mentem? Ignorassent igitur Angelum; nescissentque Percutientem illius dexteram: nisi, doctus à Numine, *Propheta*, qui libertatem urbi prædixerat, idem & liberandi modum eis, ac ministrum, tandem edixisset; ore prius, deinde, consecrandis æternitati scriptis. (ε) Unde proinde didicere *Ierosolymitæ*: se *cælestibus Geniis*, in utrumque, curæ solitos esse, cordique, quatenus mererentur: seu malè, ceu sub  *Davide*  quondam; seu meliùs, uti tunc, sub *Ezechia*: mitissimòsq; *Spiritus* illos, quantum olim *contra* sacram urbem, ac Cives; tantum & *pro* Civibus postea, *sevivere* sustinuisse.

XV. Tenuit autem hujus, cœlò demissæ, felicitatis tantæ gaudium, atque fructus, dies complures: venientibus in partem lætitiæ, bonorùmque, cæteris quoque *Judeæ* totius urbibus, & oppidîs. Quibus, *Affyriorum* assiduò, per tantum temporis, incubitu, populationeque, plurimùm exhaustis; ab alimentis præsertim, quorum ingens erat, ex præda, *Ierosolymitis* copia, perbenignè liberalitérque subventum est: terræque deinceps omnis, quæcunque frugibus ac vindemiis apta super-

pererat, quoniam adhuc per anni tempus  
 sationibus & culturæ locus erat, exerceri  
 cœpta. Quo factum est; ut eorum, quæ præ-  
 dixerat olim, ac monuerat, ex ore Numinis,  
*Isaias*, de *Trium annorum, tam fructu, quàm præ-*  
*paratione nutrimentorum; de belli præterea se-*  
*cundissimo fine*, nihil intercideret, inexpletum-  
 ve remaneret. Inter hæc autem, *Assyriorum*  
 quoque *cineribus*, ad agrorum, quos dudum  
 exsuxerāt, pinguedinem aliquid stercoreatio-  
 ne conferentibus, *Sennacheribus* superstes e-  
 rat, *rex* eorum: dignissimus quidem, qui, sicut  
 princeps in delictis, sic & primus in supplici-  
 is, pœnas jam olim dedisset. Sed nempe,  
 nō *absolverat* eum ultrix DEI manus; verum  
 ad graviora *distulerat*: casurum fatō, non qua-  
 lī *vulgus* nuper, & *omnes*; sed, cujusmodi fu-  
 nere perniciēque cadere decebat eum, qui se  
 super omnes extulerat, & *mortales*, & *immor-*  
*tales*. Hic ergo, cum paucissimis, uti narra-  
 tum est, comitibus, è *Chanaanitide* profectus,  
 ac *Jordanem* transgressus; *Cœlesyriam* inter,  
*Arabiaq; deserta* solitudines, *vitabundus*, non  
*hostium* magis *tela* (ζ), quàm obnoxiarum  
 sibi gentium *ludibria*: *Niniven* tandem, evi-  
 tatâ sollerter *Babylonis* & *Chaldaea* celebritate,  
 pro-



propter solitudinem comitatûs insuetam, propemodum incognitus pervénit : idque quíntò non ampliùs, à fuga coeptâ ; *die* : propterea, quòd, *addente calcaria formidine, timens eos, à quibus caussa nulla timoris erat*, maximis interdiu noctûque confectis itineribus, *Ezechiam* vitabat, & *Judeos*; quos sibi suisque, fingebat, in tergis jamjam hærentes. (7) Cùm autem & à *Ninivitis*, Regiæ suæ civibus, & ab ipsis adeò *palatii* sui reliquiis, acceptus esset, haudquaquam pro vetere gestarum rerum fama gloriâque : (didicerant enim, & ex ejus tam solitariò reditu tragœdiam funestam ; & è fugæ regiæ comitibus, deleta *regis* esse castra) : rex, calamitatem, à se malè concoctam, ardore multò jam incensiore consumpturus ; graviter, & in *Judeos*, eorûmque regem, & in ipsum rursus *Deum*, exarsit. In illos quidem ; ut, pro quibus manifestè pugnâsse *Deum*, clade suâ tam incredibili, confiteri cogeretur. In *hunc* autem ; quòd, propudiosa *Circumcisorum* genti defendendæ, vim armorum suorum universam, vel è *cælo*, vel ex *Inferis*, effudisset. Cùm autem huic, utpote Numini, sub tactum aspectûmque mortalem nequaquam cadenti, nec vindictam posset

ne

nec talionis æqualitatem , reponere : constituit, in omne genus *Hebraum*, eosque potissimum, qui sui tunc juris ac ditionis essent, *Israëlitas* , conceptum jam olim furorem , & tunc immaniter adauctum , expromere : cæsis, mutilatis, fugatis, & ad incitas exutis , omnibus ; quotquot *Hebrai Numinis* addictos adorationi, sentiret. Demens, profectò ! qui, post inutiliter consumptas, in *terris*, armorum iras ; erigere nunc in *cælum* sarissas suas tentaret ; cùmque nihil adversus *homines* profecisset, *Deo* nunc facere bellum, in *Dei cultoribus*, adniteretur ! Ità semper, *stoliditate* novâ, *seipsum* superabat. Hoc igitur ultionis impetu conceptò ; *Ninivicularum*, ex *Israëlitis* quos illuc *Salmanasar* quondam, pater eius, captivos attraxerat , permultos interficere , rex cruentus, aggreditur. Interfectorum verò cadavera, quò solatii quiddam indè *Manes* haurirent *Affyriorum* illorum, quorum circa *Jerusalem* tunc corpora putrescebant ; post *murum* *Ninivês*, in sterquilinia, jubet, agròsque publicos, abiici. (9) Conquirentem autem, ac sepelientem, abjectorum reliquias, *Tobiam Senem*, *Nephthalæum* olim civem, ac tunc, unà cum cæteris suæ gentis , ad servilem  
apud

apud Assyrios conditionem redactum, ad cēdem ipsum quoque deposcit. Non repertum verò, quoniam virum hunc, propter mores sanctos, tam suis, quàm exteris amabilem, ipsi quoque *Ninivita*, cum uxore filioq; parvo, celabant; domo, fortunis, ac proscriptione, multat. nec erat alius *pœnæ titulus*, quàm; quòd, *improbissimò sub rege, pæne solus ipse, probitate contenderet super omnes eminere*. Dies porrò *novemdecim* (1) hæc *Tobie* latebræ tenuère: cum inter hæc (ut ferunt), *Ninivitarum* adversus regem suum orto jam pridem murmure; posteaque paullatim, ex ejus in captivos innoxios crudelitate, magis ac magis increbrescente: res ad seditionem tandem, & multorum conjuratione privatâ, malè dissimulatâ, publicas ad turbas, spectare cœpit. Namque filios alii, patrèsve; multi fratres, & consanguinitate sibi connexos, *indignis primum, minimèq; necessariis, in Iudeam & Ægyptum, imperiis extractos: nunc autem indignius multò, turpiusq;, quàm ullas unquam legiones, exercitumque, periisse, frendebant*. Cumq; rex arrogantì suâ, qua Deos hominèsq; laceßisset, stultitiâ, remq; suam, remq; publicam, evertisset; *Assyriamq; robore nobilitatis ac militia viduâisset: nunc in*



nos transfundere cladis suæ culpam ignominiâq;  
 velle; qui nec manum unquam cladi, nec digitum,  
 admovissent. Ad summam! innoxiorum cæde san-  
 guineque, dealbare pravitatis suæ navos conari.  
 Sed enimverò, melius litari cæsorum in Iudæa Piis  
 Manibus, nisi cadis auspice Rege cæsò, non posse.  
 Quæ, talésque voces aliæ, tumultuantium  
 Ninivês civium, cùm ad aures Sennacheribi,  
 tunc adhuc in Isrâelitas, eorûmque Numen,  
 vel maximè furentis, affluxissent: tum enim-  
 verò, more pessimè sibi consciorum, timere cœpit  
 omnes; qui modò, per cunctos dies illos, omnes ex-  
 terruerat. Multitudinis igitur, in regiam irru-  
 pturæ, seu verâ fulminatus, seu falsâ formidia-  
 ne, Sennacheribus (nam mortales, extremè sce-  
 lestos, æquè vanorum, quàm re verâ super-  
 impendentium, malorum pavor exagitat) ab-  
 jecit repentè gladium: arripuit preces. Quîq;  
 sibi, non antè multò, cædi victimas, arâsque  
 strui, per vim exegerat; ad aram nunc alterius  
 Numinis, mox ipse victima futurus, etiam asyli  
 causâ, fugam intendit. Templum erat, eâ  
 tempestate, Ninivês intrâ mœnia, Deo fîctili  
 sacratum; quem *Nesróchum*, aut, unicâ mutatâ  
 litterulâ, *Nesráchum*, Editio divinorum volu-  
 minum *Vulgata* nominat. *Nesrátum* alii; *Niz-*

Dd

ram,

Ruina Sennacheribi.

ram, Genebrardus: *Dagónem*, Hebraicæ traditiones; *Araſcum* denique, Flavius Joſephus, appellant. Ad huius ille cujuſcunque tandem vel nominis, vel numinis, *ſtatua*m, genibus (ô rex *Aſſyriorum* ! quouſque tua te Superbia præcipitem egit ? ) genibus, inquam, advolutus; incolumitatem, & ſuam, & aviti Solii, precatur. Exceptasque ferunt ſupplicantis voces, ac vota; *Reſpiceret tandem reſ ſuas, feſſas, ac, niſi divinitus ſuccurreretur, comploratas.* Si Deus eſſet, ſicut, eum eſſe ſanè, nunquam ipſe dubitâſſet: circumciſa gentis Deum, rebus *Aſſyriis inimicum*, & exitialem, clade quapiam gentis illius inſignî, notaret; dextrâq, ſuâ potentiore retuſum confunderet: ac ſe, *Nefróchi-cultorem*, cæteris religioſiorem, præſentiùs etiam ulciſceretur. Inprimis autem ſuorum adverſum ſe, turbulentos animos, irâſque, componeret: ſeditiones, aut imminentes averteret; aut motas, compeſceret. denique, malum omne periclitantis ſibi Soli propitiùs averruncaret. Pro quibus meritîs, ſi voti damnatum ſe deprebenderet; non ignobiliore ſe victimâ, quàm Phœnices, quàm Pœni, quàm Moabite (x) ſolèrent, ei ſacra facturum. E tribus enim filiis, uno ſibi ſuffectò (nominabat autem *Aſarbadðonem*), reliquos duos, *Nefróchi ſu-*

per

Ruina Sennacheribi.



per aram, immolaturum: quò tandem desinerent  
Ninivita, deplorare suos; ubi cecidisse cernerent, &  
Regis sui filios. (λ) Hæc, aliâque talia, vocis  
sonitu, minùs, ac necesse fuerat, circumspe-  
ctò suppressoque, propalam ab rege prolata;  
non defuerunt è ministris, qui protinus, ad  
ejus filios, victimæ destinatos, enuntiarent.  
Illorum alteri nomen *Adramelech*; alteri,  
*Sarasar* (μ), erat. Hi [quod *Rabbinici* tradunt  
libri] trepidi statim, ac turbatâ mente, con-  
cursant. Sui conservandi consilia miscent;  
quâque ratione, suis impendentem cervici-  
bus interitum, parricidiò prævertant, in com-  
mune deliberant. Si Pium utique pulcrumque  
futurum sit; pro genitore, qui vitam dederit, vi-  
tam impendere, caderêq; pro patre filios: quan-  
dò tamen fore magis impium, filios à patre? Na-  
turam eandem, que pareri, parcîq; velit parenti-  
bus; dictare patribus invicem filiorum charitatem,  
et tutelam. nec sanè DIs ullis, nisi præferocibus,  
inòq; cælo minimè dignis, esse cordi posse Sacrum  
juscemodi; præ cuius immanitate, virtus sit, omne  
sacrilegium: & cuius causâ, victimarius, atq;  
carnifex, fieri cogatur, idem; qui carnis ac vitæ  
verit auctor. Denique, si placandi per homines  
DIs; si placandi per Deos, homines sint: de suis pa-

D d 2

tera

Ruina Sennacheribi,

*Idem, de quo supra*



ter, non de filiorum extis, eos placaret. Hæc inter sese *Sárasar*, & *Adramelêchus*, collocuti; continuò furentes, accinctique gladiis, in Templum cursu contendunt. Ibi, supplicentem iisdem adhuc, quibus antea, verbis, & gestibus, patrem inveniunt: ac, nec quid, nec quare, facinoris sui redditâ cuiquam ratione, districtis in eum ensibus insiliunt. Trepidantem, ac frustra nunc preces à *Nesrócho* suo versurum ad filios, obtruncant: eademque sceleris insolentiâ, qua *Sennacheribus* semper Veram Divinitatem protriverat, ipsi jura tunc Humanitatis ac Natura conculcant. Conspergis porrò paternò cruore, templi pavimento, parietibus, arâ, Simulacrò; totâque propterea *Ninivâ*, cæde cognitâ, multò nunc furiosius in filios, quàm paullò prius in patrem, tumultuante: *parricide*, dispositos in equos sublatis, perque notas viarum ambages urbi simul, iræq; civiũ, (v) subducti; superatò Tigri, montibusq; Gordiæis, fugam in *Armeniam* intendunt. Imperium autem, designatione jam olim paternâ sibi debitum, nec invitis multum Assyriis; *Asarbaddon*, frater eorum, natu minimus, suscipit. A quo tamen haud ità multò post, tum alii quidam provinciarum

satra-

satrapæ, tum inprimis Babylonius, *Baladan Merodachus*, alieniores effecti; novare res cœpère. *Merodachus* autem paullatim, Prætoris appellatione pristinâ non contentus; quasi pro suo (quod arma, civiûmque favor, ei dabant) jure, Babyloniorum se *Regem* palàm ferre. Quem, constat, post hos ipsos Assyriæ tumultus, ad *Ezechiam* Judææ regem, oratores legâsse: verbò quidem, qui partim restitutam regi valetudinem gratularentur; partim de *Solis*, ut alibi dictum est, retrogressi prodigio, deque stupendâ sæculis omnibus *Assyriorum* nuperâ strage, sciscitarentur: reipsa verò, fœdus, ac societatem armorum, & offerentes, & invicem ab *Ezechia* flagitantes. Cujus consilii summa, *Merodacho* fuit hæc: ut, qui *Medum* jam Satrapam, aliòsque nonnullos, in societatem rebellionis adscivisset: posthæc, adjunctò quoque *Judææ* rege, mentis ejusdem Principe, meritòque rebus Assyriacis infensò; tantò pluribus inniteretur armorum subsidiiis, siquid adversùm se fortè moveret *Asarrbaddon*. (ξ) Hostis interea gentium omnium publicus, *Sennacheribus*, ad aras suas hostia factus: rōgo cadaver suum; ludibrium suū populis Orientalibus; infamiam solii sui poster-

D d 3

steri-

Ruina Sennacheribi.

steritatis annalibus ; Orco verò, miseris omnibus circumvolutum Spiritum suū, transcripserat: dignissimus quidem malis universis, dummodo tamen modis manibūque, minùs *indignis*, corruisset. Ex quo tamen viro, per omnia cæteroqui Pessimò, commodum emerfit ingens: Bonus, inquam, *Israëli*, cunctisque *recto corde* præditis, Deus! (o)

XVI. Certè namque *benevolentia* Deus luculentâ, primò quidem *Tobiam*, omnesque captivitatis *Israëlitica* consortes, apud Ninen, complecti se, demonstravit: quando *Sennacheribi*, semel educum in cervices eorum, acinacem, fecit *brevem*: tempore crudelitatis eius, quod, per ætatem tyranni, complures adhuc in annos excurrere potuerat, exiguum in spatium convolutò. Cæsus enim *Sennacheribus* est, circa *quadragesimum*, à reditu suo, diem. (w) Clementiam deinde mirificam, ac tantò majorē, *Ezechie* *Ierosolymisque* Deus præstitit; quantò *beneficii præstantioris* est, *gladium omnino non experiri, quàm, ab illato jam, & sevitiam exorsò, liberari*: quando castrorum *Sennacheribi* furias, in posterum diem præparatas, & in capita fortunāsque *Ierosolymitarum* effundendas, interpositu noctis unius,

Ruina Sennacheribi,



per *Angelum* disjecit; & in ventos favillamq;  
disperfit. Quid potuit *pater* ullus, aut ulla  
*mater*, amabilius præstare filiis unicis: non  
*ictum* tantummodo, sed *totam* omnino *vir-*  
*gam*, à trepidis, & plagam expectantibus dor-  
sis, avertendo? Quàm Bonus igitur *Israëli-*  
*tum Deus*, non iis tantum, qui *Rectò* tunc e-  
rant, sed illis quoque, qui *distortò pravòq;* cor-  
de? quorum mortalium (ut in superioribus  
dictum est) non deerant *Ierosolymis*, eo tem-  
pore, manipuli. Verum *asper* interim, inquis,  
& immitis Assyriorum agminibus: *asper* corū  
*Regi*. Deus! At in hoc ipso, *Bonus* Publico  
terrarum Orbis commodo fuit: ut, in hæc,  
tam insolita, tam atrocia, supplicii cœlestis  
*exempla*, defigentes aspectum posteris; delin-  
quere paria formidarent, nisi paria tolerare  
mallent. *Improbis* erat Assyriorum exercitus:  
*improbissimus*, eorum Imperator. Cælo bellum  
iste, contumeliosus in Deum, dictis, cogitatis,  
ac factis, movebat. Exercitus, approbabat; si non  
omnes *linguis* & *animis*; omnes certè, sacri-  
legi belli ministeriò. Quis autem sanctæ sa-  
næq; mentis homo nescit; *morte dignos esse*,  
*non eos solummodo*, qui *nequiter* agunt, aut im-  
piè: sed illos quoque, qui *consentiunt*, aut socian-

Dd 4

tur,

Ruina Sennacheribi.

tur, agentibus? (p) Detrusa sunt igitur, tanquam *Impietatis armata commilitum*, ad infima Tartari loca, *Percussoris Angeli* manu vindice, *Centum octoginta quinque millia Sennacheribi satellitum: ad terram ultimam*, cum omnibus iis, qui per tot sæcula descenderant, & adhuc porro descendent, in lacum, igne, pice, sulphuréque stagnantem. Hanc tantam antecursorum suorum multitudinem, permodicò temporis interjecto spatiò, Rex ipse tandem, omnis Impietatis ductor, insecutus: propter *Circumcisæ* gentis odium, & Numen, gladiò cæsus domesticò; dormit jam, somnò ferreò, cum *Incircumcisis*. Illic *Affur* igitur (quod Ezechiel ait) & omnis *Assyriæ multitudo*; gladiò, quem nemo vidit, & omnes tamen senserunt, interfecti. Sepulcra jacentium, in circuitu, per gyrum *Gehennæ*; sedentium in novissimis inferni lacùs. Quique latè quondam armorum suorum formidinem, Orientis per terras circumlatam, sparserant in omnes ferè gentes: ii deportarunt secum suæ, divinitus acceptæ, cladis ignominiam; cum bis, qui descendunt in lacum. Qui descenderunt ad Inferos cum armis suis: & posuerunt gladios suos sub capitibus suis; licentiæ suæ ferociæque militaris facinoribus,

Ruina Sennacheribi.

ribus, tanquam pulvinis, incumbentes. *Hac namque requies* eorum erit; *nulla* deinceps, *ul-*  
*lius* puncti temporis, *non diurna, non nocturna,*  
*quies.* (σ) Nam *Iniquitates eorum in ossibus il-*  
*lorum,* tanquam flammæ febrilis intestinus  
ardor, assiduò furunt, & exæstuant. *Ibi de-*  
*nique Principes Orientis omnes, & universi po-*  
*pulorum venatores;* qui ditionibus alienis, in-  
stigatore ductoréque *Sennacheribò,* plagas ac  
retia tendebant. *Qui deducti sunt, in abyssum*  
*Acheruntis, cum interfectis gladio: qui portârunt*  
*confusionem suam, cum omnibus aliis, qui de So-*  
*lio, superbisque prætoriis, descenderunt in la-*  
*cum.* (τ) Horum omnium, ut hîc olim *Blas-*  
*phemia,* sic nunc *pœnarum* illic, antesignanus  
*Sennacheribus;* in flammis natat. De cujus, in  
Summum Cœli Numen, insolentiâ maledi-  
centiâque, cùm satis dictum in superioribus  
sit: eò nunc suppliciis reliq̃tō suis, ad *Imita-*  
*tores* illius, hodiernorūque præsertim tem-  
porum *Blasphemos,* paucis adhuc stylum con-  
verto. Paveant hi, quicunque tandem, & cu-  
juscunque Sacrorum cultûs nomine, cense-  
antur: ac, simillimis pro dictis factisque, si-  
millima *Sennacheribo Rabfaciq;* tormenta præ-  
stolentur. Quod ego, non tantum de malé-

Dd 5

dicis

Ruina Sennacheribi.



dicis in ipsum *Numen*, quâ Cœlo præsidet; sed, in divinissima quoque *Sacramenta*, Christi- que *Sponsam Ecclesiam*, ac cœlô jam receptos hominum *Spiritus*, nequis eos sermonibus impiis incessat, summâ curâ velim admonitum. Nam & *hos qui tangit, is Oculi divini pupillam sauciat* (v). *hos qui spernit, is & Christum spernit*; qui *Caput* est omnium suorum: *Ecclesia, corpus*: *Divi, piique, membra Corporis*: *DEUS autem, in Omnibus omnia*. (D) Videant igitur *Blasphemi*; quémnam, horum aliquo verbis factisve violatô, sibi capiant *Inimicum*? Illum, illum utique, qui *templa cœli summa sonitu concutit*: Illum *Antiquum dierum*; *cujus thronus flammæ sunt*: *cujus à facie fluvius igneus ac rapidus egreditur*; qui per circuitum devorabit inimicos suos. Cui, quis unquam restitit; & pacem habuit? (x) Cui *millia millium ministrant semper*; & *decies millies centena millia Spirituum Angelicorum assistunt*. Quorum unus unicus, si vastare, sub noctis unius brevissimum tempus, potuit *armatam in castris Assyriam universam*: tot *Angelicorum ensium myriadibus*, quónam, quæso, pacto tu tandem, *unicus homuncio*, congregiêre? Nec sublevabit, in illo cœli foro, quidquam sacrilegam tuam,

aut

Ruina Sennacheribi.

aut linguam, aut manum: si tu, pro te tuâq;  
 perditâ causâ, clames; **IGNORANS FECI!**  
**QUOD NON INTELLIGEBAM, EFFUTII!**  
 Nam hîc eodem potuerant, & *Rabsaces*, &  
*Sennacheribus*, uti *scutô*; malitiæ suæ protegen-  
 dæ. Poterat hunc *clypeum*, adversûs Iræ divi-  
 næ fulmen, & ille Japonum imperator oppo-  
 nere; qui, nostrâ memoriâ, non *Christianos* tan-  
 tum, insulâ, fortunîs, vitæque, sanguinarius e-  
 jecit: sed, vel ipsum, si coelô descenderet, &  
 Japoniam intrare præfideret, *Christianorum-*  
*Deum*, se tormentis omnibus (quis Piorum  
 hîc non inhorrescat?) *excarnificaturum* esse,  
 jurâsse fertur. Impiissimè sanè! nec, nisi de  
*Luciferi* faucibus eruâtâ voce, dixit hæc Ty-  
 rannus; si dixit. At vos, Xogûnum Japonum,  
 & Sennacheriborum Assyricorum, pedisequi;  
 videte, per Salutem vestram! ne fortassis &  
 vos in eundem *Offensionis Lapidem* impinga-  
 tis. Quid est enim in *Eucharistico Sacramento*,  
 ritè confectò, [rideatis licèt omnes *Sacramen-*  
*tarii*] quid est aliud, quàm *Christus, Dei filius*,  
*ac Deus De Deo; Deus Verus, de Deo Vero?* non  
 autem, *nudum tantummodo Christi Signum?*  
 Id, quod vobis, si Sacræ pagine non luce me-  
 ridianâ clariùs loquerentur, ad ravim usque,  
 satis

Ruina Sennacheribi



satis jam supérque Vetus omnis , ac recentior, Orthodoxorum demonstrare, persuadereque , debuerat *Ecclesia*. Quid agebant igitur in Africa Donatistæ ; Canibus *Eucharistiam*, tanquam profanum panem, objicientes ? quid [ ut alios præteream ] execrabiles *Anabaptistæ* ? concerperentes Angelorum hunc Panem, & publicè clamantes ; *En ! si Deus hic esset, numquid non hanc sui contumeliam ulcisceretur ? & sui carnifices invicem excarnificaret ?* (ψ) Id agebant planè Tenebriones isti, quod *Sennacheribus*, quod *Rábsaces*. In Cælum ponebant os suum porcinum, &, cum illa Danielis bestia , grandia loquebantur ; nocturnaque ranarum in æstate tonitrua ciebant. Veritas interim *Verbúmque Domini*, protestantis, Hoc CORPUS esse SUUM , & non , Corporis jejuni Signum , *manet æternum*. Quid dicent ergo tales hi, veritate tandem , (sed quando jam serum erit) intellectâ ? quid opponent ? IGNORANTES se FECISSE, DIXISSE, MALEDIXISSE ? Dicant sanè ! Sed respondebitur eis ; IGNORANTES, post tam multam præsertim , támque perspicuam veritatis obtrusæ lucem, IGNORATUM iri. (•) Proceedit autem hæc eadem , quam nunc premimus , argumentum-

Ruina Sennacheribi.



mentorum ratio , non minùs adversùs eos ; qui, de DEO quidem, bene se rectéque sentire, gloriantes, in DIVOS tamen, *Dei* familiares ac *domesticos*, insurgunt. Non hîc *Iconoclastarum* furorem produco : qui, præter cæteri generis contumelias infinitas , *Imaginibus sacris* impactas ; nonnunquam pias eorum statuas, templis extractas, & armis militaribus exornatas ; in muris, *præsidiariorum* habitu, specièque, collocârunt : hostibus , à quibus oppugnabantur, *Catholicis*, in ludibrium simul, jactuúmque, *scopum*, propositas : spectaculô tamè ejusmodi, quale plerumque *Trojanum* illis *exscidium* renovavit. [aa] Sed hæc, ut dixi, transcurro : non diduco. Vulgatius , inter *Sæculi nostri GIGANTVM* pugnas ; cœlo prælia moventes, insanix genus est : *Divorum*, cum Deo regnantium , pro mortalibus *preces* ac *suffragia*, ridere : conceptas ad eos postulationes explodere : vota, Superis nuncupata, tanquam Impietatem damnare. Quod hodie plerisque *Sectariorum* receptissimum est. Et nos quidem , qui toti quotidianique sumus, in *Ecclesiæ primæve* librîs, ac Doctõribus, expendendis, certô certiores sumus : ab origine statim, primoque, secundoque, Sæculô religionis

Ruina Sennacheribi.

nis Christianæ, sanctissimo cuiq; doctissimo-  
 que cordi fuisse; præter *Latriæ*, soli Deo de-  
 bitam, reverentiam & adorationem, *Divine*  
 quoque *genitricis*, ac *Divorum*, *implorationem*.  
 Nec ista, tam explorata, Veritas, potest esse,  
*nisi sponte sua cecis*, unquam obscura: quippe,  
 tot *testibus*, quot *cælum constellationibus*, illu-  
 strata. Clamant nihiloscius hi *blasphemæ*, si  
 quando fluctuent, permissu Dei, remiges  
 classis Orthodoxæ, supernatentq; victrices  
 prædonum piraticæ: clamant, inquam, cum  
 aliquo Nabuchodonosore; *Nobis hæc urbes*,  
*hæc jurâ, templa, prædia, territoriâque, vel inviti*,  
*cedetis. nos vestri dominabimur: vos autem ob-*  
*noxii nobis eritis. Et quis est Divorum in Cælo,*  
*quos vos nunc invocatis, qui vobis opituletur?*  
*Quæ Mariâ? quis Petrus? quis è Quatuordecim*  
*Auxiliator; qui vos eripiat de manibus nostris?*  
 Renovant iidem, & *Râbsacen* nobis, ac *Senna-*  
*cheribum*, ex aliqua *jaëlantia* profanæ parte:  
 deque sacrilegis suis *Imaginum* ac *reliquiarum*  
*excidiis*, impiè gloriantes; Numquid (ajunt)  
*provinciarum regnorumq; vestrorum Semidei, Pa-*  
*tronique, vel tutati sunt addictos sibi populos? vel*  
*obstitere nostris, ac majorum nostrorum, conatibus;*  
*dum eos eradicaremus? Nos, apud Turbas, Fran-*  
 ciscæ

Ruina Sennacheribi.

cisci Paulani, Martinique *Præsulis*, à nobis ex-  
storum, cineres, in Ligerim sparsimus. nos, apud  
Pictavos, Episcopum Hilarium, in Vigennam; nos  
apud Lugdunenses, Irenæum, Justum, Bonaven-  
turam, in Rhodanum; nos apud Engolismenses,  
quidquid Divorum humatum fuerat; & apud  
Cantuariam in Anglia, Thomam, urbis ejusdem  
Pontificem, exhumatos, flammis absumpsimus: ab-  
sumptos, in flumina, ventosque, dissipavimus. [66]  
Sic & alios alibi Divos exterminavimus. Et quis  
eorum omnium, aut singulorum, nostræ se potestati  
subducere potuit, aut eruere? Talia sunt, quæ  
contra nos, *Apocalyptica Rane*, Superiorum in  
contumeliam, coaxant: quibus, ex quadrante  
saltem, si nondum ex asse, Sennacheribi se,  
demonstrant, hæredes, ac successionem, esse.  
Quos quidem, produciâs in medium exemplis  
eorum quàm plurimâs, quorum scelestos ad-  
versum se conatus *Cælites* atrociter uli sunt;  
retundere nullô negotiô, mihi promptum ef-  
set: nisi, negotium esse supervacaneum, existima-  
rem, canere velle surdis; aut narrare monimen-  
ta temporum auribus, omni sanæ fidei clau-  
sis. [77] Sed, credere sanè difficiles, & con-  
tumaces, sint! Veritati tamen, obstinatione  
suâ, nunquam oculos exurent. Quod autem vos,  
impro-

Ruiæ Sennacheribi.



improbitalis, in *Deum*, *Divosq.* districtæ, non-  
dum, aut non passim, poenas exsolvistis, ô *Cæ-  
li-Contemptores*: mirari, rideréque, desinite.  
Nam, erit aliquando; cùm amarum ploretis.  
*Suspendium* habetis vindiæ; non, *veniam*.  
*IMPUNITAS* diuturna, gravioris supplicii pi-  
gnus ac minæ sunt: & *nondum* omnis *Affyriace*  
*cladis* consumpta *Nox* est. Adhuc immensa  
superest æternitatis *vespera*; tortoribus *Ange-  
lis*, torquendisque *Blasphemis*, reservata. *RUI-  
NÆ* Theatrum *Sennacheribus* hîc inchoavit, &  
*aperuit*: vos illic implebitis, & *claudetis*.

## A V C T O R E S.

[A] *Jacobus Saliatus*, in *Annum mundi*  
3278. edit. *Coloniens.* in capite *Anni*; & in *En-  
chiridio suo Chronologico*: ponit numerum anno-  
rum *Phulis*, 43. ut & anno precedente, 42. ac sic  
deinceps, retrò gradiendo. In corpore verò *Anna-  
lium*, numero 12. tantum 42. Alii autem tribu-  
unt *Phuli* annos 48. [b] *Isaia* 20. vers. 1. & *S.*  
*Hieronymus*, in *Commentar.* *ibid.* [c] 4. *regum*,  
cap. 18. v. 8. (†) *Hæc omnia, quæ per aliquamul-  
tos versus retulimus, super preparatione Ezechie,*  
*& urbis Ierosolymæ, adversus instantem Affyriaci*  
*belli*

*Ruina Sennacheribi,*

belli impetum sustinendum: licet à Sacro Scriptore posterius narrentur; ab initio tamen statim fieri cœpisse, tum ratio prudentiâq; suadent, tum Sallianus quoq; indicat: & immò apertè docet, in annum mundi 3322. num. 12. [d] Indicat hoc S. Isaias, cap. 30. v. 6. & aliquid etiam, cap. 31. usque ad v. 4. [e] Deducitur satis; ex ejusdem Isaiæ cap. 30. v. 1. ac cæteris; usque ad 6. Et rursus, cap. 31. à v. 1. & c. Offensum autem fuisse Deum: patet, è v. 1. capitis 30. usque ad versum 4. [f] Dixit enim Jerosolymitis Deus, per Isaiam, cap. 30. v. 3. Et erit vobis fortitudo Pharaonis, in confusionem: & fiducia umbræ Ægypti, in ignominiam. [g] Quantumvis Flavius Josephus, & alii nonnulli, tradiderint; primò confestim impetu captas omnes esse Judææ, ac Benjamin, civitates & oppida: parùm scilicet expendentes; à S. Scriptura usurpata hæc verba, 4. reg. cap. 18. v. 13. (Annò quartodecimò regis Ezechix, ascendit Sennacherib, rex Assyriorum, ad universas civitates Juda munitas: & cepit eas) per Anticipationem, intelligenda fuisse: sic, ut illo loquendi cursu connecteretur simul, ac semel; quidquid, universò illo belli Assyriaci tempore, gestum esset, circa urbium, aut expugnationes, aut expugnandi conatus. Id autem, quod dico, confirmant

E c

verba

Ruina Sennacheribi.

verba libri 2. Paralipom. cap. 32. à versu 1. Veni  
 Sennacherib, rex Assyriorum: & ingressus Ju-  
 dam, obsedit Civitates munitas; VOLENS ea  
 capere. Non igitur unâ confestim *πολιορκίᾳ*  
 & expugnationum, tempestate procellaque, sed pe-  
 detentim, eas, quas cepit, cepit. non enim fortassi-  
 omnes (ut patebit ex eo, quod à Lachis primùm,  
 ac deinde etiam, à Lobna urbe, recessisse, Jerosoly-  
 mam versùs, & indè in Ægyptum, dicetur): u-  
 propterea, in modo illo loquendi, Ad universa  
 ascendit, & cepit eas, hyperbole latere possit. [h]  
 Sic expresse tradit Jacobus Salius, in Annun-  
 mundi 3322. num. 12. in fine [i] Psalmò 36. v. 17.  
 [k] Psal. 17. v. 35. [l] Hec, & plura, de Pelusio  
 etiam apud Stephanum priscum; & novissimè  
 apud Carolum quoque Stephanum, in lexico Geo-  
 graphico, reperias. [m] Capit. 30. v. 15. Et effun-  
 dam (inquit) indignationem meam, super  
 Pelusium, Robur Ægypti. Hebrais, Libua, &  
 Sin, dicitur ait Arias Montanus. [n] Lege Isai-  
 caput 20. quod perbreve est: & in illud, si vacat  
 commentantem S. Hieronymum, ac ceteros. [o]  
 De tribus bis Regibus, Anyfi scilicet, Sabáco, &  
 Sethone, Herodotus Halicarnassèus, in Euterpi-  
 sua, hoc est, historiæ libro 2. longè post medium  
 hac scribit. De Anyfi quidem, & Sabáco (quem  
 poste-

Ruina Sennacheribi.



posteriorem, Joannes Cluverus, Epitomēs Historiarum libro 5. à Prophetica Scriptura SUM, ait, appellari) sic. Μετὰ δὲ τῷ (videlicet, τὸν Ἀσυχιν Regem) Φασὶ βασιλεῦσαι ἄνδρα τοφλόν, ἐξ Ἀνύσιος πόλεος, τῷ ὄνομα Ἀνυσιν εἶναι. Ὡπὶ τῷ βασιλεύοντι, ἐλάσας ἐς Αἴγυπτον, χειρὶ πολλῇ, Αἰθιοπίας, καὶ Σαβακῶν, τῶν Αἰθιοπῶν βασιλέα. Τὸν μὲν δὲ τοφλόν τῷ οἴχεται Φεύγοντα, ἐς παλῆα. τὸν δὲ Αἰθιοπα βασιλεύειν Αἰγύπτου, ἐπὶ πεντήκοντα. Inferius deinde, multos post versus, de spontanea Sabaci regis cessione, sic loquitur. κὼν ἀπαλλάσσετο ἐκ τῆς Αἰγύπτου ὁ Σαβακῶς. De reditu verò Cæci Anyfis, in regnum suum Egyptium, mox subdit. ὡς δὲ ἄρα οἴχεσθαι τὸν Αἰθιοπα ἐξ Αἰγύπτου, αὐτὸς δὲ τοφλὸν ἀρχειν, ἐκ τῶν λέων ἀπικόμενον. Quæ, ex ipso historia Græca fonte sciri, pretium est opera, vel ideò: quia sunt, qui, Græcò scriptore vel penitus non inspectò, vel nò satìs expensò, Sabaco immediatè Sethonem substituunt. Quam rem secus habere se; liquere debet, ex allatis nunc Herodoti verbis. Denique, de Sethone rege, aliquantò post hac, quæ produxi, subdit. Μετὰ δὲ τῷ (intellige, Ἀνυσιν τὸν τοφλόν) βασιλεῦσαι τὸν ἱεῖα (pro ἱερέα, sonum dialecto habendo) τῷ Ἡφαίστου, τῷ ὄνομα εἶναι Σεθῶν. &c. [p] Hoc enim vult Herodotus, cùm ait;

Ecce 2

Setho-

Ruina Sennacheribi,

Sethonem, παραχρησάμενον τῶν μαχίμων, ὥς ἔ-  
 δειν δλεσόμενον αὐτῷ, ἄλλατε δὲ ἄτιμα ποιεῦντα ἐς  
 αὐτὰς, καὶ σφείας ἀπελέσθαι τὰς ἀρεύρας; *incurrisse*  
*in subditorum, ac precipue, militaris ordinis, of-*  
*fensionem & odium. Vnde, factum esse; ut is ab*  
*eis destitueretur, tempore belli Sennacheribæi.*  
 mox enim subdit. Μετὰ δὲ, ἐπ' Ἀγυπτον ἐλαύνει  
 στρατὸν μέγαν ΣΑΝΑΧΑΡΙΒΟΝ, βασιλέα Ἀραβίων  
 π, καὶ Ἀσσυρίων. οὐκὼν δὲ ἐθέλειν τὰς μαχίμους  
 τῶν Αἰγυπτίων βοηθεῖν. Quo ex Herodoti loco  
 clarè vides; Sennacheribum, *Affyrriorum Regem,*  
*ne profane quidem Græcorum, & Jonum, historie*  
*fuisse ignotum: etsi unius litterula, α, pro ε, sub-*  
*stitutione. Quem scribendi modum & Cluverus*  
*est amplexus: dum, libro 5. Epitomês, cum cum*  
*Idololatra Herodoto mavult Sannacheribum,*  
*quàm cum Orthodoxis, immò verò, cum suorum*  
*quoque plerisque, Sennacheribum, appellare.*  
*Nempe, Semper Africa, & Athenæ, Sedæque,*  
*aliquid Novi, & exotici! [q] Hoc expresse tra-*  
*dit idem auctor Halicarnassens; cum ait. ἐπὶ δὲ*  
*δὲ τῶν αἰ (Σειθῶν, videlicet, Ægyptio Regi) τῶν*  
*μαχίμων μὲν ὑδὲνα ἀνδρῶν. καπήλους δὲ, καὶ χει-*  
*ρωνάκτας, καὶ ἀγοραίους ἀνδρώπας. Quod quidem*  
*ille narrat, accidisse prælio; quod commissurus erat,*  
*post Oraculum jam ei datum, à Vulcani Statua,*  
*per*

Ruina Sennacheribi.



per quietem nocturnam. Sed, non majores, nec fortiores, copias adbasisse Sethoni, ne superioribus quidem adversus Assyrium praeliis; satis e contextu præcedente claret. [r] Sic namq; scribit, libro 2. Τὸν δὲ ἰγία (Σεθῶνα videlicet, pariter Ἐβασιλέα) ἐς ἀπορίαν ἀπειλημένον, ἐσελθόντα ἐς τὸ μέγαρον (quæ vox, non tantummodo Domum amplam, Palatium, Cœnaculumve; sed etiam Templum, locumque Sacrum quemlibet, notat) πρὸς τὸ ἄγαλμα (id est, τὸ ἄγαλμα, Jonicâ linguâ) ἀποδύεσθαι, οἷα κινδυνεύει παθεῖν. Deinde ἐπελθεῖν ὕπνον, καὶ οἱ δόξαι, ἐν τῇ ὄψει, ἐπιστενέειν τὸν θεόν, &c. [s] Isaia 37.v.8. Ἐ 4. regum, 19.v.9. Audivit (Sennacherib) de Thâraca, rege Æthiopum, dicentes; Egressus est, ut pugnet contra te. Sennacheribum quoque, adversus eundem Regem expedisse copias suas; testatur Quartus Regum liber, cap. 19. v. 9. suprâ cit. Et iret (inquit) contra eum (videlicet, Æthiopiæ Regem). Quæ sanè omnia, consona sunt etiam minis propheticiis Isaia, cap. 20. v. 3. Ἐ 4. Ἐ expositioni S. Hieronymi, in illud ipsum, quod attuli, caput. (t) Situm autem urbis interiorē, utique non optâset explorare Rabsaces: si, (quod Rabbini comminiscuntur) hic idem Rabsaces, Isaia propheta filius, ac Jasubi frater, fuisset: religionis (ut fingunt) Judaica de-

Ec 3

sertor;

Ruina Sennacheribi.



sertor; patris ac patriæ proditor; & in castra Assyriorum perfidus transfuga. Quæ (sicut & cætera, de eo, conjectura, quasi scilicet Samarita Rabfaces fuerit, &c.) nuga sunt, ac fabula comicæ. Et sanè, nisi quis, ad tuendum tantummodo placitum obfirmatus, pertinaciter contendere gestiat; eum nomen suum vetus Hebraicum, post transfugium, immutasse in Assyriacum, aut Parthicum: è sola nominis Rabfacis analogica affinitate, satis patet; eum exterum, & non, gentilem terræ Iudæicæ, vel urbis Ierosolymitanæ Samariæve, fuisse: cum Rabfaces, haud minùs, ac Mazaces, Arbaces, Arfaces, ac similia plura, genus ac gentem Parthicam, Persicamve, vel Medicam, redolcat. (u) Aliter aliquantò Salianus, hoc loco, in annum Mundi 3322. num. 21. ubi ait; In colle Gihon, qui est ab Oriente civitatis (Ierosolymæ) unde aquæ deducebantur, in usum fullonum. Ego verò Collem-Gihon; & tam Inferiorem Fontem Gihon, quàm Superiorem, apud Christian. Adrichomium invenio, ad Occidentem potiùs Ierosolymæ. Piscinam verò Superiorem, &c. ad Meridianum cœli tractum. Certèque, multò propiùs fidem est; Legatos Assyrii Regis, de Lachi venientes, ceu Occidentali oppido, ad Occidentem primò urbis: postea verò, clausâ illius repertâ portâ, ad

meri-

Ruina Sennacheribi

meridiem potius, quàm Orientem, accessisse. (x) De his legatis Salianum vide, anno, modò citatò, num. 22. 23. 24. & 25. (y) Quidam, & Prætorio Præfectum dixere, apud eundem, num. 22. & Stephanum Menochium, in cap. 18. libri 4. regum, vers. 18. (z) Vide Christophorum Helvicum, in Theatro Historico; de Dynastiis Ægyptiorum, à temporibus Templi Salomonæi Conditæ, usque ad Sethonem. Item Herodotum, libro 2. historiæ.

(Aa) Vt enim Decade Ruinarum I. memini: non unus solus omnem sub se Ægyptum Rex, primis illis temporibus, habebat: sed, [quod & apud Helvicum, in Tabulis, videas] diversas in Dynastias, ac vóuxs, scindebantur. (bb) Hebræi namq; πτεράγαυατορ Dei nomen, JEHOVA, non pronuntiant, idque reverentia causâ: sed, illius loco, dicunt ADONAI. Id, quod Rabsaces, seu Judæicæ linguae peritiâ imbutus, non utique nesciebat. (cc) De Columbæis, quarum Imagines, in signis seu vexillis suis militaribus, Assyrii gestabant; dixi, Decade I. in Ruina Semiramidis, ante finem. (dd) Hoc bellè, eruditèq; simul, doctissimus, verèq; coturnatus scriptor, Hugo Grotius, in suo Christo-Patiente, observavit, Sermone, quem Pilato Præsidi tribuit; querelis, super inquietâ turbulentâq; Judæorum indole gentèq;, plenò. (ee) Licet enim

Ee 4

enim

Ruina Sennacheribi.



enim Ezechia regis Oratores, seu Legati, ad populi potius consternationem avertendam, Rabfacci institerint; ne hic linguâ uteretur, quam & populus intelligeret: Rabfacci tamen causam banc aperire, prudentia dissuadebat; & è contrario, potius dictabat, ut Legatorum Regis Assyrii periculum ex populi temerario motu, ei proponerent. Ac sanè, Menochius quoque, in caput 18. libri 4. Regum, v. 26. reipsa Oratores Ezechia id postremum formidâsse putat: dum ait; Cupiebant, orationem Rabfacci à gregariis militibus non intelligi: ne offenderentur; & iram continere non valentes, sagittas in Rabfacem jacularentur. Ad-  
 dit post hæc, & primam illam meam metûs eorum causam: cùm inquit; Aut certè, ne nimis tererentur. [ff] Salianus ait; Ad manum illam Assyriorum validam efficiendam, qua succinctus Rabfaxes venerat primâ vice ad mœnia Ierosolymorum; Equites Quingentos sufficere (in annum mundi 3322. num. 32.) Hac igitur & nos contenti simus Assyriorum, cum legatis, copiâ & comitatu; quippe, qui satis honorificus, & ad terroris præ gustum faciendum Ierosolymitis sufficiens, esset. Non fuisset autem sufficiens, ad Ierosolymam ex professo oppugnandam, obsidendamve: sicut tamen aliqui, re minùs expensâ, crediderunt, & scripserunt.

*Inter.*



Inter eos, est etiam auctor Theatri Terra sancte  
 pag. descriptionis Ierosolymæ 239. colum. 2. edition.  
 Coloniens. in fol. ann. 1628. [††] Ista per calu-  
 mniam, & exaggerationem mendaciloquâ, effundit  
 Rabsaces. Satis enim de annona providerat E-  
 zechias urbi; in obsidionem, etiam satis diutur-  
 nam. Tametsi hæc ipsa annona tam sollicita & co-  
 piosa preparatio latere Rabsacen potuerit. (gg)  
 Strabo, libro Geographiconum XI. longè post me-  
 dium. (hh) Non enim destituitur omni oleâ;  
 sub Pylis præsertim Caspiis, ut vocant: [quas ge-  
 minas constituit ævi nostri scriptor Ioan. Albertus  
 de Mandelslo, libro 1. Itin. Oriental. c. 5.] sed rarâ  
 tamen, aridaque, &, ad speciem magis, quàm ad  
 fructum, instructa est; ut l. cit. Strabo narrat.  
 (ii) Pro hoc, & sequentibus aliquot versibus,  
 eundem Strabonem, libro XI. & Maronem, libro 2.  
 Georgiconum, post initium, consule. (kk) Hanc  
 nobilissimam, medicos in succos, plantam, Strabo,  
 libro XI. Geographiconum, Silphion; & Plinius li-  
 bro naturalium 19. & 22. & C. Petronius Arbiter,  
 laſerpitium, appellant. (ll) Vide Q. Curtium, de  
 amne Medo, lib. 5. cap. 4. (mm) Idem Curtius,  
 l. 6. cap. 4. de Alexandri, in Hyrcaniam, ingressu,  
 videri potest. (nn) Carol. Stephan. V. Hyrcania.  
 (oo) Idem, ibidem. (pp) Urbis Asiæ Minoris; de

Ec 5

qua

Ruina Sennacheribi,

qua Euphorus, ac Metrophanes, apud Stephanum, de Urbibus, scriptum reliquere, de Botri magnitudine, quam hac Suasoria sua Rabsaces delibat. Quibus tamen fortasse non immerito Cornelius à Lapide, in caput 13. libri Numerorum ver. 24. reponit; Putare se, Carrum illum, botri tanti vetustorem ac bajulum, crassiore mendaciò, quàm uvâ, onustum, jam pridem concidisse, & evanuisse. (qq) Strabo, lib. XI. in descriptione Bactrorum, & Margiana Regionis. (rr) Idem evenire in uvis Mauritania, & Carmania, refert Cornel. à Lapide, in citatum caput 13. Numerorum libri, v. 24. ex libro XI. & XV. Strabonis: sicut ipse citat. (ss) Causa, cur Assyrii, posteaq; Babylonii quoque Reges, tam libenter Iudeos & Israëlitas, bello victos, traducerent è Chanaanitide, suas in terras; nominatim autem in Mediam, ceterasq; vicinas; erat (ut inquit Menochius, in caput 18. libri 4. regum, versu 32.) ne novis illi rebus studerent, aut jugum Servitutis excutere tentarent: si propriis in regionibus, quantumvis victi, relinquerentur. Quod iis, tam procùl à patria, tamq; feroces inter gentes, factu difficilius erat: ideòq; minùs pertimescendum. (tt) Si bene trutinetur Oratio Rabsacis biblica, qua ponitur libro 4. reg. cap. 18. à

vers.

Ruina Sennacheribi.



vers. 29. apparebit: Eum, quasi novo usum esse sermonis Exordio, & benevolentia captatione, ad populum in muris auscultantem; ac partitum fuisse Suasoriæ suæ argumentum, in hac duo rationum membra: ut scilicet primò eis, latenter saltem, ac per cuniculos, extorqueret nimium Palestine suæ amorem; ostensâ necessitate famis ac sitis, quam certè, in terris ac Provinciis Assyriorum, non essent experturi. Secundò, ut eis eximeret, ac convelleret, illam, quâ Deo suo nitebantur, spem atque fiduciam. Eodem igitur rerum, ac rationum, ordine, postea propositum suum exsequitur Rabfices: primâque Orationis suæ parte, terram Iudæicam, præ terris Assyriacis, deprimit; comparatione bonorum Iudææ viliorum, ad bona Assyriæ ac Mediæ longè majora. Secundâ verò sermonis sui Parte, in Deum Hebræorum invehitur. (uu) Insectatur, hoc loco, Rabfices, sententiam illam, quam, ex libro Exodi, cap. 33. v. 22. audisse quandoque, vel legisse (quippe linguam Hebraicam doctus) potuit; Non videbit me homo; & vivet. (xx) Sic enim appellatur virorum de E-math Deus, seu Idolum, libro 4. regum, cap. 17. v. 30. &c. (yy) Sephârvaïm (ait Stephanus Menochius in caput 17. libri 4. regum, versu 24.) videtur fuisse Regio, ad mare (haud dubiè Phœviciū,

Ruina Sennacheribi.



*nicium, ac Cyprium) sita. Vox enim hac, inter ceteras significationes, denotat etiam, Numerum maris, vel Maris portum. Vnde haud incongruè conjecturam facere licuerit; Palæmonem, seu Portūnum, & duos Cāstores, nautarum Deos, illic in veneratione fuisse. (ZZ) Hi, quos posui, variarum gentium DI, enumerantur, 4. reg. cap. 17. à v. 30. ad v. 32. (\* \* \*) Harum Regionum, putà, Gozanæ, Haran, Reseph, Eden, quarum DI destructi sunt, nomina signatè ponit Rabsaces, lib. 4. reg. capit. 19. v. 12.*

(Aaa) Ità postea, Neroniano sæculo, locutus est C. Petronius, in Carminum, quæ illi tribuuntur, fragmentis. [bbb] Prolixa est Rabsacis utraq, tam bujus videlicet, quàm præcedentis capituli, Oratio. Sed fieri potuit, ut non tantum æquè longa, sed etiam aliquantò longior his ipsis nostris, ea fuerit Suasoria, Criminatrixq, eloquentia; quam ipse voce vivâ protulit. Ait enim Sacer Scriptor, libro 2. Paralipom. cap. 32. v. 16. cùm Orationis Rabsacæ Summam retulisset; Sed & alia M U L T A locuti sunt Servi ejus (regis, putà, Assyriorum; eorūmq, antesignanus Rabsaces inprimis) contra Dominum, & contra Ezechiam, servum ejus. [ccc] Ecclesiastici enim cap. 48. v. 20. de Rabsace dicitur; Et extulit M A N U M suam,

*suam in Sion: & Superbus factus est, in potentia sua. (ddd) Etiam Saliano posterius istud probabile videtur: in Annum Mundi 3322. num. 39. (eee) Probabilius est enim; ipsum suis auspiciis in Templo, per Sacerdotum manus, sacrificasse: quàm [quod Iosephus Flavius, libro 10. Antiquitatum cap. 1. dicit] id muneris & functionis Isaia imperasse subeundum. Tametsi tamen interim, & per Isaiam id fieri potuerit. De gestu verò, quo usus in Oratione sua rex Ezechias sit: habes ibidem apud Flavium Iosephum. (fff) Utrumque eorum simul, & quidem, perquam ardentem, orasse: non modò S. Ioannes Chrysostomus, tractat. 1. de Oratione, & alibi; sed etiam S. Scriptura, docet. 2. Paralipom. cap. 32. v. 20. Oraverunt igitur, Ezechias Rex, & Isaias filius Amos, propheta, adversus hanc blasphemiam: ac vociferati sunt, usque in cœlum. (ggg) Unde versus, in Fragmentis Petronianis iste:*

*Funera conciliant miseros; orbique parentes,  
Conjungunt gemitus: & facit hora pares.  
Nos quoque confusis feriemus sidera verbis:  
Et Fama est, junctas fortiùs ire preces.*

*(hhh) Psalmo 63. v. 4. (iii) Psalmo 72. v. 9.  
(kkk) Hunc regem, Flavius Iosephus libro 10. Antiquit. c. 1. & 2. Tyrachum nominat. Tiracam,*

*Gene.*

*Ruina Sennacheribi.*

Genebrardus, libro 1. Chronographia Generalis, in annum 3469. Thirhacam, apud Ioan. Cluverum lib. 5. Epitom. Histor. invenio: qui addit; Megastheni, apud Strabonem esse, Tearcon. Sacra verò Scriptura, Tháracam, libro 4. Regum, cap. 19. v. 9. & alibi, nominat. (III) Gilbertus Genebrardus, loco & anno, modò citato, §. Tiraca, ait; Regem hunc Æthiopiæ, adversus Sennacheribum, Ierosolymam oppugnantem (sicut rumor, falsus tamen, narrabat) movisse. additq; Ità Reges Æthiopiæ, à temporibus Salomonis, peculiarem curam Terræ Sanctæ gessisse. (m m m) Sunt, qui existiment; hujus latorem fuisse Rabfacen. Sed S. Scriptura hoc, ne innuit quidem: nedum clare dicit. Immò & Cluverus, longè altius Rabfacen, quàm ad litterarii bajuli dignitatem, effert: cum eum à Sennacheribo, in Ægyptum & Æthiopiam properante, dicit, ad exercitum Iudaicum (utique Legati castrensis titulo) relictum; silente tamen etiam hinc Scripturâ sacrâ. Sunt alii, quibus placeat; Etiam Primâ statim legatione, non mandata tantum ad Ezechiam, sed etiam Epistolam à Sennacheribo, datam. At nec istud Sacer Scriptor dicit: quantumvis Iacobus Saliannus, ab hac opinione non videatur abhorreere. (in Annum Mundi 3322. initio numeri 51.) Datam verò epistolam,

Ruina Sennacheribi.



lam, Secundo illi (quisquis tandem is fuerit) nuntio fuisse; absoluta res fidei, divinæq; auctoritatis est. 4. reg. c. 19. v. 14. & alibi, 2. Paralip. capit. 32. v. 17. & Isaia cap. 37. v. 14. (nnn) Hunc titulum (ut &, Magni Regis) non modò sibi arrogârunt, sed ab aliis quoq; populis, non-invitis, retulerunt, Orientis pleriq; Reges potentiores; & inprimis Monarchæ. Sic dicti, Reges Persarum; ut testatur Alexander ab Alexandro, libro 1. Genial. dier. c. 28. Et Saporem, Persidis regem, in Augustaa historia, Julius Capitolinus, Romanus scriptor, capite 24. refert; ad Constantium Imperatorem, hujus inscriptionis, misisse litteras. Rex Regum, Sapor (quidam, per ludibrium tantæ arrogantia, pro Sapore subjecit, Stupor) particeps Siderum, & frater Solis, ac Lunæ, Constantio, fratri meo, S. P. D. De rege Parthorum, qui Persicæ potentie aliquamdiu Successores fuere, loquens Tranquillus, in Caligula, cap. 5. non abrogat ei tituli Persici magnificentiam. Cùm enim luctum, ex obitu Germanici, pene toto terrarum orbe sparsum, describeret: subjecit; Regulos quosdam (barbaricarum gentium) barbam posuisse, & uxorū capita rasisse, ad indicium maximi luctus. Regum etiam Regem (Parthicum intelligit) & exercitatione venandi, & convictu  
Megi-

Ruina Sennacheribi,

Megistánum, abstinuisse: quod apud Parthos (inquit) iustitii instar est. Tigranem quoque Regem Armeniorum, *Plutarchus, in Luculli vita*, Regum Regem nominat. Magnum verò Regem, *Assyrium Sennacheribum esse dici solitum; testantur verba Rabfacis, 4. reg. 18. v. 19.* Hæc dicit Rex-magnus, rex Assyriorum, &c. *Persarum quoque, Reges-Magnos, dici consueisse, & Sacra Scriptura testatur, Estheris cap. 16. v. 1. referens, ac recitans, Epistolam encyclicam Assueri, seu Artaxerxis, pro Iudeis.* Rex Magnus, Artaxerxes, ab India, usque Æthiopiam, centum viginti septē Provinciarum ducibus ac Principibus, &c. salutem dicit. *Docet quoque scōmma regis Spartanorum Agesilai: qui, cum, Persarum regem, ab Asiaticis vulgò vocari Magnum, audiret, se verò, simpliciter Regem; respondit. τί γ' ἐκείνῳ ἐποδ' μείζων, εἰ μὴ δίκαιόν τε, καὶ σωφρονέστερος; ut Plutarchus in Laconicis Illustrium dictis recenset.* Quis autem dubitet; quin eosdem hos titulos, Sennacheribus quoque sibi adsumpserit? ut, qui regum esset omnium Superbissimus, idem & Rex, non modò Magnus, sed planè Regum Rex, haberi vellet? (ooo) Scripsit enim Ezechia; **NON TE SEDUCAT Dominus (Adonai), in quo habes fiduciam. &c. libro 4.**

reg.

Ruina Sennacheribi.

reg. c. 19. ver. 10. quibus ille verbis, per summam blasphemiam, Deum, qui ipsa Veritas Prima & originalis est, etiam imposturæ ac deceptionis, in Promissis suis, accusat. Id, quod ne Rabfaces quidem, saltem tam expresse, fecerat. (ppp) Ità Vatablus exponit illa verba capitis 19. libri 4. reg. ver. 25. Eruntque in ruinam collium compugnatum civitates munitæ. &c (qqq) Hæc loco tangitur Eruditio, de capiendis Cete, seu ingentibus balenis: quam S. Basilius Magnus, testis oculatus, Homiliâ X. in ἐξαήμερον, seu Sex Dierum Creationis mundi Opus, exsequitur, his, quæ pono, verbis, è translatione Godefridi Tilemanni, Carthusiani (Græcus enim, cùm hæc scriberem, Basilius, ad manum non erat; qui sinè ullâ dubitatione Latinò dulcior incederet) Equidem (inquit ille) vidi admirabilem hominum solertiam, & ingeniosè excogitatum artificium. Concinnant isti hamos quosdam; quibus quidem, captandis Cetis, atque inescandis, illices escas, admenas tamen atque moderatas, pro magnitudine illorum, qui eas sunt devoraturi, Cetorum, infigunt pressius, hamis. Sub hæc, funium illorum partibus, à quibus hami dependent, secundum partem alteram funium istorum extremam, utres innectunt; copioso

F f

&amp; col-

Ruina Sennacheribi,



& collectio flatu distentos : eosque supernè, secundùm superficiem aquæ, nataturos, demittunt in mare. Mox igitur, ut Ceti illi immanes, pellegi illecebrâ eduliorum, adnatârint, & in gulam transglutierint hamos; eadem operâ, utres secum abripiunt, in maris profundum. Utrum porrò natura ea est; sublimè semper ut petant. Quo fit, rursus ut ad aquæ superficiem retrahantur : atque adeò illos jam diceres cibò suò ebrios. sic sursum ac deorsum, velut mania morbo perciti, subsiliunt, & exagitantur : ac talî subinde renovatâ saltitatione, in profundiora demum, quasi quiddam perscrutaturi, se recipiunt. Mare aliud ex alio isthæc bellua immanis remetitur, ac permutat : seque ut explicet laqueò, magnâ eluctatur contentione; sed inefficaci. Atque ità cetus hic agrestis, nullo prope negotiò, per hamum, tenaciùs inhaerentem, captivus abducitur ; labore, nec mediocrî, edomitus, & dirâ fame expugnatus, unâ cum utribus, ad littoris oram evectus, pertrahitur : præda factus Venatori, Exiguo ingens, immanis Imbelli. Quâ id gratiâ ? Homo enim, per opulentam ac prædivitem vim rationis, quasi refugas servos, eos [pisces] ad officium

officium obedientiamque revocat. Factum hinc, ut Xiphia, Zygénæ, halæna, priónes, boves (*marini*) reliqua denique omnia, vel nuda nomina Cetorum, horroris plena; sub hominis manus atque imperium missa, & substrata, pareant. *Hæc hucusque Divus Basilus.* (rrr) *Sapientia* 5. v. 15. Spes impii, tanquam anugo est; quæ à vento tollitur. *Rediturus autem Sennacherib erat, ex terris Meridionalibus Egypti, & Aethiopia, in Septentrionem, in quo, respectivè, Ierosolyma: & inde in Orientem, in quo, comparatione Ierosolymæ, Ninive erat.* (sss) *Ecclesiastæ* 5. à v. 1. (ttt) *Quæ S. Isaias, ad Ezechiam mandavit, referenda; ea pleraque, tanquam ad ipsummet Sennacheribum præsentem, diriguntur, à versu 21. capitis 19. libri 4. Regum, usque ad vers. 29. intellectui plebejo captu, penetratũq, difficilia: sed à nobis, è sensu.* (*Hieronymi, B. Theodreti, Vatabli,*) *aliani, Menochii, aliorũq, plurium, accuratâ, non modò Paraphrasi, sed etiam Declaratione, diducta; tantum non per Commentarii modum sunt. Id eò consiliò fecimus; ut legentibus Isaiæ 37. caput, & caput 19. libri 4. regum, minùs deinceps obscurus narrationis, & exagitationis illius, contextus videretur.* (uuu) *Ut sanè, verè-Sabbaticum fuisse annum*

Ff 2

Eze-

Ruina Sennacheribi,

*Ezechie Decimum Quintum, sed falsò, ante Iacobum Cappellum, Iosephus Scaliger censuit. quem proinde, in hoc quoq, sub strigilem & censuram suam vocat Iacobus Salianus, in Annum mundi 3322. num. 60. & alii. Sed herculè, si Scaligerum ideò notant, quia Sabbaticum fecit unum, ubi Simplex annus erat, ac negotiosus: Michaëli Paludano, Gandavensi, Theologo & Professori Lovaniensi, quid facient? qui, in Sacra sua & Theologica Chronologia Tract. 3. cap. 7. num. 8. suggerit, & postea tractatu 4. capite 17. num. 18. & num. 20. verbis apertissimis docet; Duos tunc annos Sabbaticos continuo ordine, consequenter, & sinè interruptione, incidisse: quibus feriæ fuerint agris, lege Divinâ, indicæ; ità, ut non nisi anno tertio (hoc est 16. Ezechie) possent agriculturam exercere. Qui propterea, verba illa Isaie, ad regem Ezechiam, Comede hunc annò, quæ reppereris; In secundo autem anno, quæ spontè nascuntur, &c. longè alium in sensum, ac Salianus, & reliqui expositores, trahit. Sed hic auctor, etiam in aliis baud paucis Historiæ Sennacheribæ difficultatibus, ἐξωλιχώτερος, contra vulgarem Explanatorum & Chronologorum torrentem, & in his etiam adversus suimet Ordinis clarissimum auctorem, incedit. Quæ, verbi causa,*

Ruina Sennacheribi.



causâ, singillatim afferrem: si litium, & non histo-  
ria, causâ, Ruinas exsequendas suscepissem. Evol-  
vant, quibus vacat, Tractatûs illius 4. caput 17.  
& 18. Quorum priore, n. 15. etiam eò provolvi-  
tur, ut negare audeat; Sargonem illum, regem As-  
syriorum, cujus Isaias cap. 20. meminit, fuisse Sen-  
nacheribum: contra S. Hieronymi, & plerorumq;  
aliorum sententiam, hucusq; receptissimâ. (xxx)  
De Pomis etiam expresse loquitur Isaias, cap. 37.  
v. 30. De Messibus verò, spontè natis, aliisve fru-  
ctibus, generatim, liber 4. regum, cap. 19. v. 29.  
(yyy) Litteralem hanc explicationem versûs 30.  
capitis 19. libri 4. reg. & capitis 37. Isaia, v. 31.  
habet Salianus, in Annum mundi, 3322. num. 59.  
(zzz) Ad hunc sensum mysticum alludit expli-  
catio Menochii, in caput 19. libri 4. reg. v. 31. in  
verba; Et quod salvetur. &c.

[Aaaa] Isaia capite 30. per totum. In quod  
caput, si lubet ac vacat, S. Hieronymi consule luci-  
dam commentationem. (bbbb) Proverb. 16. v.  
4. (cccc) Vide, hæc exactè disquirētem, Salianum,  
in annum Ezechia 14. Cui consentiunt Stephanus  
Menochius, Gaspar Sanctius, Abulensis, Tornicellus,  
& alii complures. Michaël quoq; Paludanus, Sa-  
cræ ac Theologica Chronologia, tractatu 4. cap. 18.  
morbum Ezechia agnoscit præcessisse, non secu-

E f 3

tum

Ruina Sennacheribi.

tum esse, deletos ab Angelo Assyrios. Sed vult tamen, eum accidisse, non anno Ezechia 14. sed, sub initium anni Decimi quinti. num. 3. Contrà, Guilielmus Stratemannus, Osnabrugo. Westphalus, in Theatro suo Historico, Exitu IV. qui Regum fuit, in ann. mundi 3222. pag. 147. editionis Jenensis ann. 1656. morbum Ezechia refert in tempus 5 annum liberationis ultime ab Assyriorum terrore: ordinèq; narrandi, historiae deleti exercitus historiam Ezechia, lethaliter decumbentis, subnectit Christianus quoque Adrichomius, in Chronico Maggiore, in annum mundi 3237. idem facit: 5 ann. 14. Ezechia, post cladem demum Assyriorum, memorat aegritudinem 5 curationem regis. Emmanuel autem Thesaurus, in sua mundi Virilitate, disertè dicit; Annò, Victoriàm sublabente dirum ægrotasse Ezechiam. Ceteros, qui in eadem sunt opinione, de morbo, regi, post victoriam primùm, inflicto; referre, nec breve fuerit, neq; pretii. Nos à sententia, quæ veri majorem similitudinem habere videbatur, standum nobis, existimavimus. Profectò Saliani, robustum est, 5, baud scio an non Achilleum etiam, argumentum, pro aegritudine Regis, ad XIV. illius regni annum referendà: Quòd alioquin, si seriùs eam contigisse assereremus; promissi vitæ Quindecim illi anni

qui

Ruina Sennacheribi,

quos Ezechiam supervicturum esse, S. Isaïas prædixit, malignè, diminutè, truncatèque, contra morem Privilegiorum, ac beneficiorum Regalium & Principalium, ei essent admetiendi. Si namq. post tertium demum annum agrotavit Ezechias, & quidem, post Sennacheribi reditum in urbem Niniven: usque ad Ezechie mortem, ab illo tempore, non reperientur anni 15. sed tantummodo 13. integri. Nisi velis, unicò decimo quarto Ezechie anno universam Sennacheribi historiam, ab initio expeditionis ejus, usque ad ultimum rerum ejus exitum, evenisse. id quod nonnulli faciunt: in quibus esse videntur, Stratemannus quoque, Adrichomius, & Christophorus Helvicus, in annum 3230. ubi in unicum Ezechie annum, quartum nempe decimum, universa, & adeò Babylonicam quoq. legationem, coacervat. Vbi igitur erit & longinqua Sennacheribi, & multi temporis, illa expeditio Ægyptiaca, & Æthiopica? Quam quidem eludit Paludanus, citato tractatu 4. cap. 17. num. 16. negans, Prophetiam illam Isaïæ 20. capite, de captivitate Ægypti & Æthiopie, ad illud expeditionis Sennacheribicæ tempus spectare: sed ad alia duo, nempe Osee, regis Samaritici, & Sedecie, regis Judææ ultimi. Verba tamen Isaïæ in eum sensum, & tempus, quo à Saliano caterisq. explicantur, clara

Ff 4

fatīs

Ruina Sennacheribi.



*satis sunt. Et, inter heterodoxos etiam, Sethus Calvisius, in annum mundi 3230. vastationem illam duorum Australium regnorum agnoscit: dum tradit; à Sennacheribo regem Ægypti [quippe ni autem, & Tbàracam Æthiopem, ex professo ei hostem?] multiplicibus esse cladibus affectum [quæ profectò tam exiguum in tempus compingi non poterant:] urbem item Nò eversam: & multa millia captivorum abducta, vi Prophetiæ Isaiæ, cap. 20. & Nahum. 3. [dddd] Psalmo 144. v. 13. (†) Id signatè tradit Salianus, in annum Mundi 3323. num. 10. [eeee] De Statua Sethonis, Ægyptiorum Regis, libro 2. Herodotus, sic ait, postquam retulit; mures corrosisse scuta, seu potius τῶν ἀσπίδων τὰ ὄχανα, scutorum habenas, & pharetras: indèque Assyrios, armis nudatos suis, fugisse, multis eorū cæsis. καὶ νῦν οὗτος ὁ βασιλεὺς [Σεθῶνα intellige, cultorem, & clientem Vulcani, ejusdemq; Sacerdotio fungentem] ἔσηκε ἐν τῷ ἱερῷ τοῦ Ἡφαίστου λίθινος, ἔχων μὲν τῆς χειρὸς μῦν, λέγων, Διὰ γυμμάτων, πέδιλοι. ἘΣ ἘΜΕΤΙΣ ΟΡΕΩΝ, ἘΥΣΕΒΗΣ ἘΣΤΩ. Quibus è verbis, cum nulli, priora cum sequentibus connectenti, suboriri ulla possit dubitatio; quin de Sethone rege sermo sit [utpote, Vulcani in templo semper sacrificare solitò; & precibus.*

**Ruina Sennacheribi:**

bus suis ab eodem mures auxiliares, in hostium suorum perniciem, affecuto: proptereaque, beneficii tanti monimentum, statuam sui, cum mure in manu, grati animi causâ ponente; & ad similem in Deos Pietatem, exemplo aspeâuq; sui, ceteros mortales omnes invitante:] quid, oro, venit in mentem, docto cateroquin superiorum temporum Chronologo, Aquensium antistiti: ut Chronographia sua libro primo, in annum mundi 3469. hæc scriberet? Horum (inquit) meminit Herodotus: & nomen Σαναχάρητος retinet, addens; Statuam ejus in templo Ægyptiaco positam, cum hac inscriptione. εἰς ἐμέ τις ὀργῶν (communi enim linguâ, non Jonicâ, ut Herodotus, dialecto, testimonium hoc producit) εὖσεθης ἔσω. In me aliquis intuens, Pius esto? Sed perplexitatem videlicet offudit illi, vox, οὗτος, quæ tam de Sennacheribo Βασιλεῖ, quàm de Sethone, videretur capi posse: nisi contextus narrationis universus simul expenderetur. In eandem autem foveam illapsus est, & Cappellus postea. quod ei, ceu Græcè [ut reor] docto, obrepssisse non oportuerat. Obrepfit autem ei, in Historia illius, Sacrà & Exoticâ, in annum mundi 3282. quando sic scriptum; Ægyptum tamen à Sennacheribo tentatam, docet E I U S [Sennacheribi, putà] statua:

F f 5

quam,

Ruina Sennacheribi.

quam; vidisse se, testatur Herodotus [*qui Herodotus tamen plus non dicit, quàm, καὶ οὐκ αὐτὸς ὁ βασιλεὺς ἔθηκε ἐν τῷ ἱερῷ; quod fieri potuit, etiam Herodoti oculis nunquam, sed tantum aliorum testimoniis oculatis, auritisve, adhibitis.*] Pergit Cappellus; cum hac inscriptione, εἰς ἐμὲ τὶς ὀρέων, εὐσεβὴς ἔστω. Tamei si hæc ipsa Herodoti sententia, apud eum fœdè deformatam accentuum, quàm spirituum, corruptelâ, sic sit posita; librario- rum utique vitiò, non, Auctoris. εἰς ἐμὲ τὶς ὀρεων. &c. [Editionis Sedanensis, apud Ioannem Iannon, anno 1613. pag. 197.] [ffff] De hoc, ex Isaia capite 20. nemo prudentior facilè dubitârit: ac disertè Salianus docet, in annum mundi 3323. num. 6. & clariùs adhuc, num. 9. [††] Vernò tempore accidisse, repetitam hanc Assyriorum, adversùs Ierosolymitas, expeditionem; docet Salianus in annum 3322. num. 60. in fine numeri illius, cùm ait; Ex dictis porrò intelligitur, Bellum Assyriorum, ad sequentem quoque annum [*qui fuit Ezechia 15.*] & ad initia tertii, pertinere [*qui fuit Ezechia 16.*] Ac, de consequenti, circa Martii initia, saltem anni 16. Ezechia, Assyrios relinquere cœpisse hiberna sua: de quibus idem auctor, in annum mundi 3323. numero X. meminit. Primum verò Sennacheribi adventum, ex Assy-  
ria in

Ruina Sennacheribi.



*ria in Judæam, Jacobus Cappellus, calculatione suâ, affirmat; incidisse in, vel sub, Autumnum: à quo, initium, ait, ducere posse quartum decimum Ezechiaë annum. Quod quomodo concordet cum eo, quod paullò suprâ dicit, Circa Septembris tertium diem, potuisse Sennacheribum in Ægyptios movere bellum: tam acutus ( fateor ) non sum, ut dispiciam. nisi fortè rex Assyrius, qui urbes Judææ universas statim cingere cœpit, & oppugnare; biduò tantummodo moratus in Judæa sit, à primo videlicet Septembris, ad 3. ejusdem: ac statim deinde, in Ægyptios & Aethiopas, ipse præsens, movere sit orsus. Vide, si placet, eum, in ann. 3282. ubi, expeditionem regis Assyrii, primùm in Ægyptios, deinde in Judæos, inchoatam annò Ezechiaë 13. sibi videri, affirmat. (†††) Lege caput X. Isaia, à vers. 29. usque ad vers. 33. (gggg) à versu 28. usque ad vers. 33. (hhh h) Nam, ut dictum est alibi, Decade I. gestabant in signis suis militaribus, Columbæ effigiem: propter Semiramida, suæ gentis olim Imperatricem, ac Reginam. (iiii) Ingentem istam, certò capiendæ Jerosolymæ, confidentiam, attingit etiam Isaias, capite 10. v. 32. velut etiam S. Hieronymus, in caput illud, observavit. (kkkk) Vide Adrichomium, in descriptione Jeroso-*

**Ruina Sennacheribi.**

*rosolyma, num. 220. [1111] Magni nominis au-*  
*tor, seu scriptor, etatis hujus, in annum mundi*  
*3322. num. 61. tanquam pro aris. ac focus, contem-*  
*dit, Isaia vaticinium, ejusque verba, premens; Je-*  
*rosolymam à Sennacheribo nequaquam fu-*  
*isse obsessam. Quod tamen Adrichomius nume-*  
*ro citato 220. in descriptione Urbis sanctæ, clarè*  
*sentit, cum aliis pluribus: inter quos & Strate-*  
*mannus est, pag. 147. editionis Ienensis. Non in-*  
*terpono me. Illud solùm dico. Castra Assyrio-*  
*rum, ad Ierosolymam fuisse collocata, à Senna-*  
*cheribo; negari nullo modo posse (& quantulum*  
*boc abest ab Obsidione saltem Inchoatâ?) cùm*  
*sanè 2. Machabeor. cap. 15. v. 22. sic precetur Iudas*  
*Machabeus, ante conflictum instantis prælii; Tu,*  
*Domine, qui misisti Angelum tuum, sub Eze-*  
*chia, rege Juda, & interfecisti de Castris Sen-*  
*nacherib Centum octoginta quinque mil-*  
*lia. &c. En, Castra Sennacheribi! Ubi autem,*  
*nisi ad Ierosolymam? cujus ad ambitum, &*  
*plagam Australem, etiam locum signant, & ex-*  
*primunt, cum Adrichomio, sui auctores. (num. 220.*  
*in descriptione Ierusalem). Quarto quoq; Regum*  
*libro, capite 19. v. 35. Venit Angelus Domini:*  
*& percussit in CASTRIS Assyriorum centum*  
*octoginta quinque millia. En, iterum Assyrio-*  
*rum*

Ruina Sennacheribi.



rum Castra? Clara sunt hæc, Obsidionis Incho-  
 atæ simulacra: nisi quis contentiosius, cum exoti-  
 ca Paludani, planèq; novâ, conjecturâ sentire  
 malit: qui tractatu 4. cap. 17. num. 12. usque ad fa-  
 stidium Opinionis singularis; negat primò, Con-  
 sequens esse, si Sennacheribus contra Thára-  
 cam Aethiopiæ regem, profectus sit (utì sanè,  
 profectum esse, è S. Scriptura constat) eum id-  
 circo contra eum etiam pugnâsse; multòq; minùs,  
 Aethiopus vicisse, & captivos effecisse. Secundò,  
 jungit; Fortasse Exercitum ipsius, ab Ange-  
 lo, in VIA (scilicet in Ægyptum & Aethiopiam  
 ferente) fuisse cæsum. Quod utrumq; tamen  
 Paludani Assertum, ab auctorum contrario agmi-  
 ne passim repellitur. [m m m m] Vtrumque, Re-  
 gem videlicet, ac Prophetam, obsecrâsse ferven-  
 tissimè; partim suprâ jam annotatum est, ex ver-  
 bis S. Scripturæ, 2. Paralipom, capite 32. v. 20. ubi  
 dicuntur, Orâsse, & vociferati esse, usque in  
 Cœlum: partim, id de Rege tradit Iosephus, li-  
 bro 10. antiquitatum, capite 1. De Propheta ve-  
 rò, S. Ioannes Chrysostomus, libro 1. de Oratione:  
 ubi, inter cetera, ait; Simul enim, atque Isaias  
 manus in cœlum sustulit; SAGITTIS, de cœ-  
 lo missis, Deus Sennacheribi exercitum con-  
 fecit. Quæ utiq; ad istud ipsum maxime tempus  
 referri

Ruina Sennacheribi.



referri debent. (nnnn) Habentur illa verba, Sapientie 18. v. 14. (oooo) In Introitu Sacrificii Missæ, Dominica Infra Octavam Nativitatis Domini: & in Introitu Vigiliæ Epiphaniæ. (pppp) Vir, ætatis nostræ, pereruditus (qui Deo vivat!) verba illa Scripturæ, 4. reg. 19. v. 35. Et factum est, in Nocte illa; venit Angelus Domini: & percussit in Castris Assyriorum 185000. &c. non putat accipienda strictè, de Certa aliqua Nocte: sed generatim, & anonomasticè, de Celebris illa famosæque Nocte; quæcumq; tandem ea fuerit, quâ Assyrios Angelus percussit. Ego verò (pace viri doctissimi, salvòq; sententiæ melioris vigore) non possum, multis ultro citroq; ponderatis, induci; ut Noctem aliam, quàm Certam, & à Scriptura satis expressam, huic occisioni tribuā: Illam, inquam, ipsam; ante quam, vespere, contracto jam universo suo, ad expugnationem necessario, exercitu, Sennacheribus, in ipsis Ierosolymorum oculis castra collocavit. Quis enim, oro, sibi persuaserit; DIES aliquam multos, & NOCTES totidem, circa muros, ad Ierosolymæ pomœria sedentem, Regem tantum, tanti ductorem exercitûs, nec munitiones interea, vel valla, vel apparatus Obsidionis, aut Oppugnationis, ullum instruxisse? quin, ne Sagittam quidem, & lapidem, emisisse; neque clypeum

Ruina Sennacheribi.

clypeum contra Ierosolyma propugnatores, manu militum suorum, opposuisse? quæ tamen omnia, S. Isaias Ierosolymitis prædixerat, futurum, ut non fierent. Cum certum itaque sit, ex Isaia vaticinio; nec Obsidione plenâ circumfessam, nec Oppugnatam fuisse, Ierosolymorum urbem: haud minùs etiam certum esse, necesse est; PRIMÆ statim Noctis tempore, Sennacheribi deletum fuisse exercitum: nec adeò plures, ad eam tragœdiam, expectatas fuisse, seu NOCTES, seu DIES; Assyriis circa muros ac fines urbis, torpentium interim more, sedentibus. Nam & mortalis Mars, nedum Coelestis, suas odit, fugitq, moras. Placet itaq, multum, Adrichomii sententia; quæ, Chronico Majore, in annum 3237. Primâ jam Nocte Obsidionis Ierusalem, Angelum percussisse Assyrios, affirmat. Id si factum Illâ proximâ, post adventum Sennacheribi, nocte non sit: haud utiq, video, quo pacto Vir Insignis ille, quem designavi, tueri sententiam possit suam; quâ negat ac pernegat, ullam Obsidionis umbram, nedum Oppugnationis, Assyriacæ, expertam esse Ierosolymam. [qqqq] Quidam Recentiorum, in Annum 3324. num. 6. existimat; Percussorem hunc Angelum, etiam credi posse, Fuisse Malum. Sed profectò, S. Scripturæ verbis, ac sensui, minùs id congruere videtur: mini-

Ruina Sennacheribi;

*minimè verò verbis Iudæ Machabæi , sanctissimorum  
 bellorum Ducis : qui 2. Machabaorum libro, cap. 15.  
 v. 22. ait; Domine, qui misisti Angelum tuum,  
 in Castris Sennacherib. &c. Vbi Angeli Mali,  
 ne nidor quidem ullus : Sed, qualem, aut quales,  
 diversis temporibus, Angelos Machabæus hic ex-  
 pertus est; talium suis exemplar, è Castris Senna-  
 cheribi, proposuit. Expertus est autem, semper  
 Bonos, ac Cœlestes ; eum vel præcedentes, vel  
 medium accipientes : aut aliter ei propitios, ac fa-  
 ventes. Ut taceam hoc loco, Communem hucusque  
 Ecclesiæ, ne dicam & Pi&urarum omnis Anti-  
 quitatis religiosæ, sensum : quæ, super Sennacheribi  
 Castra, nunquam diabolum cum gladio Phlegethontio,  
 sed Angelum Archangelumve Cœlestem,  
 fecere volitantem. Ratio verò illius Eruditi viri,  
 Quòd Bonorum Angelorum sit, Bene facere;  
 Malorum autem, Nocere : minùs, in univer-  
 sum, videtur firma. Quis enim Angelorum nunc  
 melior Michaële ? Qui tamen malè fecit Luci-  
 fero, sociisque illius : uti Decade Primâ dictum ac  
 demonstratum est ; in eorum Ruinâ descriptâ. Ut  
 taceam Raphaëlem, in deserto Superioris Ægy-  
 pti religantem Dæmonium. ( Tobie 8. v. 3. )  
 Angelum item, septuaginta millium, Davidi sub-  
 ditorum, interfectorem : & id genus exempla non  
 • pauca.*

Ruina Sennacheribi.



*pauca. (rrrr) Hoc etiam inferius adstruetur. Hic autem satis est, id tantummodo affirmare. Quis enim dixit unquam, aut, si sapit, dicat; Regem postea SOLUM, & penitus INCOMITATUM, redisse in Assyriam? (ssss) Isaia namq; 31. capite, versu 8. ponuntur isthac verba. Et cadet Assur [hoc est, Sennacheribus, Assyriorum monarcha] in Gladio, non viri: & gladius non hominis vorabit eum; & fugiet, non à facie Gladii. Hujus sententiæ postrema verba, explicant membrorum duorum, proximè præcedentium, mentem ac sensum: innuuntq; satîs; haud intelligendum illic Gladium Materialem, sed metaphoricum. [tttt] Apud Cornel. in caput Isaia 37.v.36. Iosephus, Cajetanus, &c. Qui tamen, non sinè intestino igne, pestem eam accidisse, censent. [uuuu] Vide Salianum in annum Mundi 3324. n.8. (xxxx) libro 1. de Oratione. Porro, de S. Joannis Chrysostomi Tabulâ illâ, in qua depictus erat Angelus, Assyriorum castra percutiens; vide Christianum Adrichomium, in sua Ierosolyma, n. 220. ubi pro testimonio laudat Concil. Nicænum Secundum, de Cultu Sacrarum Imaginum. (yyyy) Hæc sententia, Alphonsi Tostati est, apud Salianum, in Ann. Mun. 3324. num. XI. (zzzz) Auctoris scilicet Sermonum, ad Fratres in Eremito, serm. 25.*

Gg

Quana

Ruina Sennacheribi.

*Quam Adrichomius sequitur, num. 220. in sua Ierosolyma: citans scriptum illud sub nomine S. Augustini. Quin & S. Hieronymus, in cap. 10. Isaia, scribit; Sicut Hebræi tradunt, Illæsis vestibus, Assyriorum corpora Occultò cremabātur Igne. Nec displicet Nicolao nostro Causino, in Aula Sancta: ubi, capite quodam, Nobilium arrogantium Vanitatem Cadaveribus illis Assyriorum, ab Angelo deletorum, assimilat, quæ foris quidem speciem præ se ferrent humanam; intus autem, reipsa cinis erant.*

[a] *Cujusmodi est, I. quòd Propbeta Isaias, non appellet mortem illam Assyriorum, Combustionem; sed, Quasi-Combustionem. II. Quòd Ardor occultus, non sit ab Igne: qui Ignis (inquit ille auctor) externus est. III. Quòd Rex manè viderit Omnia corpora Occisorum. quod (subdit auctor hic) de Cineribus durissimè explicari potest. Ego verò, Mitissimè potius, molliissimèque, cum multis aliis, explicari sic posse, crediderim: cum utique, & ab Intrinseco Igne occidi corpora possint, ac soleant: ut patet, è febrili, non dicam, flammâ (nec enim illi me quæstioni miscuerim, quâ disquiritur, Ac tunc, & formaliter, an potius virtute potentiâque, sint in Mixtis Elementa?) sed calore certè perquam*  
*vehe-*

**Ruina Sennacheribi.**

vehementi. magis autem id manifestum est, ex  
 Ignitâ materiâ, ut, calce, sulphure, liquatò me-  
 tallò, cum flammis simul (ut saepe factum est)  
 gutturi dormientis pariter, & hiantis, infusâ:  
 quemadmodum memoriâ nostrâ latro quidam no-  
 tissimus infudit sopito calcis-coëctori, in sylva, locò-  
 que, opportuno sibi, sed ore patulo, quiesceti. Hæc au-  
 tem, quam in corpore Ruinæ ceteris pratuli,  
 sententia; tantò magis arridet, quantò longius e-  
 vitat, & effugit, difficultates quasdam: quas con-  
 trariae haud perinde effugiunt. Et verò Argu-  
 menta illa tria Scriptoris Gallicani, contrariâ o-  
 pinione incedentis, solvi nullâ magnâ difficultate  
 possunt: quin, & parte quoq; aliquâ, retorqueri. (6)  
 Megistânes, Purpuratorum erant Primores, apud  
 Reges Orientales: ut, apud Armenicos, Parthicos,  
 Assyrios. (7) Id Gilbertus Genebrardus, in Chro-  
 nographia sua, tradit, libro 1. in annum mundi  
 3440. ex Rabbino Salomone, in caput 3. Danielis.  
 Qui tamen perperam ait; Ex Decem illis, Sen-  
 nacheribi fugam comitantibus, etiam Nabu-  
 chodonosorem fuisse illum, qui posthæc Ba-  
 bylone regnavit. Hic enim, belligerante Senna-  
 cheribo, nec natus quidem adhuc erat: nasciturus  
 autem, plusquam Centum denique post annos.  
 Potuit igitur alius, ei cognominis, regem tunc

Gg 2

Assy-

Ruina Sennacheribi.



*Assyrium fuisse comitatus; non autem, is ipse, qui deinde imperavit : ut etiam in Scriptura plures uno reperiuntur Azaria, Ezechia, Sedecia, Achabi, Eliachimi ; sed non & plures horum nominum Reges. (N) Juris pronuntiatum est: Qui sentit commodum, sentire debet & incommodum. In naturaliter, ff. de reg. jur. c. qui sentit. eod. tit. lib. 6. Quæ Regula tamen hic in oppositum convertitur, quandoquidem contrariorum eadem est ratio. Caterùm Ezechiam ex hac præda præ ceteris omnibus, ut ratio postulabat, valde ditatum esse; Salianus (cum aliis) exsertè tradit: qui & addit; Hujus prædæ magnam fuisse partem, quam in thesauris postea suis Rex legatis Babylo- nicis monstravit. (e) Isaia 37. (ζ) Ità, post Sallustium in Jugurtha, Titus quoque Livius loquitur, libro 5. Decadis 3. in 2. bello Punico. (η) Quinque diebus Sennacheribum iter suum ac reditum Niniviticum confecisse, ex Judæa fugientem; nec pluribus: conjicit Salianus pag. 240. columnâ 2. editionis Coloniensis in fol. ann. mun. 3324. num. 19. Quare meritò Septuaginta scribunt; Eum, à clade acceptâ, quinquagesimò nondum evolu- tō die, à filiis suis periisse: ubi cateroqui Scri- ptura Vulgatæ editionis cap. 1. Tobie, versu, 24. ait; Eum, post Quadraginta quinque dies occisum à filiis.*

Ruina Sennacheribi.

à filiis. Nimirum, dies quinque itineri; dies autem 45. commorationi in urbe Ninivès, post reditum, assignandi sunt. Ejusdem porro sententiæ, in digerendo dierum istorum numero, cogitur & Sanctius noster esse, in caput 1. Tobie, ver. 24. cum ait; Die Quadragesimo, postquam in patriam rediit rex Assyrius, interfectum eum esse: cum hic tamen adferat Scripturæ verba; Post dies verò Quadraginta quinque. &c. Quinque igitur Dies reditui ipsius è Judæa Niniven, tribuendos esse, etiam ipse supponit. (9) Translatio Tobie Græca, quæ hodie superest, quàmque habere mihi contigit è reliquiis instructissimæ bibliothecæ VVidmanstadianæ, id refert capite 1. libri Tobit. & ex ea, Gaspar quoque Sanctius, in cap. 1. ejusdem libri, vers. 18. (1) Hebraicus quidam libri Tobie textus (& mirum, ni Fagii, in quem olim Latino-Hebraicum incidi) id habet: ut & Salianus refert, in Anno mun. 3324. num. 19. (κ) Quorum Rex, nomine Mesa (ut in Ruina narratum est Israëlitarum regum) super murum urbis regie, tribus ex adverso regibus aspicientibus, filium suum immolavit. [λ] Historiæ sacre nuda simplèxque Veritas, est ista, quam liber regum Quartus, cap. 19. ad finem, & liber Paralipomenon. 2. capite 32. versu 21. & Isaias, capite 37. v. 38. & denique Tobie

Gg 3

libellus

Ruina Sennacheribi.

*libellus cap. 1. v. 24. exhibent : nempe , Regem Sennacheribum , adorantem in templo Dei sui Nesroch [Nizra vocatur à Genebrardo] interfecum fuisse à duobus filiis suis. Causam autem, & ordinem reliquum, interfectionis, non memorant. Tradunt autem utrumq; Rabbini, Doctoresq; prisci, apud Nicolaum à Lyra, & Abulensem, in caput 19. libri Quarti Regum; Apud Gasparem item Sanctium, in caput 1. Tobie, & in 4. reg. cap. 19. & in caput Isaia 37. Apud Salianum item , in ann. mun. 3324. num. 20. & 21. Cornelium quoq; in caput 32. libri 2. Paralipom. Apud Nicolaum deniq; Serarium, Gilbertum Genebrardum, & ipsum S. Hieronymum, in traditionibus Hebraicis. Quibus omnibus faciem traditionis praeferit Rabbi Salomon : Regem videlicet Sennacheribum , suorum odia conjurationesq; permetuentem, ut, qui agerrimè ferrent, Filios suos, & cognatos ac propinquos, propter ejus dominandi immoderatam ambitionem, in Judea occubuisse inglorios ; eorum animis sibi reconciliandis , aut violentis manibus evitandis, promississe Deo suo Filiorum etiam propriorum immolationem. Id autem filios subodoratos, aut edoctos ; praevenisse patris destinationem , illius cade : priusquam ipsi cederentur. Non desunt etiam; qui, cum Abulensi, Lyrano, Cornelio, Saliano, ceterisque, refe-*

Ruina Sennacheribi.



referant: Sennacheribum huic suiipfius cadi caus-  
sam præbuisse; ex eo: quòd, nimìò in uxorem amo-  
re (Asarrbaddonis filii natu. minimi matrem) A-  
sarrbaddonem hunc, præteritis filiis duobus atate  
majoribus, ex alia tamen matre susceptis, post su-  
um è Judea reditum, Regni Successorem designa-  
rit. Omnes hæ cadis causse probabiles sunt; con-  
currerèq; eundem in effectum potuerunt: tametsi  
fidei, non nisi humanæ, sint; ac partem sui maxi-  
mam priscis Rabbiorum mysteriis debeant. [μ]  
Gaspar Sanctius, in cap. 1. Tobie, legit, Adrame-  
leth, & Sarazar. S. autem Hieronymus, Traditio-  
num Hebraicarum capite 32. Hadrámelech. Sed,  
baud multum interest, ad rei veritatem, in litteru-  
larum exigua variatione. [ν] Josephus, libro An-  
tiquitatum 10. fine capitis 2. ait; A Cognatis  
eos, seu popularibus (ut habet mea, per Conra-  
dum Lautenbachium confecta, versio) pulsos, ex  
urbe Ninivès, in Armeniam profugisse. [ξ] Vide  
Salianum, in annum mundi 3324. num. 27. [ο]  
Psalmò 72. v. 1. [π] Capite namq; primò Tobie,  
ad finem, dicitur; Post 45. dies, eum à filiis  
suis interfectum esse. Quod tempus Commen-  
tatores ferè sic distribuunt: ut numerandum illud  
censeant, à nocte cladis Ierosolymitana: Quinque  
dies (ut suprà diximus) assignent ocysima illi, in

Gg 4

urbem

Ruina Sennacheribi.

urbem Niniven, fugæ: Reliquum verò tempus, quod est Dierum 40. moræ illius Niniviticæ donent. Nec dissonat admodum Græcus, qui ait; Eum ANTE quinquagesimum diem fuisse interfectum. Et non transierunt (inquit) 50. dies: donec filii ejus interfecerunt eum. Scriptura enim hic, ut & alibi sæpe, numerum rotundum, intervallari prætermisso, amplectitur; ut doceat, vitæ Sennacheribæ dies, à fuga Iudaica, non pervenisse ad numerum Jubilæi: qui est, Quinquagesimus. Ac certè, etiam is, qui quadragesimo quinto die, à fuga, interfectus est; occubuit, ante quinquagesimum diem. Vide tamen & Nicolaum Serarium, in cap. 1. Tobie. [ρ] Ad Romanos, cap. 1. ad finem. [σ] Apocalyps. cap. 14. v. 11. [τ] Iste locus propemodum universus, ac pene verbatim, traductus est ex capite 32. Ezechielis, à versu præsertim 20. usque ad vers. 31. [υ] Zachariæ 2. v. 8. [Φ] 1. Corinth. 15. v. 28. (χ) Iobi. 9. v. 4. (ψ) Vide Florimundum Remondum, de Ortū & Progressu Hæreseon, libro 2. cap. 2. num. 2. ubi de Rotmanno habes, impiissimo Anabaptistâ: qui aliquando Cœnam Domini-  
cam (sed nempe suo more, inquit Florimundus, suæque sacrilegæ consecratione, tractatione ve, pol-  
lutam) populo ministrans; hostiam, in totius cœtûs conspectu acceptam, fregit, exclamans: Ubînam,  
ô fra-  
Ruina Sennacheribi.

Ô fratres, & Caro, & Sanguis ille? *In terram*  
*deinde projecit, ac, per illusionem; Si (inquit)*  
*hoc est Jesu Corpus. &c. (ω) 1. Corinth. 14.*  
*v. 38.*

(αα) *Vide, præter ceteros, Famiani Strada*  
*Decadis 2. de bello Belgico, libr. 5. & 6. de urbibus,*  
*& Genstis; quos nominatiùs porrò infamare su-*  
*persedeo: qui in muris, aliisque locis publicis, tan-*  
*quam ludicras munitiônû Tutelas, Divorum Ima-*  
*gines, adversùs Farnesianorum iclus, exposuere:*  
*Sed, suo memorabili, tam malo, quàm exitio. (66)*  
*Ista, cum aliis compluribus, tradit Laurentius Su-*  
*rius, in Commentario anni 1567. De sancto verò*  
*Thoma Cantuariensi Paulus 3. Pontifex Maximus,*  
*in bulla Excommunicationis Henrici 8. Anglorum*  
*Regis anno 1538. datâ, ac renovatâ. (γγ.) Inter*  
*innumeras Blasphemorum, in Sanctos, divinitus in-*  
*flictas pœnas, ac supplicia; quæ densâ messe reperi-*  
*untur, apud Baronium, in Annalibus Ecclesiasticis,*  
*Cæsarium, Dauroultium, Ioannem Majorem, Tym-*  
*pium, Bredenbachium, Leichtium, & alios: recētius*  
*est, quod nos ipsi, paucissimîs abhinc annis, Crem-*  
*pſii in Austria, non auribus tantum, sed (quan-*  
*tum ad vestigia prodigii, etiamnum restantia) o-*  
*culis quoq; hausimus; de quadam S. Ignatii Lo-*  
*yolæ Imagine, pictoris manu expressâ: quæ pro-*  


G g 5

*stabat*

Ruina Sennacheribi.



stabat in ascensu, scalisque contactis, ad Sacram  
 adem ferentibus; ab heterodoxa nonnemine, ordi-  
 num ductore, contumeliosissimè, etiam cum of-  
 fensione sectæ suæ participum, tractatâ. Deus  
 Sui Militis hanc insignem injuriam, in Milite,  
 tam insignitè nequam, ultus est paullo post; ipsis  
 S. Ignatii Sollemnibus anniversariis: globo bellico  
 in illius blasphemæ corpus, & interitum repentinum,  
 incidente; non rectò (ut cateroqui fieri solet, ac  
 debet) æris tractu limitèque: sed, cum excussus  
 esset post obstantem molem, & aliorsum collibra-  
 tus; incurvato prorsus, & arcuato tractu, in ipsum  
 delatus: manu quidem humanâ explodente glo-  
 bum; cœlesti verò, dirigente. Credidisses, à Poe-  
 na, Sacrilegum illum Reum, tanquam furoris Ju-  
 sti metam, sibi fuisse propositum: & cum late-  
 ret, per ambages questum; donec ad exitium in-  
 veniretur. Cujus exitus tam fuit manifestus; ut  
 illius certitudini testimonium, non Amici tan-  
 tùm deferrent, sed negare nec Hostes  
 quidem vellent, aut au-  
 derent.



RVINA

Ruina Sennacheribi.

## R U I N A XXXIII.

*Quæ fuit,*

## MESSENIORVM.

## B R E V I A R I U M C A P I T U M.

I. *Bellic Messeniaci tempus, non ad hunc tantum narrationis locum, & ordinem, pertinere: sed in plura, tam antè, quàm retrè, tempora, diffundi. Commodioris tamen rerum memoria causa, hic in unum omnia corpus historie conjungi: ne sæpius ad eadem postea redeundum sit.*

II. *Cùm autem Messenii partio fuerint populorum Peloponnesi: ponitur hujus descriptio topographica. Paucisq; percurruntur, Achaia, Sicyonia, Corinthiaca, Argiva, Eliaca, Arcadia, Laco- niâque, regiones. Quibus ad finem adnectitur regio Messeniorum: & quâsuam ea celebrioris nominis urbes olim, & an metropolin statim sui nominis, obtinuerit. Vbi, inter Sophiani tabulas, & Pausania verba, nonnihil, ut apparet, dissidii.*

III. *Quivam primi Messeniam terram re-*  
gio

Ruina Messeniorum.

gio jure nominèq; tenuerint? eorūq; generis principium. Polycáon, & uxor illius Melséne, regionem illam, armis occupatam, insident: & à Messéne, Messeniam appellant. Andaniam urbem, regni sui caput, constituunt. Quidam Græculi, aliunde venientes, ad Reginam Messenem, ac posteros reges; terram Messeniorum superstitionis sacrificiis, ac mysteriis, imbuunt. Indè paullatim & Di, Semideiq; alii ex aliis, importati, & excogitati; Messeniam universam Idololatriâ variâ replent. Post Polycáonem, ejusque successores, imperant alii, aliunde accersiti: ut Periéres, Apháreus, Idas, & Nestor, ac posterì. Nestoridis ejectione, regnum suscepére, Herculis posteritas. Inprimis verò Crespbontes; fraude sortium rex factus: sed, cum suis tandem omnibus, interfectus; superstite solo Aèpyto filio. Is Aèpytus postea regnat; Aepytiðeq; post eum complures: qui, per ordinem, nominantur. Indè transitur ad origines belli Messeniaci exponendas.

IV. Earum originum prima fuit; ad Diane, Lacustris dicta, sanum commissi inter sese Spartani, ac Messenii, cruentâ cade. Cujus ipsius tamen cadis causam aliter Spartani referunt; aliter verò Messenii. Illi quidem; dum, violatas à Messeniis Lacenas virgines sacrificas; suūq; regem,

Ruina Messeniorum.



gem, eas tutari conantem, interfectum fuisse, nar-  
rant. Messenii verò: dum, fidas illas Virgines, re-  
verà Iuvenes fuisse, contendunt; scæmineo sub ha-  
bitu arma contra se gestantes, in eadem Procerum  
Messeniorum. nec eas à se turpiter contrectatas;  
sed, exploratas tantummodo latentes sub stolis in-  
sidias, esse. Deprehensâ verò manifestâ Spartano-  
rum adversùs se hostilitate: fatebantur, eos se,  
præveniendi causâ, unâ cum Rege eorum, occidisse.  
Utri jam veriora narrent, inter duo sibi pugnan-  
tia; discutit auctor, ac pro Messeniis decedit.

V. Altera verò belli Messeniaci, eâque pro-  
pinquior, fuit causâ; Lacedæmonii cujusdam insi-  
ne, multiplèxq; scelus, in Messenium. Ille namque,  
Evaphnus nomine, Messeniî (qui Polychares vo-  
cabatur) armentum, in pascua sua fidemq; rece-  
ptum; perfidè abegit, ac prædonibus vendidit. Caus-  
tiusque, violenter id sibi abactum, sed à pastore  
Polycharis mendacii furtiq; convictus: sponpondit  
pretii restitutionem. At in via filium Polycharis,  
pecuniam exacturum, interfecit. Polychares, re  
compertâ, cum apud Lacedæmonios, actione legiti-  
mâ delatò Evaphni furto homicidiòque, nihil mi-  
nùs, quàm æquum, ac talionem, impetrâisset: in a-  
mentiam paullatim, è dolore, lapsus, omnes Lacedæ-  
monios, sibi oblatos, promiscuè de medio tollebat.

Postur

Ruina Messeniorum.

Postulatus autem à Spartanis ad supplicium, cum à Messeniis non dederetur; nisi prius & Evaphno sibi transmissio: causam praeiit primò dissidii pugnaq̃, inter duos reges Messenios, eorūq̃ factiones. Cesus in acie regum alteruter. Alter (cui nomen Antiocho) Spartanis posthac aquas aliquot finiēda litis conditiones proponens; ab iis, silentio pertinaci, reiicitur: ac non multò post moritur. Ejus filius Eúphaës, in regnum succedens, Spartanis ad injuriam opportunus videtur. Il bellum in Messenios decernunt: juramentoque, ad illud constanter urgendum, seipsos obstringunt. Noctu denique, Amphéam, Messeniorum oppidum, occupant; incolāsque barbarè tractant: & praesidium Spartanum imponent.

VI. Post hanc primam Messeniorum acceptam cladem, Rex Eúphaës multitudinem populi, consternatam, in urbem Steniclérum convocatam; oratione solatur accuratâ: qua, Spartanis, ob improbè facta, Nemefin, ac Deos ceteros, insensos inimicōsque; Messenicis autem, è contrario, propitios fore, pollicetur. Ad summam denique; in arma eos, adversus Lacedaemonios gerenda, concitat: ac concitatos dimittit.

VII. Ab eo tempore Spartani Messeniq̃, mutuis se invicem depredationibus, vexant: donec ju-

sto tan-

Ruina Messeniorum.



*non tandem praelio concurrerent. Quod minus autem plenissimis utrimque copiis manum conferebant; vorago quadam terra, in campo locoq. praelii, obstabat. Pugnatur nihilominus, haud ignavè: sed Messenii consilio vincunt, dum castra sua communiunt; Spartanorum, contrà, castris apertis relictis. Unde, Victorie plenitudine desperatà, Spartani domum se recipiunt. Iidem tamen, ab suorum convitiis, & irrisu, exagitati; in expeditionem, adversus Messenios, non multò post, reversi: non impromptos, imparatosve, reperiunt hostes. Quinam utrimque Reges, ac duces, in aciem descenderint; exponitur: & quibus utrimq. verbis argumentisque, suas ad pugnam copias inflammârint, adiicitur. Euphais, Messeniorum regis, Satyrica, in Spartanos, Invektiva. Spartanorum, in Messenios, contumeliosa verba: Messeniorum autem vicissim, adversus Spartanos, acris & cruenta pugna. Duorum item, utriusque exercitus regum, infestus inter se concursus. Exercitus uterque, alter alterutrius in cornu, victor est, invicemque victus. Domumque Lacedæmoniâ denuò, non pro expectatione clari, gloriosiq., redeunt.*

**VIII.** *Messenii nihilominus, rebus suis, diversas ob causas, attritis; in montem & oppidum Ithomen,*

**Ruina Messeniorum.**



thòmen, omnem multitudinem bellicam contrahunt: mœniùmque ampliatiò spatiò, illic habitare incipiunt. Post hæc autem, Apollinem Delphicum, super exitu belli sui, sciscitati; resþonsum reportant: ut, ex familia Æpytidarum, Virginem intactam sacrificent. Sorte ductam Lycisci filiam, vates, negat esse filiam: controvertentèque super ea re populò, Lyciscus cum Virgine prófugit ad Lacedemonios. Vbi tamen, post aliquot annos puellâ mortuâ, Lyciscus ad sepulcrum illius capitur ab hostibus: & adductus ad Messenios, accusatúsque transfugij, beneficiò matronæ cujusdam, Sacerdotis, absolvitur. Porrò, locò filiæ Lycisci, filia cuiusdam Aristodèmi, ab ipsòmet patre ad victimam substituta, ac destinata; vindicatur primùm à Iuvene quodam: qui, sibi desponsam, & à se vitiatâ, caussabatur. Ea dein, ab irato patre jugulatur; & integra reperitur. Querentes ergo tertiam jam puellam, in hostiam, Messenios; rex Euphaës quiescere jubet, ac pacat: satisfactum DIS affirmans, cede Virginis Aristodémidis. Indè metu superstitioneque exsoluti Messenii, Spartanis in bella rursus ruentibus, alacres occurrunt: sed, anticipitè certantes Marte, regem suum, ex vulneribus, amittunt.

**IX.** Subrogatur Eúpbai, mortuo, in regnum  
Aristo-

Ruina Messeniorum.

*Aristodemus, filie intersector: & placidè, tam Messenios suos, quàm omne sociale nomen, tractat. Præliò quoque Lacedæmonios, ac Corinthios, profligat. Spartanos item, pro perfugis sese gerentes, callidè deprehendit in fallacia: & urbe suâ pellit. Caterùm, ad Delphicum rursus Apollinem legatione missâ; superstitionibus iterum variis se, suamque gentem, intricat: quæ per ordinem narrantur, breviter. Vbi de Oculis Ophionei; cæcis olim, deinde lumen recipientibus, ac denique rursus excacatis. De Centum item Tripodibus, Jovi offerendis, ac dedicandis. De scuto quoque Simulacrâ Dianæ: deque arietibus, ad victimam destinatis; & ante immolationem exanimatis. De Canibus, gregatim noctu concurrentibus, ululantibus, ac denum ad Lacedæmonios transfugientibus. Quâ occasione, variæ Observationes vane, persuasionesque superstitiosæ, exagitantur: & cur subinde, quæ ex his mala timebantur, eveniant, subindicatur. De Somnio denique, quo Aristodemus filiam, ab se interfectam, vidit, ab Inferis reducem: quo hic exsternatus, semet interfecit; rerum meliorum improbâ desperatione superatus. Qua rursus occasione, excurritur in detestationem idololatricarum Superstitionum, ac cultûs vanorum Deorum: quanta inde, quàmque varia, mala proveniant.*

Hh

X. Iis

Ruina Messeniorum,

X. *Iis quidem certè circumvoluti Messenii, post tot annos, bellò exantlatos, Lacedæmoniis se tandem permittunt. Hi Itbômès muros, & oppidum, evertunt: & , quod Messeniorum non alias in terras migravit, mancipiorum more sibi subjiciunt; duris, & annui vectigalis, & servilium obsequiorum, conditionibus injunctis.*

XI. *Sed, impatientes jugi, Messenii nonnulli juvenes, defectionem à Laconibus, & res novas, meditantur. Consilii illius princeps, Aristómenes erat: qui conceptus è Dracone ferebatur; ut & alii complures viri, factis ingentibus illustres, olim simili stirpis origine se jactabant. Aristómenis veri, extráq; fabulam, parentes, nominantur. Is, prætentatâ populorum socialium sententiâ, ac mente; de eorum consensu, à Spartanis deficit: bellòq; Messeniaco alteri dat exordium. Pugnatur primò, Spartanos inter, & Messenios, ad vicum Deras: confectòq; prælio, Aristómenes, ob fortiter facta, Rex Messeniorum acclamatus, regnum recusat: exercitibus tamen Messeniorum præesse, satis habet. In eo munere præclarè se gerit. Scutum, tanquam ab Lacedæmoniis victis reportatum, Lacedæmone ad templum Minervæ, cum inscriptione callidâ, affigit: in omen Victoriæ, suis à partibus statura. Pugnatur iterum ad Vicum alium, ab Apro dictum:*

*Ruina Messeniorum.*



*Etum: auxiliantibusq; populis aliquot sibi, ac profugorum familiis; Messenii Spartanos, eorumq; socios, & regem Laconum, cruento certamine fudit ac profligant. Aristomenes victor, ad arborem pyri Clypeum amittit suum; alibi quondam eundem reperturus: Andaniamq; rediens, inter laudes, & triumphales honores, hilariter ab omnibus excipitur.*

**XII.** *Ex eo tempore formidabilior incipit Spartanis fieri: seseq; confirmat ipse, ad cœpta prosequenda, fortuitâ mirandâq; Scuti sui amissi recuperatione; quam Sathane dolus ei procuravit, ut Superstitionem corroboraret. Aristomenes Phaeas Laconicas capit, & diripit: Anaxadrum, Sparæ regem, extorquere sibi prædam tentantem, cum opus ejus in fugam conjicit; non tamen sine vulnere suo. Spartam ipsam posthæc aggredi vastaque certus; ab eo proposito deducitur Somnio inopiam Sathanico, sibi immisso. Rem interim civitatis suæ pecuniariam aucturus; ex insidiis, & occasione Sacrorum, Virgines capit Lacedæmonias: captarumq; pudicitiam adversus libidine perditos milites, aliquorum ex iis cade, protegit. Ob id caecis accersitus à civibus suis; Virginum interpositâ deprecatione, sententiam mortis evadit: Messeniamq; Virginum earundem lytrò datat.*

Hh 2

XIII. Ari-

Ruina Messeniorum.

**XIII.** *Aristomenis, in protegenda Lacenarum Virginitate, Severitas, per digressionem collaudatur: composita praesertim, complurium tempestatibus nostrae ductorum ignava dissimulationi; militari- bus in flagitiis castigandis. Vnius Praefecti- praes- dii facinus interim unum alterumq; recens, ac forte, servata Iustitia, commendatur.*

**XIV.** *Plura Ducis Aristomenis deinceps mi- litaria facinora casusque, recensentur: ut, captivi- tas, quam à Lacenis matronis adiit; sed à Sacer- dote summâ celeriter emissus. Pralium item, cum Spartanis: in quo, perfidiâ regis Arcadium, victus tandem; reliquias tamen exercitus sui collegit, ac reduxit: scelus suum luente tandem Arcadia re- ge. Relictâ post hac Andaniâ, cum plerisq; Messe- niorum, in Efram montem commigrat; quem e- gregiè commûnit: & , undecennali quamvis obsi- dione circumfessum à Spartanis, fortiter tamen defendit. Ex agris ac sinibus hostium, assiduò præ- das agit: ac de integro Lacedamonios, tum hac au- daciâ suâ, tum etiam Amyclei oppidi oppressionis vastationeque, accendit ad arma resumenda. Cui Amyclarum banc oppressionem tam indignè Spar- tani tulerint: & , de victimis Hecatombis, quid- dam interspergitur. Pralio rursus à Spartanis & Messeniis concurritur: in quo Aristomenes, gravi-*

*Ruina Messeniorum.*

ter vulneratus, acerrimè tamen pugnans; cum  
 Quinquaginta suorum capitur: & in Carcerem  
 Spartanorum, Ceàdam dictum, dejicitur. unde ta-  
 men, mirando fortune vulpeculæq; beneficio salvus,  
 post dies aliquot, evadit: iterumque Spartanos,  
 sicut antebac, oppressis eorum sociis & auxiliari-  
 bus, vexare incipit. Sed posthac, induciarum secu-  
 ritate circumventus, & à Cretensibus captus; puel-  
 le cujusdam versutiâ, doloque, vinculis expeditur:  
 Cretenses occidit: liberatricem suam filii sui nu-  
 tuiis remuneratur: & in vitis hostibus, Ejram  
 credit incolumis.

XV. Sed Ejra tandem, occasione turpis adul-  
 terii, capitur; & post diuturnam, inter Messenios ac  
 Spartanos, dimicationem, erumpente cum fortissi-  
 mis, & infirmiore sexu atateque, duce Aristomene;  
 cum tota Messenia, sit Lacedamoniorum juris. Causæ,  
 cur Aristomenes cesserit, referuntur; à Supersti-  
 tionibus maximè pendentes. De Caprifico arbore,  
 in amnem inclinatâ: ejusque fortuite rei vanâ  
 interpretatione. Notatur Aristomenis Ducis ni-  
 mia, delirique, & anilis, credulitas: ejusdemque,  
 mysteria quoque Idololatræ defodientis, super-  
 stitiosa sedulitas. Excedentes è patria Messenii,  
 liberaliter ab Arcadibus excipiuntur; qui Arcades  
 propterea, à pia hospitalitate, collaudantur. Qui

Hh 3

remans-

Ruina Messeniorum.



*remansère Messenii, rediguntur in ordinem Helotarum. Qui verò discesserunt; in loca diversa migrant. pars magna in Siciliam defertur: ubi Messanae captae nomen immutant, veteri abolito. Finis belli Messeniaci Secundi, lacrymabilis. Aristomenes, in Peloponneso manens; adversus Lacedamonios multa, sed sinè successu, molitur: filias elocat: Rhodum proficiscitur: & in peregrinationum longinquiorum proposito, tandem vitâ cedit. Ejus corde, post obitum, non citra prodigii speciem, repertò, sepelitur Rhodi magnificè; & à suis piè deploratur.*

**XVI.** *Messeniacum Bellum Tertium, ortum ex occasione vastata, propter violatas religiones, Sparta; ruptiq; à Messeniis servitutis jugi. Pelluntur universâ Peloponneso Messenii: & Naupacti denique confident. Indè Oeniadum urbem occupâtes, Acarnanum omnium concursu indidem ejiciuntur; & Naupactum reversi, in odio Spartano- rum perseverant: hostilitatèq; multiplici illos irritant; Atheniensium societate fulti, & adjuti. Ab his autem necessariò tandem destituti, & à Spartanis navali clade fracti; varias in regiones trās- marinas abeunt. Lencêtricâ deniq; pugnâ commissâ, quâ Spartani confusi sunt, respirant; in patriam à Thebanis reducti. Eam reductionem diversis ali-*

*quot*

**Ruina Messeniorum.**

quot è Somniis prædiscunt; quæ recensentur: ut & Aristomenis, in Ieuétrico prælio, spectrum, & Sacra, ab eo defossa, quomodo, ac qualia, reperta denud fuerint? Messène urbs, condita; aliæq; urbes quædam restituta. Quot annis exulârint? Eos & postea Spartani vexant: qui, ob Messenios solos, nolunt dare nomen in fœdus Græciæ commune.

XVII. Post plurima tandem sæcula, Spartani Messeniq;, videri possunt in concordiam ac societatem redacti; miseriarum videlicet, & malorum, quæ sub Turcica servitute, simul paritèrque, nunc sustinent. De Methône, Messeniorum urbe: ob quam causam hodie Christianorum juris non facta sit; deque Schismaticis Græcis, de Salute aeterna periclitantibus. Reditur dein, ad Messenios universim exagitandos; primùm, ob multitudinem Deorum falsorum: unde plurima illis mala, flagitiâque, sunt enata. Deinde, propter duorum adolescentium impiam petulantiam; qui, se Castorem ac Pollucem sacrilegè venditantes, & pro talibus adorari se passi, sacrificia crudeliter, ac multorum cæde, disturbaverunt: indeque crediti sunt, genti suæ pœnas, divinitus immissas, suscitâsse. Vbi dissertatiuncula, de Conscientia Errante. Extollitur, ad extremum, Christianæ religionis, præ cæteris Sæctis omnibus, Veritas, Sanctitas, & innoxie salutarèsq;

Hh 4

leges:

Ruina Messeniorum.

*leges: ideòq; diuturnior in ea Pax; minùsq; longa-  
va, inter syncerè Orthodoxos, bella, quàm inter I-  
dolorum cultores, & heterodoxos.*

—

—

## R U I N A MESSENIORUM.

— (I.) —

**R**ERUM, in Oriente, sub Ezechiâ, qui-  
que præcesserunt ejus imperiũ, Ju-  
dææ Samariæq; Regibus, gestarum  
enarrationẽ; expositio sequitur ea-  
rum, in Occidente, cladium, quas sibi mutuas,  
ac graves, *Peloponnèsi* duæ gentes, inflixere: *La-  
cedæmones*, ac *Messenii*. quæ, quoniam excidiò  
denique *Messeniaci* populi, finem uterunque  
suum accepisse visæ sunt; bello *Messenio* dedê-  
re nomen. Neque tamen ejus belli nos acta,  
vel nunc primũ exsequimur; tanquam non  
& antè jam (A) geri coepta sint, (nam sub  
*Joathâne* primũ, posteaque sub *Achaze*,  
successorẽq; filio, turbatum illic erat, & con-  
cursum): vel ità nunc demum *Ezechia* tempo-  
ribus subnectimus, aut associamus: quasi po-  
steriora deinceps illis tẽpora sæculave, quie-  
ta decurrerint. Nam, ab utrisque populis il-  
lis,

Ruina Messeniorum.



lis, implacabilî bellatum Marte, vixque serò  
 debellatum est; *Messeniorum* in exilium eje-  
 ctione: diversisq̃ue sibi quæsitis alibi terrarû  
 habitationibus. Id, quod sub *Artaxerxis Lon-*  
*gimani* sextum ferè dominationis annum e-  
 vênit: imperiô *Persarum* jam aliquantô plus-  
 quam *Octogenario*. Quin & multò post, *Arta-*  
*xerxis Ochi*, *Persarum* itidem regis, sub annû  
 alterum, & Imperii *Persici* centesimum se-  
 ptuagesimum quintum, *Laconum* in *Messe-*  
*nios* inextinctum supervixit Odium. Nam,  
 potiùs, quàm in foedus ac societatem cæte-  
 rorum *Peloponnesi* populorum adscribi *Mes-*  
*senios*, *Lacedæmonii* sustinerent; ipsi potiùs,  
 à *foedere communi* seipso excludi, sunt passi.  
 Quô liquet; gentes illas duas, nec *armorum*  
 quidem dissidiô, quod annorum ferè *trecen-*  
*torum* ac *novem* fuit, satiatos; *animorum in-*  
 super discordiam, ad integrum adhuc ferme  
*seculum*, extendisse: *Spartanorum* superbâ  
 perviciâ. Quanquam autem tot, non an-  
 norum modò, sed & sæculorum, *Messeniacum*  
 fuerit bellum: nos tamen, ne vel crebriùs eodê  
 semper, per gestarum rerum descriptionem,  
 recurrere compelleremur; vel certè, quæ  
*Messeniae cladis* ad plenam cognitionem per-  
 tinent,

H h 5

tinent,

Ruina Messeniorum.

tinent, prætermittere deinde, silentiôque transcurrere: majoris fidei studiique fore, judicavimus; simul, ac semel, omnia *Ruina Messeniace* membra, velut sub unû historiæ corpus, compendiô, quanto fieri fas erit, conjungere. Quare, sicuti *bellum*, etsi multiplex, ac varium, sub unius tamen *belli Messeniaci* nomine, tractabitur; ità *Ruina* quoque, *crebris* licet iterata sparsaque populorum stragibus, quasi sub *Vnius* tamen *Ruina* titulô, procedet: cùm interea, ne *Lacedæmoniorum* quidê, & grandes, & crebræ satis, *regni-plagæ*, tacitæ nobis sint abituræ. Sed priùs *Messeniae* nobis *terre* situs, ac facies aliqua; post hanc autê, inter Messenios ac Spartanos enati, *belli causæ* depingendæ: denique *belli cursus* ipse, quò cuncta lucidiora sint, venit exponendus.

II. *Peloponnesus*, quam *Morëam* hodie dicunt, *Peninsularum* totius Europæ nobilissima (b), figuræque sitûs, & angulorum litoralium specie, *platani folium* imitata; Regiones, ab antiquo jam, habebat, omnium *Græciæ* Scriptorum monumentis celebratas. Earum insigniores ad memoriam sunt: *ACHAIA*, Ptolemæo Geographo, *Propria* vocabulô notata; quæque *Patras*, *Ægium*, & alias

Ruina Messeniorum.

lias urbes, ambitu suo complexa, Sinui, quē *Corinthiacum* nominamus, ad Aquilonem adjacet. Eaque regio, propter res populi sui florentiores, & juris publici forum, universæ tandem chersoneso reliquæ nomen suum infudit: ut *Achaia* diceretur, quæ *Peloponnesus* erat; & *Achaica concilia*; quæ gentium illarum plerarumque *publica* censerentur. (c) Post *Achaiam*, situ locorum proximæ, *Sicyonia*, *CORINTHIACA*que; ventum spectantes Euro-aquilonem: suarum utraq; primariarum urbium nominibus insignitæ. quarū, *Sicyon*, Achæis vicinior: *Corinthus*, ad Ortum aliquantò remotior, in aditu citeriore sedet faucium; quas *Isthmon* Græci dixerunt: hoc est, *terræ continentis angustias*, haud ampliùs quinque passuum millibus in latitudinem patentes; *Corinthiacum* inter, ac *Sarònicum*, Sinus. Infra *Corinthiorum* ditionem, in Austrum, *ARGIVORVM* est sita terra; cujus caput, urbs *Argos*. supra quam urbem, Boream versùs, *Cleonæ*: propiùs autem, sed infrà, spectantes ad meridianam cœli plagam, *Mycænæ*; quæque receditur in Ortum, *Epidaurus*. Mediam autem *Peloponnēsē* continentem aliæ quædā, eæque celeberrimæ, regiones occupârunt.

Ad

Ruina Messeniorum.



Ad Occidentem quidem, ELEIS; Alphéô Pe-  
neóque perluta fluminibus. In ea sunt ur-  
bes; *Elis*, unde nomen *Eliacæ* regioni cæte-  
ræ: *Pisa* quoque, quam *Olympia* quidam ad-  
jungunt (*d*); sed ab eadē alii dissociant.  
Omnes hæ tamen, ceu priscis Græciæ certa-  
minibus *Olympiorum* insignes, clarebant. Post  
*Eliacam*, Orientem hybernum, & interiora  
Peloponnesi, spectat & insidet, ARCADIA:  
cujus urbium nominatissima, *Megalopolis*.  
cætera regionis ejusdem oppida, locaque,  
non ignota quidem *historicis*; decantatiora  
tamen *poëtis*, sunt. Infra juxtaque populos  
*Arcadas*, proxima LACONIA, partim in Au-  
strum, ad Sinum usque maritimum, sui no-  
minis; partim in latus Orientis, ad Sinum  
promontoriūque Maliacum, excurrit: *Eu-  
rôta* flumine pæne mediam secante. Cujus  
urbium caput, *Sparta*, sive *Lacedamon*; oppi-  
da complura cætera, tum ad Tēnarium hinc,  
tum ad Maléum indè, promontoria, sub ju-  
re ditionēque sua constituta, porrigebat. *Pos-  
trema* denique, non tam dignitate, quàm lo-  
corum positione; Peloponnesiacarum regionū,  
MESSENIA; Solē tenus occiduô, pelagus ha-  
bet Ionium: ad Septentriones, supra se, gen-  
tes

Ruina Messeniorum.

tes ac terras *Eleorum* ; ad latera Solis Orientis, *Arcadas*, & *Lacônes* ; ad Austrum autem, Sinum maris Ionii, suo de nomine *Messeniacum* appellatum. Pertinebat autem terrarum iste tractus, ab *Alphéi* propemodum amnis ostio, tam cis, quàm ultra *Panifum* fluvium, flexuosis anfractibus ; ad *Taygeti* montes usque, porròque, suas oras explicans : donec ad *Leuctrum* se *Laconicum* consumeret. Fuerunt autem intrà *Messeniorum* hos, quos descripsi, fines, *Alyartus*, *Pylos*, *Itbôme*, *Træzen*, *Arène*, *Methône* maritima ; quam, ità *Pausaniæ* dictam, *Módonam* hodie vulgus præternavigantium nominat : cæteræque præterea *littorales*, ut plurimum, urbes : *Acritas*, *Colónæ*, Solem occiduum spectantes ; &, ad Orientem, *Asine*, *Coronæ*, *Pheræ*. *Messeniaci* demum *Sinûs* extremum, cacuminatumque, littus quondã insidens, supra *Taygetum*, *Abia* : quam, à *Saltu*, quem vocant, *Porcinô* viginti distantem stadiis, *Eram* antiquiores appellârant. Hæc igitur omnia, quæ dixi, *Messeniorum* erant, jam olim, priscis ab initiis, oppida ; nec tamen adhuc, regionis caput, urbs *M E S S E N E* : quippe, quam posterioribus demum ætatibus eos accepisse,

certum

Ruina Messeniorum.

certum sit. Et *Sophianus* quidem eam, in *Græcia* sua, *Panisi* fluminis Ostio, dexteræque ripæ, contra *Phæras* urbem, in sinistra sitam, imponit. Id, quod & *Claudius* facit *Ptolemæus*, in *Europæ* suæ *Tabulâ* *Decimâ*. *Pausanias* autem, in quarto veteris *Græciæ* regionum volumine, sub ipsum statim libri principium; *Messénem* sub *Ithôme* conditam à *Thebanis*, post *Leuſtricam* adversus *Spartanos* pugnam, affirmat. Additque: nullam omnino præterea se putare, *Messenês* vocabulò nuncupatam urbem fuisse; prius, quàm hac à *Thebanis* conderetur. (e) Et tamen *Messeniorum*, tam hominum, quàm locorum, ac regionis, ab antiquis jam temporibus nomen erat. Unde verò natum id illis primò sit; paucis nunc exponam: nequis fortè, rerum, ac monumentorum veterum, ignarus; populum, adeò factis ac fatis suis inclytum, cum Originem ejus incognitam habeat, opinetur: TERRÆ fuisse FILIVM.

III. *Laconiam* igitur, *Peloponnesi*, quam dixi, regionem, *Lelex* quidam olim, regiò tenuerat, eoque legitimò, nomine: populis, quos regebat, adeò non invitis; ut ab regis sui nomine, *Lelegas* se dici sustinerent, qui *Laco-*

nes



nes alioquin : & *Lelégiam* terram , quæ temporibus aliis *Laconia* semper appellabatur. (f) *Lélegi* porrò *Regi*, vitâ functo , filiorum duorum natu major, *MYLES*, in imperium successit : *Polycæone*, germanô suô , privatæ vitæ relictô. Sed hic, pubertatem ac firmiores annos adeptus, ex *Argivorum* urbe *MESSE- NEM* duxit uxorem , *Triopæ*, viri, dignitate non minûs, quàm opibus, florentissimi, filiâ : cui *Phorbas* avus, cæterumque retrô majorum genus, in *Peloponneso* Græciâq; clarû. Indignata porrò *Messène* ( quæ ferè *mulierum est ambitio ; semper altiora fastigia suspirantiû* ) hinc quidem, patrem suum, ac progenitores, in claritudine ; socerum autem indè , levitumque *Mylen*, in supremo popularium suorum esse culmine constitutos : noluit illa quidem, quod alia fortasse perfecisset, affini pel- lendo res novas moliri. Viro tamen, ad dominationem foris quærendam, assiduâs *privatæ sortis* exprobrationibus, & ad audaciam hortamentis, eum stimulando ; persuasit tandem : ut, *Mylæ* fratris, & *Argivorum*, uxoris suæ gentilium, opibus adjutus, magnâ comparatâ manu , *Peloponnesi*, quâ versum in *Austros* incumbit , oram universam invade-  
ret :

Ruina Messeniorum.

certum sit. Et *Sophianus* quidem eam, in *Græcia* sua, Panisi fluminis Ostio, dexteræque ripæ, contra Phæras urbem, in sinistra sitam, imponit. Id, quod & *Claudius* facit *Ptolemæus*, in *Europæ* suæ Tabulâ Decimâ. *Pausanias* autem, in quarto veteris Græciæ regionum volumine, sub ipsum statim libri principium; *Messenem* sub *Ithôme* conditam à Thebanis, post *Leuctricam* adversus Spartanos pugnam, affirmat. Additque: *nullam omnino præterea se putare, Messenês* vocabulò nuncupatam urbem fuisse; prius, quàm hæc à Thebanis conderetur. (e) Et tamen *Messeniorum*, tam hominum, quàm locorum, ac regionis, ab antiquis jam temporibus nomen erat. Unde verò natum id illis primò sit; paucis nunc exponam: nequis fortè, rerum, ac monimentorum veterum, ignarus; populum, adeò *factis* ac *fatibus* suis inclytum, cum Originem ejus incognitam habeat, opinetur: TERRA fuisse FILIVM.

III. *Laconiam* igitur, *Peloponnesi*, quam dixi, regionem, *Lelex* quidam olim, regiò tenuerat, eoque legitimò, nomine: populis, quos regebat, adeò non invitis; ut ab regis sui nomine, *Lelegas* se dici sustinerent, qui *Laco-*

nes

Ruina Messeniorum.

nes alioquin : & *Lelégiam* terram , quæ tem-  
poribus aliis *Laconia* semper appellabatur.  
(f) *Lélegi* porrò *Regi* , vitâ functo , filiorum  
duorum natu major, *MYLES* , in imperium  
successit : *Polycæone* , germanô suô , privatæ  
vitæ relicto. Sed hic, pubertatem ac firmiores  
annos adeptus, ex Argivorum urbe *MESSE-*  
*NEM* duxit uxorem , *Triopæ* , viri, dignitate  
non minùs, quàm opibus, florentissimi, filiâ :  
cuj *Phorbas* avus, cæterúmque retrò mayo-  
rum genus, in Peloponneso Græciâq; clarû.  
Indignata porrò *Messène* ( quæ ferè *mulierum*  
*est ambitio ; semper altiora fastigia suspirantiû* )  
hic quidem, patrem suum, ac progenitores,  
in claritudine ; socerum autem indè , levi-  
túmque *Mylen*, in supremo popularium suo-  
rum esse culmine constitutos: noluit illa qui-  
dem, quod alia fortasse perfecisset, affini pel-  
tendo res novas moliri. Viro tamen, ad do-  
minationem foris quærendam, assiduïs *pri-*  
*vatæ sortis* exprobrationibus, & ad audaciam  
mortamentis, eum stimulando; persuasit tan-  
tem : ut, *Mylæ* fratris, & Argivorum, uxoris  
iæ gentilium, opibus adjutus, magnâ com-  
paratâ manu , Peloponnesi, quâ versum in  
iustros incumbit , oram universam invade-  
ret:

Ruina Messeniorum,



ret: eamque, domitam armis, suum sub arbitrium redigeret. Cum autem eam sine certo tunc adhuc nomine, perque *vicos* tantum (g) habitatam, reperisset *Polycæon*: eam, & ut *Victor*, unum deinceps, tam sub caput, quam sub nomen, collegit; & ut *beneficii memor*, quod ab *uxoriis* ad regnum impulsibus acceperat, ab uxore *Messeniam* maluit, quam, à seipso, *Polycæoniam*, appellare. Talis ergo, quantuscunque sub Elæis, sub Arcadibus, ac sub Laconibus, jacet, ad Ionium usque mare, tractus, inter Alphæi fluminis ostium & Leu-stra Laconica, jam tum nominabatur: nomine quidem tenuis, *Messeniorum* terra; reipsa verò (si confiteri, quod res est, volumus) *Laconum*, *Argivorum*, & *Polycæonis* ac *Messènes*, latrocinium, & rapina. Cæterum, in hunc quem dixi, modum rex effectus *Polycæon*, & regina *Messène*; regiâ tamen adhuc carebant: quam omnes simul, in unum contracti, *vici* non constituissent; nec ad eam, quæ reges decet Europæos, magnificentiam evexissent. Quare, ne *pagana* tota foret *Messenia*; confestim ad urbes & oppida condenda rex animum adjecit: & ut esset, ubi pro splendore sederet; *Andaniam*, cæteris amplitudine munimenta-

Ruina Messeniorum.

nimentisque præstantem, regni caput exstruxit. Ad *Messénem* porro reginam, Andaniæ jam habitantem, *Caucon* quidam, cum *Orgiis*, venit; *Magnarum* (quas prisca Græcia nominabat) *dearum* cæremoniis. (b) Eas hic *Eleusina*, vicinò tunc Athenis oppidò, deportarat; Eleusinius ipse patriâ, *Celæni* (i) filius, *Phlyi* nepos. Et ea superstitionis pravæ mysteria, *Messène*, Regina, prima tunc ætatibus secuturis, tanquam *Sanctissima* Religionum pignora, deposuit; omnî populorum reverentiâ prosequenda. Supervénit autem *Caucóni*, quem dixi, multos post annos, *Lycus*, *Pandíonis* filius; Athenis eò profectus. Is omnia, quæ *Caucon* quondam importarat, circa *Magnarum Dearum* Orgia, celebriora fecit, augustioraque: lucò præterea, priscos ad ritus, & aliò detestabilium Sacrorum splendore multo, superadjectò. Quæ nos tamen, aliò properantes, ad *Pausaniam*, cæterosque, quos secutus est ipse, priscarum religionum admiratores, libenter remittimus: quippe, *Christiani*; quibúsque propterea meritò, *Sathanica* veterum illorum *Sacrificia*, plus *alli sterquiliniq.*, quàm *thuris & liliorum*, olere debent. Sit satis, submonuisse: *Messénês* reginæ profanissimam

I i

hanc

Ruina Messeniorum.

hanc Cerealiū , cæterique generis Sacrorum , religionem , ut ex Attica deportatam primò; sic postea *regia-Sacerdotis* (k) exemplò per universam fuisse Messeniam, ac finitimas ei Peloponnesiorum oras, dispersam. Ità colī *Juppiter*, in Ithòmes montano vertice, cœptus est : ità *Machæon*, Aesculapii filius ( hoc est, *figmētum*, è *figmento*) vicimīs apud Gereniam, seu *Cboerium-saltum* (l), honorari. Sic ab *Isthmio* postea, *Górgaso*, *Nicomachòq*, mortuis olim hominibus tanquā vivis etiamnum Dīs , apud Pheras urbem, templum ædificari. Sic à *Sybóta* (qui nepos Isthmii, *Dotadæq*; filius, fuit) Messeniorum reges, non parentare tantum Eúryto iussi , cujus in agro Messenio tunc *ossa* servabantur : sed etiam anniversaria facere sacra Paniso, de quo superiùs dictū est, anni : rei, quæ nec animam unquam, neque vitam , quantò minùs ergò *Divinitatem*, habuisset. Sic denique , præter alia religionum impiarum, sine numero, deliria, *Messeniam* ipsam, unà cum *Polycæone* marito, Dorienſium in fanò; *solam* autem , ac sinè conjuge, Divinitatis & honorum collegâ, Gerenias ad aras, Glaucus, Messeniorum & ipse regum unus, consecravit: vel ut *Deam*, vel ut *Semideam* &

*Heroi-*

Ruina Messeniorum.



*Heroidem*, super mensam, DIs immortalibus accubantem. Quibus rebus factum est: ut, hac Numinum faciendorum fingendorumque proterviâ; sicut cetera Græcia, sic & Peloponnesus, Divis, & Indigetibus, impleretur universa: nullâ non urbe, vel oppidô, pænêq; nec pagô, monte, saltu, speluncâ, proprium aliquod, & *sui quasi Cæli*, Numen ostentante. Quare tantâ mortalium illorum insaniâ, quantâ meritò Cynicæ-Philosophiæ princeps clarô meridie succensâ laternâ cœtum humanum quæsisset: *faciliùs* aliquis (quod apud C. Petronium ancilla Psyche dicit) *Deum invenisset, quàm hominem*. Cæterùm, sinè liberis, aut certè tenui nomine gloriâque fulgentibus, Polycæone Messenêque, vitâ perfunctis (*m*); non ideò regnum extinctum est Messeniorum: sed, ut apparet, ad propinquos, vel alterutrius eorum, vel utriusque, successionis quadam imagine, consensûque multitudinis, delatum; in quintam hominum *etatem*, seu, quo modo sacri codices loquuntur, *generationem* (*n*), semper habuit, à quibus placidè tranquillêque tractaretur. *Polycaonidarum* verò demum omnî progenie stirpitus exarescente; gubernacula susceperunt ii, quorum ad

li 2

nos

Ruina Messeniorum.

nos famosa nomina pervenerunt. Eorum primus, in imperium aliunde, Messeniis postulantibus, evocatus, Aeoli cujusdam filius, *Periêres*. Hic Meláneo, sui temporis sagittariorum excellentissimo, quicum ei foedus intercedebat hospitii, Messeniæ regionis partem, *Oechaliam* eâ tempestate dictam, possidendam assignavit. *Periêri*, vivis exempto, successère, quos is è Gorgóphone Persei filiâ susceperat, *Apháreus*, ac *Leucippus*, legitimi filii. Quorum, *Apháreus*, qui matris suæ Gorgophonês, ex alio marito, filiam, *Arénen*, habebat in matrimonio; novam in Messeniis urbem, sibi que deinceps Regiam, condidit: conditamque, pro temporum illorum vulgò receptâ consuetudine, nomine suæ conjugis insignivit: ut idem esset utriq; nomen, & ei, de qua genus suum; & ei, de qua regni majestatem, propagaret: paritèrque dicerentur, & *Vxor*, & *urbs*, ARENA. Quod porrò fecerat in Meláneo Periêres; ut Messeniæ terræ partem ei (sicut dictum est) Oechaliam assignaret, insidendam: idem fecit & Apháreus hic, post annos aliquot, in Néleo, Nestoris genitore; dum ei profugo, non hospitium tantum, sed & agri Messeniaci partem

Ruina Messeniorum,

tem illam, quæ pelagus adjacebat, Zephyrum inter ac Notum, incolendam regendamque dedit. Ibi *Pylos*, oppidum postea regium, aut conditum, aut amplificatum. Cùm autem *Apháreo*, fatís functo, filii duo superstites essent, ex *Arena*: minor eorum natu, trucidatus in certamine, pro pecoribus ac pascuis; fratri, cui nomen *Idæ*, regnum omne, jam æmuli timore vacuum, reliquit. *Idas* autem ipse, flammâ nubium exanimatus, domum *Apharæam* omnem, unâ secum, extinxit. Itâ *Messenii* rursus, sinè rege, supremoque capite, degebant; parata finitimis exterisque præda: donec (quod diu dilatum non est) *Nélei*, precariò quondam in regni partem accepti, filius, *Nestor*, *Messeniorum* terram omnem, exiguâ demptâ regionis particulâ, *Messeniiis* ultrò deferentibus, potestati suæ subjungeret. Et hic igitur, & ex eo geniti *reges*, deinceps, non *Pylæ* tantum sed *totius Messenia*, dominati sunt, unam, & item alteram, hominum ætatem. Supervenientibus autem, post ista, *Doriensibus*, qui pars & ipsi *Messeniacæ* regionis indigenarum erant; & *Nestóridis Heraclidas*, *Herculis Græci* posteritatem, superinducentibus: ejedî *Nestóridæ*, *Neleique* ge-



nus omne, sunt: imperitârunt autem Heraclîdæ. Quorum, *Cresphontes*, quam ultrò sibi depoposcit, ac, sortibus in Oraculi situla nequiter depravatîs, regendam accepit, eam rexit: sed fraude, seris etiam posteris, per summam Laconum invidiam, exprobratâ; quòd Lacōnici sensûs ac sanguinis *Cresphontes* non fuisset. (o) Is porrò, potentiâ jam constabilitâ, *Meropéque*, *Cypseli* regis *Arcadum* filiâ, sibi nuptiis conjunctâ: primùm quidem filios ex ea complures sustulit; deinde novam sibi liberîsque Regiam, *Stenyclérum* urbem, exædificavit: in qua, sicut *Andaniam*, *Arénen*, ac *Pylon*, reges priores insedissent; itâ *Cresphontéa* posthac posteritas habitarent: indéque *Messenii* jura darent. Sed non diuturnum *Cresphontis* hoc, nec consilium fuit, nec imperiũ, atque vita: quippe, tumultuantibus adversũs eum *Messeniorum* Optimatibus, tanquam plebi, quàm proceribus, additiorem; ideòque, tum ipsum, tum familiam ejus universam, quantum in ipsis fuit, concursu factò, de medio tollentibus. Solus effûgit communem generis sui stragem *Aëpytus*, filiorum *Cresphontis*, ac *Méropês*, natu minimus: ut, qui tunc, quando sævitum in patrem ac fratres est,

Ruina *Messeniorum*.

est, apud avum maternum, regem Arcadum, educaretur : tanquam unica stirpis adhuc scintilla , tantæ cladis incendio subtrahita. Nec id, sinè factorum, ac divinæ mentis, providentia, visum est, evenisse. Nam hic in familiæ postea lumen, ac splendorem novum, præter spem suam, & contra partium inimicarum opinionem omnē, emicuit; Arcadum Dorienſiūque communibus armis, in regnum paternum reductus. In eo rex *Aëpytus*, saniore, quàm pater, consiliō, *plebem*, ex æquo, *nobilitatēq;* beneficiis & obsequio complexus: & sibi pariter imperium peperit longævum; & ex se natis, natorūque posteris, firmum & inconcussū. *Aëpytidarum* itaque, quo nomine successores deinceps omnes celebrari cœpti sunt, haud obscurior appellatio, generisque claritudo, quàm *Heraclicidarum* antehac, effulsit. Eum in regno post hæc ordinè, Glaucus filius; Isthmius, nepos; Dótadas, pronepos; Sybotas, abnepos; Phintas, atnepos, subsecuti sunt: omnes *Aëpytidarum* sanguinis, in Messenia, *Reges*: nec *Aëpyti* minùs *humanitatis* in subiectos, quàm *Nominis*, hæredes. Quod *Nomen* utique, majorum ab Origine, faciliùs in posteritatem, quàm *mores*, trans-

funditur. ideóque, sine generis antiqui virtutibus, clarum esse, sonorúmque, potest: verè tamen generosum, ac perpetuum, esse non potest. Hæc de prima *Messeniorum* appellationis origine; de gentis illius *Regibus*, Pausaniæ secuti lampadem, in tam densa vetustatis retrò nocte caliginéque, quantùm assequi videndo revidendóque potuimus, prosecuti sumus: in compendium redactis iis, quæ diffusius scriptor Græcus exsequitur. Nunc ad *belli Messeniaci* causas, & principia, pedem, inter Antiquitatis regalia rudera laboriosè tantisper, sed ad sequentia fortassis haud inutiliter, remoratum, promoveamus.

IV. Sicut, testimoniô Sapientis (p) *infandus Idolorum cultus*, ab omni semper retrorsum ævô, *malorum omnium causa fuit*, & *initium*, atque *finis*; ità, *Messenios* inter, ac *Spartæ cives*, evénit. Regnabat apud Lacedæmonios *Téleclus*, vir fortis, Archelái (q) filius, Agesilai nepos; ex Agidis antiquo, bellicosóque, genere prognatus. *Messenios* autem, is, quem suprà nominavi, *Phintas*, è Glauci Cresphontisque progenie, sub idem ipsum tempus, regebat. Stabat autem in *Limnæ* castello, quod erat in orâ *Messeniorum interiore*, sicut

ait

Ruina Messeniorum,



ait Pausanias, Laconibúsque finitimâ, delubrū,  
*Artemidis* dictum, cognomento *Limnatidis*;  
 quam Deam, Romanô sermone, (si præsertim  
 à *Limnæ* castelli patriâ significatione recede-  
 re libeat) rectè *Dianam* interpretari *Lacustrē*,  
*Palustrémve*, possumus. (r). Id fanum, stagno,  
 sicut ego suspicor, aut locis paludosis, adja-  
 cens; soli, cum Dorienſibus (s), Messenii,  
 Spartanique, sic habebant inter se, jam priscis  
 à temporibus, commune; nullis ut ceterorum  
 Peloponnesi, Græcięve populorum, aditus eò  
 pateret. Fortè sic usuvenerat; ut in unum  
 eundémque diem, & Messenii, Dianæ Limna-  
 tidi sacrificatum, exirent: & in chorum inci-  
 derent *Lacænarum* (ut Spartani referunt) æ-  
 tatis adultæ virginum; ad idem ipsum Arte-  
 midis templum supplicandi gratiâ properā-  
 tium. Ibi tum (si Lacedæmoniiſ, eorūque  
 narrationi, fides est) ea Messeniorum fuit ju-  
 venum intemperantia, cupidiniſque rabies: ut,  
 vel turbatîs, vel nec inchoatîs quidem, Dia-  
 næ Sacris, in puellas, sacrificantium cultu  
 splendidiùs amictas, & ideò formam etiam  
 petulantium oculis commendatiorem faciē-  
 tes, impetum facere, vimque repugnantibus  
 palâm inferre, non vererentur. Cùm autem

li 5

eòdem

Ruina Messeniorum.

eòdem tunc articulo temporis, cum suorum comitatu, rex Spartanorum *Téleclus*, seu casu, seu consiliò, religionisq; studiò, delatus, violentiæ Messeniorum, Virginumque Spartanarum clamoribus, intervenisset: verbis primò; deinde, cum *libido surda ne regias quidem debortationes ac minas admitteret*, ferro suo, suorumque popularium, suarum tutari pudicitiam, est aggressus. Sed, Messeniis à *Venerre* se transferentibus ad *Martem*, nec minùs alacri se manu defendētibus, adversùs Spartanorum paucitatem; multitudine superobrutus, rex *Téleclus*, in certamine, pro suarum pudicitia, succubuit. Virgines autem, & hinc quidem pudoris sui florem, & illinc pro tutela floris extinctum Regem suum, dolenter admodum ferentes; nec ausæ parentum deinceps, civiumque suorum, cum hac gemina, funeris regii, corruptiq; corporis, plagâ, conspectum subire: volūtariâ se morte de medio sustulerunt omnes. Hæc ità, quemadmodum exposui, de stupris, ac sacrilegio, deque cæde regis, tanquam à *Messeniiis* perpetratâ, narrare *Spartani* consueverunt. Quæ tamen si sic omnino gesta fuerant: quare tam insignem hanc, & in Deam Virginem, & in Virgines,

Ruina Messeniorum,

gines, Deæ cultrices, & in regem denique, Rémque Lacónum publicam, admissam injuriam, Lacedæmonii non, aut confestim ultii sunt; aut aliquantô tamen pôst: sive quæstione de Cæde, déque Vi, legibus habitâ; sive, si Judices officio defuissent, armis, & acie? Quâ, sinè controversia, liquidam armorum causam æquitatémque Peloponnesus omnis, atque Græcia, contra violentos Messenios, non sententiis tantùm adjuvissent; sed copiis etiâ, atque manu? Nuncautem siluerunt *Spartani*, quieveruntque: gens, cæteroquin, ut videri volebat, æquitatis, ante gentes alias, exactrix, dissimularéq; contumelias publicas inassuetæ: neque, vel verbô quidquam, apud Achaïæ commune concilium, vel ferrô congressúq; Martiô, moverunt, adversùs Messenios. Idque, quod judicare pronum est, ex conscientia doli mali, quo priores ad injuriam fuerant: & hoc, non *Télecli* regis solius, ac privatô, sed Spartanorum omniû publicô consilio, plebísque scitô. Quo factû est: ut, super ea controversia, non unô tantùm anno, vel alterô, tertióq;, nec uno decennio, vicenniôve; sed *solidô* justóq; *Sæculo*, silentium ageretur altissimû. Propiùs itaque fidem, ac rei gestæ veritatem, est;

Ruina Messeniorum.



est illud, quod super gestis, ad *Diana-Limnatidis*, utriusq; populi rebus, semper posteris suis per manum *Messenii* tradidêre. quorû sic habet se narratio. *Spartani*, Messeniorum agri bonitatem, & amœna maritimorum finium, præ suæ regionis horridiore mediterraneoque campô, sæpius admirantes: *in illius tandem*, ut è *vicina felicitatis Invidia* fieri solet, *amorem & cupiditatem inciderant*. Ut autem eo potirentur agrô, suisque finibus adjectô, potentiam ac spatia dominationis, cum opibus pariter, amplificarent: re deliberatâ, decreverunt; si per compendium ad vota sua pervenire festinarent, ex opportunitate, Messeniorum Optimates sub unû esse tempus aliquod inexpectatû opprimendos. Sublatîs è medio Capitibus, infirmiores, ad vim propulsandâ, populi fore manus. Tempus porrò, destinata perficiendi, non aliud opportunius oblaturum se; quàm cùm ad *Diana-Palustris*, utrimq; ,solemnî pompâ conveniretur. Necunde verò consilii Spartanorum ad Messenios ulla posset emanare conjectura, vel suspicio: pro virginibus illis puberibus, quibus, ex more, chori, sacrâque Dianæa, committi deberent; cultu puellarî *Juvenes imberbes*, sed  
ad

Ruina Messeniorum.

ad audaciam exercitatos, & suo quemq; pugnione sub vestibis instructos, ad delubrum mitti placere: qui formosarum *virginum habitu* specièque Messenios in insidias pertraherent. In hunc ergo modum compositam fraude, die constituto, cum ficto virginum illo, mentitoque coetu, rex Spartanus, ad *Limnatis* fanum accedit. Accedunt eodem & Messenii: qui, fallaciæ cæteroquin ignari, tamen, è Lacænarum, quas putabant, tum gressu, nimium masculo militarique, tum ex incedendi, canendi, loquendique ritu, male virum dissimulante, latentis nescio quid hostilitatis odorati; nihilo secius, ex more, secundum templi parietem interiorem condescenderunt: præstolantes, quænam suspecta res finem esset habitura? Confident invicem, è regione, cum rege suo, Lacedæmonii, Lacænaque fictæ; non tam in rem divinam, quam in signum, quod ex composito dandum esset, intentæ: districtisque, signo dato, dolonibus, in Messenios impetum facturæ. *Sicut autem nullius diffictæ frontis, ac vultus, tam abstruse sunt latebræ; quin, per aliquam saltem, aut gestus, aut naturalis affectus, se rimam prodant:* ita Messeniis, ex male quietam Spartanarum,

(quæ

Ruina Messeniorum.

( quæ simulabantur ) virginum sessione , tanquam destinati facinoris moram impatienter ferentium ; necnon , è flammantibus earum in cædem propinquam oculis , acièque plusquam fæmineum ardente , suboluit : *Aliquid profectò sceleris, & hostilitatis, adversum se conceptæ, mente volvi.* Conjungunt itaque capita : *niçtibúsque* veriùs , ac susurris , quàm *verborum* habitò consiliò , prævertendam esse paratam sibi perniciem , decernentes , & nutibus alter alterum exstimulantes ; simul unà *Messenii* consurgunt omnes : inque *Spartanas* ( quas sese ferebant ) impetu factò , ferròque districò , minaciter ; *Númmam* verè *Spartanæ* sint ? & , num pacem magis , an hostilia , meditentur ? interrogant. Illos , *respondere* , vel dedignant , vel implexè tergiversantes ; adoriuntur : direptísque primò stolís & amictu , corporum interiora scrutantur. mox , & *sexûs* deprehensò *mendaciò* , quod renudatà pectora prodebant , & sub amictu repertís pugionibus ; in eos , tanquam professos hostes , cæsim punctúmque sæviunt : & , in medio sacrorum apparatu , nihil veriti loci religionē , ad unum omnes contrucidant. *Téleclum* quoque , *regem* eorum , jam tum ab initio scrutationis

Ruina Messeniorum.



tionis suorum, verbis, & clamoribus contrānitentem, ac *fœderis lesam fidem*, *Dianæq; pollutas religiones*, & *alia talia*, quiritantem, armis compescunt: & arma denique contrāferentem, nullâ porrô maiestatis habitâ ratione, cæterorum cædi superadjiciunt. Ipsi, dispoliatis cadaveribus, cum præda non aspernandâ (quia Lacedæmoniorum nobilissimus quisque, non sinè largis, ad ostentationem, donariis, eò venerant; ac ceciderant) ad sua se recipiunt. (t) Hæc igitur, quam attulimus, *Messeniorum* est, super eo factò, *narratio*: digna, quam & Pausanias, (*Laconibus* alioquin haud inimicus) in medio saltem relinquat; & in lectoris, *amplectine malit*, an *ei derogare fidem*, arbitriò constituat. Nobis, utra veritati propior esse videatur; ex iis, quas suprâ produximus, conjecturis jam deinceps integrum non est, in utramque partē rationibus ventilare. nam, iudicium à nobis est *secundum Messenios*, contra *Spartanos*, datum. In quo proinde meritò perseveramus: quippe, *Sinceritatis*, *adversus astutiam*, *fautores*. Ex his interim, in hunc, quem retuli, modum gestis, apparet: *Quanta sit impudentia, semel ad calumniam impingendam obfirmata, vis;*

**Ruina Messeniorum.**

vis; ad Mendacium, imagine Veritatis induendum: ut, nisi rerum actarum, quas annorum vetustas obscurare cœpit, caligo, lumine saltem argumentorum & conjectura tandem illatò, discutitur, & quod res est, protrahatur è latibulis; Veritas figmenti, figmentumque veritatis in sedili, regnet. Ità nequitiâ factum est, ac scelere, Spartiatarum; qui, quam injuriam Messeniis intentârant, ejusdem culpam, in eorum caput, falsissimâ criminatione retorserunt: ut per universam deinde Græciam rumor hic invalesceret; Ad fanum Dianæ supplicatum venisse Lacedæmonios: qui tamē doli mali, cedisq; faciendæ, causâ venerant. Sacrificatum adfuisse Læcanarum virginum chorum; qui Laconum tamen militū globus fuerat. Per petulantiam, ac libidinē, in puellas irruisse Messenios; qui potius salutis, ac servandorum suī causâ, Lacedæmonios aggressi sunt. Fœdè contrectata castarum corpora, devirginatq; Messeniorum intemperantiâ, fuisse; quæ nihil ultra, quàm explorata, fuerant. Pudorem eis ereptum; quibus indumenta fallacia detracta, quibus arma latentia sunt extorta. Seipsas, amisse virginitatis verecundiâ, jugulâsse: cùm ferrò tamen alieno, sed suī tutele causâ sumpto, Lacones interierint. Ad summam! vim illatam pudicitie

Laca-

Ruina Messeniorum.



*Lacænarum, à Messeniis: cùm hi revera vim, in se comparatam, vi, Laconumq, morte, repulerint. Sic ergo Spartanorum Iniquitas, aliquamdiu mûdo, cum ingenti Messeniorum invidiâ, sed ad extremum Sibi quoq, , mentita, famæ suæ dispendiô; justioribus rerum æstimatoribus, æterno fieri probro cœpit. Paullatimque Lacedæmonii, veteris illi veritatis, candoris, abstinentiæ, Justitiæq, jactatores, sicut omnis alia laus Virtutis-Idololatrarum, in improbitatis suspicionem, ac fumum, evanuit. Id nos, ne calumniari potiùs, quàm ex meritis suis describere Spartæ cives, videamur; ex alio quodâ improbiſſimo, tum hominis privati, tum universæ civitatis & Ephororum, in Messenios delicto, palàm faciemus: ut appareat, Veræ Virtutis Scholam, nec apud Lycurgum, ejûsque Leges; nec Spartæ, sicut olim jactabatur: sed in Christo demum, & Civitate Dei, quæ nunc est ECCLESIA, reperiri. SPARTA, plus bellicæ laudis, quàm forensis, ac veræ, tenuit: LACONVMque, non Sermo brevior, quàm Æquitatis commendatio, fuit. NIHIL enim Simulatum, pariter & Diuturnum est.*

V. Cùm igitur, tanquam sub cinere-malè mortuus, maléque vivus, ignis, operæ ve-

K k

rius,

Ruina Messeniorum.



rius, quàm extinctæ, Messeniorum ac Spartiatarum simultates, integrò propemodum, ut dictum est, sæculò, scintillarent; & in alterum alter, uterque populus, odii bullientis causam culpamque conjicerent: *reges* interea, tam apud Lacedæmona, quàm in Messeniis, alii prioribus, fatò sublati, successerant. Et Spartæ quidem imperabant, *Alcæmenes*, Teleclææ stirpis (\*); ac *Theopompus*, (nam bini, *nomine* veriùs, quàm *Potestate* summâ, Lacedæmone regnabant) alterius familiæ-regiæ: quæ, multis posterorum gradibus, ab Euryponte descendebat ad Nicandrum, Theopompi genitorem. (u) *Messenii* autem itidem bini, *regiò* non minùs *nomine*, sed *potentiâ* (sicut ego reor) minùs aliquantò, quàm apud Spartanos, restrictâ, jura dabant, *Antiochus*; & *Androcles*, Phintæ regis, de quo superiùs dictum est, proles, Æpytidarum gentis. (x) His igitur utrimque Regibus, illa, per tot annos malâ fide suppressa, Lacedæmoniorum, ac Messeniæ gentis, mutua vindictæ cupiditas; in apertum hostilitatis incendiû, cruentis armis, erupit. Occasionem, *Omniis mali publici plerumque prima fax, Avaritia, crudelitate mista*, præbuit; hominis quidem pri-

vatae

Ruina Messeniorum.

vatae sortis, sed Reipublicae suae malò geniti. Lacedaemonius erat, *Evaphnus* nomine, vir, rei pecuariae juxtà pecuniariaeque, studiosus: & homo, cui viliora semper, fides, ac bona fama, quàm lucrum, & divitiae, fuerunt. Hujc, uti gregum armentique magna copia; sic loci compascui latum opimùmque spatium, & ager, erat. Is ager, in ipsis Laconiae finibus, quae Messeniam adjacebant, situs; nec celare bonitatem suam finitimos, nec abscondere Messeniis dominos poterat, ac possessores suos. Celeriter igitur amicitiae jus, & hospitii mutuam necessitudinem, *Evaphnus* hic, *Lacon*, apud *Polycharem* invenit Messenium: qui, perhumaniter invitatum, acceptumque; non minore quoque, quàm necessarios intimos, liberalitate, plusquam semel, iterumque, tractavit. (γ) Erat autem hic, de quo sermo nobis, *Polychares*, tum aliis aliunde nominibus haud obscurus, & ignobilis: tum verò, quòd in Olympico quondam stadio *cursor* vicisset, universâ Graeciâ celebris; pro saeculorum illorum, ac gentium, consuetudine: quibus (sicut & superioribus in libris, ac nominatim, *Timantibus* in Ruina, dictum est) *Olympionicem* esse procla-

K k 2

matum, . . .

Ruina Messeniorum.

matum, & coronatum, pæne tantundem erat; ac, *Semideum* esse, *cælò demissum*. Hujc igitur tali, cùm boves essent multæ; prata contrà pascuâque, pro rei necessitate, nulla: consilium incidit; passionis causâ, pecora sua compertæ (sicut existimabat), ac dudum jam spectatæ, bonitatis viro, quem diximus, *Evaphno* Lacedæmonio committere. Nec detrectavit alter. Pactum inter utrumque fuit: ut inter sese pecoris Messeniaci fructus, ac foetoram, *Lacon*, & *Polychares*, partirentur. Erat hæc, *aqua*, vulgòque nec aliis inusitata, pastoritii laboris & impendii, *conditio: si, quantum promittere, tantum & stare promissis, cupiditas Evaphni potuisset*. Sed hic, post temporis aliquantum, & fidem projecit, & beneficiorum Polycharis memoriam: oblatâque quæstus opportunitate, Messenias vaccas omnes, à suismet segregatas, unâ cum *Polychare* bulbulcis, navibus impositas; ad Laconiaë maritima loca, de continenti terra, transportavit: ibique talium opum negotiatoribus, & boves vendidit, & boum custodes. Ipse verò, totus è fraude compositus; acceptâ, recoditâque domi, furtò-partâ-pecuniâ: rectâ deinde pergit ad hospitem Messenium. Ei, diffi-

QO

Ruina Messeniorum.



Quô frontis ac vultûs, in mœrorem, habitu,  
 falsisq; fluentibus lacrymîs, ejulans, & capil-  
 los sibi vellens, ultrò, priórque, *Calamitatem*  
 nuntiat, cladémque domesticam. *Absente se,*  
*piratas, Laconicum in littus exscendentes, ac post-*  
*hæc in continentem, agmine factò, progressos; fortè*  
*fortunâ primùm in armentum incidisse Polycha-*  
*ris: quod, à suo pte tunc pecore diversâ pascuorum*  
*parte, sit habitum. Id, unâ cum pastoribus suis*  
*abactum, in myoparones suos imposuisse piratas:*  
*continuòq; , notas latronibus in Insulas, vela fecisse.*  
 Loquebatur hæc, & alia talia, mendax *Eu-*  
*ephnus*, Polychari, filiòque; qui præsens & ipse  
 tunc erat, propemodùmque fidem jam indu-  
 bitatâ, verbis, omni calamitatis acceptæ com-  
 miseratione refertis, faciebat: cùm repentè  
 casus, seu planè fortuitò, seu Providentiâ Nu-  
 minis, interveniens, omnem *Evaphni* falla-  
 ciam evertit. Ecce namque! *bubulcorum* Po-  
 lycharis, quos, unâ cum pecore, mercatori-  
 bus *Evaphnus* vendiderat, unus quispiam, in-  
 stitorum elapsus manibus, viis, minùs tritis, &  
 multùm potiùs aviis, per extremos Laconia  
 fines in Messeniam, & hinc ad *Polycharen*  
 herum, reversus erat: *Evaphni* perfidiam ei,  
 cunctâque, quæ circa pecus acta fuerant, ex

K k 3

fide

Ruina Messeniorum,

fide relaturus. Supervénit igitur *Evephno*, nihil tunc minùs exspectanti: tùmque; vel maximè fortunas *Polycharis* versipellî facundiâ miserantem, opprimens; primò statim suî conspectu (sicut fieri, malè sibi conscias apud mentes amat) in pallorem dedit. Consternationem autem hanc, *Sceleris admisi*, mutam quidem, secundò omni tamen sermone disertiozem, planèque manifestam, confessionem auxit pastor, cum jurgii cum aggressus; & abacti venditque pecori tam confidenter cum arguens: ut *Evephno* tandem, quod negaret, nihil inveniens; omisâ, quam paraturus fuerat, suî defensione, *furti, violatig, juris hospitalis, ac fidei, reum* lacrymans clamaret. Nec is aliud, ad sui facinoris patrocinium, reperiēbat effugiū: quàm ut suum, hominis privati, delictum, in commune mortalitatis malum, *Lucri cupiditatem*, transferret: à qua se victum, gemebat, & expugnatum. Genibus interim, & *Polycharis*, & filii (2) suppliciter accidens; utrumque, facti veniam, & violati juris oblivionem, orabat. At illati dispendii compensationem, ac restitutionem in integrum, quod attineret; exhibere se nunc statim venditi rationes. Quò autem nummos impræsentiarum penès se non habere

Ruina Messeniorum.

haberet, sed domi suæ reposuisset : obligare se tamen fidem suam solutioni plenæ. quam, si metuerent illi , ne pari mobilitate mentis, ac priùs fecisset, infringeret: petere se, filius ut *Polycharis* secum *Spartam* iret; ibique repræsentatum sibi pecoris venditi pretium, ad assem usque receptum, patri reportaret. Hïs dictis *Laco* perfidus, & pastoris infregit accusationem; & *Polychara* mentem, alioquin injuriâ tumidam, demitigavit: ac, viæ comite secum assumpto *Polycharis filio*, continuò *Lacedæmonem* versùs iter instituit. In hunc itaque modum, controversiæ, *Laconem* inter, ac *Messenium*, finis, ut apparebat, erat: nondum tamen scelerum erat *Laconicorum* meta. Scelestus enim *Evaphnus*, simulac in interiora *Laconix* ventum erat; posteaquam extra *Messeniorum* omnium conspectum vindictamque se constitutum vidit: non solùm pecuniam *Polycharis* filio, quam ejus patri pro pecore, nequiter abalienatò, debebat, non repræsentavit; sed insuper, ne superesset, cui repræsentaret, aut, qui solutionem in futuros annos urgeret, adolescentem, viæ comitem, & exactorem, *Polycharis*, inquam, *filium*, ex insidiis, in ipso trucidavit itinere; pri-

Kk 4

usquam

Ruina Messeniorum.



usquam Lacedæmona pervenirent. Pecuniā autem , malè priùs partam , pejore deinceps facinore , vindictæque securus, possidere perrexit. Non potuit tamen diu latere tam atrox, neque factum, nec auctor facti, *Polycharem*, occisi patrem; longo tempore , sed frustra , filii reditum, cum apportandis nummis, exspectantem : quò minùs ei primò suspicio cooriretur in animo , multa formidante viarum pericula; fieri potuisse, quod revera factum jam erat. Ad summam! pedetentim deinde, præterlapsu temporis diuturniore, rumore nuntiante, dièq; cuncta latentia retegente, pervénit genitor ad notitiā, ab *Evaphno* trucidati filii. Cùm ergo jam extra dubitationem omnem cædes hæc esset: immensò concussus animi, sicut æquum erat, dolore *Polychares*: *Spartam* se confert. Ibi primò regibus duobus, *Alcámeni Theopompòque* ; mox & Spartanæ civitatis *Ephoris*, à principio rem omnem, & *Evaphni* scelus , ordinè , nec sinè copiā lacrymarum , exponit. Ut in amicitiam primùm ac familiaritatem, hominem illum receperit : ut domus ei sua , nunquamnon , velut hospiti charissimo, patuerit : uti, præ cunctis Lacedæmoniis aliis, ei sese totum intimè crediderit, sinè fraudis ullius,

aut

Ruina Messeniorum.

aut doli mali, suspicione. quo pacto praterea pecus omne suum ei pascendum, conditione perquam questuosâ, locaverit. quâ contrâ perfidiâ, commissæ sibi rei præclarus ille tutor atque custos, Evapbnius, pecus, latronis instar, abegerit: abactum, unâ cum pastoribus, vendiderit: latrocinium insigni mendaciô, prædonumque figmentô, velare sit conatus: convictus autem admissæ perfidia, professus item, deprecatusque culpam; adnumeratione pecunie, restitutionem pollicitus fuerit: filium abduxerit: abductumque, sicarius exsecrandus, interfecerit. Pro quibus, tot improbè factis, Evapbnum se, non repetundarum tantum actione siccâ, sed & Capitis, postulare; siquid adhuc (quod minimè dubitaret) prisci moris ac Juris in Spartanis esset. Dicebat hæc, & expostulabat, Polychares, apud reges, apud Ephoros (ut dictum est) & ad Spartanos passim summos infimosque; Deorum obtestans hominumque fidem: ne tantam improbitatem, immanitatemque, belluinam potius, quam homine dignam, sinerent inultam. Sed dicentem, expostulantem, obtestantem (quod, hodie quoque fieri sæpe, lamentamur) non reges, non populus, aut populi primores, attendebant. Itâ miserrimus genitor, justissimâ suâ

K k 5

juga-

Ruina Messeniorum.

jugulati filii deploratione, non tantùm *nani-*  
*am* suo *mortuo* ( quod vulgò dicimus ) sed  
 planè *fabulam surdis* Lacedæmoniis , canta-  
 bat. Hæc igitur *Iustitia Spartanorum* erat ;  
 laudatissimæ quondam , & in paucis claræ  
 cæteroqui, gentis. Hæc éadem ne *Christiano-*  
*rum* subinde sit, hac tempestate; curâ magnâ  
 tribunalibus omnibus est providendum. Cæ-  
 terùm depulsus causâ suâ , cujus alioquin  
 vel barbari , Scythæque, nedum *Græci*, co-  
 gnitionem suscepissent ; ad *Messenios* suos *Pol-*  
*ychares*, infectâ re, frendensque, revertitur:  
 ibique , quâ mentis indignatione fervebat ip-  
 se, vindictam & exitium *Spartiatarum* spi-  
 rans ; eâdem & gentiles suos passim incen-  
 debat. Nec contentus, æstu furoris, & ultio-  
 nis cupiditate , corde-clausâ ; prorupit tan-  
 dem in vindictam interfecti filii, *privatâ* sal-  
 tem *auctoritate* de Lacedæmoniis expeten-  
 dam: cùm jus suum adipisci *legibus*, ac *judi-*  
*ciis*, non posset. Et verò, non consiliò , sed  
 planè de mentis potestate sensim dejectus ,  
 & animo magnitudine doloris alienatò ; fa-  
 cinus est aggressus , quod *Evæphni* truculen-  
 tiam, in filium admissam , multîs facilè par-  
 tibus antecederet: illiûsque, vulgò famosam  
 jam,

Ruina Messeniorum.



jam, ac flagrantem, invidiam, audaciæ deterioris invidiâ mitigaret; & propemodū jam extingueret. Ferrō namque semper accinctus, &, ut *Olympionices* vetus, adhuc roboris antiqui reliquias in lacertis obtinens; itinera passim, latronis instar, obsidebat. Et in omnes intentus occasiones; ut in quemque Spartæ-civem casus eum, aut locorum opportunitas, impegisset: eum continuo, nec opinantē, interficiebat. Eique, tametsi nulla præcessisset in obvio causa moriendi, mortis ad causam satis erat; urbis illius esse civem, cujus alumnus esset is, qui Polycharæ filium interfecisset, & tamen interfecionis nondum poenas dedisset. Ità, *quod peccarat in Polycharem unus, luebant omnes: quia peccati supplicium dissimularent omnes.* Cū autem in hunc, quem dixi, modum, ferrō Polycharæ Lacedæmoniorum iugens jam numerus inultè cecidisset: Spartæ Proceres, defatigati malis, & in futurum, ni prohiberetur ultrà sævire Polychares, pejora metuentes: obtudentibus præsertim regum, & Ephororum, aures quotidianis eorum querelis, qui suorum indigna funera lamentabantur; legatos in *Messeniam* expediunt, qui, tum  
de

Ruina Messeniorum.

de *Polycharis* immanitate, tum de *priscis* aliis ( ut agebant ) *injuriis*, expostularent: *Polycharém*que sibi, commeritum ad supplicium, dedi flagitarent. Ingerebant autem, eadē accusationis operâ, *Spartiatæ* *Messeniiis*; causâ tantô firmiore se niti: quòd, eorum crudelitate, rex ipsorum, *Téleclus*, in *Dianæ Limnatidis* æde jugulatus quondam esset: quòdque *Messeniorum* rex, *Cresphontes*, ad regnum, *sortis* ac *situlæ corruptelâ* ( de qua dictum à nobis in superioribus est ) pervenisset; *Aristodemô* digniore, per eam fallaciam, circumscriptô.

*Messeniorum* Reges, *Antiochus* & *Androcles*, apud quos Oratores *Spartiatæ* querelas suas, & accusationis capita, deponebant; tranquillè primùm sedatèque singula refellebant. *Téleclus* à *Messeniiis* interfectum, eò; quòd in capita *Messeniorum* prior ipse, per fraudem sacrilegā, interfectores subornâssent. *Cresphontis* admissum in sortitione dolum, jam *Aépyti*, qui filius ejus ac Successor fuisset, tempore, sepultum oblivione fuisse: sublatîs omnibus, inter *Cresphontæos*, & *Aristodémidas*, animorum dissidiis, ac difficultatibus. Quòd autem *Polycharem* *Lacedæmonii* sibi dedi peterent, ad supplicium: quoniam injuriarum ac

cædis

Ruina *Messeniorum*.

cædis initium ortum ab *Evaphno* Lacedæmonio sit: dedituros se *Polycharem*, si prius & *Evaphnus* sibi traderetur, ad ea, quæ promeritus esset, facinorum supplicia recipienda. Negaverunt, in hæc, legati *Spartiatarum*; rem controversam ullô modô compositum iri: nisi, *Polychare* primûm omnium, suæ suorumque potestati, permisso. Super *Evaphni* verò causâ, posteriorem fore cogitationem; &, num ipse quoque vicissim tradendus *Messeniiis* foret, deliberationem susceptum iri, plenîs *Spartiatarum* comitiis. Et in eo *Spartiate* legati perseverabant. *Messenii* verò *Reges*, id sui juris & arbitrii, negabant, esse; tantâ præsertim *Polycharis* apud *populum* gratiâ: penès quæ *populum*, *Capitalium* esset *questionum* auctoritas. Ad *populum* ergo se causâ *Polycharis* universâ esse relatu- ros; &, quod is *plebiscitô* decrêset, approbassetve, per epistolam *Spartanis* renuntiatu- ros. Itâ *Lacedæmonii* legati, postulato- rum hætenus irriti, discedunt. A *Messeniiis* autem *regibus* continuò *populus* in concionem & comitium advocatur. Legato- rum *Spartæ* postulatis expositis; scinduntur, diversas in sententias, ac studia, nō *plebes* minùs, quàm ipsimet *reges*. Et *Androcles* quidē,  
 pacis

Ruina Messeniorum.



pacis ac securitatis publicæ studiô , dedendum Spartanis *Polycharem*, censere. nec enim fecisse , vel è legibus , vel humano more, *Polycharem*; Unius Juvenis pro cæde, plurimorum in fontî sanguine funeréque manus, easque privatâ duntaxat ulciscendi libidine domesticisque furiis armatas, nullô juris ordine, maculando. Contraria verò prorsus *Antiochus* , regum alter , differere. Notam esse *Spartanorum* , adversus *Messenios* universim, malevolentiam, perfidiam, crudelitatem. testatum omnibus esse, nimiô plus , inveteratum odium, ac fines alienos invadendi cupiditatem. Non jus ab iis, sed bellandi *Messenios*que subigendi causam, quæri. Vel, si certè Juris illis, æquitatisque, tanta cura sit: èccur Injuriam ipsi coeptâssent? ac, posthæc, in auctorem injuriæ nō legibus animadvertissent? Ad summam ! Iniquissimum esse, postulare, sibi *Polycharem* ad supplicium dedi; quem in oculis *Evaphni*, bipedum omnium deterrimi, tormentis omnibus , exquisitissimisque poenis, laceraturi sint. *Evaphnum* autem, è diverso, non modò *Messenii* non tradi; sed insuper, in civitate sua viventem, florentemque, tanquam rebus præclarissimè gestis , inimici  
 suppli-

suppliciis exultaturus. PERISSE Justitiam, apud eos, quibus scelera pro Virtutibus honestentur. In hunc modum contendentibus inter sese *regibus*, populus quoque studiis ardescere diversis cœpit; inque factiones primum discindi: mox, honestissimô quôque cum *Androcle*, robustioribus autem, & multitudine, cum *Antiocho*, stantibus; ad verba, clamores, ac demum ad arma lapidésque, devolatur. Pugna, districtis gladiis, forô comitiôque mediô, conferitur. Cadit, cum *Optimis* quibusque, tranquillitatisq; studiosis, *Androcles* Aepytides; rex, ac regibus oriundus. Vincit, numerô, quàm causâ, melior potentiôrque, Rex jam solus, *Antiochus*. Itâ *Polycharis* injustè cæso filio, tanquam in *Inferias*, plurimi, non jam *exteri* modò, sed & *cives*, ut hostiæ, procumbunt: & *Mortuus Vnus*, vivos plurimos occidit. Quæ tam funesta, posteaquam patravit *Antiochus*, nemine jam tantisper collegâ, vel adversariô; tum demum ad *Ius* cœpit, ac *leges*, respicere. Lacedæmoniis, uti pollicitus antè cum *Androcle* fuerat, expeditô Spartâ tabellariô, per litteras offert, totius controversiæ finiendæ promptissimam voluntatem. Non esse verò, nec apparere, compendiosior

rem

Ruina Messeniorum.

rem pacis utrimque litisque componendæ  
viam ; quàm , vel arbitros capi totius quæ-  
stionis, *Argivos* ( quippe, tam Spartanis, quàm  
Messeniis, cognatam urbem): vel, si civitatis  
unius oculi debiliores eis, ad perspiciendam  
æquitatem, videantur; ad *Amphictyonum* cō-  
mune conciliū rem deferri : quæ curia per-  
spicacissimis *Septem*, ex omni Græcia celeberrimarum *urbium*, Judicibus constet (*Aa*). Ibi  
multam iis, quorum culpâ concordia dissilisset, aut dirupta nōdum coalesceret, indici.  
Vel denique, quoniam *Cadis* esset ea *quæ-  
stio*; Judicibus Athenarum *Areopagiticis*, quorum  
esset, in *Sicarios & homicidas* quærere,  
causam omnem permitti; nec *Messenios* esse  
detrectaturos, & *Lacedæmoniiis* quoque place-  
re debere. Justa fuerat hæc *Antiochi* petitio.  
Sed, perlectis *Antiochi* litteris, *Spartiatæ* ( quippe,  
qui pertinaciter adhuc, aut *Polycharem*  
vellent, aut *bellum* ) vehementer offensos se  
Messenii regis, prudentiæ Spartanorum pro-  
positis, conditionibus, ostenderunt. Nam,  
qui cæteroquin arrogantī quadam, &, *tan-  
quam universi Reges essent*, ascititiâ maiestate,  
respondere, *Regibus* etiam (*bb*), *breviter* assuēs-  
sent; tunc latori litterarum, nuntio, scri-  
pto-

Ruina Messeniorum.



ptoríque litterarum, Antiocho, modéstoque  
 Messéniorum postulato, nihil penitùs respon-  
 derunt. Ità discessum à *mutis* est, utrimque  
 mutuò. Cæterùm, inter sese solos plusquam  
*vocales*, ac *diserti*, Lacedæmonii, taciturnita-  
 tis suæ, tam superbæ, causas, in curia, circu-  
 lísque, nec minùs plebs, quàm Optimates,  
 collaudabant: *in eo, quòd displicitura Messè-*  
*niis essent, sibi placentes*; ac belli, jam ex eo  
 tempore, cruentas tragicásque cogitationes,  
 summò consensu volutantes. Inter hæc au-  
 tem, paucorum admodum mensium impe-  
 riò, sine collega rege, lætatus *Antiochus*, vitâ  
 cedit: inque regno successorem relinquit fi-  
 lium, *Eúphaën*. Hujus rerù mutationis nun-  
 tiò Lacedæmonii, tantò magis in spem, benè  
 gerendæ rei, suorumque consiliorum prospe-  
 ri successûs, excitari cœperunt; quantò Mes-  
 seniis adolescentiorem jam, armorúmque ru-  
 diorem, videbant, ac sperabant, in *Euphaë*  
 præfessurum: quàm in *Antiocho*, quippe bel-  
 lís exercitatò, viribúsq; ferociore, nuper rex  
 præsedisset. Quod igitur aliquamdiu jam om-  
 nî nocturnâ diurnâque curâ, secum agi-  
 taverant; bellum, & hostilitatem, in Messè-  
 nios, apertam decernunt. Idque quò constan-

L I

tiùs,

Ruina Messéniorum.

tiùs, quàm deliberatiùs, persequantur; inter  
 sese Summi pariter infimique religiosissimò  
 se jurejurandò constringunt; *Nec armorum  
 ullà difficultate, neq, morà temporis in armis ( sicut  
 vel Trojanum in decennium bellandum esset ), nec  
 ullius denique cladis magnitudine frequentiaque  
 deterritos, quieturos antè: quàm, non jam disce-  
 ptationibus, atque jurgiis, sed belli jure, Messenios  
 omnes, eorùmq, regionem universam, sui juri  
 effecissent.* Cùm id omnibus igitur, Deorum  
 etiam interposità fide Numinèque, sedisse  
 animò: *Spartani*, nec fecialì, pro more, quò  
 bellum indiceret, nec legatò saltem, aut sua  
 volùntatis interprete, vel scriptò denique  
 quò priscam Messeniis amicitiam renuntia-  
 rent, in Messeniam missò, bellum auspicant  
 tur; sed turbine quodam, incogitantibus  
 prorsus alteris, in Messeniorum extremos si-  
 nes, quà Laconiam attingebant, effundunt  
*Nox delecta furori, feliciter auspicando: du-*  
*autem, Alcámenes rex, Téleclò ( sicut dictum*  
*in prioribus est ) progenitus.* Erat, in ipsi  
 Messeniorum extremà ferè, quà vergebat in  
 Laconas, orà, modicæ magnitudinis, sed egre-  
 gii naturà sirùs, oppidum, *Amphìa*; vertici  
 multum editi collis, impositum. Id oppidum  
 & pro

Ruina Messeniorum.

& propter ipsius loci naturam , & adjutam manu munitionibúsq; firmitudinem ; ac præterea, quòd fontium vivas ac juges (cc) habebat, intrà muros ínque summo collis, aquas : idoneum eis, vel imprimis, universi belli receptaculum fore , sedésque (dd), videbatur ; si, deletis ibi Messeniis habitatoribus, colonos, ac præsidium, sui nominis, ac generis, collocarent. Noctis igitur usi beneficiò Spartani ; cùm priùs omnia singuláque speculatorū industriâ dispexissent : nihil minus opinantibus oppidanis , ac propter hoc ipsum , portis tunc excubiisq; pessimò disciplinæ militaris exemplò, neglectis ; irruunt : quod incolarum occurrit ; opprimunt : ac partim, in ipsis deprehensos cubilibus ; partim, irruptione cognitâ, Deorum ad aras, & in delubra , confugientes , nullò vel ætatis, vel sexûs, discrimine trucidant. Pauci civiū *Amphiensium*, notis sibi mœnium, ac montis, exitibus, mortem evadunt. *Amphía* , capta lireptáque , præsidiò Lacedæmoniorum occupatur. Ità, quibus *Polychares*, vir unus, ad cenam ultrò non erat deditus : iis *Amphía* , aultorum capitum innoxiorum urbs , tanquam Achilli Pyrrhóque succidanea Polyxe-

L I 2

na,

Ruina Messeniorum.



na, per vim, pœnas dedit. jactatque vulgè  
 diſſi veteris usus in contrarium verſus eſt  
 quo ferebatur; *Iniquum petendum, ut Æquum*  
*auferatur.* Spartani quippe, Polycratem de  
 poſcentes ad cædem, *Petebant Æquum; ut In*  
*iquum tandem, Amphœa ſic captâ, reporta*  
*rent.*

VI. Cæterùm hæc tam ingens *Amphœan*  
*ſum,* totiùſque *Meffenii* nominis, in unius ui  
 bis calamitate, clades; ab iis, qui pernicioſi  
 effugerant, nuntiata: perculit quidem ple  
 rosque Meſſeniorum. non fregit tamen, ne  
 regem eorum, *Euphæen;* neque populi primo  
 res. Confestim igitur ad concionem advo  
 catâ multitudine, quæ *Steniclêrum* in urbe  
 (quippe, regni tunc ſedem) pavida, rerum  
 que dubia, ſe cunctis ex urbibus oppidîſque  
 conglobârat: placidè rex, & omni ment  
 ſuppreſſo dolore, quem è Lacedæmoniorum  
 indignitate facti conceperat, univerſos affi  
 tus; *Bonum habere Meſſenios animum* jube  
*Non continuò, quòd, in ſcelere, melioribus uſi ſu*  
*tiſ, ac ſucceſſu, Lacones ſint;* etiam in progres  
 ſu *neſariorum armorum perpetuò melioribus uſur*  
*dis: in cauſſa præſertim deterrimâ.* Spartan  
 noſtem, dolum, inſidias, & *Amphœanorum ſomn*

lo

Ruina Meſſeniorum.

loco virtutis fuisse; quam illi virtutem, si vel vera genuinâque fuisset, immanitate tamen cadum universam everterint. Nunc autem, à DIs immortalibus, eis restare, pro malè factis, pœnam: cuius, si nullum adhuc, ad eum diem, sensissent exactorem; sensuros, sinè dubitatione: cùm eorum impunitatis ac proterviæ, paullò post, evolutum tempus futurum sit, & induciæ. Dilatos eos ad supplicium esse; non, Dimissos. Deos causam adfuturos esse favorabiliorem. Quid autem esse favorabilius, & apud Superos, & apud mortales, quàm Innocentiam? quæ, cùm nihil ipsa prior læserit; ab omnis æqui rectique violatoribus, ultrò provocata, lacescita, læsa sit. Spartanos Injuriam, à se cœptam, injuriâ, per se continuatâ, truentè cumulâsse: Messeniis interim eousque, pati magis, & ferre, quàm agere malè, vel inferre vim, assuetis. Sed non in posterum quoque tempus, eâdem, quâ cœperint, mansuetudine Messenios acturos esse: ne, dissimulatione malum invalescat; aut Vis armata, pro Fure legibûsque regnet. Vim vi repulsum iri. Nec debere, de successu, Messenios animi pendere. Lacedæmonis manum esse militarem. Eandem & sibi non defore. Dexteram illis, ad bella jam antiquitus exercitam, pro Victoriæ præjudicio vigere. Messeniis, è

L I 3

diver-

Ruina Messeniorum.

diverso, vindictæ justissimæ cupiditatem, & animos, omni ferro penetrabiliores, ardescere. Spartanos, solâ superbia, latiusque dominandi, libidine; se contrâ, pro focus, & aris, pro liberis & uxoribus, necessitatis telò, quod durissimum efficacissimumque sit, pugnatueros. ac, si primos fortè conatus, par vincendi spes destituat; ad extremum tamen, vel ipsâ Victoriæ desperatione, victores fore. Denique; pro Spartanis stare veterè belli gloriam: sed, adversùs eos, illorum perfidiam & crudelitatem, ac Messeniorum viventium armatas manus; interfectorum autè, insontes vindicèsq; Manes: & quod solatiorum omnium caput sit, Iratos sceleri DEOS. Quocirca, ne dubitarent, in bellum hoc, omni titulò justissimum, totis viribus atque pectoribus incumbere. CLYPEVM eis, omni chalybe firmiorem, fore; magnum, ac bene preparatum, animum. Reliqua, sibi regisq; sue providentiæ, cura futura. Quippe, militis esse, bene confidere: Ducis autem, accuratè providere.

VII. Secundùm hæc, aliâque talia, Regis Ephais verba, dimissi Messenii; bello contra Lacedæmonios gerendo, toto se conatu, studioque summò, componunt. Sacramentò Juniores omnes, &, quod virilis est roboris,

ab

Ruina Messeniorum:



ab *Euphaë* rogantur. Ac *veteranorum* quidē,  
 armisque jam olim exercitatorum, quotidiana-  
 num fervet, in armis decurrendi, studium :  
*juniorum* autem, ac *tironum*, ad belli scienti-  
 am, à peritis institutio. Quæ dum fiunt à  
*Messeniiis*; hostes interim nec ipsi, vel quie-  
 scunt, vel quietum aliquid *Messeniiis* relin-  
 quunt: agendīs, ex eorum agro, prædīs; abi-  
 gendīs jumentis, ac pecore; frugibusque ge-  
 nerum omnium asportandis: cō tamen ho-  
 stilitatis, ac prædationum, temperamentō;  
 quō, vel in ipsa *modestia*, suæ tamen *avaritiæ*  
 rationem haberent. Quanquam enim, haud  
 secus, atque ( quod res docebat ) ex *hostico*,  
 raperent, agerent, ac sursum omnia deor-  
 sumque versarent: ab agris tamen in *solitudi-*  
*nem* redigendīs, & arborum fructiferarum  
 succisionibus, ac villarum tectorūque rui-  
 nis & incendiis, sibi temperabant: nullo sa-  
 nè *Messeniorum* amore, vel misericordiā: sed  
 ideò solum, quòd, qui *Messeniam* universam,  
 tanquam revera, sinéque dubitatione, *suam*,  
 ac *sua* possessionis, jam olim spe devorās-  
 sent; res fortunāsque *suas* perditum & in-  
 flammatum ire, per proterviam, nolebant.  
*Oppida* tamen haud segniùs, nunc hæc, nunc  
 illa

Ll 4

Ruina Messeniorum.

illa *Messeniorum*, tam *continentis*, quàm *mariti-*  
*ma* regionis, aggressi; summis ea viribus ex-  
 pugnare laborabant. Ubi verò, permunita  
 pleraque, propugnaculisque firma; tum præ-  
 terea, contra spem animi fortissimè suis à  
 præsidiis, ac civibus, ea defendi, vident: mul-  
 tis affecti vulneribus, suorumque non paucis  
 amissis; urbe captâ nullâ, *Spartam*, unde ve-  
 nerant, prædâ raptâque, quàm gloriâ, locuple-  
 tiores revertuntur. *Messenii* contrà, nec ipsi  
 tandem otiosi; populationibus, tum *maritima*  
*Laconia*, tum inprimis, quod ad *Taygeti* mō-  
 tis ulteriorem pedem soli cultioris erat, in-  
 festum habere pergunt. Hæc, *justi praelii*, quod  
 haud multò post utrimque commissum est,  
*praeludia* fuerunt, & irritamenta. nec poterant,  
*nisi cruore tandem, latrocinia saturari*. Priores  
 autem, ad ferrum stringendum, *Messenii* fue-  
 runt. Quorum, apertò jam Marte, vexillo-  
 rumque signis explicatis, volantem exerci-  
 tum, simulac ex edito collis vertice conspi-  
 cari cœperunt *Spartiatarum* illi, qui captam  
 nuper *Amphëam* præsidiò tenebant, & in quin-  
 tum jam mensem arctis tutabantur excubiis:  
*Lacedæmonem* id ad suos sine morâ renun-  
 tiârunt. Et *Lacedæmonii*, de summâ rerum, a-

cie

Ruina Messeniorum.



cie decernendum esse, nec dubitantes, nec veriti; suum & ipsi militem, eumque numero Messeniis superiorem, educunt. Convénit autem utriusque gentis exercitus, ad campum quendam finium Messenicorum; ad concurrendum alioquin aprissimum, ceterum ingenti profundaque quadam hiantis terræ voragine (ee) præstructum, ab ea, quâ Spartani venerant, parte: sic, vel naturâ terræve motu, vel manu quondam fossorum, providente; ne conferere dexteras, aut pedi pedem conferre, dimicationis causâ, copiarum, contrâ se mutuò stantes, possent. Stabant igitur, ultra *baratrum* quidem illud, armata *Lacedamoniorum* agmina; cis autem, copiarum *Messeniorum*: quarum in medio, Rex *Euphaës*; qui secundas à se partes *Cleonni* cuidam, utpote totius exercitus imperatori promulgato, commiserat. *Equestres* autem copias *Pytharatus*; ac *velitum* ordines, *Antander* quidam, ducebant. Signo prælii datò; *velites* quidem, & *equites*, supra voraginis, de qua dictum est, extremam oram, quâ terminabatur, in planitie, prælium acriter utrimque commiserunt. At *armatura* contrâ *gravior*, hinc quidem *Messeniorum*, illic autem *Spartiatarum*, quantum-

L I 5

vis

Ruina Messeniorum.



illa *Messeniorum*, tam *continentis*, quàm *maritima* regionis, aggressi; summis ea viribus expugnare laborabant. Ubi verò, permunita pleraque, propugnaculisque firma; tum præterea, contra spem animi fortissimè suis à præfidiis, ac civibus, ea defendi, vident: multis affecti vulneribus, suorumque non paucis amissis; urbe captâ nullâ, *Spartam*, unde venerant, prædâ raptoque, quàm gloriâ, locupletiores revertuntur. *Messenii* contrà, nec ipsi tandem otiosi; populationibus, tum *maritima* *Laconia*, tum inprimis, quod ad *Taygeti* montis ulteriorem pedem soli cultioris erat, infestum habere pergunt. Hæc, *justi prælii*, quod haud multò post utrimque commissum est, *prælia* fuerunt, & irritamenta. nec poterant, nisi cruore tandem, latrocinia saturari. Priores autem, ad ferrum stringendum, *Messenii* fuerunt. Quorum, apertò jam Marte, vexillorumque signis explicatis, volantem exercitum, simulac ex edito collis vertice conspici coeperunt *Spartiatarum* illi, qui captam nuper *Amphëam* præfidiò tenebant, & in quintum jam mensem arctis tutabantur excubiis; *Lacedæmonem* id ad suos sine morâ renuntiârunt. Et *Lacedæmonii*, de summâ rerum, a-

cie

Ruina Messeniorum.

cie decernendum esse, nec dubitantes, nec veriti; suum & ipsi militem, eumque numero Messeniis superiorem, educunt. Convénit autem utriusque gentis exercitus, ad campum quendam finium Messenicorum; ad concurrendum alioquin aptissimum, ceterum ingenti profundaque quadam hiantis terræ voragine (ee) præstruatum, ab ea, quâ Spartani venerant, parte: sic, vel naturâ terræve motu, vel manu quondam fossorum, providente; ne conferere dexteras, aut pedem conferre, dimicationis causâ, copiæ, contrâ se mutuò stantes, possent. Stabant igitur, ultra *baratrum* quidem illud, armata *Lacedamoniorum* agmina; cis autem, copiæ *Messeniorum*: quarum in medio, Rex *Euphaës*; qui secundas à se partes *Cleonni* cuidam, utpote totius exercitus *imperator* promulgato, commiserat. *Equestres* autem copias *Pythæ-ratus*; ac *velitum* ordines, *Antander* quidam, ducebant. Signo prælii datò; *velites* quidem, & *equites*, supra *voraginis*, de qua dictum est, extremam oram, quâ terminabatur, in planitie, prælium acriter utrimque commiserunt. At *armatura* contrâ *gravior*, hinc quidem *Messeniorum*, illic autem *Spartiatarum*, quantum-

Ll 5

vis

Ruina Messeniorum.



illa *Messeniorum*, tam *continentis*, quàm *maritima* regionis, aggressi; summis ea viribus expugnare laborabant. Ubi verò, permunita pleraque, propugnaculisque firma; tum præterea, contra spem animi fortissimè suis à præfidiis, ac civibus, ea defendi, vident: multis affecti vulneribus, suorumque non paucis amissis; urbe captâ nullâ, *Spartam*, unde venerant, prædâ raptoque, quàm gloriâ, locupletiores revertuntur. *Messenii* contrà, nec ipsi tandem otiosi; populationibus, tum *maritima* *Laconia*, tum inprimis, quod ad *Taygeti* montis ulteriorem pedem soli cultioris erat, infestum habere pergunt. Hæc, *justi prælii*, quod haud multò post utrimque commissum est, *prælia* fuerunt, & irritamenta. nec poterant, nisi cruore tandem, latrocinia saturari. Priores autem, ad ferrum stringendum, *Messenii* fuerunt. Quorum, apertò jam Marte, vexillorumque signis explicatis, volentem exercitum, simulac ex edito collis vertice conspici cœperunt *Spartiatarum* illi, qui captam nuper *Amphëam* præfidiò tenebant, & in quintum jam mensem arctis tutabantur excubiis; *Lacedæmonem* id ad suos sine morâ renuntiârunt. Et *Lacedæmonii*, de summâ rerum, ac

cie

Ruina Messeniorum.



cie decernendum esse, nec dubitantes, nec veriti; suum & ipsi militem, eumque numero Messeniis superiorem, educunt. Convénit autem utriusque gentis exercitus, ad campum quendam finium Messenicorum; ad concurrendum alioquin aptissimum, ceterum ingenti profundaque quadam hiantis terræ voragine (ee) præstructum, ab ea, quâ Spartani venerant, parte: sic, vel naturâ terræve motu, vel manu quondam fossorum, providente; ne conferere dexteras, aut pedi pedem conferre, dimicationis causâ, copiæ, contrâ se mutuò stantes, possent. Stabant igitur, ultra *baratrum* quidem illud, armata *Lacedamoniorum* agmina; cis autem, copiæ *Messeniorum*: quarum in medio, Rex *Euphaës*; qui secundas à se partes *Cleonni* cuidam, utpote totius exercitus *imperator* promulgato, commiserat. *Equestres* autem copias *Pytharatus*; ac *velitum* ordines, *Antander* quidam, ducebant. Signo prælii datò; *velites* quidem, & *equites*, supra *voraginis*, de qua dictum est, extremam oram, quâ terminabatur, in planitie, prælium acriter utrimque commiserunt. At *armatura* contrâ *gravior*, hinc quidem *Messeniorum*, illic autem *Spartiatarum*, quantum-

Ll s

vis

Ruina Messeniorum.

illa *Messeniorum*, tam *continentis*, quàm *mariti-*  
*ma* regionis, aggressi; summis ea viribus ex-  
 pugnare laborabant. Ubi verò, permunita  
 pleraque, propugnaculisque firma; tum præ-  
 terea, contra spem animi fortissimè suis à  
 præfidiis, ac civibus, ea defendi, vident: mul-  
 tis affecti vulneribus, suorumque non paucis  
 amissis; urbe captâ nullâ, *Spartam*, unde ve-  
 nerant, prædâ raptâque, quàm gloriâ, locuple-  
 tiores revertuntur. *Messenii* contrâ, nec ipsi  
 tandem otiosi; populationibus, tum *maritima*  
*Laconia*, tum inprimis, quod ad Taygeti mō-  
 tis ulteriorem pedem soli cultioris erat, in-  
 festum habere pergunt. Hæc, *justi prelii*, quod  
 haud multò post utrimque commissum est,  
*preludia* fuerunt, & irritamenta. nec poterant,  
 nisi cruore tandem, latrocinia saturari. Priores  
 autem, ad ferrum stringendum, *Messenii* fue-  
 runt. Quorum, apertò jam Marte, vexillo-  
 rumque signis explicatis, volantem exerci-  
 tum, simulac ex edito collis vertice conspi-  
 cari cœperunt *Spartiatarum* illi, qui captam  
 nuper *Amphëam* præfidiò tenebant, & in quin-  
 tum jam mensem arctis tutabantur excubiis:  
*Lacedæmonem* id ad suos sine morâ renun-  
 tiârunt. Et *Lacedæmonii*, de summâ rerum, a-  
 cie

Ruina Messeniorum.



cie decernendum esse, nec dubitantes, nec veriti; suum & ipsi militem, eumque numero Messeniis superiorem, educunt. Convénit autem utriusque gentis exercitus, ad campum quendam finium Messenicorum; ad concurrendum alioquin aptissimum, ceterum ingenti profundaque quadam hiantis terræ voragine (ee) præstructum, ab ea, quâ Spartani venerant, parte: sic, vel naturâ terræve motu, vel manu quondam fossorum, providente; ne conferre dexteras, aut pedi pedem conferre, dimicationis causâ, copiæ, contrâ se mutuò stantes, possent. Stabant igitur, ultra *baratbrum* quidem illud, armata *Lacedæmoniorum* agmina; cis autem, copiæ *Messeniorum*: quarum in medio, Rex *Euphaës*; qui secundas à se partes *Cleonni* cuidam, utpote totius exercitus *imperator* promulgato, commiserat. *Equestres* autem copias *Pytharatus*; ac *velitum* ordines, *Antander* quidam, ducebant. Signo prælii datò; *velites* quidem, & *equites*, supra *voraginis*, de qua dictum est, extremam oram, quâ terminabatur, in planitie, prælium acriter utrimque commiserunt. At *armatura* contrâ *gravior*, hinc quidem *Messeniorum*, illic autem *Spartiatarum*, quantum-

L I 5

vis

Ruina Messeniorum.



illa *Messeniorum*, tam *continentis*, quàm *mariti-*  
*ma* regionis, aggressi; summis ea viribus ex-  
pugnare laborabant. Ubi verò, permunita  
pleraque, propugnaculisque firma; tum præ-  
terea, contra spem animi fortissimè suis à  
præsidiiis, ac civibus, ea defendi, vident: mul-  
tis affecti vulneribus, suorumque non paucis  
amissis; urbe captâ nullâ, *Spartam*, unde ve-  
nerant, *pradâ* raptoque, quàm *gloriâ*, locuple-  
tiores revertuntur. *Messenii* contrâ, nec ipsi  
tandem otiosi; populationibus, tum *maritima*  
*Laconia*, tum inprimis, quod ad *Taygeti* mō-  
tis ulteriorem pedem soli cultioris erat, in-  
festum habere pergunt. Hæc, *justi prælii*, quod  
haud multò post utrimque commissum est,  
*prælia* fuerunt, & irritamenta. nec poterant,  
*nisi cruore tandem, latrocinia saturari*. Priores  
autem, ad ferrum stringendum, *Messenii* fue-  
runt. Quorum, apertò jam Marte, vexillo-  
rumque signis explicatis, volantem exerci-  
tum, simulac ex edito collis vertice conspi-  
cari cœperunt *Spartiatarum* illi, qui captam  
nuper *Amphëam* præsidio tenebant, & in quin-  
tum jam mensem arcis tutabantur excubiis;  
*Lacedæmonem* id ad suos sine morâ renun-  
tiârunt. Et *Lacedæmonii*, de summâ rerum, a-

cie

Ruina Messeniorum.

cie decernendum esse, nec dubitantes, nec veriti; suum & ipsi militem, eumque numero Messeniis superiorem, educunt. Convénit autem utriusque gentis exercitus, ad campum quendam finium Messenicorum; ad concurrendum alioquin aptissimum, ceterum ingenti profundaque quadam hiantis terræ voragine (ee) præstructum, ab ea, quâ Spartani venerant, parte: sic, vel naturâ terræve motu, vel manu quondam fossorum, providente; ne conferere dexteras, aut pedem conferre, dimicationis causâ, copiæ, contrâ se mutuò stantes, possent. Stabant igitur, ultra *barathrum* quidem illud, armata *Lacedæmoniorum* agmina; cis autem, copiæ *Messeniorum*: quarum in medio, Rex *Euphæes*; qui secundas à se partes *Cleomni* cuidam, utpote totius exercitus *imperator*i promulgato, commiserat. *Equestres* autem copias *Pythæaratus*; ac *velitum* ordines, *Antander* quidam, ducebant. Signo prælii datô; *velites* quidem, & *equites*, supra *voraginis*, de qua dictum est, extremam oram, quâ terminabatur, in planitie, prælium acriter utrimque commiserunt. At *armatura* contrâ *gravior*, hinc quidem *Messeniorum*, illic autem *Spartiatarum*, quantum-

L l s

vis

Ruina Messeniorum.



vis irritatis & infensis invicem animis; dentibus magis alterorum in alteros stridentibus, verborumque contumeliosis jaculis, quam hastis ensibusque, dimicabant: *hiatu terræ* mediò congressum alternum inhibente. Quòd autem *Euphaës* secum, è *Messenia*, servorum ingentem multitudinem adduxisset; singulos, tum ligna vallòsque, tum cætera munitio-num instrumenta, gestantes: ipse prudenter, in medio velitum equitumque concertantium ardore, *fossione* strenuâ jaci vallum, & aggerem excitari, nihil minùs advertentibus hostibus, primùm quidem à *tergo*, deinde paulatim & *ad latera*, præcepit. Quod cum indefessò, conspectumque Lacedæmoniorum fallente, labore factum esset: die tandem in vespèram, & hac, in noctem ac prælii finem, abeunte; repentè *frons* quoque *Messeniorum* agminum, adversus hostem aggere præductò, parata prælio stetit. ità, vim & insultum hostilem, siquid ultra conari, vel noctem etiam infestare repentinis irruptionibus, tentassent, elusura fuit. breviterque! manè postero, cum rerum omnium faciem clara lux aperuisset, tota *Messeniacæ* castra circumquaque prævallata, *Spartanis* apparuerunt; ringentibus,

**Ruina Messeniorum.**



bus, ac dolore mentis sibimetipsis, & ignavia suæ, succensentibus: quòd non eadem, quàm Messenius *Euphaës*, providentiâ sedulitatèq; calones secum, cum apparatu materiæque munitionum, adduxissent. Videbant enim, post diem jam cõflictumq; primum finitum, clariùs, ac magis magisque; sub dio sibi deinceps, locòq;, nec fossis adversùs hostem, nec aggeribus, clausò, cum ingenti formidine periculòq; degendum, ac pernoctandum fore: cum inter hæc *Messenii*, quos *vallum* castrorum tutos: hostiùmque securos, contineret; haud egrè, si vellent, *voragine* circumitâ, *Spartanorum* essent stationes ac vigilias aggressuri: beneficiòq; saltem nocturnum, in eorum aperta passim castra, concitatâs turmâs, irrupturi. Quare, de communi consilio, non jam expugnatione tantum, sed etiam circumfessione castrorum *Messeniacorum* durabilî, desperatâ: rebus omnibus infectis, *Lacedæmonem* Spartani, cum copiarum suarum reliquiis, ne prædatoriâ quidem, ad incursationes inopinas, manu reliquâ, discedût. In hunc ergo modum, si profectò Marte *pares* hostibus, ab eo prælio, *Spartani* recessissent (nox enim eos superveniens, alacriter utrimque,

nec

Ruina Messeniorum.

nec inæquali spe victoriæ, dimicantes, quasi receptui datô signô, diremit) *consiliô* quidem certè, provisûq; necessariarum ad victoriam facultatum, *Messenis inferiores* abierunt. Unde patuit; *Haud prosperius armis, quàm artibus, bella geri.* Nec tamen, ne sic quidem, ambitiosa turbidâq; *Spartiatarum* potuerunt ingenia conquiescere: sed, ab antiquo conceptû in hostes odium, æternis prorogare simultatibus, atque pugnis, *Lacedæmonicæ gentis propriam*, insitâmq; sanguini, *gloriam* putabant. Et alioquin, arreptis utrimque dissidiorum flammis, non Persæ Græcis, aut Græci Persis, infensiores; quàm Spartani Messeniis, & hi Spartanis, erant. Immoderatiores tamen, *Spartani*, quippe, qui, tranquillis jam utcunq; *Messenis* (etsi profectò, *Messenii* satis luculentè, pro *victoribus* nuper è campo discessissent) annò nondum planè vertente, bellum *priores* resumpsere. Causam expeditionis iterandæ præbuerat illis, non insolentia tantummodo, tumôrque; militarium animorum, ac fastûs; cuius impulsu, non *parem* ullam, nedum armorum gloriâ *priorem*, ferre gentem poterant: sed, quòd ab Ephoris ipsis, ac primorum annosissimo quòque, quotidie *Juventus*

Ruina Messeniorum.



ventus Spartana sugillaretur; &, ut *Jurisjurandi* sui, de quo dictum in principiis est, *ignava violatrix*, utpote, quæ, nondum debellatô, discessisset è castris: &, ut *hòc ipsò victa*, quia non manifestè vicisset; ac virtutis gloriam ambiguan, pro non-obscurâ cladis ignominia, domum reportâset. Quantulum enim inter hæc duo discriminis esse, quoties ità pugnantes interrogaretur, *Vtra pars superior fuisset? aut; Vtra cecidisset?* In clara virorum fortium luce, nihil esse crepusculi; nihil esse dubitationis, & umbra, posse. Talibus igitur *Seniorum*, similibusque diæteris aliis, accensa *Lacedæmoniorum* armata pubes; expeditionem in *Messenios*, superiore multis partibus intentiorem, acriorémque, repetunt: ingentique comparato, tum *volonum*, tum multò magis ex *ingenuis*, exercitu; *Messeniorum* fines irrumpunt. Non desunt tamè sibi *Messenii*: sed, quantas per festinationem contrahere licebat, & ipsi copias educunt. Positis utrimque, communis que, castris, nec *Spartani* longam, nec ullam *Messenii*, moram faciunt: quò minùs, eductis postridie legionibus, & equitatu, pugnandi copiam alteris alteri faciant; ac, prolati signis, agminibusq; dispositis, exhibeant. Et verò magnum, ad rem acriter,

Ruina Messeniorum.



criter, ac sine dilatione, gerendam, hortamentum, utrimque gentis utriusque *Reges* erant: qui simul, & quidem animis odiisque pares, advenerant. *Lacedæmoniorum*, inquam, *Reges*, *Theopompus*, Nicandri filius, de quo superius est dictum; &, *Alcámene*, qui vitâ tantisper excesserat, natus, *Polydorus*. *Messeniorum* verò Rex, ut anno superiore fuerat, adhuc *Euphaës* erat. *Acies* autem utriusque partis hoc modo constitit. In exercitu quidem *Spartanorum*, cornu dextrum Rex *Theopompus*; sinistrum verò, regum alter, *Polydorus*, ductabant. In acie mediâ curare iussus *Euryleon*, & ipse patriâ *Spartiates*; progenie verò majorum, *Thebanus*, è stirpe *Cadmi*. *Messeniorum* autē in cornu dextro, contra Sinistrum *Lacedæmoniorum*, *Pytháratas* agebat: in sinistro, cōtra dextrum hostium, rex *Euphaës*, cum *Antandro*. mediam aciem *Cleonnis*, qui jam olim belli superioris *imperator* ab *Euphæe* constitutus fuerat, moderabatur. In hunc ergo modum acie, tum hac, tum illâ, dispositâ: præliô concursus est, ab utrisque, vi maximâ. Quod prælium, *Grajarum* rerum scriptor, *Pausanias*, aliâs jam nobis, nec semel, laudatus, longè disertissimè, diffusèque, prosequi-

Ruina Messeniorum.

sequitur : nec incuriè Latinitati donavit interpret illius, *Romulus Amasæus*. Ut proinde, cum uterque, cuius paullò litteratiorum, in promptu manibúsque quotidie sit ; vel, eorum narrationis verba vestigiáque premere, *metaphrasis* futura potius, quàm *historia*, sit : vel, eam bene compositéque conscriptam, velle diducere, quibusdámque quasi colorum pigmentis illinere, *labor* sit *puerilis*, aut *grammaticus pulvis*, appariturus. Ne nihil tamen egisse videamur ; in compendium acta prælii mittemus. Cum ergò jam in procinctu congressus ambo starent exercitus : *Spartanus* quidem rex, *Theopompus*, veteris illius *iuramenti*, quò se principiò statim, ante captâ *Amphéam*, obstrinxissent, suos admonebat : antiquissimæ præterea bellorum gloriæ ; ditionumque suarum, si victores è proelio discessissent, novâ Messeniorum adjectâ terrâ, spatium amplificandi. Breviter ista *Theopompus* ; & , ut *Laconum* loquendi genius ferebat, *abruptè*, dicebat : eâ tamen claritate vocis, ut eam in aures etiam *Messeniorum* aura secunda faciliè perferret. Certè, non fefellerat *Euphaën* : qui, suos & ipse cohortaturus, & utrimque circumferens oculos, ac sermonem ;

*Vide-*

Ruina Messeniorum.

*Videtis, inquit, & auditis, viri Messenii; quibusnam adversum nos animis, armisque, Spartiate veniant? Animis quidem iis, quibus antebac, jam Argivos, jam Arcadas, jam alios quoque Gracie Peloponnesiæque populos aggressi; fines eorum, sine fine, carpserunt: & Spartani-juris fecere terras, quas summam per injuriam, quasitisque bellandi causis, extorserunt? (ff) Armis autem iis in nos tendunt; quibus, nocturnum per scelus ac prodicionem, Amphëam, annò superiore, dormientibus incolis, occupaverunt: occupatamque, civium infantium promiscuâ cede, sanguinèque, repleverunt. Nunc quoque, non paria modò, nostrum omnium fortunis & capitibus, infandi carnifices, meditantur: sed longè truculentiora, contumeliæque pleniora. Remittite (quod DI prohibeant, & Juppiter avertat!) remittite paullum modò vestras in dimicatione manus; ac potiores illis in acie partes concedite. Jam continuo, de terra vestra, tam amænâ, tamque frugiferâ, ne cespitem quidem unum relictum vobis, in quo pedem dominicum ponatis, aspicietis. Cessate, vel ad ictum oculi, contra juris humani divinique violatores istos, telis, lanceis, ensibus, impressionem facere. dispeream! nisi confestim videatis; ab illis, etiam in causâ nefandissimâ victoribus, in corpora quidem vestra, genus omne cruciatuum, ac tormen-*

*Ruina Messeniorum.*



tormentorum; in corpora verò filiorum, conjugumq;  
 vestrarum, compedes, servitutem, contumelias : in  
 tecta denique, penates, sacraria, templaq; Deorum  
 patriorum, flammis ac ruinas, expediri. Quapro-  
 pter, quibus animis odiisq; detestabilem Spartæ  
 gentem, omnemque Laconiam, jam olim, in aucto-  
 re primo malorum omnium, Evæphnò, devovistis;  
 iisdem nunc quoque, singulos illic, in acie stantes,  
 devoveatis, hortor. Et quoniam id in victima,  
 quam in illis Marti debetis, satîs non est; nisi  
 macletur etiam, & cadat : agite, virtutem, quam  
 victi frustra voletis in dexteris vestris resuscita-  
 re; nunc, dum adhuc integra res est, & animi  
 calet ardor, in vobis inflammate, commilitones.  
 Putate, si difficile vobis videtur, tantam Sparta-  
 norum multitudinem, DIs hostiam facere; puta-  
 te, totidem, ante vos, Lacedæmonios astare bo-  
 ves, ac tauros. Fingite, si quidam eorum parùm  
 adhuc lanienâ digni vobis videntur, quia primi  
 criminis intacti; fingite, totidem illic Evæphnes,  
 quot Spartiatas, & eorum auxiliares, in armis  
 esse.

Dicentem hæc Euphaën; ejusdem jussu  
 confestim, ab extrema sermonis parte, classi-  
 ca subsecuta signa, pugnam inchoaverunt.  
 Priores, in hostem incurrere Messenii, nec dis-

M m

tulê.

Ruina Messeniorum.

tulere, manum conferere, *Spartani*. Primâq;  
*velitatis* potius, quàm *graviter cruenta*, con-  
 gressio, *verborum* magis, & contumeliarum,  
 quibus alteros alteri laceſſebant; manuum i-  
 tem, telorûmque, vibratio, cum oculorum  
 minaci fulgure: quidam denique velut um-  
 braticus, cum ferri scutorûmque concussio-  
 ne, conflictus erat. Deinde tamen prælian-  
 tium Martius ardor utrobique succenditur:  
*acrior* tamen, uti videri poterat, à *Messenis*,  
 initiô saltem, & aliquousque, quàm à *Lacedæ-  
 moniis*, incalescens. Illos enim, jactæ, *Spartia-  
 tarum* arrogantî convitiô, voces insuper, su-  
 pra vetus odium, ad iram inflammârant re-  
 centem: cùm *Spartani Messenios*, clamarent,  
*Servos esse suos; nec majore jam, quàm Helotas,*  
 (gg) *libertatis possessione potientes: quippe, La-  
 cedæmoniorum ministros, colonos, liçtores, ac lora-  
 rios urbis publicos, caterorum omnium captivo-  
 rum ritu, futuros: simulac de rerum summa de-  
 cretum armis foret. Quæ verborum ignomi-  
 nia, cùm, uti par erat, profundius omnî spicu-  
 lô Messeniorum aures, animosque, sauciarent:*  
*non ferrum Spartanorum; non densas eorum*  
*phalangas, & horrentem hastatorum sege-*  
*tem; non, excussam fundis, lapidum procel-*  
*lam;*

Ruina Messeniorum.

lam ; non sagittariorum Cretensium spissum  
jaculis nimbum ; nec denique socialia Lace-  
dæmoniorum agmina, *Dryopas*, *Asineos*, & his  
vicinos populos alios, horrebant : sed, mortis  
contemptores , in medium se pugnae discrim-  
men , quâ confertissimi furebant hostes , im-  
mittebant. Erátque spectaculum, vel in ipsa  
cadentium strage, militaribus oculis, auribús-  
que, dignum attentu : cùm *Messeniorum* qui-  
dem alii, suorum in oculis, egregiâ morte, nec  
sinè cumulo *Spartanorum*, ad Orcum præmis-  
sô, procumberent ; alii, vulnerum adhuc inta-  
cti, gentiles suos sauciatos, ac semianimes, ad-  
hortarentur, ne vel sic inulti mori pergerent,  
sed, interfectis priùs aliquot adhuc *Laconibus*,  
gloriæ suæ numeros implerent : alii denique,  
jamjam animam agentes, vel seminecî voce  
superstites rogarent ; ne morientibus vitam  
imbelliorem agerent : vel, in ipsa subinde sui  
spoliatione (quis non obstupescat ? ) extractũ  
è plaga ferrum , ac telum, spoliantis *Laconis*  
in pectus defigerent. *His ictibus, Spartanorum*  
*os arrògans, brevilloquentiam suam aculeatam, ab*  
*hoste, luit.* Discebant igitur, & impudentem  
deinceps lingue procacitatem inhibere ; con-  
tentique simplice *Messenii*-viri cæde, jactan-

Mm 2

tiæ,

Ruina Messeniorum.



tia, probrisque, temperare, qui pugnabant: qui verò nōdum ad certamen procurrissent; post phalangis hastata septa, pugnandi tempus, & opportunitatem, opperiri. Tamen, in summa! tantus exercitūs utriusque fuit ardor, & armorum, & odiorum: ut nulli quies, aut respirandi facultas, aut vitæ venia, fieret: immò, precariò nemo retinere spiritum, vel ullò pactò vivere, nisi victor, vellet. *Aut vincendum bodie, milites* (clamabant) *aut à manu victoris moriendum!* Regum quoque, memorabilis in paucis, spectatâque, pugna fuit. In *Euphaën* namque *Messenium*, Lacedæmonius, impetu magnò, *Theopompus* ferebatur: *occisi regis opimum decus, ac spolia, rex sibi deposcens.* Nec tamen imparatum invénit *Euphaën*; violatæ cognationis mutux (nam *Heraclidarum* uterque stirpis erant) & *Herculei* numinis offensi, scelus *Theopompo* subamarum exprobrâtem. Cùm *Euphaë* porrò, *Messenius Antander* erat; in *Theopompum*, ardore non inferiore, pugnam initurus. Tum enim verò, *duobus* inter sese *regibus* arma miscentibus, prælii calor, paullatim antea remitti cœptus, apud omnes increbrescit. Præ cæteris autem, tempestatis, ac fulminis horrendi more, rex *Euphaës*, regem

Ruina Messeniorum

gem *Theopompum*, loco primùm; mox, omni campò, pellit. universum denique Laconum illud cornu, quod duxerat *Theopompus*, in fugam effundit. At inter hæc, alibi, *Pytháratò*, Messeniorum duce, prostratò: cornu dexterum, quod is rexerat, laborare primùm, mox & labare; tum, laxatis ordinibus, amissisque signis, ac duce, terga dare: Cùm interim tamen *acies* utrobiq; *media* (quarum alteri *Cleonnis* Messenius, alteri Spartanus *Euryleon*, uti dictum est, præerat) æquo parique quaquaversum virtute, neutram in partem vel clade vergente, vel victoriâ, præliarentur. Quæ cùm ità gererentur; ut nec *Euphaës* aversos in fugam Laconas, nec *Polydorus*, rex Lacon, Messenios, itidem alibi dissipatos, insequerentur: deterrentibus, ab hoste persequendo, *Spartiatas* quidem belli vetere quadam lege, locorumque, per quæ persequendus hostis esset, inscitiâ; *Messenios* autem, suorum, in dextero cornu periclitantium, curâ, studioque succurrendi: *nox* tandem ingruens, cœlum ac terras caligine; præliumque controversiâ, penès utros victoria steterisset, involvit. Ità, tam pro victoribus utrique, quantum pro victis, discessere. Tantummodo, stratorum in me-

Mm 3

dio

Ruina Messeniorum.



dio multitudo cadaverum, loquebatur: *Virósque pugnâsse sic; ut neutri non vincere mererentur.* Ac certè, diluculô posterô, ne *Lacedæmoni* quidem ipsi, cæteroquin ad arroganda sibi speciosiora facillimi, vel figere trophæû, adversùs *Messenios*; vel ullo modo se pro victoribus gerere; vel denique, ne prælii quidem aleam repetere, sunt ausi. Tantummodo, passionè mutuâ, suorum humatîs corporibus; alteri *Spartam* suam in *Messeniam* alteri, redierunt. Hic exitus fuit prælii, cum primis tunc per Græciam decantati: cuius è campo, jam iterum *Spartiata reversi sunt; furamentò suò, quàm spoliis hostilibus, onustiores.*

VIII. Quamvis autem hæc, in eum se, quem dixi, modum haberent; ut de re, contra *Messenios* gestâ, vel nihil, vel parùm admodum, quod triumpharent, habere *Lacedæmonii* possent: ex eo nihilominus tempore, nihilô ferè meliores valentiorésq; cœperunt esse *Messeniorum* opes, ac fortunæ. Defecerant, anima bellorum, impendia nummaria; superiorum temporum apparatus armorû, ac præsidiorum alimentîs, præconsumpta. Transfugerant, lassata bellicîs oneribus operisque, servitia: quibus etsi *Spartæ* quoque  
dura

Ruina *Messeniorum.*



dura proponebatur *Helotarum* conditio; multitudo tamen conservorum, securitasq; major, solatium promittebat. Aliquid denique, bellis aptæ pubis, ac roboris, pestilens annus, ac vulgata Messeniæ oppidîs agrîsq; corporum tabes, imminuerat. Quibus omnibus temporum iniquitatibus adducti Messenii, tum Optimates, tum populus; in commune captô probatôq; consiliô, constituerunt denique: nudatîs frequentîâ cultorum *continētis-terre* campîs, & agris; ac sinè cive cuncto solitariîs relictîs iis oppidîs, & urbibus, quæ longiùs à mari recesserant: *Ithômen* insidère montem. Hic littoribus, in Austrum incumbentibus, utcunque vicinus; altitudine, magnitudinêque, siquis alius rotius Peloponnesi montium, eminebat. ac præterea, vel Homero teste, *salebrosus*, aditûque propterea difficillimus: castellum insuper habebat, & oppidum, in supremo sui vertice, perquam opere quidem, & naturâ, munitum; cæterùm, per contractius murorum ac loci spatium, tantæ Messeniorum multitudini, quanta tunc Ithômen erat occupatura, nequaquam suffecturum. Muros igitur, quoad necesse visum esset, per circuitum produxerunt. Et sanè felicit

Mm 4

citer

Ruina Messeniorum.

citer sese, tali contractionis ingenio, contra Spartiatis, communissent: nisi, quæ *Dei Fortunæq; beneficia quàm plurima disturbat, vesanamentum humanarum Superstitio*, bene consultis intercurrisset. Nec id semel; sed (quoniam in exitium sui Messenii, jam non *homines* tantum, verum *Cacodemonas* etiâ, proliciebant) iterum, iterumque repetitis fallacissimorum Oraculorum consultis. Primum igitur omnium, *Tisin* quendam; è gentilium suorum numero, divinationibus, & hariolandi stultâ peritiâ, famosum hominem, *Delpbos*, in Phocidem, sciscitandi causâ, legârunt Ithomenses; *Ecquid, super exitu Spartani belli, spei Messeniis ostenderetur?* Interrogantibus, *Pythia* respondit; *Aepytidarum è progenie, puellam, omnis expertem masculæ consuetudinis, victimam fieri, nocturnis Sacris, oportere.* Dæmonis intellectâ voluntate; producuntur in medium Aepytidarum regii Sanguinis universæ virgines. mittuntur ferales in urnam sortes. Palpitantibus, instantis lethi formidine, puellis cunctis: sors exit denique filiæ *Lycisci*; viri, stirpis Aepytidarû. Exspectant omnes; quandonam, quove Sacrorum apparatu, quô Virginis, ac genitoris, animorum habitu, ma-

Clare-

Ruina Messeniorum..

Qæretur? Sed intervénit expectationi, tan-  
 quam *Auspex obnuntians auspici*, Vates alius,  
*Epébolus* nomine; sive subornatus à Lycisco,  
 propinquisve maſtandæ virginis, sive sponte  
 ſuâ, veritatîſque ſtudiô. Negabat hic; Lyciſci  
 ſanguinem, adeoque ſtirpis Aepytidarum, ef-  
 ſe puellam eam, quam Sacrificio deſtinâſſent  
 Meſſenii: quippe, fraude quondam à Lyciſci  
 conjuge ſibi, patrique falſo, ſuppoſitam; cùm  
 partum ea revera non ederet, ſed mentire-  
 tur. Quocirca, nihil ad virginem illam, nec  
 Oraculum pertinere, nec Sortem: ut, quæ  
 gentis Aepytidarum omnino non eſſet. Hæc,  
*Epéboli* vatis interceſſione mota, controver-  
 ſia, dum in utramque partem, populo judice,  
 ventilatur; *intèrque caliginem ac lucem*, quaſi cre-  
 puſculò quodam *conjecturarum*, *Veritas laborat*:  
 Lyciſco tantisper ſpatium eſt occaſiòque da-  
 ta; cum filia, per diſpoſitos equos, Ithóma  
 Lacedæmonem profugiendi: paritérque, ſe  
 dolore luâtus, ac puellam omni mortis peri-  
 culò, liberandi. Neque poſt hæc unquam  
 Meſſenios, ac patriam, *Virgo* vidit: quippe, poſt  
 aliquot annorum intervallum, morbo corpo-  
 ris Spartæ decedens. Patuítque, ſub obitum  
 demum ejus; argumentis, haudquaquam va-

Mm 5

nis

Ruina Meſſeniorum.



nīs , *Epēbolum* olim illius intercessisse neci. Dum enim *Lyciscus* ad tumultum virginis aliquoties , lacrymarum , ac memoriæ causā , ventitat ; *filia* cineribus , veluti sibi persuaserat , luctum impendens : fortè fortunā tandē , die quodam , ab Arcadum equestri globo , qui pro Messeniis , contra Spartiatas , suburbana Lacedæmonis excursionibus persultabant , ad ipsum sepulcrum *Lyciscus* comprehenditur. Agnitus autem , *Ithoménq* ; continuò perductus , dum , in comitio populi , capitis , ac transfugii , quin & proditæ , quantum in ipso fuisset , patriæ , causam dicit ; omnium denique suffragiis , post summum jam discrimen aditum , *Lyciscus* absolvitur : posteaquam , Junonis summò Sacerdotiò complures antehac annos functa , matrona quædam , seu *Lycisci* periclitantis commiseratione , seu vi Veritatis , adacta , processit in concionem : séque pariter , & supposuisse filiam suam uxori *Lycisci* , sub horam partûs , confessâ palàm est ; & , in assertionis veræ pignus ac testimonium , Junoniò seipsam Sacerdotiò , palàm abdicavit. Verùm , hæc posterius , ac multos post annos , evenère : quæ nos tamen , hoc locò , ne dividere narrationem , anxîâ temporum ob-

serva-

Ruina Messeniorum.

servatione , cogeremur , aptiùs exponi simul  
 in cumulum , existimavimus. At inter hæc,  
 abduçâ per Lyciscum eâ, quam victimæ de-  
 stinârant, virgine; pendebant animi Proceres,  
 ac populus, Messeniorum : quónam deinceps  
 se , jussis Delphicis explendis, converterent?  
 cùm, ecce, Messeniorum facilè nobilissimus,  
 A R I S T O D E M U S, Aepytidarum etiam ipse  
 prosapiæ, procedit in forum : unâque Virgi-  
 nem filiam nubilem, egregiâ puellam formâ,  
 produçtam ; Ithomæis sacrificandam offert.  
 Assentientibus , approbantibúsq; cæteris o-  
 mnibus , sed imprimis Aepytidarum Virgini-  
 bus, eorúmque parentibus;quòd, in *unius* tunc  
 Puellæ caput & jugulum omnî translatô fa-  
 tâtô , reliquis moriendi metus ac necessitas de-  
 cessisset : unus se *Messenius* opposuit *juvenis*;  
 negavítque , se passurum , ut Aristodemi filia,  
 quam jam pridem amâssét ipse , clámque pa-  
 rentibus sibi despondisset, ullius à manu fer-  
 róque, vel Deorum, vel Hominum, violare-  
 tur. Ex quo namque die, propriam eam ipse  
 sibi, nuptiarum pactione mutuâ, fecisset : in  
 patria potestate puellam esse desiisse. Quare,  
 nec in arbitrio jam esse genitoris ; viveret, an  
 occumberet, etiam publicâ pro salute: verùm  
 eam,

Ruina Messeniorum.

eam, injeſtis manibus, ſe ducere, non ad *Ara*, ſed in *thalamum*. Gratum id *Virgini* fuit utique, deſtinatam ad cædem jam dudum patienti; quòd *aſſertorem*, nec opinum, inveniret. Ingratum *patri*; quòd, quam ab univerſa Meſſenia cœperat inire gratiam, ea ſibi, Juvenis unius importunâ cauſſatione, præſcinderetur. Vehementer igitur, magniſque clamoribus, hinc à genitore contra filiam, iſthinc à proco (ſive verè *Sponſus* is fuit) pro puella, contra patrem, res agebatur. Cùm autem appareret: interpellatoris cauſſam, partim quidē *Ariſtodemi* gratiâ ſplendoréque, conſpecta *mentis*q; *Sponſalia* fuiſſe, vociferantis, fluſuari; partim autem, & multitudinis favore, qui pronior in *Ariſtodemi* cauſſam (utpote Reipubl. plauſibiliorem) erat, opprimi paullatim, multiſq; fore partibus inferiorem: tum demum, velut ad ſacram univerſæ litis anchoram cōfugiens, adoleſcens; *Quoniam*, inquit, *inimici me potiùs opes ac potentia, quàm leges aequitasq;, gravant; & Hoſtem experior eum, quem Socerum optâram. non parcam, nec ego, diutiùs auribus Ariſtodemi; quantum id cunq;, quod dicam, dolenter & acerbè laturis. Nimirum, gentis Aepytidarum puellam, Apollo Delphicus in hoſtiam flagitat. Eam, Ariſtodeme,*

Ruina Meſſeniorum.



deme, (fateor) in filia, citra controversiam ullam, veriùsque, quàm Lyciscus, habes. Sed tamen, idem hic Apollo, puellam in aras imperat, omnis expertem masculæ consuetudinis. Et hanc, in filia tuâ, non habes. Eam enim ego (ne nescias) non modò jam uxorem, sed Et matrem, feci; quippe, prægnantem ex me. Dixerat hæc adolescens; & in se mendax, & in Virginem: intemperanti videlicet, illius liberandæ, studiò raptus in transversum. Id, quod continuò patuit; ipsèque, manifestò veritatis experimentò convictus, fateri compulsus est. Aristodemus enim, hîs, quæ dixerat Juvenis, auditis; omittere, tam causam cœpit, quàm actorem: & oblitus patrem, indutùsque sævum Scytham, cruentissimamq; belluam; iracundiâ gladium ei porrigente, sed mentem simul eripiente, filiam domum abstrahit. Ibi, negantem flagitium, ac pernegantem, sed lamentis nihil proficiëntem, Hippómene truculentior, manu propriâ maculat. Deinde, Neroni Cæsari, matris interfectæ viscera rimanti, præludens; uterum puellæ discissum (ô facinus!) scrutatur: foetum, & corruptæ signa, quærit; sed neutrum invenit. Id frendens igitur; duplicatòq; jam luctu, per urbem fortunas suas hæc illac deplorans; tantum

tum

Quinque Messeniorum.

tum populi totiùsq; Messeniæ, motum concitavit animorum: ut magna pars, utri potiùs graviùsq; succenseret, in dubio poneret; Aristodémo-*ne, filie carnifici*; quod nomen, omnis naturæ genitiva vis exhorresceret? an verò Juveni; qui mendaciô suô, devotam jam Sacris victimam, avertisset: aliámq; posthac, ex Aepytidis, sortiendi Virginem, populo necessitatem imposuisset? Stabat enim idem ille, qui priùs, aruspex ac vates, *Epébolus*: negánsque, ritè puellam immolatam esse, quæ non poparum, sed genitoris, ferrô procubuisset: concionem, ad aliud quærendum puellare Sacrificium, incitabat. In quo deterrima *Sathane* sitis humani Sanguinis, ac Virginei præsertim libandi cruoris, abundè se prodidit; ex ore detestabilis hujus *Epéboli*, sacrificiorum humanorum Suasoris, & administri: quò sic, catenatâ plurium adhuc cædium *invitarum* serie, perveniretur tandem, ad *Capitis* alicujus spectatioris interfectionem suâ *voluntariam*; quæ, præcedentium tot lanienarum, mensuram impleret & coronaret. Id, in tempore, memorabitur. *Epébolum* interea, solum omnium, qui *Demoni Pythio* sacrificium fieret, dignissimum; *rex Eupbaës*, de quo dic-  
tum

tum in superioribus est, quò minùs suis ad  
 populum cruentis hortamentis proficeret,  
 terrore majestatis inhibuit. Huic enim cum  
 ex intimis is esset Juvenis, qui figmentò suò  
 causam Aristodemo parricidii præbuerat; id-  
 eoque, quò minùs à furente plebe discerpe-  
 retur, prope propiùs abfuisset: in concionem  
 rex procedens, advocatæ Messeniorum mul-  
 titudini, non solùm Juvenis mendacium,  
 quod vis amoris extorsisset, elevavit, ac di-  
 luit; sed etiam, ut omnes deinceps extra me-  
 tum omnem scrupulùmq; degerent, ex ipsis  
 Oraculi Pythii verbis, argumentorum facun-  
 dâ congerie, demonstravit: *Satis jam superq;*  
*tum sacrificatum esse, tum perlitatum, in Aristo-*  
*demide Virgine. Nec interesse, cujusnam manu,*  
*summodo manu tamen hominis, immolata foret.*  
 Hæc regis Euphais oratio, dici non potest,  
 quàm, summis infimisq; Messeniorum, non  
 vera modò visa, sed & grata fuerit, & acce-  
 pta: lætantibus præsertim Aepytidarum fa-  
 miliis universis; Aliquando finem inventum  
 esse, *Virginum* sui sanguinis, in publicum sa-  
 crificium, cum privatorum luctu, quærenda-  
 rum. Secundùm quæ, major animorum, ad  
 resumendum bellum, alacritas subire Messe-

nios

Ruina Messeniorum,



nios cœpit ; victoriæ fiduciâ , quam Apollo Delphicus , Aepytidæâ casâ virgine , spon-  
disset. Lacedæmonios contrâ , rebus , & Sa-  
cris , apud Ithomæos peractis , exterritos , ac  
debilitatos ; militaris suecessûs subire despe-  
ratio. Neque tamen omisère , vel consilium ,  
vel arma : sed , veteris identidem memores  
Jurisjurandi , *Contra Messenios , ad eorum inter-*  
*nectionem usque praliandi* ; prætereâq ; Seniorum  
incitati vocibus : octavo demum , post Lycisci  
fugam , annò , bellum ultro , priorésq ; , *Spartia-*  
*ta* resumunt. Nec detrectant *Messenii* : sed ,  
maçatæ per Aristodemum filia , tanquam  
verissimi legitimiq ; Sacrificii , fiduciâ ; cum in-  
genti victoriæ spe , ne sociis quidem Arcadi-  
bus , ac cæteris Peloponnesiaci nominis , ex-  
spectatis , in aciem procedunt. Et venerant  
in castra , magnum suis utrimque virtutis ac  
pugnæ futuræ calcar , Spartiatarum hinc qui-  
dem Theopompus , illinc autem Messenio-  
rum , Eúphaes ; animosi reges. Commissô  
certamine , penitúsq ; fugientem jam , & oc-  
cumbentem , in diem extractô ; neutrius fuit  
partis victoria : neutrius quoque clades , ali-  
quantô notabilior. Ut proinde nihil tunc  
magnopere lucri se reportâsse , gloriari *Mes-*  
*senii*

Ruina Messeniorum.

*senii* possent, è cæde Virginis Aristodemidis,  
 oraculiq; Delphici promissis. Immò, si pan-  
 dere, tum saltem aliquando, superstitionibus  
 obcæcatos oculos ausi fuissent; *Idolorum* suo-  
 rum scelestissimam fallaciam, ac vanitatem,  
 clarè deprehendere miseri valuissent. Nunc  
 autem, satis supérque triumphare se rati *Mes-*  
*senii*, quòd se triumphandos *Spartanis* non  
 præbuisent; successui rerum ancipiti, tanquã  
 omnibus respõdenti votis, acquieverunt: & è  
 prælio majus nihil, tum quidem, quàm, quòd  
*Euphaën* regem suum non in vestigio statim  
 certaminis amiserant, retulerunt. Is enim in  
 adversarii regis aciem incitatore, quàm suis  
 expeditisset, invecus impetu, compluribûsq;  
 ethiferis affectus plagis; cùm eum, in terram  
 defluentem, ad se rapere vi summâ *Spartani*  
 laborarent: suorum acerrimâ renovatâ dimi-  
 catione, servatus tunc, & in castra subdu-  
 ctus est. Ac rex quidem *Euphaës*, in paucis  
 post diebus, è vulneribus, vitam regnûmque,  
 quod annorû *tredecim* fuerat, absolvit: cæsæ,  
 per iram parricidalem, *Virginis* (quam cædem  
 rex, *Sacrificii* colore fucârat) infelix in tumu-  
 um, sed digna, meritâq;, victima. Regii namq;  
 sanguinis puellam, regia decebant *Inferiæ*!

N n

IX. Post

Ruina Messeniorum.

IX. Post hunc, qui sinè successione stirpis, ex se progeneratæ, decesserat; Messeniorum *regia potestas*, rejectis, qui diversa sentiebant, ac regem alium volebant; populi favore suffragiisque transfertur in *Aristodemum*. Solatium id futurum *patri* videbatur, ærumnarū, ex *filia*, pro Salute populi maculatā, toleratarum. Hujus Regnum, *sex* fuit annorum, & *mensium* aliquot; fortunæ memorabilī varietate mistum. Ac principiō quidem *Aristodemus*, prudentiæ laude singulari, ne vel intestinō confligaretur hoste, vel externis amicis uteretur dubiis; & regni competitores, universimque primores ac populum, indulgenter habendo, sui studiosissimos effecit: & ad *Messenii* nominis *socios* munera legationesque mittendo, sibi, quosvis in belli pacisque casus, *Arcadas*, *Argivos*, ac *Sicyonios*, conciliavit. Quo factum est: ut, cum annō regni sui *quinto*, copias adversum *Lacedemonios* educeret, non modō suis omnibus, in castra præliūque, volentibus, ac promptissimis, usus sit: sed etiam iis ipsīs, *Sociorum*, quos paullō prius nominavi, populis. *Lacedemoniorum* autem tam æquabili mitique Messeniorum imperiō tanta tunc, cæteras ad *Peloponnesi* gentes, su-

perbia

Ruina Messeniorum.



perbiæ fuit invidia: nullis ut auxiliis, præter solos tantummodo *Corinthios*, suffulti, prælium inierint. Id, quod è præjudicio, totius pæne Græciæ, sibi discordis, parùm honorificò, non parùm eorum retundere tumorem, frangeréque spiritus, debuerat: ac victoriæ comminuere fiducia. Idque debilitasse *Spartanam* arrogantiam, quantumvis alacritatem vultu fronteq; simulantem, apparuit è successu. Quantumlibet enim copiarum número multitudinèq; superiores, ac pro victoriâ, veterèq; belli gloriâ, nitentes: ad extremum tamen, unâ cum *Corinthis*, in fugam effusi, superandos se, cædendosq; *Messenis*, insigni suâ clade, præbuere. Cecideruntque, *Spartanorum* generosissimus quisque, belloque spectatissimus: vulgi verò, multitudo magna. Cùm autem, post hæc, ad *Delphicum* & ipsi se cõferentes Oraculum, *Astu fraudèq;* rem gerere, *Lacedæmonii* juberentur; ipsiq;, *Dolus, an virtus*, superior evaderet, *in hoste* non anxie trederent inquirendum: nec id quidem, periculum *astutiae* facientibus, ad votum successit. Centum enim *Spartanos* à suis subornatos, qui se perfugas fingerent; cùm *Ithómem* venissent, ut, hostium deprehensís consiliis, &

Nn 2

oppor-

Ruina Messeniorum.

opportunitate captatâ, patefactis portis, suos intromitterent: *Aristodemus*, ad aures quidem principiò; nunquam tamen ad *animum*, ac fidem, admisit. Quin & cùm Spartæ paullo pòst eos, plebiscitò, procerùmque decreto, tanquam *transfugas*, damnatos intelligeret: idipsum, quod alium, minùs cautum, illis perfugis, tanquam pignore sinceritatis, adstrinxisset, & conciliasset; apud *Aristodemum* ad confirmandam valuit suspicionem: uti, sicut revera fuerant, ex *composito* potiùs hæc illi, quàm *verò*, geri cuncta viderentur. Increpitos igitur eos, *Itbómâ* protinus ejecit. Quos eosdem, paullo pòst, eadem simulatione, se recipientes in *Arcadiam*; eadem imbuti falsitatis conjecturâ, rejecerunt feliciter & *Arcades*. Prudentiùs itaque fraudem à se depulerunt homines; quàm eandem *DI*, *Damonēsq;* suaserunt. Sed, sub hæc, ad *Oraculi* denuò salebrosam perplexámq; vanitatem relapsi, tum rex *Aristodemus*, tum omnes universim *Messenii*; bene coepta, *viceſimùmque* jam annum (tot enim annis bellabatur) prosperè satis continuata Martis, adversum *Spartiatas*, consilia, sine lævò corruerunt. Prædictum ab

*Apolline*

Ruina Messeniorum.

*Apolline fuerat ; non priùs exituram belli, quod inter utrumque populum gereretur, aleam ; quàm GEMINI, QUI PRIUS EX ABDITIS ERV-  
PISSENT LOCIS, IN ABDITA DENVO SE  
RECIPERENT.* Id, quorsum valeret, ac ten-  
deret ; non modò, qui consuluerant Oracu-  
lum, expedire non poterant : sed nec inter-  
pretum quisquam, ac, sinè dubio, nec is qui-  
dem, qui prædixerat. *Sathanas* enim, qui sub  
*Delphico* canebat *Numine*, *cortinâque*, futuro-  
rum, quæ pendebant ab hominum arbitrio,  
prorsus inscius ; jecerat, in incertum, sub *Ge-  
minorum* vocabulo, quod, utcunque postea  
cecidisset, eò trahi, rebus jam peractis, pos-  
set. Et nihilominus, nec *Messenii* victoria,  
cladésve ; nec *Spartanis*, signatè denuntiaba-  
tur. Sed *Aristodémus*, ac *Messenii*, superstitione,  
tanquam oestrò quopiam, exagitati ; *Ge-  
minos* tandem retulerunt, ad oculos *Ophiónei*  
cujusdam, *Messenii* vatis : qui, cæcus olim  
in lucem editus ; postea, gravissimís cranii  
doloribus afflictus, morbò decedente, fere-  
batur *Oculorum* fuisse nactus usum. ad extre-  
mū autem, (ut omnia *Tartari* beneficia, fucata  
fugitivâq, sunt) in pristinam relapsus est cæci-  
tatem. Idque regem ac *Messenios* exterruit ;

Nn 3

ut,

Ruina Messeniorum.



ut, rebus suis fatalem instare finem, sibi persuaderent; omnemque propterea bellandi veterem alacritatem, formidine planè delirâ Panicâque, deponerent, & abjicerent. Quod totum tamen, ex Oraculi vi, neque necessarium fuerat: aut, non magis Ithomæis, ac Messeniis cæteris, quàm Spartanis atque Laconibus. Præterea, consulta rursus, ab iisdem Messeniorum legatis, aliô tempore, *Pythia Delpbica*, super ratione compendiôque victoriæ, de Laconibus reportandæ; præceperat, (at, quid nugarum, ac puerilitatis, plenius esse poterat illius *Apollineæ Divinitatis* DECALOGO?) duos inter populos uter *Messeniam* facere sibi propriam subjctamq; desideraret, is DECIES DECEM *tripodas*, ad *Jovis-Ithomæi* properaret aram, prior statuere, statutosque dedicare. *Messenii* sciscitati fuerant. edocuique, sicut diximus, quid opus facto foret; videbantur, id & celeriter, & nullâ magnâ difficultate, confecturi: dummodo Lacedæmonios tantisper præceptum illud Apollinis lateret. Nam & *Jovis* ipsi delubrum, *Ithomês* intrâ mœnia, tenebant; cui propterea *Jovis Ithomætæ* nomen erat: &, arè licèt ac metallô cæteri generis, exhausti; *tripodas* ta-

men

Ruina Messeniorum.

men è ligno quàm primùm faciēdos locārant. Sed , dum *Centum* istius formæ *vasa* peritus artifex Messenius molitur, & elaborat: Spartiatarum interea civitas, à Delphico quodam cive , quīdnam Oraculi redditum Messēniis esset, properanter edocti: festinatione summā cōfectos è luto tripodas fictiles (ô, Deorum-Græciæ crepundia!) *Centum* numerô, conjectos in peram venatoriam , humeris *Oëbali* cujusdam Spartani , miserunt Ithómam. Is *Oëbalus*, venatorem mentitus, sed Messenium, & Messeniô cultu; cūm , inter agrestem multitudinem facilè pro gentili receptus in urbem, ad Jovis Ithomátæ, primis sub tenebris, penetrāssēt : ibi *tripodas*, quos attulerat, ad aram effudit ; effusosque, Jovi conceptis dedicavit verbis. eoque factô , Messenios , qui sub pera venatoris alia quævis potius, quàm sacra latitare vasa , crediderant, in *Tripodum* hoc negotio prævenit. Qua res, in seipsa sine dubio inutilis, sed gentibus illis, errore cæcis, permagna visa ; vehementer *Ithomenses*, cūm postridie Spartanorum astutam industriamprehendissent , fregit: ac, tanquam cladis exitiūq; secuturi præjudiciô fatali, consternavit. E diverso verò , *Lacedæmonios* in

Nn 4

spem,

Ruina Messeniorum,

spem, totius potiundæ Messeniæ, minimè dubiam, erexit. Eo factum est; ut *hi* quidem, re ipsa nō instructiores, manūve fortiores, tunc, quàm annis superioribus fuerant; *possent* tamen (quod Romanus Poëta dixit) *quia posse videbantur*. E contrario verò *Messenii*, quibus adhuc pubes eadem, ac bellandi vis, supererat, quā tot annis Spartanorum opes ac tumorem retuderant; flaccescentibus tunc animis, *Vinci sibi videbantur debere: quia DI victoriam illis*, (ut ipsi somniabant) *abjudicare credebantur*. Eamque, solā profectam è superstitione, persuasionem, Messeniorum in animis auxerunt, etiam alia quædam eventa, timidis fortasse *grandia*; cordatis autem, ac suo singula censu pensantibus, frivola planè: naturæque rerum, aut casui, tribuenda. Qualia fuere: Dianæ Messeniæ simulacro, sponte suâ, scutum æneum excussum; quia ferrumen, quo clypeus signo Deæ fuerat adglutinus infirmius, vetustatis exesum vitiō, resolutumque, diffluxerat. Jovis quoque sacrificio destinati, sub idem ferè temporis, *arietes*; cū, ad aram, solitō violentius impactis cornibus, postea concidissent exanimis: *Aristodemo* regi, qui victimam eos facturus fuerat, suspicionem

Ruina Messeniorum.



nem auxerunt, fastiditarum à cœlo Messeniæ religionis hostiarum: ac portarum urbis suæ, templorúmque, per *murales* Spartanorum *arietes*, everfionem. Quo, quid fingi poterat, aut puerilius, aut inanius? ut ideò projici mens omnis armorum legitimorū, unà cum spe victoriæ, deberet? Quasi verò non sæpius, in hodiernum usque diem, & *arietes*, & boves ipsi, bisontésque, vel in sese mutuò, pugnæ causâ, vel in truncos arborum, scopulósque, capitibus iratis incurrentes, & cornua frangerent; & pertusis frontibus, in ventos cerebrum unà, vitámque, dispergerent? *Canes* quoque (quod & ipsum tunc Messeniis venerat) quàm sæpe conglobati, noctes totas, in publico, pérque vicos & angiportus, exulantes; nihil tamen ulteriùs, vel publicæ calamitatis accersunt, vel privata: nisi, sicui credula deliriis anilibus, ad ista talia, mens, & imaginatio, malum ipsi sibi creet, ex ea, quã haurit, formidine; nemine, nec *Deorum* cogēte, nec *hominum*. FREQUENTER enim, *mortis est causa, moriendi solus metus: & intereunt, qui nimis credunt, ac formidant, interitum*. Sæpius quoque, plus, quàm malis ipsis, malorum opinione solâ laboratur, superstitionas apud

N n 5

men-

Ruina Messeniorum.

mentes : trahique se fingunt ad perniciem; cui depellendæ tamen , sola sufficeret animosa depellendi voluntas. Nam arma satis adhuc,superque,superfunt illis in manu; *non Cedere malis: sed, quanto minantur atrocius, tanto generosiùs adversum insurgere. Nunc autem, sæpe manus damus, adhuc armatas, & telis instructas; ideò tantùm, quia, Cælum nobis iratum, magis fingimus, quàm experimur.* Intonuit lævum: irrubuit Luna : deliquiô Sol expalluit : per noctem totam ulula gemuit: striges, super tumulum sedentes, planxere: cuculi cantus annorum numerum avarè contraxit : crocivit in fastigio corvus , ac domesticorum uni funus indixit: lepus matutinus, per transversum semitæ currens, itineris cœpti prosperitatem inquinavit: *pes sinister, ante dextrum calceatus est: pedis digitus ad cubiculi limen offendit: &, quod Geta quondam Terentianus expressit; Canis alienus ater, irrupit in ades; per impluvium anguis decedit, de tegulis ; gallina garrivit. unde vetuit baruspex , ante brumam aliquid aggredi negotii novi:* (hh) quæque cætera generis istius phantasticarum capitibus imaginum, infinita commenta sunt. Ea, Deò verò nixus, contemptor animus, ex æquo dis-

plodit

Ruina Messeniorum.

plodit omnia., reddítque cassá: metu verò, superstitionéque, contactus, Numine subinde permittente, vertit in eam ipsam, quam sibi præsumpsit, perniciem. Quæ DEI, talium mortalium in capita, *qui Deo non credunt, & ideo non proteguntur ab eo* (ii), meritissima, dignaque delictis suis, est ira: quâ fit, ut INIQUITAS, alioquin ipsa sibi MENTIRI sueta; tamen in vanissimis his nugarum observationibus, eventu lævô, quem sibi metuerat, subsecutô, *veridica* fiat. Quantas igitur *assertori nostro*, CHRISTO, sæcula postera melioraque gratias debent: cujus *Evangelicâ*, terris importatâ; luce, deceptionū illarum è tenebris, magnam partem, expedita sunt? iisque *sempiternæ Veritatis* ore monstratum, *Quid unicè solúmque* TIMERE, *ceteris omnibus proculcatis formidini*bus, debeant? eum videlicet, *qui corpus pariter, & animam, tradere Gehennæ crucianda potest.* (kk) Sed nos ad *Messeniorum* portenta, prodigiâque, quorum à semita digressi nonnihil, per dolorem, ex indignitate rerum conceptum, sumus, revertamur. *Canes illi*, quos agminatim ululâsse per compita noctibus *Ithômæ* dixeramus; eâdem demum importunitate sese

moenium

Ruina Messeniorum.



moenium portis eiecerant: & in castra Spartiatarum se contulerant. Quod eorum facinus, quidnam, obsecro, vel ominis habere, vel admirationis insolitæ, debebat apud Sapientes? Quasi verò non itidem, & *leprosi quatuor illi Samaritæ*, famis impulsu, *transfugissent ad castra regis Syrorum?* (ll) & in urbium complurium diuturnis obsidiis, multa sæpe millia civium utriusque sexûs, *ad hostes transire*, quàm, penuriâ ciborum, *ad coenam Plutonis*, maluissent? Et *Canes* igitur istos, in rerum omnium, quâ premebantur Ithomenses, inopiâ, ventris esurientis rabies, ad transfugium adegerat. (mm) Supervénit verò tandem his omnibus mentis angoribus, *ex animi falsa persuasione* Messenios cruciantibus, *Somnium*, *humanorum affectuum insigne ludibrium*: quod, oblatum *Aristodémo* quiescenti, graviter, & dormientem exterruit, & expurgatum extra se posuit, ac funditus evertit. Videbatur is sibi, sumptis adversum hostes armis, ac telis, sacrificare prius, antequam acie congredieretur: cæsæque victimæ super mensam effusis extis, unde futuri certaminis conjectus eventus esset, epulum initurus. Talia verò tunc agitati, visum erat; supervenisse

Ruina Messeniorum.

venisse *filiam*, ab se quondam, per impotentem animi furorem, interfectam pullâ velatam stolâ : resectoque pectore, vicinoque ventre, vulnera, quibus eam genitor lacerasset, & num prægnaret, scrutatus esset; cum umbrosâ lugubrique fronte, præ se ferentem. Mox autem, deturbatis è mensa, disiectisque per vim & iram, extis; detraxisse patri thoracem, cum reliquis armis : & quo tunc ornatu *Messeniorum primaria* solerent *cadavera* cohonestari, *vestibus* aliis, iisque *nivei coloris*, cum induere; *caput* autem *aureâ coronâ* redimire. Deinde, de conspectu patrio sese subducere. *Somnium* igitur istud, quod, si verè nudèque cogitationum diurnarum nocturnus in imagine recursus; si *Cacodemonis*, puellæ speciem induti, spectrum ac forma ludificans fuit ( ut sanè multis sæpe *Spiritus* ille *mendax*, & inprimis *Idololatriæ*, imponit ) *Aristodemo* mortis instantis certissimū visum est esse præsagium. quod tamen eludere nullâ præsentius, quàm *explosione*, potuit, & *contemptu*. Quoties enim etiam nos, & *mori* nobis secundum quietem, & ex edito *ruere* loco cum interitu nostri, videmur? ac nihilominus, excussis animo terriculis, respiramus?

Ruina Messeniorum.

ramus ? póstque depulsum somnum, in multos adhuc annos, *ex ipso mortis simulacrò, vivaciores, & è precipitiis erectiores alacriorésque,* degere perseveramus ? Sed nimirum, agitabat *Aristodémum,* ex mala filia trucidatæ cōscientiâ, *mentis vecordia ; pessimum, occupatis superstitione mortalibus, ad deterrima quaque capienda consilia, seviendique contra seipsos, irritamentum.* Oppressus ergo, scelerum à se, per utilitatis publicæ futilem ostentationem, susceptorum, atrocî recordatione ; seipsum è domesticorum ac familiarium conspectu proripuit : &, adaçtò crudeliter in suâmet viscera gladiò, quem è filia visceribus olim cruentum extraxerat ; ad illius ipsius tumultum infelix se pater è medio sustulit. In hoc ergo viro, vel inprimis eluxit illa, de malis ac damnis-*Idololatria, Sapientia Veritas,* per Salomonem expressa, capite decimo quarto. *cujus afferri verba, pretium erit operæ ; Non suffecerat ( inquit ) eis, errâsse circa verâ Dei Scientiam : sed &, in magno viventes inscientia bello, tot, & tam magna mala, PACE M appellaverunt. Aut enim Filios suos, filiasve, sacrificantes ; aut obscura nocturnaque Sacrificia ( qualia præcepit Delphicus Apollo ) facientes ;*

Ruina Messeniorum.



tes ; aut insanix plenas vigilias habentes : neque vitam , neque nuptiasundas , jam custodiunt ; quin , & pactas evertunt ( ut in filia fecit Aristodémus ). sed alius alium , per invidiam , aut immodicam iracundiam , occidit ; aut adulterans , & dominationem ambiens , contristat : & omnia commissa sunt ; Sanguis , homicidium , furtum , & fictio : corruptio foederum , ac mutux societatis dissidium , & turbatio ; perjuriũ , tumultus bonorum , obliuio Numinis , animarum inquinatio : cæterique generis mala , quorum aliud trudit aliud. Aut enim , dum latantur , insaniunt : aut falsa certè perplexaque vaticinantur ; aut vivunt injustè , pejerantque citò. Dum enim confidunt in Idolis , animã vitãque carentibus ; malè jurantes , ledi se , non sperant. Eveniunt igitur illis utraq , meritò ; quoniam malè senserunt de Summo Bono ; stultèque de Summa Sapientia : Coelestĩ videlicet Divinitate. Quæ verba , quisquis ad ea referre voluerit , quæ de Dianæ Limnatidis sacrilego delubro , delubrique cruentatione ; de Polycharis item , & Evæphni , contentione ; de regis Androclis injustâ cæde ; deque filiarum , imperatĩs ab Oraculo , jugulationibus , & Aristodémi cunctâ Tragœdiã , narrata sunt à nobis , ac partim

Ruina Messeniorum.

partim in residuis enarrabuntur : à linea re-  
 Qi sensûs non discedet ; nec, in his, *unum a-*  
*liquem* unius libelli Salomonici locum, sed  
*tius* funestæ *Messenia* propositum esse *The-*  
*trum*, confiteri cogetur.

X. Quæsierat, ut ex eventu cognitum est,  
 improbissimus humani generis homicida,  
*Demon*, in unius *Aristodemi* Filiæ morte, Pa-  
 tris etiam, adeoque *Duorum*, interitum : & in-  
 venerat. Sed lucrosior illi, quàm fortassis i-  
 pse sibi spe præsumperat, ea fuit mol-  
 tio ; multiplicatîs, è *gemino* funere, *plurimo-*  
*rum* deinceps cladibus, & calamitatibus :  
 quorum densatâ farragine, tam pasci, lætari-  
 que, *Spiritus Acherontici*, quàm glandis co-  
 pioso proventu, *Sues*, assuevère ; vel pestilente  
 populosâ *vespillones*. Id adeò tunc apud *Mes-*  
*senios* evénit. Ut enim appareret, unico gla-  
 dii, cujus in aciem *Aristodémus* rex incubu-  
 erat, ictu, Rempublicam simul ac regnum o-  
 mne transadactum fuisse : post illa, *Messenii*  
 de rerum summa desperavère ; tentatisque  
 vix reparandæ virtutis pristinæ reliquiis, &  
 in quintum adhuc mensem obsidione, qua  
 pertinaciter ab *Lacedæmoniis* premebantur,  
 sustentatâ : postquam annos prope jam *viginti*  
 bellum

Ruina Messeniorum.

bellum tolerâssent, hostibus séque suâque tandem permisêre. Cùm itaq; , tum Ducum regûmq; suorum florem, tum fortissimum quemq; civium, bellicosissimûmq; , tot ex ordine pugnaris pugnâs, amisissent: ad extremum, & roboris virtutisque suæ sedem, & arcem, montem *Ithômen* reliquêre Spartanorum arbitrio: suo, reliquam in Messeniâ, juri, necessitate, quâ victoribus victi, vel inviti cedere solent, cedentes. Ac Messeniorum quidem, alius aliò tunc dilapsi; pars Argos, aut ad Arcadas, pars Eleusinem Atticæ; vulgus verò plerumque, suos in vicos quisque, servilitérque colendos agros, se receperunt. *Spartanorum* autem victrix, ac superba, manus, cùm *Ithômen* occupâssent; montem quidem, qualem natura fecerat, indimorum reliquêre naturæ: munitiones autem, & arcem, cum mœnibus, ei superinstruclis, è fundamentis excisas ad rudera pulverémque, redegerunt. Urbes, oppidâque Messeniorum cætera, resistente jam nemine, sui fecêre juris. Messeniæ partem unam & item alteram, amicis, obnoxiiisque sibi, populis, ac familiis, attribuerunt: sibi, quod regionis amplissimum, ac præcipuæ fertilitatis erat, retinentes.

O o

Ruina Messeniorum.



tes. Messeniorum gentis quod supererat, in  
 majorum suorum solo fundoque, servis, &  
*Helotis*, non clementius habitum, cunctarum  
 terræ frugum *partem dimidiam*, quotannis, in  
 posterum tempus, dependere sibi compellunt:  
 residuo verò dimidio, sese, suasque familias,  
 alere permittunt. Quod si, super hæc, Laconum,  
 siue *regum* quis, siue *Primorum Ephorumque*  
 vitâ demigrasset: lata Messeniis lex erat;  
 uti sepeliendorum funera, tam ipsi, quàm  
 eorum conjuges, atrâ feralique velati veste,  
 serviliter, & cum luctu, tanquam *Dominorum*  
 suorum cadavera *vernula* mancipiâque,  
 sequerentur, & complorarent. Quæ cuncta  
 sanè, præcipueque *Funerum* hæc officia;  
 quidnam erant aliud, quàm *Messenie libertatis*,  
 in Messeniis adhuc viventibus emortuæ,  
*Sepultura*?

XI. Non poterat igitur statûs hujus ac  
 conditionis, ex ingenuæ vitæ culmine tam  
 profundam in servitutem detrusæ, longævus  
 esse tenor: apud animos præsertim *juniorum*,  
 originis aliquantò, quàm vulgus esset, clario-  
 ris. His decretum erat; cruentissimam quavis  
 mortem in acie potius, quàm Lacedæmon-  
 iæ tyrannidis jugū, vel annum adhuc,  
 ultra

Ruina Messeniorum.

ultrà tolerare. Præ cæteris autem id animo  
 federat *Andaniensium* juventuti: quippe, quo-  
 rum urbs, eadem & natale solum ipsis, & *re-*  
*gum Messeniorum* prima quondam Sedes, ex-  
 iterat. Inter omnes autem eminebat An-  
 danientes juvenes, eâ tempestate, quidam *A-*  
*ristòmenes*; non *virtute* solùm ac manu, sed,  
*generis* etiâ claritudine, conspicuus. Magnam  
 autem fuisse de claritudine stirpis ejus opi-  
 nionem; satis id est argumento: quòd ejus  
 adolescentis matri, cuj *Nicoteléæ* nomen fuit,  
 Græcorum antiquitas, *Genium*, nescio quem,  
 aut *Deum*, vel *Semideum*, affinxit; qui, *Draco-*  
*nis* indutus speciem, & copulatus ei, filium  
 ex illa genuerit *Aristòmenem*; de quo sermo  
 nobis. Idem enim, in aliis ferè plerisque,  
 paullò magis conspicuis, ac per orbem cele-  
 bratis, *fabularum amatrix vetusta credulitas*,  
 facere consuevit: ut, ubi *patrem* hominem  
 quàm plurimùm, & longissimè, gestorũ glo-  
 riâ *filius* antecelluisset; ibi genitorem ei *De-*  
*um* supponeret: sibi que, talium filiorum u-  
 nusquisque, gloriosius esse duceret; *Monstri*  
 e prolem esse, quàm *Naturæ*: deque *Serpen-*  
*tis* semine, quàm *Adami*, descendisse, credi.  
 Quare, tantùm abest, negâsse quosdam; è

O O 2

Demo-

Ruina Messeniorum.

*Damone* se conceptos, & è *Succuba* genitos, ut id etiam in fronte suarum laudum, suæq; gentis imaginum, constituerint; (nn) ità susceptos, ità profeminatos ac natos, esse. Si *Hercules* Grajus, Jovem, in *Alcuména* matre, quàm *Amphitruonem*, sibi patrem fuisse maluit. Sic *Alexander Macedo*, draconem stygium, aut *arietem* *Ammonium*, in *Olympia* de genitrice, quàm vel *Philippum*, aut *Nebuchadnezar* : Sic *Augustus Cesar*, & ipse draconem in *Atia* matre, pro patre, quem cognomine profitebatur, *Octavio*: (oo) Sic serpentem, tanquam *Aesculapium*, *Sicyoniorum* princeps optimus, ac patriæ liberator, *Aratus*, in *Aristodama* genitrice: Sic colubrum item, magnitudinis insolitæ, *P. Cornelius Scipio*, cui cognomentum *Africano Majori* fuit, qui, cubiculo toroque matris, non tunc modo, cùm conciperetur ipse, sed sæpius postea, dum nutiretur, irrepsisse monstrum illud, jactari, credique nunquam iniquâ tuli vel mente, vel aure. Quin, neque posterius quidem, emendationibusque, mundi sæculi defuere; qui sui tales ortus & origines in parte gloriæ collocarent: ut in Gallia, *Pictorum* Comites, *Lusignini* Dynastæ; suæ ge-



is primordia, fabulosis librorum narrationibus, in *Melusinam* referre gestientes: quam, capite, quæque deorsum sunt, ad umbilicum usque, formosam *viraginem*; pube verò ævus, ac deinceps, *anguem* fuisse, vel crederant, vel credi volebant. (pp) Sed inprimis a vanitas infederat, ac persuasio, mentibus *dololatrarum*, ante tempora Christianæ religionis, orbem irradiantis: ut vulgò *gesta clara, facta clariores*, ac mortalem supra sortē euntes, *virgines comminiscerentur*; & *tamdiu nascerentur ex Dīs homines*, donec denique nasceretur ex homine *DEVS*, Deorum inanum exstirpator. Sed nos ad *Aristomenem*, de quo dicere coeperamus, *Messenum*, oratione revertemur: ducem, iis tempestatibus, in paucis anè clarum; &, qui, si nobis, vel solus, in hac *Ruina*, celebrandus foret susceptus, laboris tamen nostri præmium ac Minerval facis magnum, ipsâ virtutum suarum, ac facinororum heroicorum, magnitudine persolutus esset: quippe, quæ tam insignia fuerint, & ab homine, Deorum falsorum cultore, tam aliena nonnunquam; ut ea, *Christianum* magis, aut ex veteribus illis & melioribus *Hebræis*, quàm *Græcum* ac *profanum*, decuisse, vi-

O O 3

deri

**Ruina Messeniorum.**

deri possint. Hic, ut dictum est, matre *Nicotelea*, patrèq; *Nicomède*, viro nobilissimo, necnon regalis *Apytidarum* stirpis sanguine, progenitus; communicatò cum amicorum & æqualium fidissimis Andaniæ consiliò, conjurationem fecit pleræq; Messeniæ nobilitatis: uti sub unum aliquod idèmq; tempus, simul universi rebellarent: ac, die constitutò, cum quanta possent manu, prosilirent ad arma. Nequid autem in eo tunc ipso consilio per temeritatem ( ut fere *Juventus audacior esse, quàm considerantior, solet*) peccarent: *Aristomenis* priùs auctoritate, populorum, qui sociam Messeniis operam, bellò superiore, fidam ac bonam præstiterant; ante cæteros autem Argivorum, & Arcadum, animi prætentantur, occultis internuntiis: *ecquid ab ipsis, & quantum spei, sibi polliceri Messenii, contra Spartiata, auderent?* Eos postquam expectatione suâ promptiores, ad auxilia submittenda, reperissent; quippe, non modò nondum extinctis pristinis adversum Lacedæmonios odiis, sed etiam, sub idem illud tempus, quàm plurimum auctis, & incensis: non dubitavit *Aristomenes*, die, consciis denuntiatio, posteaquam nonus jam ac tricesimus, à bello primo, duratū-

que;

Ruina Messeniorum.

que, velut dictum est, Ithomâ dilapsus annus  
 erat; discutere cervicibus suis *Spartanæ* domi-  
 nationis jugum: &, cum validâ suorum, ar-  
 matâque, multitudine, defectionis signum  
 extollere. Quo factô, belli *Messeniaci Secundi*  
 dari cœptum exordium est: quo tempore  
 Spartæ regnum obtinebant, Anaxander; &  
 Anaxídamus, Theopompi regis, illius, de quo  
 traditum in superioribus est, pronepos. Por-  
 rò, nec *Spartiatæ* diu, Messenios impunè ferre  
 defectionem, passuri; nec *Messenii*, calen-  
 tem adhuc in principiis, recuperatæ liberta-  
 tis amorem intepescere cunctatione, permis-  
 suri: non multò pòst ad *Deras*, Messeniæ pa-  
 gum, utrimque contulére signa; fortissimèq;  
 dimicaverunt. In quo conflictu, tametsi Mar-  
 te propemodum æquò discessum tandem ab  
 utrisque fuerit; tanta tamen, ac tam conspi-  
 cua, fuit *Aristomenis*, ante cæteros omnes, vir-  
 tus & opera, contra *Laconas*: ut, confectô  
 præliô, REGEM eum universus consalutârît  
 exercitus. Quod ille tamen, neque munus in  
 se suscipere, neque nomen, voluit: admirandâ  
 modestiâ, major suimet ipsius, & ambitionis hu-  
 manæ, quàm universæ *Messenie*, domitor atque re-  
 ctor. Ad extremum tamen, suorum improbis

O O 4

fati-

Ruina Messeniorum.



fatigatus precibus, & assiduis efflagitationibus, ut *bellicæ saltem rei præturam* supremam, & *imperium*, admitteret; manus dedit. In eo verò magistratu talem se gessit, qualem ante se vix quenquam ipse meminisset. Acer animo, promptus manu, consiliò providus; sibi subiectis, non comis minùs, quàm æquus, nullius commilitonum, ducumve, præclaris in factis, per invidiam obtreñator: sed unumquodque facinus, paullò generosius, nō verbis tantum ac laudibus, verum etiam magnificis, pro cuiusque merito, donis ac præmiis afficere solitus; cæterorum videlicet accendendæ, parem ad gloriam, virtuti, propositum in medio coronis, ac palmis, prudenter intentus. Quo liberalitatis ille studiò, paucis inter tempestatibus, & *suum* insigniter confirmavit, & *socialem* allexit, militem: ut in oculis *Aristomenis* unusquisque, rem fortiter gerere gloriosum inprimis opulentumque, sibi duceret. Ad hoc autem incitabat eos, vel ipsi solus *Aristomenis* aspectus: ad imitationis exemplum universis propositus. Cujus tantum fuit, in *omine belli secundo*, pro Messeniis adversus Spartanos captandò procurandoque sub ipsa statim principia defectionis, tum a

daci

Ruina Messeniorum.

facia, tum calliditas : ut, cum sciret, Laconas victoriæ cladiumve præjudiciis & opinionibus, pæne vehementius, quàm armis, ac verâ virtute, commoveri solere ; nocte quadam Lacedæmonem, omnibus incognitus, intraret : & ad valvas templi Minervæ, quod *Chalcæcus*, siue *Domus-ærea*, dicebatur, clypeum affigeret, cum hac inscriptione. SCUTUM HOC, DEVICTIS E SPARTANIS REPORTATUM, PALLADI, MEMOR ET GRATUS, SUSPENDO, DEDICOQUE, MESSENIUS ARISTOMENES. Continuòque, priusquam dilucesceret, & agnosceretur, *Spartâ* se, quæ moenibus carebat, ( *qq* ) per easdem, quibus venerat, tenebras, evolvit & ad suos se, cum fiducia maximâ, belli prosperè cessuri, recepit. Et profectò, *Lacones*, manè *Scutò*, cum *Inscriptione* tam confidenti, repertò, nec tamen repertò Scuti dedicatore ; coeperunt idem ipsum, quod *Aristomenes* sperabat, vereri : Deamque, bellorum præsidem, illi populo benevolentio-rem fore, suspicari ; cujus *imperator* eam sibi prior anathemate conciliâisset. Igitur, ex eo tempore, superstitione perculsi, minore jam alacritate, quàm unquam antehac, arma spirare, prioresque par-

O O 5

tes

Ruina Messeniorum.

lebant, partem aliquam: nullo consiliô publicô, sed suapte sponte, Spartanorum in castra profectam. *Spartanos* porrò rex ducebat *Anaxander*, Eurycratis filius, ingentis vir animi; certaminisque, quo suam gentisque suæ gloriam proferret, avidus in paucis. *Messeniorum* autem copiis omnibus summâ cum potestate præerat *Aristomenes*; & formæ dignitate conspicuus & agnitu facilis è scuto: quod effigies *aquila*, disparsis, ad extremas hinc & hinc oras, aliis, volatum inchoantis, occupabat. Habebat item, circum se, lectissimæ *Messeniorum* fortissimæque juventutis, ex æqualibus ferè suis ascitos, octoginta stipatores, prætorianos. Cum his ille, contra *Spartialarum* exercitûs præcipuum robur, hoc est, *Anaxandri* regis prætoriam cohortem, suorum summâ voluntate, stare constituit. Et stetit; leonis inperterriti more, stimulus ad virtutem suis, ac certaminis ardore formidabilis hostibus. Commissum porrò *Secundum* hoc, à defectione, prælium est, ad *Apri-monimentum* (rr), *Messenix vicum*, ditionis *Stenycleri*, regiæ quodam urbis: concursûmque summis utrimque viribus & opibus. Pulsûsque demum, post acerrimam multarum horarum dimicationē

Ruina Messeniorum.



ab Aristomene rex Anaxander ; & , ab Aristomenis agmine prætorianò , fortissima Lacorum cohors regia Mox , dum in fugam cum suis *Anaxander* effunditur ; inmissis in terga fugientium aliis Messeniorum citatissimis , quæ neminem eorum vel *vivum* sinerent , vel *liberum* : Aristomenes ipse , versus in Spartiatarum , adhuc integros ac stantes , ordines ; *Semidei* magis , quàm *hominis* , exsertâ virtute , *fulminis* in morem , quacunque gressum fert , omnia vultu , clamore , flaminâque jaculantibus oculis , ac ferrò , disjicit : *eminus* , contra se tendentes , telis ac jaculis impetens ; *cominus* autem ingruentes , scutò trudens , ac dispellens . Universa demum *Lacedæmoniorum* agmina , cæde , vulneribus , luctu , fugâ , formidinêque , totis passim campis , obstantibusque collibus , miscens : alibi castris eos & armis , alibi *vitâ* vel *libertate* , ( quippe , servilibus injectis vinculis ) exuit . terga verò vertentes , insequitur ipse , cum suis : fugientiumq; multitudinem maximam interficit . Ac ne revocatus quidem à vate Messeniorum , Théoclo , paruit . Nam & vates utrimque suis stimulandis , in castra , Sacerdotum expleturi munus , venerant .

Ruina Messeniorum.

tes sibi polliceri, cœperunt. Et nihilominus, in aciem, vel inviti, rediêre. Cùm enim, à *prælio*, de quo dictum est, *Deraô*, propemodum annus se circumegisset: nec pati *Lacedæmonii* possent, aut diutiùs penès se contumeliam hære, quam illis *Aristomenes*, in affixo, sicut retulimus, inscriptoque, clypeo, ceu *Victor* haud dubius, inflixerat; aut, novis quotidie viribus, opibûsque, recuperatam *libertatem* suam confirmare *Messenios*: armare denuò juventutē, & excire socios ac fœderatos, adversum hostem, cœperunt. Quod ubi primùm agi *Messenii* sensêre; non remissiores ad *repugnandum*, quàm ad *rebellandum* nuper, sese præstituri, suos, & fœderatos ac socios, opinione celerius, ac multitudine numerosius, contraxerunt. Nam præstò fuêre *Messeniiis*, non soli, sicut antehac, *Arcades*, *Argivique*, cum *Sicyoniis*; sed insuper & *Elæi*: quique profugerant jam olim è *Messenia*, diversas in Græciæ Peloponnesique terras, & ex iis tantisper enata, bellica juvenstus: tum & ii, qui tunc Eleusinen Atticæ, sacrorum custodes antistitēsque, discesserant. Quin & *Androclida* cuncti; quos, post *Messenios* planè debellatos, in partem ditionum suarum Spar-

Ruina Messeniorum,

Spartiatæ quondam receperant, Androclis regis, ac progenitoris eorum, gratâ memoriâ: propterea, quòd is, dum, dedi Lacedæmoniis Polycharem, pacis studiò suadet, ac contendit; ab *Antiochi*, regis alterius, factione cæsus, interiisset. Quo nomine proinde magnam apud *Androclis* posteritatem inîsse gratiam videri Spartani poterant; & his *Androclidæ* vicissim in perpetuum, beneficiò tantò, devincti: propter *Hyamiam* regionem, eis infidentiam, liberaliter concessam. Sed tantus fuit, tum in libertatem majorum, tum in *Aristomenem*, libertatis vindicem, *Messeniorum* omnium, ardor animorum, & amor: ut, beneficiis privatis post publicam utilitatem habitis, ad *Aristomenem* omnes undique convolarent; nec *Androclidarum* quidem, quorum amplæ jam sensim, latèque sparsæ, familiæ numerabantur, vel unico capite, Spartanis à partibus remanente. Quo factum est, ut *Aristomenis* ingentes essent, tum è *Messenio* corpore, tum ex sociis auxiliisque, copix: cum è diverso, *Lacedæmoniorum* à partibus staret nemo, præter *Corinthios*, veteres amicos; & *Lepreatium*, qui, supra flumen *Alphéum*, *Elidis* in finibus, ad radices montis *Phóloës*, incolebant,

Ruina Messeniorum



tes sibi polliceri, cœperunt. Et nihilominus, in aciem, vel inviti, rediêre. Cùm enim, à *prælio*, de quo dictum est, *Deraô*, propemodum annus se circumegisset : nec pati *Lacedæmonii* possent, aut diutiùs penès se contumeliam hære, quam illis *Aristomenes*, in affixo, sicut retulimus, inscriptoque, clypeo, ceu *Victor* haud dubius, infixerat ; aut, novis quotidie viribus, opibûsque, recuperatam *libertatem* suam confirmare *Messenios* : armare denuò juventutē, & excire socios ac fœderatos, adversum hostem, cœperunt. Quod ubi primùm agi *Messenii* sensêre ; non remissiores ad *repugnandum*, quàm ad *rebellandum* nuper, sese præstituri, suos, & fœderatos ac socios, opinione celerius, ac multitudine numerosius, contraxerunt. Nam præstò fuêre *Messeniiis*, non soli, sicut antehac, *Arcades*, *Argivique*, cum *Sicyoniis* ; sed insuper & *Elæi* : quique profugerant jam olim è *Messenia*, diversas in Græciæ Peloponnesique terras, & ex iis tantisper enata, bellica juvenstus : tum & ii, qui tunc Eleusinen Atticæ, sacrorum custodes antistitēsque, discesserant. Quin & *Androclida* cuncti ; quos, post *Messenios* planè debellatos, in partem ditionum suarum

Spar-

Ruina Messeniorum.

Spartiatæ quondam receperant, Androclis regis, ac progenitoris eorum, gratâ memoriâ: propterea, quòd is, dum, dedi Lacedæmoniis Polycharem, pacis studiò suadet, ac contendit; ab *Antiochi*, regis alterius, factione cæsus, interiisset. Quo nomine proinde magnam apud *Androclis* posteritatem inîsse gratiam videri Spartani poterant; & his *Androclide* vicissim in perpetuum, beneficiò tantò, devincti: propter *Hyamiam* regionem, eis insidentem, liberaliter concessam. Sed tantus fuit, tum in libertatem majorum, tum in *Aristomenem*, libertatis vindicem, *Messeniorum* omnium, ardor animorum, & amor: ut, beneficiis privatis post publicam utilitatem habitis, ad *Aristomenem* omnes undique convolarent; nec *Androclidarum* quidem, quorum amplæ jam sensim, latèque sparsæ, familiæ numerabantur, vel unico capite, Spartanis à partibus remanente. Quo factum est, ut *Aristomenis* ingentes essent, tum è *Messenio* corpore, tum ex sociis auxiliisque, copix: cum è diverso, *Lacedæmoniorum* à partibus staret nemo, præter *Corinthios*, veteres amicos; & *Lepreatum*, qui, supra flumen Alphéum, Elidis in finibus, ad radices montis Pholoës, incolebant,

Ruina Messeniorum

tes sibi polliceri, coeperunt. Et nihilominus, in aciem, vel inviti, rediêre. Cùm enim, à *prælio*, de quo dictum est, *Deraô*, propemodum annus se circumegisset: nec pati *Lacedæmonii* possent, aut diutiùs penès se contumeliam hædere, quam illis *Aristomenes*, in affixo, sicut retulimus, inscriptoque, clypeo, ceu *Victor* haud dubius, infixerat; aut, novis quotidie viribus, opibûsque, recuperatam *libertatem* suam confirmare *Messenios*: armare denuò juventutē, & excire socios ac foederatos, adversum hostem, coeperunt. Quod ubi primùm agi *Messenii* sensêre; non remissiores ad *repugnandum*, quàm ad *rebellandum* nuper, sese præstituri, suos, & foederatos ac socios, opinione celerius, ac multitudine numerosius, contraxerunt. Nam præstò fuêre *Messenii*, non soli, sicut antehac, *Arcades*, *Argivique*, cum *Sicyoniis*; sed insuper & *Elæi*: quique profugerant jam olim è *Messenia*, diversas in *Græciæ* *Peloponnesique* terras, & ex iis tantisper enata, bellica juvenstitum & ii, qui tunc *Eleusinen Atticæ*, sacrorum custodes antistitēsque, discesserant. Quin & *Androclida* cuncti; quos, post *Messenios* planè debellatos, in partem ditionum suarum

Spar-

Ruina Messeniorum.



Spartiatæ quondam receperant, Androclis regis, ac progenitoris eorum, gratâ memoriâ: propterea, quòd is, dum, dedi Lacedæmoniis Polycharem, pacis studiò suadet, ac contendit; ab *Antiochi*, regis alterius, factione cæsus, interiisset. Quo nomine proinde magnam apud *Androclis* posteritatem inîsse gratiam videri Spartani poterant; & his *Androclide* vicissim in perpetuum, beneficiò tantò, devincti: propter *Hyamiam* regionem, eis insidentem, liberaliter concessam. Sed tantus fuit, tum in libertatem majorum, tum in *Aristomenem*, libertatis vindicem, *Messeniorum* omnium, ardor animorum, & amor: ut, beneficiis privatis post publicam utilitatem habitis, ad *Aristomenem* omnes undique convolarent; nec *Androclidarum* quidem, quorum amplæ jam sensim, latèque sparsæ, familiæ numerabantur, vel unico capite, Spartanis à partibus remanente. Quo factum est, ut *Aristomenis* ingentes essent, tum è *Messenio* corpore, tum ex sociis auxiliisque, copiæ: cum è diverso, *Lacedæmoniorum* à partibus staret numero, præter *Corinthios*, veteres amicos; & *Leptæum*, qui, supra flumen *Alphéum*, *Elidis* in finibus, ad radices montis *Phóloës*, incolebant,

Ruina Messeniorum

tes sibi polliceri, cœperunt. Et nihilominus, in aciem, vel inviti, rediêre. Cùm enim, à *prælio*, de quo dictum est, *Deraô*, propemodum annus se circumegisset : nec pati *Lacedæmonii* possent, aut diutiùs penès se contumeliam hære, quam illis *Aristomenes*, in affixo, sicut retulimus, inscriptoque, clypeo, ceu *Victor* haud dubius, inflixerat ; aut, novis quotidie viribus, opibûsque, recuperatam *libertatem* suam confirmare *Messenios* : armare denuò juventutē, & excire socios ac fœderatos, adversum hostem, cœperunt. Quod ubi primùm agi *Messenii* sensêre ; non remissiores ad *repugnandum*, quàm ad *rebellandum* nuper, sese præstituri, suos, & fœderatos ac socios, opinione celerius, ac multitudine numerosius, contraxerunt. Nam præstò fuêre *Messeniiis*, non soli, sicut antehac, *Arcades*, *Argivique*, cum *Sicyoniis* ; sed insuper & *Elèi* : quique profugerant jam olim è *Messenia*, diversas in Græciæ Peloponnesique terras, & ex iis tantisper enata, bellica juvenus : tum & ii, qui tunc Eleusinen Atticæ, sacrorum custodes antistitēsque, discesserant. Quin & *Androclida* cuncti ; quos, post *Messenios* planè debellatos, in partem ditionum suarum

Spar-

Ruina Messeniorum,

Spartiatæ quondam receperant, Androclis regis, ac progenitoris eorum, gratâ memoriâ: propterea, quòd is, dum, dedi Lacedæmoniis Polycharem, pacis studiò suadet, ac contendit; ab *Antiochi*, regis alterius, factione cæsus, interiisset. Quo nomine proinde magnam apud *Androclis* posteritatem inîsse gratiam videri Spartani poterant; & his *Androclide* vicissim in perpetuum, beneficiò tantò, devincti: propter *Hyamiam* regionem, eis infidentiam, liberaliter concessam. Sed tantus fuit, tum in libertatem majorum, tum in *Aristomenem*, libertatis vindicem, *Messeniorum* omnium, ardor animorum, & amor: ut, beneficiis privatis post publicam utilitatem habitis, ad *Aristomenem* omnes undique convolarent; nec *Androclidarum* quidem, quorum amplæ jam sensim, latèque sparsæ, familiæ numerabantur, vel unico capite, Spartanis à partibus remanente. Quo factum est, ut *Aristomenis* ingentes essent, tum è *Messenio* corpore, tum ex sociis auxiliisque, copix: cum è diverso, *Lacedæmoniorum* à partibus staret nemo, præter *Corinthios*, veteres amicos; & *Lepreatium*, qui, supra flumen Alphéum, Elidis in finibus, ad radices montis Pholoës, incolabant,

Ruina Messeniorum



lebant, partem aliquam: nullo consiliô publicô, sed suapte sponte, Spartanorum in castra profectam. *Spartanos* porrò rex ducebat *Anaxander*, Eurycratis filius, ingentis vir animi; certaminisque, quo suam gentisque suæ gloriam proferret, avidus in paucis. *Messeniorum* autem copiis omnibus summâ cum potestate præerat *Aristomenes*; & formæ dignitate conspicuus & agnitu facilis è scuto: quod effigies aquile, dispersis, ad extremas hinc & hinc oras, alis, volatum inchoantis, occupabat. Habebat item, circum se, leuissimæ *Messeniorum* fortissimæque juventutis, ex æqualibus ferè suis ascitos, octoginta stipatores, prætorianos. Cum his ille, contra *Spartiatarum* exercitûs præcipuum robur, hoc est, *Anaxandri* regis prætoriam cohortem, suorum summâ voluntate, stare constituit. Et stetit; leonis inperterriti more, stimulus ad virtutem suis, ac certaminis ardore formidabilis hostibus. Commissum porrò *Secundum* hoc, à defectione, prælium est, ad *Apri-monimentum* (rr), *Messenix vicum*, ditionis *Stenycleri*, regix quodam urbis: concursumque summis utrimque viribus & opibus. Pulsusque demum, post acerrimam multarum horarum dimicationem, ab

Ruina Messeniorum.

ab Aristomene rex Anaxander ; & , ab Aristomenis agmine prætorianò , fortissima Lacconum cohors regia . Mox , dum in fugam cum suis *Anaxander* effunditur ; inmissis in terga fugientium alis Messeniorum citatissimis , quæ neminem eorum vel *vivum* sine-  
rent, vel *liberum* : Aristomenes ipse, versus in Spartiatarum, adhuc integros ac stantes, ordines ; *Semidei* magis, quàm *hominis* , exsertâ virtute, *fulminis* in morem, quacunque gressum fert, omnia vultu, clamore, flammâque jaculantibus oculis, ac ferrò, disjicit : *eminus* , contra se tendentes , telis ac jaculis impetens ; *cominus* autem ingruentes , scutò trudens, ac dispellens . Universa demum *Lacedæmoniorum* agmina , cæde , vulneribus, luctu , fugâ , formidinèque , totis passim campis , obstantibusque collibus , miscens : alibi castris eos & armis , alibi *vitâ* vel *libertate* , ( quippe , servilibus injectis vinculis ) exuit. terga verò vertentes , insequitur ipse, cum suis : fugientiumq; multitudinem maximam interficit . Ac ne revocatus quidem à vate Messeniorum, Théoclo , paruit . Nam & vates utrimque suis stimulandis, in castra , Sacerdotum expleturi munus, venerant.

Ruina Messeniorum.

rant. At Aristomenes, nec audivit Vatem; nec, obsequendo monitis ejus, ardorem trucidandi repressit; nisi serò. Stabat enim, in eo, quem fuga Laconum impleverat, campo, *sylvestris arbor, pyrus*: in qua, sedisse quondam Gemellos, *Castorem ac Pollucem*, supersticiosus Théoclus, clamitabat; ideòque, reverentiâ Deorum, cis eam consistendum, nec ad eam usque procedendum esse cruêto victori. Non substitit igitur *Aristomenes*; sed, ad *pyrum* usq; progressus, ibi demum, elapsum manu, *scutum* amisit. Id ipse dum quærit, ac recipere laborat; tantisper spatium hostibus, ac facultatem, in tutum sese recipiendi, quantumvis invitus, concedit. Et *Clypeus* quidem *Aristomenis*, incertum, quibûsnam vel miraculi, vel figmentorum, ambagibus, multò pòst tempore, non in *Messenia* repertus est, ubi perierat; sed in *Bœotia* longè distâte regione, *Trophoniæ*, Jovis, quod vocant, antrò, juxta *Lebadium*, Bœotorum urbem. *Aristomenes* autem, *Andaniam* tunc reversus, victor, & ovans: *matronarum*, pro gentis tunc institutò, faustis acclamationibus, & carminum cantu; quòsque ferret anni tempus, *florum*, ac *teniarum*, è vittis muliebribus, conjectu densò, sparsus excipitur.

Ruina Messeniorum.



tur. Nimirum ea tunc *Messeniorum*, ac pleraque *Peloponnesi* circumjectæ, paupertas, & parsimoniæ laus, id moderationis studium, erat: ut, è *verissimâ* quoque, nec *ementitâ*, victoriâ, triumphum ducētibus, distichus unus *Elegus*, (*ss*) pro *Paane*; spoliū autem hor-torum, pro manubiis; & matronalium exuviae *Capitum*, ingens pompa, *Capitolium*, & *arcus*, essent.

XII. Jam multum itaque jacebat ille vetus, arrogansq;, *Lacedæmoniorum*, in *Messeniiis* premendis, spiritus; *Aristomenis*, ducum ducis, ejusque pro patria fortium ausorum, formidine. Quam ipsam, ab hostibus de se conceptam, virtutis opinionem, non prudenter minus, quam generosè, novis quotidie strenuè factis, augere studebat *Aristomenes*: *præstantis Imperatoris esse, ratus, æquè metum Pavoremque, quam conatus ac Vim, hostium urgere*. Potissimum autē ex eo coepit tempore gravius animosiusq; Spartanis insistere, crebris in eorum urbes, & agros, excursionibus; ex quo *Scutum* illud suum, quod *sylvestrem* quōdam ad *pyrum* (ut dictum est) amiserat, in loco prorsus disjuncto, reperisse se magis, quam ex omni de *Lacedæmoniiis* victoriâ, triumphum.

Ruina Messeniorum,

triumphavit. Id autem accidit in hunc modum. Ut eum sua monebat instigabátq; superstitio. cùm DEI *Veri* notitiam haberet nullam; Delphos, ad Apollinem, *Deum ementitum*, exsolvendi voti, sciscitandarúmque latentium rerum causâ, profectus est. Inter cætera, de *Scuto* Pythiam Sacerdotem interrogat. Pythia, Dæmone dictante, respondet; *Apud Lebadeam, Bæoticam urbem, in antro Jovis Trophonii, repertum iri: si Trophonium etiam ad antrum iret.* Id, quod arduum haud erat *Sathane*, qui responsa sub Oraculo dabat, per cognitum habere. Cùm enim, inter tumultum, fugientium quondam è prælio Spartanorum, & insequentium eos Messeniorum, Aristomeni *Scutum*, in ipso trucidandi calore, vel excidisset sponte, vel ereptum de manibus esset: is (ut prudenter, ac meritò, conjicere possumus) qui prolapsus inter turbam sustulit asportavitque, Lacedæmonius, aut quarumcunque partium, miles, id animi grati causâ, quòd cædem effugisset, Jovi Trophonio consecravit. Id totum, auctor ac promotor ejuscemodi vanorum rituum cultuumque, tam Pythii, quàm Trophonii numinis, infessor, *Cacodæmon*, nescire non potuit: &, quod

Ruma Messeniorum.

&, quod sciebat, Aristomenem edocebat. Lætatus autem hic incredibiliter ; ex *Aquila*, quod recognôrat, insignî, tametsi Clypeum, uti dedicatus Jovi fuerat, dedicatum & ipse denuò suis verbis ac ritibus, illic, ubi repere-  
rat, reliquit: abiens tamen, res suas, ac populi Messenii de Spartiatis Victorias, haud minùs esse foréq; Superis cordi, quàm esset *Aquila* Jovi, sibi persuasit. Ab hoc igitur die, majora secum animò contra Spartiatas, etsi sanè successu (*sicut omnia Deorum inanum dona fluxa malefidæque sunt*) plurimùm variante, volvere machinariq; cœpit. Laconum erat oppidum, quod *Pharin* vetustiores, posterì verò *Pharas*, appellârunt. Id *Aristomenes*, dubiò, diem inter ac noctem, aggressus tempore; post aliquamdiu protractum certamen, occupavit, & opibus exhaustit. Id continuò renuntiatur Anaxandro, Laconum regi. qui, Spartâ copiis educiis, insidias Aristomeni, cum præda Messeniam repetenti, tendit; in abditò quopiam, secundùm viam militarem, locò. Cùmque jam pars exercitûs Messeniaci plusquam dimidia præterisset; nec, nisi postremi ferè, qui claudebant agmen, superessent: Anaxander, ovantes, ac victoriâ spoliis-

Pp

que

Ruina Messeniorum.



que Phareïs, exultantes hostes, à tergo, repente, nihilque minùs expectantes, adóritur; ad dorsa cædit. At *Aristomenes*, suorum laborantium excitatus clamoribus, in medium continuo recipi jubet impedimenta, quantula manus adhuc hostilem effugissent: ac, de rapti jam, verans, suos esse sollicitos; in hostem retro signa convertit: acerrimâque, quoacumque per importunitatem loci negotiique concessum esset, editâ pugnâ; fundit Spartanos; in fugam avertit Anaxandrum, ac residuum militem; prædam, adhuc salvam, retinet; abigere verò coeptam, extorquet Laconibus, atque recuperat. Ipse tamē, dum Anaxandrum, non contentus eum profligasse, persequitur ardentius, ejusque cæde debellatum esse cupit: jamculô vulneratus, clunem inter, & coxâ (truncum) cursum sistere cogitur, hostemque dimittere. Neque secius tamen, magnâ cum gloriâ, viâ gloriâ simul geminâ, spoliisque; circumfluens ad suos revertitur. Spartiatis verò lucrum inagnominiâque; relinquit. Dum autem ex vulnere decumbit, & curatur, *Aristomenes*; non vel in otio, tam necessariô, negotiosus esse desineret: sicut eum sua *virtus* admonebat ac *fortitudo* militaris perpetua; *que Martis illustra*

Ruina Messeniorum.

*lustria facinora, nec in umbra quidem, agitare pratermittit: in illa lentâ curationis mora, nō jam Laconas tantū, ulteriore bellō persequendos; sed ipsius urbium oppidorūque Laconiae principis oppugnationem, Spartaq; sub Messēniis jugum, meditabatur. Ac perfecisset, quod, communicatō cum Optimatibus consiliō, destinārat: Vixquedum persanato vulnere, processisset ad Lacedæmonis usque, si pertinaciorem eam reperisset, excidium. Sed his se cogitationibus interposuit vaser, nescio quis, ex Acherunte, Genius: qui, conceptam ab omni Græcia, de Divinitate Tyndaridarum, superstitionē & credulitatem, etiam apud Messēnios corroboraturus; Aristomeni, jam ad expeditionem accincto, secundū quietem, Helenæ, Castoris, ac Pollucis, oblatâ, supra mortalem habitum, specie, vetuit: in eam urbem aliquid inimicum moliri, quæ trium Numinum illorum genitrix aliquando fuisset, ac nutrix. Hoc igitur absteritus ille Somniō, destitit tum quidem cœptis, neque tamen in universum quievit; quò minùs aliter identidem, alitèrque, Messēniorum suorum res ac fortunæ augeret. Laborabant autem ii nummariâ potissimū difficultate:*

Pp 2

qua

Ruina Messēniorum.

qua præpediti, castrenſia ſua, contra Spartia-  
 tas, opera conſiliâq; , tardiùs, ac vellent, emo-  
 liebantur. Id cùm ſentiret, ac non rarô, pa-  
 triæ nomine, doleret, *Ariſtomenes*: diſpicere  
 ſecum, traherêq; cum animo ſuo, cœpit; quo-  
 nam paſſô, non ſibi, ſed Meſſeniorum ærario,  
 locupletando pecuniam quàm maximam fa-  
 cere poſſet. Iniit autem, vir, non callidus mi-  
 nùs, quàm ſtrenuus, tale conſilium. Erat in fi-  
 nibus Laconum, *Caryum* (*uu*) oppidum, in  
 cujus delubro, ſicut alibi Limnâtis Diana, ſic  
*Caryâtis*, antiquitus erat in veneratione. For-  
 tè tempus inſtabat anniverſarium; quo tem-  
 pore Lacænæ *Virgines*, ex more, viſtimas &  
 choros erant Dianæ ducturæ. Jámque dies  
 advenerat ſollemnis, quo, tum privatæ ſortis  
 puellæ, tum inprimis nobiliſſimi cujuſque di-  
 tiſſimique filia, plebejis à puellis tam formæ  
 dignitate, quàm habitûs, ornatu, facilè diſ-  
 cernendæ; Deam choreïs ac cæremoniis ho-  
 norare debebant. Eam igitur ex inſidiis ſpe-  
 culatus opportunitatē *Ariſtomenes*; cum ſuo-  
 rum armatâ validâque manu, clarô die pro-  
 rumpit: & in *Virgines*, ut in mediô chorearū  
 calore, tale nihil, neque metuentes, nec præ-  
 ſentientes, dat impetum: diſſipatôque puel-  
 larum

Ruina Meſſeniorum.



arum agmine, cùm aliam alia fugæ viam in-  
tenderet, milite Messeniô circumfusô, capit  
omnes. Ac *tenuioris* quidem fortunæ virgi-  
nes, sinè morâ, gratuitôque, liberas remittit;  
ad suos quamque parentes ac necessarios.  
*Opulentiores* autem, ac natalibus eminentes,  
retinet universas: inserîsque vinculis,  
ad Messeniæ vicum quendam, diversoriûm-  
que, perducit. Ibi, quoniam nox ingruebat,  
quietem & ipse capit; & capere suos jubet.  
Nequa tamen interim injuria captivas in vir-  
gines cooriretur, per absentiam suam, ac te-  
nebrarum occasionem: severè suis interdicat  
omnem adversùs eas, ceu *Diana Virgini* Sa-  
cras, intemperantiam, atque proterviam: &  
ipse, ne cautior esset in *præcipiendo*, quàm  
*tuendo*; de prætoria cohorte sua custodiam  
illis apponit: ac deinde dormitum concedit.  
In quo negotio toto, præclarè quidem ille,  
providenterque, se gessisset; *si, quemadmodum*  
*Virginum pudicitie Custodiam, sic & Custodibus*  
*ipsis Custodes alios, & his secundis Tertios, appo-*  
*suisset.* Nunc enim, & vinô Juvenes, & no-  
cte, formæque Virginum Lacænarum, ac li-  
bidinis denique vecordiâ, transversum agen-  
tibus; conticiniô tenebrarum, minimô minùs

Pp 3

abfuit:

Ruina Messeniorum.

abfuit : quin vis ac vitium puellis inferretur. *Aristomenes* autem , clamore tumultûque , tum incurfantium juvenum , tum reluclanti-um virginum , excussus somnô , cubilique ; lucram ac periculum , interventu suo , discutere conabatur : utpote , qui primùm omnium *integritatis* illarum ; deinde , secundas inter curas , ingentis , quam ex earum libertatis pretio redacturus esset , *pecunie* , rationem haberet. Cùm autem , ut inter cupidine furentes , jamque nec in Imperatoris sui , nec in suimet potestate , constitutos adolescentes , non clamoris vocibus , non acribus hortamentis , & intentatione minarum ac necis , quidquã se proficere sentiret : ad id denique decurrit extremum , quod in eo magnopere , magnus etiam *Ecclesiæ Doctor* , postea celebra- vit. (xx) *Gladio* namque districtô , petulantium illorum impudicissimum quemque , cæterorum ad terrorem , & ad modestiam in officio continendam , in ipso calore cupidinis eorum , interfecit ; ac Tartaro transmisit. *Pue-llas* autem , *inviolatas ad unam omnes* , noctis toto residuô spatiô , *fugienti* , quàm *victori* , simi- lior , iter faciens ; *Andaniam* denique perdu- xit. Ubi tamen majus à *civibus suis* , quàm à

*Spar-*

Ruina Messeniorum.

*Spartanis* unquam antehac, periculum incurrens, & ab occisorum juvenum propinquis ac parentibus cædis postulatus; capitis discrimen adiit. Sed id tandem discussere captivæ Virgines: quæ, Judicium Messeniorum advolutæ genibus, eousque perstiterè, pro Raptore simul, & Ereptore suo, supplices; donec capitis periculo liberaretur: negantes, ac dejerantes, in Patriam se redituras, aut in plantas pedum assurrecturas priùs; quàm secundùm *Aristomenem* datum judicium esset, quod absolutum eum, extrâque periculum, declâraret. Eâque res, & honori fuit *Aristomeni*, tutori *Pudoris*: & Messeniis emolumento; grandî, pro sic restitutis virginibus, à parentibus earum refuso pecuniæ cumulô. quæ is omnem suæ Civitatis intulit ærario; multis in unico factô titulis admirandus. Nam & prædo fuit Sacrilegus; & homicida glomiosus; & Reus honestissimus; ac Reipublicæ demum suæ Quæstor, in privata sua paupertate, magnificus, & liberalis.

XIII. Ad summam! Magnus in hoc Virginum, ab injuria tuendarum, factô, fuit *Aristomenes*: omninoq; dignissimus omnî posterorum commendatione. Quem si nostro-

P p 4

rum

Ruina Messeniorum.



rum quoq; temporum *Duces militares*, & exercituum *imperatores*, in bellica coërcenda licentiâ, castrensiq; petulantia castigandâ, sibi sumerent imitandum: minùs multa matronarum ac virginum ingenuarum, in hoc ipso, quo jam *annis quadraginta* flagrant *Germania* nostræ, bellò, discere deplorarèq; supra cogeremur. Simul & alia complura, dedecoris turpitudinisq; plena, flagitia, quæ castella, munitiones, urbes, & castra, foedant, minuerentur: si, quæ deberet, *tribunorum Praefectorumq; militia*, Severitas, legum exerceat custodiam. Nunc, multis multa peccare libet; quia licet, & impunè peccatibus cedit. *Duorum* hæc, capitumq; (tametsi per se nonnunquam abstinenter agant ipsa) vel ignaviâ fiunt, vel immodicâ formidine: metuentium, ne, si militarem in lasciviam legibus agant, ac suppliciis animadvertant; compositò tandem aliquando bellò, solutus sacramentò, dimissusque, miles, in adversariorum, ac Judicum suorum, arces & prædia, ferrò, flammis, ac latrociniis, impetum faciant: ditiorumq; vastatione, conceptum in eos odium, & ultionis cupidinem, exsaturent. Quod univèrsam tamen, quid est aliud, quàm, in tanta

morum

Ruina Messeniorum.

morum castrenſium corruptelâ, propter *Panicas* quasdam, ac plerumq; vanas, *formidines*, diſſimulandâ; pluris rem facere *Privatam* ac *Domesticam*, quàm *communem* omnium atque *Publicam*? pluris, unius interdum *Villule*, vel *agelli*, quàm totius *Imperii*, pëndere *Ruinam* & *Interitum*? Quæ proinde cautio *Providentiâ*que, nōne præpoſtera magis, quàm è re-  
ctæ mentis ac *Judicii*, legibus eſt? *Teneret* ſanè *curſum ſuum Jus & æquitas*: *perirétq;*, ſi neceſſe foret, non *fundus* tantùm, ſed vel ipſe *mundus*! *JUSTITIÆ Custodes*, *incustoditos* *DEVS Juſtus nunquam dimitteret*; &, amiſſa per injuriam, favoris extraordinarii compendiō reſtitueret. Interim, quæ Dei bonitas eſt, ac *Providentia*, non deſunt tamen, ne noſtris quidē his tempeſtatibus, *antiquæ Severitatis*, in coërcendis improbitatibus, renovata, per *recētes*, *Exempla*. Sanèque, talium unum aliquod, & item alterum, quorum ipſimet nos oculati fuimus teſtes, huc inferi; non erit extra noſtri laboris inſtitutum. Cùm ergò *trigeſimus ſecundus* iret *Sæculi*, quo nunc iſta lucubramus, *annus*; & urbs *Auguſta Tiberina*, cujus inquilinus tunc eram, à copiis *Bojo-Cæſareanis*, manè quodam, ſub adultum *Aprilem*, par-

Pp 5

tim

Ruina Meſſeniorum.

tim astu compendióq; , partim autem & virtute fortissimi Centurionis, *Constantini Benzenavii*, capta, déque manibus extorta præsidia priorum, *Sueco* faventium, esset: *miles*, laboris sui periculique pretium præmiúmq; , discurrendi per urbem, ac prædandi, tres circiter aut quatuor horas, licentiam adeptus; prædas agere, quantas, & à quibus voluit, promiscuè cœpit. At *equitum* unus, cultu corporis, ac formâ roboréq; , conspicuus; omiſſis opibus, potiùs, ut impurus, ac libidine pécitus hircus quærebat; in qua turpitudinis suæ furorem sedaret. nec difficulter invenisset (utpote perterritis omnibus) in ætate maturiore. Sed illius tanta fuit, ac tam vecors, Cupidinum impatientia: nihil ut pensi duceret; si vel in *Proserpinam* ipsam, eamq; *trimam* aut *quadrinam*, incurriſſet. Incidit igitur in *puel-lam*, religionis, ab nostra diversæ, cultricem, vix *duodecenni* grandiorē natu: quam detestabilis ille, vel ideò saltem, putavit injuriâ digniorem, quòd in *Sacris* à se dissentiret; cùm ipse tamen, inter hæc, neque *profana sacris*, nec honestum turpî, nec deniq; naturæ *tempestivæ* legē ab *immature* Veneris obscœnitate, distingueret. Misellam igitur illam,

qui-

Ruina Messeniorum,



quiritantem licèt, & vociferantem, sed nullius, inter arma, præfidiò sublevatam, intemperantiæ furiis illis, quibus *Gabaite* quondam uxorem *Levite* strangulârant, vexavit: &, absolutò tandem scelere, jamq; resolutis in deliquium Virgunculæ membris, mori cōegit. Sed nequaquam impunè. *Tribunorum* enim, qui tunc urbem occupârât, *fortissimus*, *SALISIUS*, generis æquè virtutumq; nobilitate clarus, & præsidio *Bojo-Cæsareano* supremâ pro potestate *præfectus*, ut primùm rem tam atrocem didicit; reum abripi sinè mora jussit: &, urbe militiâque spectantibus, antecubiculares fenestras, illius ipsius domûs, ac penetralis, in quo tam execrabile nefas patratum fuerat, suspendi, sicut is abreptus abstractûsque, non ante multò, fuerat è lecto. Quem & nos proinde, spectaculò *Justitiæ* lætò, *pendentem* aspeximus; auricomâ volitantèq; cæsarie capillatum; veste pretiosâ, corporisq; proceritate dignâ, spectabilem; & ocreis candidis, inauratisq; calcaribus, fulgentem: ad summam! In nullo (quod homines vulgò clamabant) *unquam antehac Equò, tam pulchrè sublimem & conspicuum*. Acciderat insuper, expletis jam illis, de quibus præfatus sum,

ad præ-

Ruina Messeniorum.

ad prædandum concessis, horis: ut *Juvenis* quidam, ab exteris sacris ad nostra, per eosdem illos dies, transgressus, quique, diuturnus urbis incola, complurium nosset civium ditiorum arcana, defossasque fortunas; militum audacissimo cuique; notitiam suam aspergeret: & iis, ut abstrusa passim refoderent, non *auctor* modò, sed *index* etiam, *ductorque*, fieret. Scelere compertò, (quippe multis, calamitatem suam, & exhausta defossis opibus *scrinia*, lugentibus) idem, quem laudavi modò, *SALISIUS*, abripi furum hunc & raptorum antesignanum, imperavit: & ab officina *Pileorum*, quorum opifex fuerat, in *furcam*, urbis meditullio tunc imminentem, agi. Quæ dum fiunt; ecce, confertam, ut fit, inter multitudinem, quæ spectatū confluxerat, adulti floris *virgo*, sive sponte suâ, naturæque misericordie motu, sive jam antè subornata, sese medium in agmen ac stipatores, intrudit: proximæque juvenis *Rei*, jam patibulo propinqui, tergum, non advertente lictore, constituta; quasi *Virginitatis*, quod ipsa sibi, cunctas apud gentes, & inter *Arma* quoque, fingeat, *Privilegiò*; promptè districtò, quem ad latus gerebat, cultrò, restim, qua post dorsum

Ruina Messeniorum.

sum revinctæ furis manus erant, scienter, ac celeriter, discindit: juvenemque jam deinceps, & *maritum* sibi simul, & *liberum*, esse jubet. Eum enim se, sicut antehac *Sponsum* habuisset, sic posthac *conjugem*, habituram. Quo puellæ sermone, factoque tali, tam inexpectatō, peractō; quid homine, lignum infelix jamjam ascensuro, felicius? quid, tanquam ex inferis revocatō, lætius videri poterat, & hilarius? Totō certē forō salario, vix seipsum capiens, exultansque gaudiō, discurrebat; sibi gratulans, *suaq; Sponsæ*, voce plausūq; clarō, gratias agens. Applaudebant autē, & acclamabant unā, plerique spectatorū. Illorum igitur excitatus vocibus, ac tumultu, *Tribunus*, is ipse, quem suprā memoravi, qui *suspensum* imperaverat, quique tunc imminentem illi circo domum incolebat: de fenestra, *Quenam caussa tam insolentis clamoris ac latitiæ repentē sit enata*, sciscitatur. Discit rem omnem, à respondentibus; &, ut vir sagax acutæq; mentis, statim suspectam habens, in genus ac nomen *Puella* quæri, mandat. Reperitur, labore non multō; quæ se *Pi-leonis* videri *Sponsam* nuptamque voluisset, *uterina* fuisse *Soror*. Quare, morā nullā, qui tan-

Ruina Messeniorum.



tantisper asservatus à satellitio Tribuni fuerat, ad patibulum postliminiò juvenis infelix abripitur; multùm, cum puella, quòd tam impròsperè suus utrique dolus ac spes cecidissent, plorans, ac lamentans: sed lacrymarum fructu casso. Nam, fustuariolò (ni fallor) multatâ *virgine*, quòd eximere morti germanum suum incestò connubiò tentasset; verò nimis, ac properatò, supendiò miser hic necatur: & exitiali, circa collum nodò Sponsalia *dissolvuntur*. In *Salisio* verò, Justitiæ studium, æquitatisque rigor, ab universis in coelum efferuntur. Sed nos ad institutam nobis gestorum *Aristomenis* enarrationem regredimur; ea, quæ diffusissimè *Pausanias* evolvit, in summam compendiumque redacturi.

XIV. Fecit autem ac passus est, post hæc, quæ modò commemoravimus, ista ferè, quæ nunc enumeratum imus, *Aristomenes*; & fortiter, & cum totius Græciæ laude. Ratus hic, eandem locorum omnium, ex foemineis choris, prædandi fortunam fore: cum didicisset, Aégilæ, Laconix vicò, Lacænas matronas in fano Deæ *Cereris* anniversaria facere *Thesmophoria* (yy): cum suorum fortissimis eodem  
& ipse

Ruina Messeniorum.

& ipse venit; iterumque locatis, uti nuper *Caryatidibus puellis* tetenderat, insidiis: opportuno, quo visum est, tempore, profiliit, & in coetum mulierum impetum fecit. Sed hæ, *viragines* se, non *virgunculas*, præstitere: partimque cultris ac secespitis sacrificialibus, partim autem & veribus fervefactis, quibus exta visceraque victimarum tunc ad flammam assabant, correptis, &, siquid præter hæc aliud occurrisset, in arma versò: Messenios viros, ipsæ *feminae peregrinae*, furiis, si non & multitudine, superiores, malè mulcant: eorumque complures graviter sauciant. *Aristomenem* ipsum, ardentibus Cerealium sacrorum facibus, in os, barbam, ac faciem ingestis, ejusque capite, tedarum incussis ictibus, sine cessatione crudeliter dedolatò: tandem vivum eum capiunt; onustumque vinculis, in delubri sacrario tantisper, quoad postridie dilucesceret, adservant. Is tamen nihilosecius, ex ea se custodia, prius, quam mundo dies redderetur, expediens; semet libertati, suisque Messeniis, restituit. Erat enim delubri Cerealis antistes, ac Sacerdos, *Archidamæa* quædam. Ea, vinculis per admotas ingeniosè faces exultis, clam omnibus *Aristomenē* effugisse,

Ruina Messeniorum.

gisse, manè caussata; custodiæ, sibi commissæ, negligentiam, *facile-credulis* quidem, labore non magnò purgavit: *prudentioribus* autem, quique veteres ejus in *Aristomenem* amores perspectos habebant, nunquam in solidum absolvit se; quò minùs ultrò, beneficiò tenebrarum, emisisse procum suum, casta novæque Penelope, crederetur. Cùm porrò *tertius* jã procederet belli *Messeniaci*, quod ordine *Secundum* dixerunt, annus (22): *Lacedæmonii*, tot *Aristomenis* adversùs *Spartam* injuriis, & in *Spartanas* insidiis, hostilibusque factis, irritati; denuò correptis armis, ad locum, cuj *Fossæ Magnæ* nomen fuit, castra collocârunt: & cum omni *Messeniorum*, *Arcadumque*, qui *Messenis* subsidio venerant, multitudine, collatis signis; præliò cruentò, propemodumque *Messenis* internecinò, decertârunt. Victoriæque penès *Lacónas* stetit: nec operosa tamen, neq; gloriosa; quippe, donis, & aurò, quo sæpe debellatum est, *Aristocrate* corruptò, *Trapezuntiò*; qui, licet exterus, *Arcadas* eo tempore, regiò nomine potestatéque, domi bellique gubernabat. Hujus namque perfidiâ, quâ fugere suos, e-mentitò periculò, jusserat, apertâque per me-  
diam

Ruina Messeniorum.



diam aciem eruptione, vixdum etiam inito  
prælio secum abstraxerat; res Messenia pro-  
dita Spartanis est: inque medio concisis Mes-  
seniis, & saviente citra miserationem ullam  
Lacedæmoniorum nundinatoriô ferrô; quod  
reliquiarum de suis *Aristomenes* colligere va-  
luit; id secum, non tam ex acie, quàm *lanie-  
nâ*, Magnæq; Fossæ *Sepulcris publicis*, extra-  
ctum, reduxit in Messeniam: quantum in i-  
pso, constantiâque certaminis ejus, fuit, aut  
*victor* Lacedæmoniorum, aut *equalis*; *Aristo-  
cratis* autem *Arcadumque* scelere, *victus*, &  
*eversus*. Et *Aristocrates* quidem, posthæc, de-  
prehensîs, quæ perfidiam ejus convincerent,  
litteris, occasione quadam aliâ: suorûmmet,  
quos fraudulentô fugæ consiliô jussuq; cir-  
cumscripserat, manibus lapidatus; Messeniis,  
& communi gentium juri, pœnas dedit. Et  
quamvis *Rex* esset, quia tamen *proditione* suâ  
non veritus erat, exercitum intègrum *sepeli-  
re*; projectus *Inssepultus* est. *Aristomenes* autè,  
cùm frustra jam in posterum, à tam exigua,  
quæ cladi superfuerat, Messeniorum multi-  
tudine, retentum *Andaniam* iri, satis intelli-  
geret: & ex illo loco suis, & ex omnibus  
præterea cæteris, à mari remotioribus, nimi-

Qq

umq;

Ruina Messeniorum.

ūmq; distantibus terris, ut emigrarent, auctor  
 fuit. ūtq; non *verbis* eos potentiùs, quàm *ex-*  
*emplò*, traheret; primus ipse, facultatibus, quā-  
 tascunq; reliquas habebat, ac domesticis su-  
 is, abductis: in locū, qui defensionī commo-  
 dior appareret, sese recepit. Erat is, Messe-  
 niæ regionis, mons arduus, *Ejras* nomine;  
 quem Latinitatis scriptorum, alii quidem  
*Iram*, alii verò dixerunt *Eram*: neutri perpe-  
 ram; cū, linguæ suæ secuti consuetudi-  
 nem, diphthōgi vocalem alterutram retine-  
 rent, alterā prætermisā. Quod nimirum, &  
 aliis compluribus accidere vulgò dictioni-  
 bus, videmus, è Græcia transportatis in La-  
 tium: ut, & Laodicéam rectè proferamus, &  
 Laodiciam: Apaméam, & Apamiām: Hip-  
 podaméam, & Hippodamiām, ac sic de cæ-  
 teris ejus generis. Sed ad *Ejram* revertor  
 montem. Eum, muris circumclusum, & ope-  
 rosè validèque communitum; receptis intrā  
 mœnium ambitū Messeniorum reliquiis u-  
 niversis, præsertim bellō prorogando magis  
 idoneis, & ad patriam prole reparandam ap-  
 tis; Arcem Aristomenes fecit, & commune  
 Messenii nominis propugnaculum. Id autem  
 oppugnare continuò, magnis orsi copiis,  
 sum-

Ruina Messeniorum.

summisque viribus, Lacedæmonii; cū, impetu statim primō sese capturos *Ejram*, in maximam adducti spem essent, & à multitudine suorum, & à paucitate Messeniorum conspecta: propter alacritatem tamē ac fortitudinem propugnantium; non illo duntaxat insultu primō, sed & deinceps, in annum *undecimum* usque (quis non obstupescat *redivivam*, in unico monte, *Trojam*?) frustra fuerunt. In summa! Fracti diuturnitate circumsessionis, & oppugnandi morosa contentione, Spartani; denique, rebus infectis, domum, unde venerant, abscesserunt. Non abstitere tamen bellō Messenii: sed, annonæ pressi difficultate, monte suo munitionibusque, propemodum in dies crumpere; prædas ex agro, qui suus aliquando fuisset, nunc autem Laconum factus esset, assiduas, & impune quidem, ut plurimum, agere; locupletare suos; nudare fortunis ac facultatibus Lacedæmonios. Quibus rebus id effecerat tandem *Aristomenes*; ut, desperatâ frugum suarum custodiâ Spartani, prætermisissq; posthac arationibus sationibusque finium illorū, qui Messenios hinc, & inde Laconiam, contingebant: & ipsi messes suas, facere prædam

Qq 2

hostium

Ruina Messeniorum.



hostium desinerent; & ex alieno vivere, Messenii raptores inciperent: quippe, quibus, in hunc modum, & suæ fruges nullæ nascerentur; & hosticæ, cum spe rapiendi, pariter exaruisent. Tumultuantibus igitur, ob intermissam agrorum culturam, Spartanorum opulentissimô quôque; quod his & frumenti fertilitas, & è venditionibus lucrum, intercederent: sollicitabatur populi multitudo, primorum civium ditioribus, in penuria victûs, ut plurimum ex foenore venalis, & obnoxia: prælium ut in Messenios flagitarent; quò, sublatô tandem *Aristomene*, malis tantis, ac tam diuturnis, finem aliquem invenirent. Delectum igitur, intentiore, quàm unquam antehac, curâ, magistratus habent; armæque conscriptis, & equi, dividuntur. Ut autem ad manus quàm citissimè veniretur; faciebat & metus; ne, nisi Spartiatæ Messenios prævenirent, ab *Aristomene* Messeniisque prævenirentur; aliquo, vel astu, vel impetu repentinô, captâ Lacedæmone. Nam & *Pharas*, Laconicum oppidum, de quo suo nos loco suprâ meminimus; & *Caryátidas* quondam puellas, ex insidiis ab *Aristomene*, recordabantur, interceptas, inque potestatem ejus

reda-

Ruina Messeniorum.

redactas. Novissimè quoque, dux idem hostium, cum suorum audacissimis, per obscura noctis, clam oppidanis omnibus, adrepens *Amyclis*; locum eum, sub lucis exortum, nihil tale metuentibus aut cogitantibus *Amyclæis* incolis, opprimit; captumq; diripit: & ingentî cum præda, prius, quàm id *Spartæ* resciri posset, aut indidem succurri, recedit; *Ejramq;* revertitur. Eam cladem graviter, non *Amyclæi* tantum, sed cæteri quoque *Laconum*, & inprimis *Spartæ* civitas, acceperunt. Erant enim *Amyclæ*, *Laconicæ* regionis, inter *Peloponnesios*, oppidum, *Semideorum* *Tyndaridarum*, *Castoris*, *Helene*, *Pollucis*, patrium; & aliquantò magis proprium, quàm *Sparta*, solum: quippe, *Tyndari* quondam regia-sedes, ac domus. Erat insuper eadem ipsa, quam diximus, urbs *Amyclarum*, *centum* illarum urbium una, quibus urbs *Lacedæmon* jam antiquitus imperitare consueverat: quæque propterea particeps & ipsa fuerat communium illorum, quæ pro *Centum* oppidis illis, & eorum incolumitate, facere quotannis *Spartani* solebant, *Sacrorum*; quibus inde nomen *Hecatombarum*, quasi *Centum boum*, qui tradebant in victimam, adhæsit. (*Aaa*) Id i-

Qq 3

gitur

Ruina Messeniorum.

gitur oppidū tale, tam *indignè*, sicut aiebant, ab *Aristomene* tractatum esse; nec tamen ab eo, ne post hæc quidem, eruptionibus depredationibúsque quotidianis temperari: graviter & acerbè ferentes Lacedæmonii; quò minùs in eum, magnâ comparatâ manu, moverent, haud ultrâ distulerunt. Incidit autem in eos *Aristomenes*; dimidiâ copiarum suarum parte debilior Spartanis, numerò plurimís: utpote, cum quibus uterque *Regum* suorum, cumque suò quæque rege multitudo juventutis ingens, & ad dimicandum ardens, exisset in pugnam. Pede collatò, certatur acerrimè. Spartanorum vis omnis, & ardor, tanquam *grando* quædam, ac tempestas, in unius potissimùm caput *Aristomenis*, ejusque prætoriam manum, effunditur. Nec ille sibi deest. Sed, oppressus multitudine, saxòque capite tenus graviter afflictus, & aliis toto corpore vulneribus acceptis, cum, offusis vertigine tenebris, *animò* jam haud minùs, quàm *genibus*, deficeret; à Lacedæmonum irruente globo, vivus etiamnum, ac nondum tamen omne repugnandi studium intermittens, capitur: inditisque vinculis, cum aliis è prætoriam cohorte, *quinguenta*, Messeniorum fortissimis,

*Ruina Messeniorum.*



simis, Lacedæmonem, ingenti civitatis lætitiâ, raptatur. Erat antiquitus Spartæ *Carcer*, cui *Ceádæ* nomen. Is carcer, nequaquam cedebat, aut squalore carceri *Tulliano* Latinorum; aut, horrore tenebrarum, Atheniensium *Bá-rathro*, vel *Ancóni* Carthaginis; aut rigore, frigoreque, Syracusarum *Latomis*; aut altitudine denique depressioneq; Cyzicenorum *Profundo-maris*. de quibus omnibus reorum custodiis, alibi nos quoque meminimus; & ante nos, Cæsar Baronius, tum in annum Christi quinquagesimum octavum, in Annalibus: tum, in diem Martii decimum quartum, in Fastis. Sed omnia simul omnium, unus & idem Ceádæ carcer Spartanus, incommoda maláq; secum includebat. Erat enim terræ dehiscens *vorago* profundissima, tenebris, & odore cadaverum, graveolentissima; lateribus undique, tanquam parietibus ad perpendicularum exactis, præcisè deruptis, atque scopulis: solo quoque, pavimentóq; saxeó. Locus denique, qui totus ipse Saxum videri posset; nisi, quòd repertum postea, casu quodam ac fortunâ monstrante, sit; fundum carceris ultimum, fabulosi quiddam in lateribus habere: cui saxeæ moles, velut ipsâ suâ profun-

Qq 4

Ruina Messeniorum.

funditate fatigata deficiensq; non nihilò mollius inniteretur. Hæc, quam descripsi, *Ceæda* facies ac situs erat. *Ceæda* verò non tam *Carcer* reorum, *supplicio* destinatorum; quàm *Supplicium ipsum*, suppliciorum omnium teterimum, & extremum. In eam certè, non vulgò, nisi *capitalium*, eorùmq; *maximorum*, condemnati criminum, & exempla novissima promeriti, præcipites agebantur. (*bbb*) Perductis igitur, uti dictum est, Lacedæmonem *Aristomene* captivitatisq; sociis; imperiò regum, & Ephorum decretò, *quinquaginta* primùm illi, quos, unà cum *Aristomene* captos in acie, memoravimus, in *Ceædam* abjiciuntur: abjectique, statim eliduntur, & intereunt. Post eos autem, & *Aristomenes* dux, dejicitur: & quòd priorum cadaveribus potius, quàm pavimenti saxi, incidisset, inviolatus undequaque, tantò licèt à casu, salvusque, præter mentem omnem dejicietium, & inscientibus penitus inimicis, descendit. Id autem, quòd retulerim, super cæterorum confertam *cadaverum* struem, non autem in *lapideum* statim solum, cum delapsus esse; longè propius fidem, ac rerum gestarū veritatem, est: quàm, quòd, figmentorum amatrix, quorundam

Ruina Messeniorum.

poësis

*poësis* magis,quàm *historia*,memoriæ prodidit:  
delabi jam incipienti Duci,divinitùs *Aquilam*  
subsidio venissè;quæ,dispasiss alis, *Aristomeni*  
se subjiciens,eum molliter ad ima voraginis  
usque deportârit. Quod nobis,in tanta pri-  
scorum fabulandi mentiendiq; libidine,faci-  
litatèque,sicut refellere,nullius esset molis,&  
operis;ità laboris,in refellendo,nullum ad-  
modum operæ pretium,atque lucrum. Sit  
fatis;*Aristomenem*,ex eo casu,quocunque tan-  
dem vel Fortunæ,vel Numinis,favore,super-  
stitem incolumémq; perdurâsse: quin & *bi-*  
*duum* (ccc) illic solidum,inter pædorem ta-  
búmque tot exanimatorum corporum, o-  
mnibus vitæ subsidiis,alimentisque, destitu-  
tum,mœstissimâ solitudine sessitâsse: nonnul-  
lâ, sed malignâ tamen, ex ipsis cavernis illis,  
inter tenebras, imagine lucis, *nielante* veriùs,  
quàm *immicante*. Sed hujus ipsius radioli luri-  
dus,ac sepulcralis,aspectus tristior ei *tenebris*  
*puris*,& impermixtis, accidebat; ex eo, quòd  
jam non miser tantum esset, sed etiam, quàm mi-  
sero malòq; versaretur in loco, subintueri cogere-  
tur. Id igitur, ne perpetuò facere compelle-  
retur,palliò,chlamydève,circumvolutâ facie;  
supremis etiam illis, quantuliscunque, lucis

Qq 5

vesti-

Ruina Messeniorum.



vestigiis suffuratus est oculos : & , in media  
 funerum strue decumbens , tanquam in *lecto*  
*Libitinae* , supremæ necessitatis horam ulti-  
 mam , ac fatalem , opperiebatur. Jámque *ter-*  
*tius* illi procedebat , in ea calamitate , *dies* ; vitæ ,  
 supra mortes omnes acerbâ : cùm is repen-  
 tē , quasi *fera* cujusdam *circumreptantis* , adver-  
 tit mobilem strepitum : evolutōque de chla-  
 myde vultu , dum videndi causâ circumfert  
 oculos , ad subobscuræ lucis prætenue jubar ,  
*Vulpem* notat ; cadavera , circūm se posita , nuda  
 membris applicitō , veluti tentantem , & , num  
 adhuc vesca sint , explorantē. Hanc igitur *Ari-*  
*stomenes* , donec & ad se pedetentim perveni-  
 ret , immotus , tacitūque , præstolatur. Accedit  
 ergo tandem eum *fera* ; mortuum & ipsum  
 rata , quòd , statuæ similior , quàm homini  
 vivo spirantique , persisteret : os , & nares , ap-  
 plicat ; ac , velocitate præventa Ducis , cau-  
 dam invadentis , à captivo , momentō citius ,  
 capitur ; & capta , detinetur. Irruit invicem  
 in Aristomenem *vulpecula* ; sese moribus in  
 libertatem assertura. Sed , id ipsum providens  
*Aristomenes* , jam totâ veste , qua vultum prius  
 operuerat , manum lavam circumvolverat :  
 eamque , dum interim dextrâ belluam à fine  
 dorsi

Ruina Messeniorum.

dorsi constringit, quasi vicariam ream, & hostem, obicit, dentibus appetendam. Sed non perveniebant ad plagam ullam, vulnúsque, feræ sævientis dentes; prohibente crassitie chlamydis, ad vivum usque mordentis iram infigi. Perseverabat nihilominus, & ista sævire rictibus, iracundùm ganniens; & *Aristomenes*, omnî digitorum contentô robore, vulpis inhærere caudæ: donec, ad extremum, desperatâ *vulpes* victoriâ, respectare latibulû suum, ac foveam, unde venerat, coepit: & ad eum, unde minimæ lucis aliquid affulxisse diximus, *Ceæde* locum festinare. Tunc enim & *Aristomenes*, in spem erectus, exitûs alicujus, occasione fugientis belluæ, reperiendi; volens, & ultrò, se trahendum, ad usque lucis irrupentis ostiolum, *vulpi* permisit: nunc currentem, & ipse currens; nunc autem, tardiùs seipsam emolientem, tardior ac reptans, subsequendo. Cùmque nunquam inter hæc vulpinam dimisisset caudam; feliciter tandem, ad eum, per quem intrare bellua solebat, & reverti, cuniculum pervénit. Eum *vulpes* sibi transitum subterraneû, jam olim, ad infimum *Ceæde*-latus, ac fundum, desinente jam rupe, sabulosum, ac propterea per-

Ruina Messeniorum.

perfosſu facilem , excavârat. Sed erat ejus non major diductiôrque capacitas ; quàm , quæ commeantem ultro citrôque *feram* admitteret: *hominis* autem, ac præſertim robusti proceriq; ( qualis *Aristomenes* fuiſſe fertur ), tranſitû , ut tunc erant anguſtiæ , prorsus excluderet. Satis igitur Dux habuit, impræſentiarû liberam dimittere beſtiam ; quod & fecit : ſibi verò ſpem in poſterum haud ambiguanſervare, ſuam hanc , ſive *libertam* , ſive *fugitivam*, non multô temporis interpoſitô ſpatiô ſubſequendi. Nec eum ſefellit exſpectatio ſua. Paullatim enim , non majorem annuum ambarum contentione , quàm *invictiſſimâ Patientiâ* ( quæ vel *adamantina per-rumpit mœnia* ) cuniculum *vulpis*, ſabuloſum, ampliorem ſpatioſioremque reddens ; eum tandem ad corporis ſui craſſitiem & habitudinem adeò redegit, & aptavit: ut, hunc perreptando, *quintum* adhuc *ante diem*, in libertate ſtaret ; *Ejreque* ſe ſuæ, jam dudum licèt ab omnibus conclamatus , vivus incolumiſque reſtitueret. Lætum id *Ejreis* , & quaſi cœlo delapſum , *ſpectaculum* erat, incredibilis contrâ ſpartanis , de Meſſenii libertate Ducis, rumor accidebat ; & tanquam de re-

divi-

Ruina Meſſeniorum.



divivo recoſſoque Péliâ, vel ab Inferis redu-  
ctô Theſeo, *fabula* magis, quàm *Fama*, diu  
viſa. Sed dies tandem ipſe, Spartanorum-  
que ſubſecuta clades, *Ariſtomenem*, & vivum  
declarârunt; & liberum atque *virum*. Ut pro-  
inde, locum hîc etiam haberet illud *Romani*  
poſtea *Sapientis* acutè dictum; *Multos & Car-*  
*nifici ſuperfuiſſe ſuo*. Credere porrò coacti Spar-  
tani ſunt; reverà ſuperſtitem eſſe ſupremo  
ſuo ſupplicio Ducem *Ariſtomenem*, ex eo pri-  
mùm eventu: quòd *Corinthiorum*, non con-  
temnendam, manum, auxilio Spartanis, ad  
*Ejram* rursus oppugnandam, ſubmiſſam, ir-  
ruptioneque nocturnâ temerè diſperſam &  
ſopitam, aggreſſus Meſſenius; partem magnâ  
diſjecit, ac proſtigavit: partem verò majorem,  
cum quatuor Corinthiorum ductoribus, fu-  
dit, ac delevit; reliquias autem auxiliatorum  
tenues, refugere Spartam coëgit, nuntiaturas:  
*Ariſtomenem*, & ſocios Lacedæmoniorum ſu-  
premîs affeciſſe malîs; &, eorundem caſtra,  
prætoriumque, more ſuo veteri, diripuſſe.  
Subſecutus eſt autem poſt hæc caſus alius;  
ex quo diſcere Spartani compulſi ſunt; *Quiſ-*  
*quis è ſubterraneis regnis, ac funeribus, in lucem*  
*ac terras revertitur, vivis incidere conſueſſe ter-*  
*ribilio-*

Ruina Meſſeniorum.

*ribiliorem*. Erant, ex mutua pactione, Messenios inter, ac Lacedæmonios, induciæ, ludorum Sacrificiique causâ: quarum proinde tam *induciarum* fiduciâ, quàm *religionum*, dum, extra muros ac fines *Ejra*, solutiùs atq; licentiùs palatur *Aristomenes*, abstinens interim ab hostico manus, ac prædam; non abstinuerunt ab eo vim & manum hostes. *Septem* enim è *Cretensium* numero *sagittariorum*, qui cōductam Spartanis operam in bello locârant, nec ab excursionibus interim in agrum Messenium se continebant: sive per induciarum ignorance, sive (quod propiùs verum est) perfidiâ, pactorumq; contemptu, prorumpunt ex insidiarum, quas *Aristomeni* tetenderant, locò. Mox, nihil expectantem tale, vel metuentem, cum circumfistunt, obruunt, obrutumque capiunt. captū, quòd à funibus aut catenis imparati, Cretes exierant, pharetrarum suarum loris vinciunt. *Duo* deinde, de prædonum illorum numero, Lacedæmonem, adhuc ante lucis illius plenum occubitus, abeunt; ac de re, pro voto gestâ, Spartanis, haud tristibus, aut indelectatis, renuntiant. Cæteri vero *quinque*, suum ante se *captivum* agentes, Spartam versùs, aliquantò

Ruina Messeniorum.

quantò tardiùs subsequuntur : & in casulam  
 quandam oræ Messeniæ , quæ secundùm  
 viam regiam eis occurrebat, *Aristomenem* vin-  
 ctum, ac pernoctaturum, pertrahunt; ibique  
 deponunt : diluculò posterò Spartam usque  
 perducturi. Sed *evertit* hostium expectatio-  
 nem, & *Aristomenis*, è diverso, collapsas for-  
 tunas ac Salutem *erexit*, casus novus; seu For-  
 tunæ lusus hic, seu Numinis consilium, fue-  
 rit, hunc in modum. Degebat in illâ, quam  
 dixi, casula, cum matre vidua, non usque-  
 quaque pauperrimâ, puella *virgo* : quæ, no-  
 cte, sicut fit, oppressis, & ob id oppidani di-  
 versorii facultate copiâque per diei serum  
 exclusis, viatoribus hospitia solebant, pro rei  
 familiaris copiâ, præbere. Quæ proinde, pro  
 vitæ, professionisque suæ, conditione, non  
 omittebant; & penore mapale suum, & vi-  
 nariâ quoque cellulâ, sollester instruere. For-  
 tè sic evenerat, ut, in lectulo decumbens *vir-  
 go*, nocte, quæ supremam illam *Aristomenis*  
 captivitatem antecesserat, secundùm quie-  
 tem videre sibi videretur, in cauponulam su-  
 am, à lupis aliquot pertractum, *Leonem*;  
 fortem quidem illum, ac generosum, sed, ini-  
 micorum acerbitate, nativis unguibus exar-  
 matum :

Ruina Messeniorum.



matum: ideóque tunc, insiti sibi roboris velut immemorem, & ultionis impotentem. Se porrò, vinctis *leoni* detractis, haud alite paullò post eidem, quàm marito, familiaritatis uxoriæ consuetudine sociatam, in libertatem eum, unguiúmque plenam possessionem reposuisse. *Somnium*, quod fuerat pridiana noctis; id ad rei *veritatem*, nocte, de qua dixi posterâ, continuò *Puella* perduxit, hóc, quem referam, dolò. Namque, vixdum adductò captivò; cùm, conjectis in eum foemineâ curiositate diligentius oculis, *Aristomenem* eum gentisque Messeniæ principem, didicisset punctò temporis eodem, & in *liberationem* illius, &, siquà fieri posset, in *nuptias* cum eius, spem atque cogitationem intendit. Liberaliter igitur, & sine fontani laticis ulli mixturâ, meracissimò *quinq. Cretensibus* illis vino præbito, sopivit tandē omnes; eosque, porrectis quiescere pedibus, post epulas, coëgit. Tunc autē ei, qui, ceteris altiore sepultus esset somnò, rhonchorum à vehementia, deprehendebatur; nec repugnant, neque sententiæ pugionem à latere, deque vagina, diripit ejusque mox acie strictâ, vincula discindit *Aristomenis*. At hic, simulac se *liberum* vidit  
auda

Ruina Messeniorum.

audacter correpto gladio, (*ddd*) *Cretas* dormientes invadit: ac, priusquam primis postremi suppetias ferrent, omnes, in cumulum, trucidat, ac maciat. Quibus in hunc modum perfectis rebus, *puella*, cum videret, *Somnii* sui prima, secundaque, prosperè congruèque factis, ac veritate rerum, expleta fuisse; præstolari coepit, super ultimis, & exitu, *Somnii*, quidnam futurum esset? & utrum is se sponsam duceret, quem ipsa sibi videbatur, tanquam altera novaque *Medea*, vel *Ariadna*, virum emisse, vindiciisque salutis, tanquam allatâ dote legitimâ, promeruisse; qui sibi *Jason*, aut *Theseus*, fieret. At *Aristomenes*, ne fortio rem se, quàm continentio rem, ostenderet: puellæ liberatrici, suas quidem nuptias negavit; filii verò sui, cui *Gorgo* nomen, octodecennis tunc adolescentis, conjugium ei conciliavit, ac confecit. & id quidem, *utriusque* (quod in connubiis ego vel in primis æstimandum esse, reor) mutuâ summâq; voluntate. Cæterum, persolutô sic libertatis ac salutis suæ pretiô; cum non *Iustitiæ* minùs, expectationiq; Virginis, quàm *Somnii* fidei, satisfacisset *Aristomenes*: elusis jam non semel *Spartanis*, in supplicium illius intentis, & li-

R r

ber,

Ruina Messeniorum.



*ber, & focer, Ejram suam, comitatu suæ nuptiæ  
 auclior, est reversus: fridente Spartâ; Sempër  
 levos intervenire Deos, quoties, letitie Spartano-  
 rum immolandus Aristomenes, ad cultros arâsque  
 staret.*

**XV.** Ac servârunt quidem, in eum, quem  
 dixi, modum, sive *casus* humani, sive *consilia*  
*curæq;* Superûm, Messeniorum *Ducem*. non  
 item, ac parî curâ, servavêre *Messeniam* ipsam,  
 ejûsque primariam, id temporis, Arcem ac  
 munitionē, *Ejram*: quippe, tandem & ipsam,  
 post *decem* annorum pertinax obsidium, &  
 oppugnationem, ab hostibus occupatam.  
 Quôdque mirêris: haud ferè secus, ac *Troja*  
 quondam, *Ejra* cōcidit; siquis præsertim u-  
 triusq; studeat excidii capitalem principem-  
 que causam indagare: quæ tam *Ejra* fuit,  
 quàm *Troja*, muliebris impudicitia, jugalisque  
 tori contumelia. Juverit, ad urbium amba-  
 rum comparisonem hanc illustrandam, in-  
 telligere *Ruinæ*, quam *Ejra* Messeniâq; tunc  
 subiêre, seriem, & originem: quæ talis est. Ex  
 Arcadiæ monte, cui *Lyceo* nomen, amnis de-  
 currit, quem *Nedam* vocant; aliquousque per  
 Arcadum loca planiora, jugi meatu, labens:  
 donec, ad Messeniam denique deflexô cursu,

præ-

Ruina Messeniorum.



præterq; montis *Ejra* propemodum pedem,  
 maritima *Peloponnesi meridiana* petens, mediò,  
 Messenios inter, Elidisq; fines, limite, pelagus  
 in Iönium evolvatur. Dum igitur, tot per  
 annos *Ejra*, cum Aristomene, sic circumfide-  
 tur à Spartiatis: ut, quidquid tractandis armis  
 idoneum esset, intrà muros & gremium *Ejra*,  
 conclusum se contineret; pauci verò qui-  
 dam, & è vulgi sæce, suburbana loca, secun-  
 dùm *Neda* ripas, obscuris, iisque ferè pastori-  
 tiis piscatoriisque, tuguriis insidèrent: acci-  
 dit, ut *Empèramum*, herum suum, Spartæ ci-  
 vem, inprimis clarum ac nobilem, servus pa-  
 stor, cum armentis abactis, fugiens; in Messe-  
 niam sese, prope *Neda* fluminis compascua  
 loca, reciperet. Illic, haud ità procul *Ejra*,  
 pecus dominicum quotidiebus ferè, propel-  
 lebat ad amnem, in herbida riparum prata.  
 Solebat autem statis horis eodem & *Messenia*  
 quædam venire *mulier*; oppido montiq; sub-  
 lectam casam incolens: &, in amnem demis-  
 sâ situlâ, pro se, domûsque suæ necessitati-  
 bus, aquari. Mulier hæc, haud inculta, nec  
 indecentis formæ, bubulco visa, quem dixi,  
 Lacedæmonio; confestim adamatur: &, cum  
 eadem eodem crebrius ventitaret, blandis

Rr 2

primò

Ruina Messeniorum.

primò nutuum colloquiorúmque vicibus ,  
 postea *donis* ac *munusculis* , non nisi *pastori-*  
*tiis* , ad foedæ rei consuetudinem invitatur.  
 Fœmina, pro sexûs sui vulgatâ levitate, non  
 pluris pudicitiaë suæ , quàm aqualis sui , si  
 frangeretur, interitum æstimans; ac majoris,  
 caseolos aliquot , quàm totam Lecti fidem,  
 faciens, adulterô se sic totam mancipavit: ut  
 vix ulla nox, ullâve dies, sinè flagitio mœchis,  
 nisi quam mariti præsentia coëgisset esse cō-  
 tinentem , præteriret. Erat enim mulieris  
 Messeniæ maritus è vigilum illorum nume-  
 ro; qui montis, & arcis *Ejraæ*, quâ parte de-  
 biliùs esse communita videbatur , per vices  
 custodiam, & excubias, agitabant. Quo pro-  
 inde fiebat ; ut , quoties virum hunc ordo  
 suus , ad nocturnas præsertim vigilias , evo-  
 casset : *bubulcus* ille *Spartiates*, acceptô, sicut  
 inter amantes convenerat, signô, vel sceleris  
 internuntiô; demptâ morâ, properaret ad ad-  
 ulteræ gurgustiû: ibique flagitioso suo furo-  
 ri fræna laxaret. Acciderat autem demum ;  
 ut, nocte quadam, quâ mœchæ vir, cum aliis  
 è commilitio, stationem suam, sub muris, nul-  
 lo contra tempestates tectô munitis, obibat;  
 solitô spissiùs effusiùsq;, nec ullâ pluviarum  
 inter

Ruina Messeniorum.

intermissione, cœlum omne deflueret: præsi-  
 diariique, tempestatis denique vehementiâ  
 diuturnitatêq; victi, sub tectâ, vel densiores  
 arbores, alius aliorum, dilaberentur. Quo fa-  
 ctum est, ut in hunc modum, arcis ac mœ-  
 nium commissam sibi custodiam, non laxa-  
 rent tantummodo, sed omnî planè præsidio  
 nudarent: atque desererent. Id autem tan-  
 tò fecerant confidentiùs: quòd, eodem ipso  
 tempore Messeniorum imperator, *Aristome-  
 nes*, Ejræ quidè præsens, sed è gravi vulnere,  
 quod à Lacedæmoniis excursoribus accepe-  
 rat, decumbens; ipse per se, more, legêque re-  
 ceptâ, circumire stationes excubiâsq; prohi-  
 bebatur: cæteri verò, quibus suas ille partes  
 delegârat, incuriosius agerent, & officio suo  
 decissent. Hoc ergo tempus, tam infestum  
 horridumque nimbis, cùm pastori Spartano  
 peropportuno, ad repetendum prolongâ-  
 dumq; cubile vetitum, obtigisse videretur:  
 militibus è contrario satis esse magna caussa,  
 cur & ipsi sua regrederentur in domicilia,  
 credebatur. Quo factum est; ut, quo noctis  
 articulò, *bubulcus* Lacedæmonius, in thalamo  
*Messeniae*, mediòq; turpitudinis suæ voluta-  
 bro, vel maximè, bacchabatur: adulteræ ma-

R r 3

ritus,

Ruina Messeniorum.



ritus, amorum uxoris, ad id usque temporis, surdâ cæcâque simplicitate, nescius, ac securus; peccantibus superveniret: insertâq; casæ suæ foribus clave, tumultuosiùs (ab imbre scilicet madens, ac siccari cupiens) introrumperet. Sensit, ex ipso statim primo pedum, & anhelitûs, familiari sibi sonitu, sui conjugis reditum obscœna mulier: lectulôq; desiliens, & *Ohe! Perimus uterque, nisi latueris!* succlamans: *mæchum* quidem in secretissimum, cubiliq; proximum, angulum retrudit: ipsa verò, veste se raptim succingens, & in omnem difficta, plusquam unquam antehac, familiaritatem atque blanditias, in occursum viri, *mulier nequam* effunditur: reditumque tam insperatum, per improbissimam assentationem sibi gaudens, & illi gratulans; madorem vestium, ac totius corporis, meretriciô lamentô miseratur: ac denique; *Quenam tam insolens eum caussa, solitô maturiùs, à statione manu misisset, ante diluculum aliàs redire nunquam suetum?* interrogat. Hic vir, nullius arbitri veritus aures latentes, vocis ac sermonis eâ claritate, quæ pariter à *mæcho* quoque, post fores abstrusô, negotio nullo percipi valeret, & intelligi; causam tam intempestivi

præ-

Ruina Messeniorum.

præproperiq; reditûs uxorem, ex ordine docet: de pluviarum improbo, continentēq; defluxu; de mœnibus, operimentô tecti destitutis; de Ducis Aristomenis, ob vulnus, absentia decubitūque; de vigilum deniq; cunctorum dilapsu, nudatâq; tunc, qua parte debilior, occupatūq; facilior esset, præsidii consuetis arce. Quæ cuncta, cū is mulieri, sicut erant, recensuisset; requietum ambo concedunt: & fatigationi frigoriq; quod ex imbre jugi conceperat, Messenius, futurorum omnium securus, altū ac celeriter indormit. At nō pariter sopitus mœchus *Spartanus*; sed, auditō militis rhonchō, de latebris sese proripiens, notissimisque sibi vestigiis casulâ dilapsus; ad Lacedæmoniorum, quæ cū *Ejram* erant, castra contendit: & in ea, mediam adhuc ante noctem, p̄venit. Ibi fortē tunc, absentibus Spartiatarum duobus regibus, is ipse pastoris herus, de quo dictum superiùs est, *Empéramus*, legati jure, rem militarem administrabat. Eo compertō, pastor, hōc lēti nuntii pretiō fugæ suæ pœnam redempturus; domini genibus advolvitur. Supplicia se meruisse, cōfitetur; delictūq; sui gratiam sibi fieri precatus, eam, post ingentis, quam adferret, rei pollicitationem, impetrat.

Rr 4

Expo.

Ruina Messeniorum.

Exponere deinde , quídam è Messénio recéns audierit, orditur; &, in quónam rerum statu tunc *Ejra* sit, eâque totâ residuâ nocte futura manifestè videatur, demonstrat. Fidem invenit; & *Empéramo*, ducibúsque, quod vult, persuadet. Clam ergo castris , lectissimum quemq; militum, ac centurionum, educunt ac , præeunte *pastore*, sequentibúsque cæteris, nihil minùs sentientibus *Ejraís*, ob aquarum, coelò decidentium, insanum strepitum; monti primùm, dein & arcis summo jugo, moenibúsque, viis licèt asperrimís, adrepunt: ac, repugnante nemine , scalís admotís murum, qua parte visus erat infirmior, exsuperant. Ad summam! sopitis incolís, solísque, præter consuetudinem *canibus* tunc immaniter ululantibus; arcem, & oppidum, & in his duobus, *Messeniam universam*, capiunt. Conclamatur ab hoste; CAPTAM EIRAM! Occupatam arcem! *Spartanorum*, & oppidum, & victoriam, esse! Quæ cùm fierent : *Messenios* , ut in re subita trepidâque, tumultus, & clamor, alios è cubilibus, quippe, somnò stratos; alios è malè vigilatis curis & negotiis, excutiunt. In publicum, & ad muros, arcémque, bellicosissimus quisque rüere ; cum iis, quæ fors & casus in

manum

Ruina Messeniorum.



manum dederant, telis: alius alium, *Salvane summa res?* interpellare, rogitaréque: clamorem hostilem clamore parî retundere: reique totius facie passim foedâ conclamatâq; deprehensâ, pars *fugam* malle; pars *pugnam*, & aciem: cûm neutrum interim ex voto succederet. Ac ne *fœmina* quidem, duâtricihus uxore Gorgi, sororéq; Ducis Aristomenis, *Hagnagorâ*, quæ conjux erat *Evergétida*, Messeniorum nobilissimi, viriles, in urbe retinendâ, manus operásque destituunt. Contemptô namque discrimine propriô, posthabitisque puerorum ac puellarum complorationibus; corripere sudes, moliri tegulas, & saxa; denique, quidquid esset missilium, in hostem de fenestris, & ex alto, jaculari: cupere quoq; tectorum in eos culmina devolvere; nisi plerasque pluviarum assidua pertinâxq; vis, ac vehementia, summas in domos evadere, vel in tectis omnino cōsistere, prohiberent. Quod solum igitur reliquum iis erat; *armis* & ipsæ *virilibus* arreptis; *ostentare* saltem, si non ad successum plenum perducere, *Martialem*, in alieno sexu, *virtutem*: ac viris, ore, vel manuû jactatione, vibrationéq; telorum, ad audendum in hostes, animos & stimulos addere:

R r 5

procûl

Ruina Messeniorum.

procùl etiam, & cominus, ut quæque propior erat, aut remotior, per *cæli fulgurantis* malignam lucem, exemplum dimicantis sui Ducis ponere sub oculos. Etenim, ad mala cætera capti montis, & arcis, pluviis tandem venti quoque vis atrox, & tonitruum ac fulgurum horror intermixtus, accesserant. Per eam ergo lucem, imperatorem illis *Aristomenem*, inter primos pugnam ac prælia ciëtem, vocibus ac digitis matronæ commōstrabant. Nec figmentum id, aut mendacium, erat. *Aristomenes* enim, revera, tametsi graviter, ut dictum est, saucius, & plagâ necdum curationibus ad habitum tolerabilem perducâ; simulac, Spartanos *Ejrâ* potitos, intellexit; ægrum leuulô corpus, conatu violentô, propriens, cum suorum fidissimis; *Gorgô* filiô; *Théoclô* vate; *Mânticlô*, *Théocli* filiô; maritôq; sororis, *Evergétidâ*, medios in hostium globos vadit. Ibi, dextrâ lævâque viam sibi, Spartanorum in agmina, faciens; densatis aliquamdiu cædibus, dubitare cogit hostes; *Verène*, quam ceperant, *Ejram* cepissent? & certè; *Num saltem Victores sese ferrent?* Sed, urgentibus sensim undique malis, ac Lacedæmoniorum multitudine longissimè Messeniorum paucitatem

Ruina Messeniorum.

tatem superante; quin etiam, super hæc, cœ-  
 lô, nubibus, procellis, ac fulminibus, passim  
 eos exsternantibus, *tanquam, qui mortalibus pa-  
 riter, & Immortalibus, essent in visi*: nihilosecius  
 tamen, *Aristomenis* eos & verbis, & factis, ful-  
 cientibus, in tertium usque diem, tertiâque  
 noctem, plenissimè transactam, inter imbres,  
 frigora, tonitrus, cœliq; flammâs; inter vulne-  
 ra, mortes, & vigilias assiduas, & inedia, for-  
 tissimè duravêre Messenii: semper, inter hæc,  
 victoriæ, quàm exitio, viciniore. Ac, nec ex-  
 haustis quidem æternâ pugnâ viribus, certa-  
 mine Messenia gens excessisset: nisi, Théocli,  
 vatis eorum, sæpius repetitâ denuntiatione  
 monitisq; , *superstitione* potiùs quadam, quàm  
*lassitudine*, suadente, finiendæ pugnæ consi-  
 lium cepisset *Aristomenes*. Ea *superstitio*, cu-  
 jusmodi fuerit; ex intima Græcarum religio-  
 num disciplinâ, fuerit operæ pretium, paucis  
 referri cognoscique: quò tantò magis in a-  
 perto, sic quoque, sit *Idololatriæ* vanitas, Ora-  
 culorûmq; perplexitas. Consultus, ante com-  
 plures jam annos, *Apollo Delphicus*, super Mes-  
 seniorum fati, & exitu; responsum jecerat,  
 institutô suô, perquam obscurum, & intrica-  
 tum: quòdque detorqueri, quovis eventu  
 rerum,

**Ruina Messeniorum.**



rerum, posset in sensum, interpretantis ingenio flexilem, & accommodatum: *Donec τράγος amnem bibere Neden inciperet; incolumem, nec ultra, staturam esse rem Messeniam.* Hīs ergo verbīs absterriti, cavere cœperant Messenii; ne quis τράγος, hoc est, *Hircus*, unquam fluentia Nedēs attingeret. Id summā curā, consequentibus aliquot annīs, ne fieret, advigilabatur. Accidit autem, post hæc; ut *caprificus* arbor, (quam, à Græciæ populis aliis aliter nominari suetam, Messenii, per sermonis abusum, τράγον dicebant) adnata *Nede* fluminis extremæ ripæ, non in sublime, stirpium aliarum more, consurgeret; sed, salicum ritu, reclinis, in aquam prona vérgeret; extremisque tandem frondibus profluentem planè contingeret, ac libaret. Id *Théoclus*, Messeniorum augur, ac vates, uti, casu quodam præterambulans, deprehenderat, in Oraculi deflexit mentem: ac, quantum in *Hircum* antehac, tantum in *Caprificum* postea, valere **TRAGI** vocem, contendens; *Exisse jam Messenia fatorum urnam, & periisse gentem!* clamitabat: cò, quòd ex flumine *Caprificus* aquari, biberéq; jam cœpisset. Quod porrò canebat, id timidissimo cuique persuaserat: & in eandem **se-**  
**cum**

Ruina Messeniorum.

cum conjecturam, etiam *Aristomenem*, virum, ut alias meminimus, id genus religionibus supervacuis ad insaniam usque deditum, attraxit. In quo toto tamen negotio Théoclus ingeniosius utique, prudentiusque, facturus fuerat: Si, licet futurorum nec gnarò, nec cogitante, Phœbò Delphicò, *ἱεράων* interpretatus esset *hircosum* illum Spartæ *pastorem*, ac *foetentem* adulterum: *Messeniam* verò *mœchā*, tanquam lascivientem *capram*, ex *Nede* vadis aquantem; & per eam occasionem, ad stupra, de stupris autem, ad *Ejre* capiendæ successum, progressam. Verùm, quidquid & istud fuerit, & illud: excutienda *superstitiosis* illis mens timida fuerat; & *Oraculi* malevolentia, coeptæ fortitudinis invictâ constantiâ, Dis Inferis etiam invitis, eludenda. Nunc autem, ex pugnae medio calore *Théoclus* quidem, responsi Delphici recordatione, turpiter effœminatus; Spartanis se concidendum præbuit. *Aristomenem* autem eò deduxit: ut, eruptione cum reliquiis suæ gentis factâ, fatis tandem indeclinabilibus cederet; eique bello finem ut imponeret, auctor fuit ac persuasor: quippe virò, sicut alioqui maximæ virtutis atque consilii, sic, in hoc duntaxat, seipso plurimum infe-

Ruina Messeniorum.

inferiori: quòd huic sacrificulo, vatique, nullam non in opinionem & credulitatem emancipatus esset. Nam & illud ei jam olim persuaferat idem, quem dixi, *Théoclus*; ut nocte quadam, clam oppidanis omnibus, *Ejra* digressus, Messeniorum operta quædam in hydriæ vase Sacra, mysteriæque, deferret in Ithómen montem: ibique, locò cumprimis abstrusò deviòque, defoderet: eâ mentis inductione, *Theocliq*; promissis; uti cum *Arca-nis* illis, *Ejra* perituris, pariter & universa periret *Messenia*: cum subtraçtis autem, ac servatis, etiam ipsa subtraheretur excidio sempiterno; certissimèq; novas in resurgendi spes reservaretur. Sed hæc prius acciderant: *Aristomenisq*, residuam, rei Messeniæ, contra Spartanos ad extremum tuendæ, fiduciam, hóc ipsò, quàm plurimùm enervârant, ac fregerant. Is igitur, ubi mortē appetisse *Théoclum*, vaticinii sui dictis in nullo retractatis, videt (ceciderat enim *Théoclus*, medios in hostes immisso spòtè corpore): quotquot *Ejra* tunc supererant, pugnis inhabiliores, eos in unum conducit: quid sui sit consilii, quid Deorum voluntatis, exponit. *Actum esse de suprema Messeniorum re, fortunæ, salute; nisi sedes alibi*

*novas,*

Ruina Messeniorum.



novas, antiquis omnibus desertis, querant. Id fieri, si, globò cuneòve factò, medios perrumpant hostes, posse. Quibus dictis cum refragaretur nemo; receptis in medium agmen foeminis ac liberis, ad gentis plurimum imminutæ seminarium, ac posteritatem proferendam: densa per agmina Spartanorum penetrant: &, Aristomene ductore, Gorgò verò Manticlòque, postremos abeuntium ordines curantibus, Ejrà se, simul omnes, ejiciunt. Tum, monte se festinatò demittentes; identidémq; relictas à se Messenia sedes, multo cum animorum motu, rorantibusq; fletu genis, respectantes: Arcadiam versùs universi simul, iter intendunt. Inter ea mala, vox omnium erat una, detestantium Ejrà proditæ, captæq; causas: pastorem, inquam, Spartanum, & mœcham Messeniam. Clamabantque; Fatum unum, & Troja quondam, ac tunc Ejrà, fuisse. Pastorem fuisse Paridem: pastorem, & hunc Lacedæmonium. Helenam, raptu; Messeniam autem adulteram, spontaneò stuprò, suis gentilibus exitio fuisse. Pro quibus tandem meritis, ex arbore peregrinà pendisse Lacenam Helenam. Quidnam igitur esse reliquum; quàm, ut, parì pro delicto, pendeat etiam è caprifico sui fluminis hac adultera Messenia?

Tales

Ruina Messeniorum.

Tales inter questus, ibant *extorres* illi; donec Arcadiæ primos fines, ac Lycæum attigere nemus. Ibi, *sicut extrema calamitas amicos falsos indurat, & è contrario synceros emollit*; dissimulantibus tantisper aliis, qui circum erant, opem ferre, populis: *Arcades* uni solique, pulsis patria *Messenis*, non in occursum modò catervatim, sed etiã in complexum ac commiserationem, haud sinè mutuis utrimque, largisque, lacrymâs effunduntur. Ad hæc, & vestes, frigore confectis, & alimenta vitæ, lassitudine faméque debilitatis, affatim apportant, & obtrudunt. Quid hac liberalitate majus quis, aut tunc ab *Israëlitis* in contribulés suos; aut nunc, in religionis suæ populares à *Christianis*, exspectaret? Arcadiam quidem, ab *Asinorum* multitudine, qui sarcinas ac pondera gestarent, infamare se putavit Antiquitas. Ego verò, tunc *Arcadas* supra Græcos ivisse cunctos laude, contenderim: ut, qui gentis *Messenæ* commune malum, & onus, in sua terga, *concordi pietate*, velut *Instrumentum omnes unum*, susceperint, ac levârint. Nec his, quæ dixi, benignitatis documentis contenti: suarum etiam urbium *optimates* illis, & ut *solatia* calamitatis, & ut itinerum *duces*,

Ruina Messeniorum.

*duces*, submisêre. mox, & in oppida receptos, & per hospitia divisos, habuêre liberaliter; regionis etiâ suâ, siquibus inter Arcadas habitare cordi foret, parte perhumaniter, in sedem perpetuam, oblatâ. Verùm, *Messeniorum* plerique, nisi, qui circum *Ejram* ignaviâ desederant; aut, qui morbis, seniô, rerûmq; penuriâ, longiorum itinerû difficultatibus pares haud erant; cum *Pylis*, ac *Methonæis*, cæterisque *Messeniaci* Sinûs accolis, *Cyllenem* primò, portum *Elidis*, commigrârunt: &, a cæcis illic hibernis, anni proximè sequentis primò vere, pars maxima, factis velis, in *Italiam* primum, ad *Rheginos*; post autem, in *Siciliam*, trajecerunt. ubi, *Gorgô Manticlôq;* ducibus, re bene gestâ, *Zanclem* oppidum, expugnatum, à suâ gentis, & conditricis reginæ, vocabulò, *Messenen* appellârunt: quæ *Messana* nunc est. Reliquiæ verò *Messeniorum* cæteræ, per *Peloponnesum* partim eam, quæ sociarum urbium ac populorum erat, dispersæ: partim, quæ circum *Ejram* ac fines ejus hæserant, fugâ discessûq; prohibitæ, vel metu vel socordiâ, vel ætatis denique valetudinisve debilitate; *Spartanorum* missæ sub jugum, eorum, ex more prisco, *servitia publica* red-

S s

dun-

Ruina Messeniorum.



duntur: in *Helotarum*, quos vocabant, ordinem conditionemque rescriptæ. Talem habuit rerum exitum, *bellum Messeniacum*; quod ordine serieq; suâ fuit, ac dictum est, *Secundum*; eventu nihil minùs, quàm *Secundò*: nec atrocitate minùs, quàm annorum morâ diuturnitatèq;, luctuosum. Cùm namque, post sublatum è vivis *Aristodemum* regem, gericoeptum esset, sub annum, à condito Mundo, ter millesimum trecentessimum septuagesimum quintum; ægrè compositum tandem est sub annum ter millesimum, trecentessimum, octogesimum sextum: *sine* quidem eò, qui plerumq; bellorum, plus nimio pertinacium, esse solet, penès infirmiorè partem: ut evastarentur agri; redigerentur in solitudinem urbes & oppida; cervicibusq; suis jugum acciperet Messeniorum recidiva Libertas. Hòc nempe, nec uberiorè, quæstu belligerant, armate quidem, sed à Superstitionibus immodicè pendentes, & ob id ipsum, tandem impotentes, ac futiles, *Ira*. Semper enim aversò Deò Verò, Deorum fìctilium ad opes humana consilia convertuntur. In dextra namque militis, gladius; in manu verò Regis- Exercituum, gladii successus, est.

At nondum interim, etiam *Aristomenes*,

omni

Ruina Messeniorum.

omni depositâ bellandi cupiditate quiescebat. Hic enim, tametsi victus, & exul; in Lacedæmonios tamen æternô flagrabat odiô; quod is terris omnibus, ac gentibus, ad quas eum accedere contigisset, circumferebat. Et suorum quidem *quingentis* delectis, omnium animosissimis; adjunctisq; præterea gentis Arcadicæ *trecentis* voluntariis, & ad omnia belli discrimina semet offerentibus: adoriri, sub noctis principium, dum Spartiatarum maxima pars ad *Ejram* adhuc, opibus exhaurientem, occuparetur, urbem *Lacedæmonem*, constituit. Sed, more suo, partim ab extis victimarum, quas, placandis Dis suis, conatui suo præmiserat, exsternatus; quia minùs læta spõdebant: partim autem, & ab eo, qui tunc Arcadibus imperabat, si vel maximè duxisset adversus Spartam, proditus (dum is per internuntium, & epistolam, celeriter *Aristomenis* omne consilium Lacedæmoniis aperit); cœtò destitit. non destitit autem & animi decretò, quoad vita sibi superesset, *semper aliquid incommodi malig. Spartanis, vel inferendi, vel procurandi.* Quâ proinde causâ, Messenios æteros, qui transmarinas quærebant sedes, *prosequi* consiliô, Gorgôq; filiô, duce profugis

SS 2.

datò,

Ruina Messeniorum.



datô,quàm *sequi* comitatu viæ duceréve,maluit. aliquantôque temporis adhuc in Peloponneso, fidiores inter populos, & hospites, non tam *latens*, quàm hostes eminus quoque *terrens*: sororem primò suam, *Hagnágoram* Evergétidæ mariti morte nuptiis alteris patientem;adhæc autem,& *filiæ* ex se duas,natu majores,viris,Peloponnesiorum procerû nobilissimis,velut in altissima Pace,nuptum collocavit. Cùm inter hæc tamen,*Laconici* bellis semper cogitationibus occupatus,priscò suò *superstitiosæ* mentis institutô, denuò *Delphos* Apollinis consulendi causâ, se conferret: illic inter sacrum aliquantisper & saxum, ut ajunt, hærens, animo fluctuabat. Tandem autem, ex *Orâculi*, sicut interpretabantur mente, *Damagêto Rhodio*, qui regnum tunc *Jálysi* tenebat,unius,è tribus Rhodiorum urbibus antiquissimis; *filiam*, natu *minimam*, in conjugium petenti, tradidit. Eam autem *Rhodum*, unâ cum genero, deducens ipse, comitânsque, posthæc in Lydiam, ad *Ardy* gentis regem,Sardibus agentem;& indè tandem in Medos,ad *Phraortem* regem,Ecbatani degentem,traficere constituit: utriusque sicut ego reor,tyrannorum illorum,in Spatiati

Ruina Messeniorum.



tiatas concitandorum causâ. Quibus dum  
 in curis est: ad sollicitudines, & annosam æ-  
 tatem, etiam accedente tandem morbô; con-  
 sectus ad extremum, & oppressus, vivere de-  
 sit: non *ferrô*, sicut quidam (*eee*) memoriæ  
 prodidit, hostium Lacedæmoniorum; sed,  
 quod Pausanias, temporum illorum gestis a-  
 liquantò propior, affirmat, (*fff*) eô, de quo  
 dictum est, morbô. qui tamen ipse morbus,  
 si conjectare liberum sit, *animi* fortasse, quàm  
*corporis*, major fuit: exedentibus, opinor,  
 fortissimi Ducis, *sed* tunc de belli gloria vete-  
 re dejecti, *cor*, nocturnis æquè diurnisque sol-  
 licitudinibus: & vindictæ, de Lacedæmoniis  
 sumendæ, curis. Demonstrare certè quidem  
 hoc ipsum lethi genus ærumnosum, satis est  
 visum *Cor* illud ipsum *Aristomenis*: quod, ex-  
 enteratò post mortem corpore, visceribus  
 extractum; deprehensum est, & ut *magnanimi*  
*viri Pilosum*; (*ggg*) &, ut *cogitationibus conse-*  
*cti*, fortasse *Canitie* quoque conspersum. Se-  
 pulcro, tumulus superimpositus est, *generi*  
 pietate; splendidus, ac *marmore* conspicuus.  
 quod saxum, *spectabilius* quoque reddiderant,  
*Aristomenis filia*, Rhodiorum *regina*, crebræ,  
 super bustum paternum, *relucentesq;* lacrymæ:

Ss 3

quæ

Ruina Messeniorum.

quæ profectò , Spartanorum quoque , super  
*Aristomenis* morte conceptam , *latitiam* , affe-  
 ctûs in genitorem tam perseverantis , admi-  
 ratione *diluissent*.

XVI. Cæterùm , jacebat quidem *Aristo-  
 menes*. nondum cum eo jacebat omnis bel-  
 landi , *Messeniorum* in pectoribus , *ardor* : qui  
 (tanquam è busto suo *Phœnicem* ferunt redi-  
 vivum , aut recentem alium , pullulare) sic ex  
 ipsis eorum *excidiis* , adversùm Spartanos , *ex-  
 ciso*res suos , valentiùs plerumque resurgebat.  
 Suissmet è *Ruinis* gens inquieta res identidem  
 novas , ac rebelliones , *exstruebat*. Id *Tertium*  
 ordinè fuit , ac dictum est , *Messeniacum Bel-  
 lum* : cujus tale fuit principium , & occasio  
 Spartanorum quidam , ad mortem usque , ca-  
 pitalisq; supplicii decretum , deliquerant. Ii  
 ruptis & vinculis , & legibus , ad *Tanarium Ne-  
 ptuni* templum , quod erat in extremo Laco-  
 nici Sinûs maritimo promontorio , Salutis  
 causâ , confugerant : & in ara supplices con-  
 sidebant. Eos , nihilosecius , insuper habitis  
 supplicû privilegiis , ac loci priscâ religione ,  
 detractos aris , educatôsque templô , necari , La-  
 cedæmoniorum *Ephori* mandârunt. Itaque  
 necati sunt , verùm , uti temporum tunc illo-

rum,

Ruina Messeniorum.

rum, hominūmq; , sensus erat; ob spretū violatūmq; *Neptuni* numen, cujus in tutela *Supplices* illi fuerant. haud impunè. (⊙) Gravissimō namque bellō statim, ac multorum Græciæ populorum concursu, vindicandi sacrilegii causā, pressi; quantumvis omnia, pro *Salute* jam, & non pro *gloria*, sicut olim, facerent: non potuēre tamen urbis suæ vel vastitatem, Spartani, vel supremum excidium, effūgere. Quo proinde tempore, per calamitatis illius opportunitatem, ne Messenii quidem, Lacedæmoniorum inveteratiores hostes, sibi defuēre: sed, ii potissimū, qui tantisper, ab *Ejre* captivitate vastationēque, servitutem, ut dictum est, *Helotarum* conditione nominēque, sub Spartanis servierant; conjuratione factā, *montem Ithōmen*, gratam olim sibi patriam, rursus occupārent: occupatūque, veteris munitionis simulacrō quodam, & imitatione, castellum, & arcem, sibi fecerunt. Eō Spartani compertō, *Messeniorum* hanc audaciam aliquousque dissimulandam sibi rati; quoad ē clade proximā sensim sese recolligerent: ruptæ *Servitutis*, distulēre verius, quā cōdonaverunt, ultionem. Verū, ubi tempus denique visum est, suæ dignitatis

SS 4

in in-

Ruina Messeniorū.



in integrum reponendæ : sociorum omnibus contractis auxiliis , adversus *Ithômæ* montis infessores, copias educunt : ac, destituentibus licet eos Atheniensibus , qui primò tamen & ipsi Spartanos adjutum venerant ; pertinaciâ nihilominus, ac diuturnitate circumfessionis, perpulerunt ad extremum *Ithomatas* : uti, se suâq; dedentes, certis, & utcunque tolerabilibus, abeundi conditionibus, universâ, non modò *MESSENIÀ*, sed etiam *PELOPONNESO*, demigrarent. Ità jam denuò res illis, è *Bello tertio* minùs prosperò, reciderant ad incitas. Sed, iidem *Messenii*, cœu mortales heroës , Qui, *nihil licet sperantes, nihil tamen interim desperandum sibi, proponerent*; domò procùl, rerum perditarum repererunt asylum, quod domi nuper amiserant. Athenienses enim, in odium, ut ego reor, invidiamq; *Lacedæmoniorum*, à quibus tunc abalienarant se; *Messenios*, æternos eorum hostes, non sub tutelam duntaxat, sed in municipii quoque jus, & coloniæ constituendæ facultatem, receperunt : dum eos in oppidum, portumq; *Corinthiaci Sinûs, Naupactum*, rescribunt; ejectis indè, propter obsequendi contumaciam, veteribus incolis, *Locrensisibus*, quibus

Ruina Messeniorum.

quibus cognomentum *Ozolis* erat: quorumque limes agrorum occiduus, *Aetoliæ* strangebatur oram. Hic igitur, è longa fortunarum suarum iactatione, *Messenii*, tanquam post immodicam maris iram fessæ naves, quietè respirabant: benèq; se, sub Atheniensium alis, habebant; in plurimam etiam ætatem sese sic habituri: *si mortalibus, ambitione turgidis, & ulterioris semper potentia cupidis, aliquid unquam posset esse satis.* Non potuit exsaturare *Messenios Naupactæa*, cum tranquillitate, felicitas, & opulentia: sed urebat eorum oculos, *Oeniadum*, (*h h b*) qui populus *Acarnanum* erat, urbs, & ager, opulentior: cuius occupandi causam se legitimam, probabilèmq; confidebant habituros; quòd *Oeniadis*, jam olim, & tunc etiànum, cum Atheniensibus, patrona sibi civitate, malè conveniret. Sed videlicet; *Nulli se faciliùs, quàm sibi metipsi, purgat, excusatque, dominandi libido. Superi tamen, ac successus tandem, vanitatis eam condemnant.* Id, quod hòc locò *Messenii* etiam usuvénit. Hi namque, felicibus quidem conatùs sui principiis, ac progressibus, uti sibi visi: laceffitòs armis *Oeniadas*, campisq; patentibus obviàm sibi factos, acie fundunt. Eos, qui cladi supererant,

S s j

in op-

Ruina Messeniorum.

in oppidum suum rejiciunt ; conclusos obli-  
 dent, oppugnântq; , summîs opibus : donec  
 urbe tandem, per deditionem, potirentur ; &  
 ipsi, pristinis ejectis in exilium incolis, victo-  
 res succederent. Ibi degebant : *alienâ calamitate*  
*lati ; suæ verò pristinae sortis, quod insolenti*  
*felicitati familiarissimum est, obliti.* Verùm, an-  
 nua fuit ista Messeniorum, *nec diuturnior*, hi-  
 laritas. Hieme namque paullatim exactâ,  
 gens Acarnânium universa, miseratione tot  
 suæ gentis *extorrium* adacta ; correptis armis,  
 unâ mente manûq; Martem in *Messenios*, Oc-  
 niadûm subseffores , movent. Concurritur  
 acie, non in campis, utrimque, sicut superio-  
 re præliô, liberis, atque patentibus ; sed pro  
 portis statim urbis Oeniadarum : paribus qui-  
 dem & hinc, & illinc, animis ; sed multitudine  
 dimicantium , admodum impare : quippe,  
 stantibus hinc quidem, ac fortissimè certan-  
 tibus, Acarnanibus, eorûmq; *gente totâ* ; parte  
 verò diversâ , *gentis Messeniorum reliquiis.*  
 Quia tamen à tergo portas , ac moenia sua,  
 tenebant *Messenii*, quò minùs, circumiri par-  
 tibus omnibus, includique, possent ; æquali  
 pugnae successu discessum ab utrisque , cum  
 abitu Solis ac diei, fuit. In urbem tunc igitur

Ruina Messeniorum.



tur, intrâque tuta moenium, retrufi *Messenii*,  
 posterâ luce, deincepsq; diu, senserunt ob-  
 fessores *Acarnânas*, & *Oeniâdas*; quos ipsi prius,  
 acriter obsessos, acrius etiam & injustius, op-  
 pugnârant. Quibus etsi, commeatûs penu-  
 riam exprobrantibus, astutè superbèq; rerum  
 necessariarum affluxum, abundantiamque,  
*Messenii* per mendacium jactarent: ad ex-  
 tremum tamen, hoc est, ante *mensē* obsidio-  
 nis *octavum* penitùs evolutum, *FAME*, *letibi*  
*supremâ lineâ*, subacti sunt. Quam illi tamen  
 ne fateri cogerentur in ediam; superbâ dissi-  
 mulatione nocturnum moliantur, ex urbe,  
 furtivumque, discessum. Sed, odorantibus  
 eorum abitum *Acarnanibus*, ut, qui castra  
 moenibus quaquaversum ferè circumfude-  
 rant; in ipso deprehensi fugæ conatu *Messe-*  
*nii*, subsistere coguntur: *pugnâq;*, medias inter  
 tenebras, *commisâ*, profectiois libertatem,  
 copiamque, sanguine suo, vulneribûsq;, red-  
 imere. Quo præliô, tametsi numerum ho-  
 stium ingentem, jejuniis ipsi viribus, ac dex-  
 teris, trucidâssent: non tamen, sinè *trecentis*  
 suorum vicissim amissis, ad effugium inve-  
 nire viam: ac, medias per *Aetolorum* terras,  
 amicæ sibi gentis, evascre demû in *Naupactû*  
 suam;

Ruina Messeniorum.

suam; locum, & urbem, ab hostium incurſu tutiorem. Quanquam autem tunc incommodum illud, quod ex *Oeniadum* urbis jaſturâ *Meſſenii* ceperant, nullâ parte devolvere poſſent in *Spartanos*, quippe, procul tunc admodum abſentes; ſed in ſolos *Acarnânas*, & *Deum*, ambitionis illorum ac tyrannidis ultorem: in odio tamen *Spartanorum*, haud ſecus, ac ſi malorum omnium ab illis ſolis origo profiſceretur, inflexibilî contumaciâ perennaverunt, ſic, ut crederes; *Siquo ſocialis belli præliive caſu*, cui totam intereſſe *Peloponneſum* Græciâque contingeret, *Meſſeniorum* ac *Spartiatarum* effuſus cruor, unum in rivum confluxiſſet: alterum ab altero, tanquam legibus damnatum ſanguinis-coitum, refugientes, divortium eſſe facturos; ac, diverſum in alveum, ſecefſuros. Igitur & poſthæc, cùm bellô, quod *Peloponneſiacum* dictum eſt, frequentes in *Achiam*, *Laconiâ*que, cæterâſq; terras hoſtium, incurſiones facerent *Atbenienſes*: iſtorum, & copiis, & opimis plerumque prædîs, receptaculum *Meſſenii* præbuere *Naupaclum* ſuam; non *Athenarum* magis reverentiâ favorêq; quàm exſecratione *Lacedæmoniorum*; ac *Spartani* nominis inſaturabilî faſtidiô. Cùm

item,

item, ad *Sphaetèria* (locum, in finibus Elidis, Messeniam versùs, à *maetatis* illic Heraclidarum victimis, sic appellatum) Athenienses nacli Spartiatas essent, internecioni perappositos: in ea cæde, carnificinæque, sub duce *Comone* stipendia facientes, præcipuam illis operam navantes, *Messeniorum* è Natipatio *funditores*, ad extinguendum Laconicum omne nomen, *nullum non lapidem moverunt*. Sed tamen, quæ steterat ab Atheniensibus aliquamdiu, Messeniisque, belli fors; in contrariam postea partem inclinata, vicissim Atticos Laconibus, ad *Aegos*, quod vocât, *flumen*, (iii) *Lyfandrô* Spartanorum duce, contrucidandos objecit. Quo præliô commissô; *maiore* quidem Spartanorum imperatoris *felicitate*, quàm *virtute*: fractæ tamen res *Atticæ*, comminutæq; spes *Messeniorum*, sunt. Athenienses enim belli deinceps *Palmam*, inter omnes Græciæ populos à se præ cæteris diu possessam, concedere Lacedæmoniis adacli: non potuère tantum postea, quantum antehac, in stratis aliorum fortunis sublevandis; quippe, suis met, ægrè tuendis, intenti, ne funditus interirent. *Messenii* verò, tantò rerum suarum fulcrô subsidióq; dejecti; cum & Atticis

Ruina Messeniorum.



ricis carerent auxiliis, & navali præterea bel-  
 lō conflictarentur à Spartanis : nauticō tan-  
 dem præliō, succubuerunt. Universis autem  
 sub unum idēque tempus, irretiti malis : ac  
 victi merſi, proſtigatīque; quin &, *Naupaetō* ra-  
 dicitus evulſi pulſique : quotquot ipſorum  
 his cladibus ſuperſtites eſſe potuēre, diverſas  
 petiēre terras, atque maria. Pars enim in Si-  
 ciliam ; pars ad Rhegīnos Italos , inter quos  
 eorū aliquando majores, & cognati, con-  
 federant, ſeſe receperunt. Plerique demum,  
 Africanō trajecto marī, Libyam, ejusque re-  
 gionis indigenas, *Eveſperitas* populos, exiliō,  
 præ cunctis aliis gentilibus ſuis , longinquō  
 ſqualidōque , petierunt. Quibus, per ſabuloſā  
 regionum illarū, *exuſtāque*, loca, ductor fuit,  
 uti poſtea Romanis Uticenſis *Cato* , ſic tunc  
 Meſſeniis *Comon*; is ipſe, qui quondam ſuis, ad  
 Sphaetria, *funditoribus*, uti dictū ſuperiūs eſt,  
 auctor fuerat, & incitator, ad Lacedemonios  
 tempeſtate *lapidum* obruendos. Itā nimirum  
*Nemēſis*, inultum nihil relinquit: ſed, vel in mini-  
 mis, vindictæ materiam inveniēns; *Saxis*, ubi  
 cætera fortē defuerint , ſaltem *arenas* repen-  
 dit. Poſt multas nihilominus tempeſtates, &  
 annos , velut exſaturata *Meſſeniorum* tot ma-  
 lis,

lis, *Providentia*; rursus erigere coepit, quos in longum projecerat, ac prostrârat. Incidit enim posthæc, *Leuctricum*, Thebanos inter ac Spârtanos, *prælium*: in quo Lacedæmoniorum, plus nimîo paullatim è domitis Atheniensibus inflari coepti, spiritus, quàm plurimum contusi dejectique; Messenii contrâ, reducti recreatique, sunt. Idipsum autem (nequid suorum successuum eventuumque, non somniis, aut præsagiis oraculisve, tribueret superstitiosa delirâq; gens) annò priùs integrò, secundùm quietem præsignificatum sibi, *Messenii* contendunt. Et potuit certè (nec inficias eo), Thebanorum perspectis jam antè consiliis, ac belli decretò, sicuti sagax est & acuti iudicii, conjecturâ Sathanas assequi; præparatam Spartanis cladem, posteaq; consecuturum, è victoriâ Thebanâ, *Messenicarum* rerum secundiorem exitum prædivinare. Sive tamen *Messeniorum* commenta fuerunt hæc, post victoriâ demum *Leuctricam*, ritu *Poëtarum*, excogitata; sive verè, dolò nequitiaq; *Cacodæmonis*, immissa *Somnia*, quibus fides ejuscemodi prædictionibus, suâq; *Dīs falsis*, tanquã *veridicis*, auctoritas constabiliretur: ista censenda sunt; *diabolum* potiùs, auctorem,

Ruina Messeniorum.

rem, quàm genium aliquem castum ac divinum, olentia: quippe, per Deorum fabulosa ministeria; perque *fœminarum*, haud undequaq; pudicissimam, repræsentationem, & interventum, somniantibus objecta. *Primum* enim, *Comon* is, de quo narratum superius est, *Messeniorum* ad Sphaçtéria, posteaq; per Africam, *ductor*; videre sibi secundùm quietem visus est, adhuc inter Libyas Evesperitas constitutus; Cum matrè se, jam olim vivis exemptà, sepultàq; , rem habere: matrèmq; mox, ab incestu peractò, reviviscentẽ; in pedes, & munia vitæ solita, restitutam fuisse. *Mulierem* hanc, Vates, super eo Somnio consulti, *Messeniã* interpretabantur *regionem*; quæ *Comonis* genitrix altrixq; terra, prò *Matre* Duci, patriam olim operâ suâ restituturo, fuisset. Deinde *Messana*, Siculorum urbe, toto mari, procul ab Evesperitis divisâ, *sacrificulorum* Herculeorum cuidam, oblata per somnium species *Herculis*; Mânticlum, Thœocli filium, *Messenium*, in montem *Ithòmen* invitavit, ut illic hospitaretur. Sic enim, evolutò jam factorum tristium penso, Jovem velle juberẽq; , Somnio talĩ postridie per *Sacerdotem* exposito; censuere Conjectores; Sub *Ithòmès*-hospitio, plus aliquid,

Ruina Messeniorum.



aliquid, quàm temporis brevis *diversorium*,  
 latere: sinéq; controversia, reditum in *Mes-*  
*seniam*, ejúsq; munitissimam quondam arcē,  
*Itbómen*, quæ restauranda foret, *Messenis* por-  
 tendi. Præterea, cùm inter hæc, *Epaminonda*  
 ductu, Thebani Spartiatas, ad Leuctra, Boeo-  
 tiæ vicum, juxta Thespias, ingenti præliô fu-  
 dissent; à qua clade nunquam deinde satis  
 se Lacedæmonii reparare valuerunt, aut eri-  
 gere: *Sathanas*, haud contentus, *idololatrarum*  
 tunc oculos ludificari, Messeniorum Ducis  
*Aristomenis*, qui jam pridem apud inferos se-  
 debat manes, habitum ac speciem assumen-  
 do; Spartanorúmq; phalangas hostiliter, mo-  
 re tempestatis, ac fulminis, disjiciendo: super  
 hæc etiam aliâ quadam versutiâ, *Ritibus* ac  
*cæremoniis idololatricis*, circumponere vene-  
 rationem, & auctoritatem. apud Græciæ po-  
 pulos, instituit. Cùm enim, à prælio confestim,  
*Epaminondas*, ac cæterarum gentium sociarum  
 optimates, dimissis in diversissima terrarum  
 mariúmque loca, nuntiis ac legatis, *Messenios*,  
 ubicunque gentium exularent, *Aristomenis* in  
 gratiam, memoriámque, revocarent, ac reduce-  
 rent in patriam; utpote, quibus nihil jam magno-  
 pere nocere possent veteres hostes, *Lacones*, tanquã  
 T t bellæ,

Ruina Messeniorum.

*bellæ, nuper dentibus & unguibus exarmata: paul-*  
*lò pòst in magna versari dubitatione cœpit*  
*Epaminondas. Confluentibus enim undiq; ter-*  
*rarum, in quas dispersi se diffuderant, exuli-*  
*bus illis Messenitis; inprimis autem, ex Italia,*  
*Sicilia, Libyâque: quîsnam in posterum locus*  
*caperet, aut tam amplus tantam multitudinem,*  
*prole quàm plurimum amplificatam? aut*  
*tam munitus & præruptus; qui Laconix to-*  
*tius inimicos insultus arceret? Andaniam e-*  
*nim, Oechaliâque, prisca regionis suæ pro-*  
*pugnacula; tum fortassis, Ejram quoque, tan-*  
*quam infortunata sibi loca, refugiebant ipsi*  
*quoque, qui tenuerant ea, Messenii. Fluctu-*  
*anti proinde, varias inter curas, Thebano Duci,*  
*Genius Acherunticus succurrit; is, inquam,*  
*ipse, qui viderat quondam, ac præsens adfue-*  
*rat, quâ nocte, quôq; noctis tempore, dux A-*  
*ristomenes, de consilio conjectoris ac vatis*  
*Théocli, Messeniorum operta mysteria detulit*  
*in Itbómen montem, ac defódit. Elapsum in-*  
*terea spatium, annorum ingens erat. testis*  
*arbitérque, qui defossioni sacrorum adstitis-*  
*set, nemo supererat; multóq; minùs Aristome-*  
*nes ipse. Quis ergò propriè locus, aut quæ-*  
*nam terræ portio, montis tam vasti, tam in-*  
*gens*

Ruina Messeniorum.

gens *secretum* celaret, & contineret; ignorabatur à mortalibus universis. Non ignorabatur, à mille reconditorum conscio custodé-que *diabolo*. Scelestus hic igitur, primùm *Epaminonde* se, dormienti, sistit; os habitumq; referens, *Senis* cuiuspiam. Serpebat verò suspicio, *Caucónis* hanc *Umbram* senilem, magis vatisque, fuisse; cuius sub initia *Ruina Messeniaca* nos meminimus. Is ergò cum infulis, & apparatu sacrificiali cæterò, tanquam ante vigilantis & sentiētis oculos adstans, Ducem hortabatur; ne dubitaret ullò modò, *Messenios* in sedes suas reponere. Propitiis, si cogitata perficeret, *Dis*, & ipsum, & *Messenios*, usuros: & quidem, *Polluce* quoque *Castoreg.* qui, tametsi lesi quondam ab illis (de qua re mox infrà trademus) nunc denique tamen, irâ depositâ, cum *Messenis*, eorumque *Fatis*, in gratiam rediissent. Hæc, cum *Epaminonde* quiescenti fatus esset, diffictus ille *Senex*; ad alium mox alterius gentis ducem, iisdem tunc in castris agentem, veterator transitum facit. Is dux *Argivorum* erat, *Epitales* nomine: quem & ipsum sua miserat urbs, non ad pugnam modò contra *Lacedæmonios* ciendam; sed inprimis, ad *Messenios*, ceteros *Argivorum* socios, in majorum suo-

T t 2

rum

Ruina Messeniorum,

J. B. DE LAUNAY. 1714.



rum possessiones reducendos. *Dormiebat autē & hic, ad quem cū eodem noctis articulo, quo locutus Epaminonda fuerat, eodēmq; prorsus habitu, venisset ater ille Genius: eadē primū, quē dixerat Epaminōde, dixit & Epiteli. Quibus deinde, quod Thebano Duci narrare suggererēq; prætermiserat, subjecit: Noctē pulsā, cum prima luce sese strato corripere: inquit montem Itbōmen, cum sarculis, ac ligonibus, festinaret. Inventurum illic, unō quidem locō surgentem Smilacem plantam (kkk); alterō verò myrtum (Veneri sacram arbusculam) è regione Smilacis surgentem. Cū primū igitur in hū incidisset; statim humum, quæ media germinum aliorum extenderetur, fodiendo verteret: & ANUS inde quāpiam eriperet. Anum autem ejusmodi quæ supremam exspectaret opem; areōq; decumbens in Thalamo, mortiq; proxima, vix ultimum adhuc vitæ retineret anhelitum. Eam igitur eximebat; ac Salute donaret. Hæc effatus ille, in Cauconis imagine, genius, evanuit. At Epiteldux, expergefactus, primā, sicut imperator sibi fuerat, luce, pergens in montem Itbōmen, egerere terram incipit: exspectantibūsq; multū cum illo, cunctis, qui fodientem adjuvabant; Ecquis thalamus, aut quenam Anus esse*

*la, quæ se, supremum trabens spiritum, oblatura scrutantibus foret? in hydriam tandem æream Epiteles incidit, solerter ex omni parte clausam, & opertam. Eam, cum plus non inveniret, ulteriore fossionis labore prætermisso, dux ad Epaminondam Ducem continuo defert: somniòque, cujus ipsi pars, cum Epaminondæ somnio per omnia consentiens, obvenisset, enarratò; post vota nuncupata, precèsque conceptas, & victimam cæsam, multis circumstantibus, urnam demum aperit: expectansque, quo pacto fieri posset, ut in vase tam angustò modicòque, mulier anus, quantumvis brevicula, jaceret; ac tamdiu, nullius aëris intromissi reciproco meatu refocillata, traheret animam? aliud indè nihil, quàm plumbum album, (lll) in tenuissimam redactum bracteam, ac librorum in morem convolutum, extraxit. In eo volumine, Magnarum erant, quas ab origine ferè gentis Messenii colebant, Dearum ritus, ac cæremoniæ sacrificiorum descriptæ. Videlicet, hæc ipsa, quæ defoderat olim Aristomenes, erant Operta, sicut supra diximus, Arcana: Sathanæ nunc versutiâ, suis è latebris, tanquam annosa vulpes, protracta, Stygii, sicut dixi, Venatoris operâ: quò*

T t 3

sua

Ruina Messeniorum.

sua *Somniorum* quorumlibet vanis observationibus infida fides, fucatúsque veri color, constaret; falsitati superinductus. Quis enim non, vel è solo nocturnarum imaginum illarum argumentò, materiam, perspectum haberet, ac veluti manús attactu constrictum, *Cacodæmonis* ingenium: ut, cujus commētum, ac fabula, ferè semper aliquid esset *mulierosum*, & *immundum*: aut *vièta* videlicet *ANVS*, aut incestu coinquinata *MATER*? His igitur talibus inductus *Epaminondas* deliriüs; quod, humanæ rationis lumine collustratus, æquè feliciter, ac verò rectiüs, nihilominus fecisset: in *Messeniam* suam veteres indigenas, eorúmque posteritatem, reduxit: urbem, regionis totius caput, ac sedem, constituit; eique nomen, à prima gentis illius *regina*, *MESSENEM* indidit. *Itbômes* item arcem ac mœnia, contra *Lacedæmoniorum* incursus, instauranda curavit. Quarum deinceps urbium ad exemplum, alia quoque *Messenie* regionis oppida, veterem in situm, aut nitorem, reponi cœpta; processu temporum, ipsâ sui novitate, priscâ terræ faciem reduxerunt. Hęc autem omnia, præsertim verò *Messenês* urbis exstructio, non sinè Numinum Græcorum invocationibus, ac su-

Ruina Messeniorum.



ac superstitionis antiquæ sacrificiis, peragebantur: citatis, ad preces illas, ac Victimās, *ut volentes essent ac propitii*, suis à populis & urbibus, Dis ac Deabus propriis. Implorabant itaque dementes; Jovem Nemeum; Jovem Ithomatam; Junonem Argivam; Liberum Patrem; & Apollinem Ismenium: Castorem item, ac Pollucem, ac *Magnas*, quas vocabant, *Deas*; Cererem, Perséphonem, ac Cybellē. Ante cæteros autem, Indigetes suos *Messenii*; reginam *Messenem*, Polycæonis uxorem; Caucōnem magum, ac vatem Eurytum, Aphareum, Cresphontem, Aepyrum: ac, Ducem gentis, *Aristomenem*, in vota vocabant. Fortunatq; sibi videbantur *cæci mortales* illi; quibus, ex ipsis patriæ suæ collapsæ ruderibus, ac sterquiliniis, tot, quot ipsi sibi *concepissent*, nova Numina, tanquam è fimo *scarabæorum examina*, progignerentur. Reversi porrò pristinas in sedes, ac Peloponnesum, *Messenii* sunt, postquam *annos* propemodum *trecentos* egissent extorres; uti superius etiā attigimus: hoc est, post annum, ab Ejra captâ vastatâque, *ducentimum octogesimum septimum* evolutum; *Olympiadis* (ut Pausanias sentit) centesima secundæ tertiô: Præturam Athenis gerē-

T t 4

te Dys-

Ruina Messeniorum.

te Dyscinétô (*mmm*): post mundum conditum, annô, suprà ter millesimū, sexcentessimū, octogesimô quartô: prius, quàm Orbi Christi natalis illucesceret, *Trecentesimô sexagesimô nonô*. Sed, ut *populorum quorundam*, & què, sicut *Cœlitum & Inferorum*, *Inimicitias agnoscamus æternas, & intractabiles*: ità, quanquam, in sua repositi, quieverint aliquantisper ab armis *Messenii*; quietis tamen stabilitatem, per *Lacedæmoniorum* malè-domitam insolentiam, non habuerunt. Ab his enim, haud multò post Thebanorum è Peloponneso discessum, metu nimirum hostium exsolutis, denuò laccessi cœpti sunt, incursionibus oppidorum, & arcium; agrorūmq; vastatione. Quibus hi tamen, Argivorum & Arcadum fidissimâ societate suppetiisque fulti, magnis animis, ac prospero plerumq; successu, restitère. Mansit interim in *Spartanorum* animis, tanquam dososô sepultus cinere malè-sopitus ignis, immortalis quædam, sempiternaque, malevolentia; quam non tempora, nō temporum mutationes ac vicissitudines, neque Græciæ totius utilitatis respectus ac ratio, nec ulla saniorum consilia, restringere potuerunt: quò minùs *bellum* hoc *Messeniacum*, ordine *Tertium*,

Ruina Messeniorum.

tium, vitiô quoque Lacedæmoniorum, pro-  
 cursu suô fieret. *Infinitum*. Ejúsque malignita-  
 tis *Spartiate* contestatum satis, apertissimûm-  
 que, dedêre specimen: quo tempore, bellis  
 fessâ civilibus universâ Græciâ, quò valentiùs  
 deinceps, ex ipsa populorum omnium con-  
 cordiâ, retundere vim externam, barbaricâm-  
 que, possent; in fœdus ac societatem una-  
 nimem omnes ubiq; Græci coituros se, pro-  
 nuntiârunt: ne *Corinthiis* quidem id abnuê-  
 tibus; qui tamen à mente Lacedæmoniorum,  
 nec momentô quidem, ad id usque tempo-  
 ris, unquam se segregârunt. Tunc autem  
 Spartani, Laconésq; cæteri, quò minùs in fœ-  
 dus illud *Oecumenicum* nomina darent, omnes  
 unâ mente pertinaciter abnuêre: causâ  
 opposcentes; *Quod in partem Societatis armo-  
 rum ac Pacis, Græci, fœderum compositores, etiam  
 Messenios adscripsissent*. Idque sic, ut dixerant,  
 obfirmârunt: lætioribus (proh nefas!) ani-  
 mîs, totius Peloponnesi Græciâq; Ruinam; quàm  
 Messenica gentis, utcunq; resurgens caput, ac  
 fortunas, accepturi. Quapropter, publicæ  
 conjunctionis exsortes Lacedæmonii, sibi solis  
 & mœrebant, & orabant. Quod, quid erat  
 aliud; quàm, indole Timonicâ, quantum in ipsis

T t 5

fuit,

Ruina Messeniorum.



fuit, cum populis omnibus Bellum; secum unis autem, agitare velle Pacem?

XVII. Conjunxit denique tamen, novissimis hisce, quibus hæc scribuntur, temporibus, utriusque gentis illius, quantulascunque reliquias, si non *animus*, at *calamitatum* commune *jugum*: quippe, *geminorum bouum* instar, quos, unum junctos ad aratrum, stimulô fodit subsecutor agricola, *Turcicam* sub *tyrannidem* pariter compactas. In his *Messeniorum*, quas dixi, *reliquiis*, est hodie *Methône*, maritima *Messeniaci Sinûs* urbs: quam ante trimestre ferè, priusquàm hæc ipsa componeremus, annò reparatæ Salutis *millesimò, sexcentesimo, quinquagesimo nono*, classis *Adriaticæ*, felix alioqui, cursus, â mari, diebus & insultibus aliquot adgressus, conatúsq; , superstites illic Christianos, *Mabometanis* eruere *Lapidicinis*; sinè successu tentavit: nondum, ut reor, ad sublevandos incolas illius, ad maturitatem perductâ Numinis misericordiâ. Quod equidem dolemus interim; &, quoad rerum ille Peloponnesi durabit status, schismate religionum turbatus, jurè dolebimus: cùm profectò, sic in divinis affecta, *leprosq;*, gentes, tantum illic à Cælo Salutēq; remota sint futura; quantum

Ruina Messeniorum.

tum hic ab Ecclesiâ recedunt, ac Româ. Sed Messenii mihi videntur (nequid dissimulem) ab omni ferè semper ævô, quiddam in Sacrorum cultu, vel per *immoderantiam* peccâsse, vel per *defectum*. quorum profectò neutrum, non *divinis* tantum in rebus, sed nec in *humanis* quidem, conveniens est. *MEDIVM* enim, *beati tenent*. Et *Immodici* quidem religionum, fuere *Messenii*: dum, jam tum ab origine sui nominis, ac Regni, Deorum Dearumque *multitudinem*, per *Caucónem* Atticum & alios quosdam illatam, ac mox Reginae *Messènes*, ejusque mariti, *Polycáonis* Regis, operâ promotam; posteritati suorum universæ consecrârunt. Dum item, his non contenti, quos in omnia passim fana dispergerent, fictis Divis; *Semideos* insuper, ac *Semideas*, Heroas & Heroidas, unôque verbo, suómet è corpore stirpêq; progenitos, utriusq; sexûs *Indigetes*: ut quisque talium aliquid in *Messenia* præclarigessisset, aut excogitasset; *Immortalitati* statim, arisq;, transcribebant. id, quod nos in superioribus hujus *Ruinae* paginis adnotare, perstringerêque, non prætermittebamus. Dum præterea toties ad *Sathanicum* illud Delphorum *oraculum*; ad *Lebadéam* item, Jovémque

*Tropo-*

Ruina Messeniorum.

*Trobonium*, & ad cætera ventosorum Græciæ Numinum spiracula, consulendi gratiâ, proficiscuntur. dum, eorum ex responsis, & timent, & terrent: dum perplexa pro claris, ac planis; clara contrâ planaque, pro perplexis & intricatis, habent. Dum insuper, ad execranda *Cacodæmonum* imperia, Virgines insonites aris, hoc est, morti, destinant: filias interficiunt, & interfectarum uteros ferrô scrutantur. dum *tripodum* integras *centurias* furtivè dedicant; materiâ viles, opinionis verò deliriô viliores. Dum item *clypeos* humanitus amittunt; & divinitus reperiunt: eôsq; nunc fixos, nunc refixos, in belli vel *latum* trahunt, vel *levum*, omen. Dum *corniculas* ferreas effodiunt (*nnn*); *Hydrias* contrâ, fusas ære, librôsq; stanneos, infodiunt. dum alia denique sexcenta faciunt, gerunt, statuunt, puerilibus pueriliora; sed quibus tamen ingentia sæpe flagitia, vel miscebantur, vel succedebant, pro *Sathana* votô. Quæ pleraque, cum, suô quæque locô, satis jam supérq; confixerimus, indignante pro meritis stylô: nunc, *generatim* damnâsse, satis habeamus. Hæc ergo peccavêre *Messenii*, per *Religionum*, ut diximus, immodicam copiam, & *excessum*.

E di-

Ruina Messeniorum.



E diversa verò parte, nec in *neglectu* quidem earum, penitus se præstiterunt inculpato. Cujus exemplum, de multis, hoc unum, quod referam, nobis, ad hujus *Ruinae* calcem ac metam properantibus, sufficere potest, ac debet. Id autē est tale. Prius, quàm ad *Stenyclerum*, oppidum illud, de quo dictum est, inter *Laconas Messeniosq;* prælium committeretur: *Messenii* duo, *Panormus* alter, alter autem *Gonippus*, Andanientes, &, ob hoc, ejusdem cum *Aristomene* Duce natalis soli; contra Spartanos hostilia moverunt. Hi duo, formâ florentes, ac viribus, *adolescentes*; etsi non sanguinis ejusdem, videri tamen, exteris præsertim, *germani* poterant, & propter oris ac floris haud magnam disparitatem, &, quòd, cultu præterea simillimi, simul à teneris esse semper, & iisdem in studiis, ac solitis epheborum exercitamentis, exigere virentes annos amabant. Armorum inprimis, ac prædarum, de Laconibus agendarum, quotidianus illis, per excursionum opportunitatem, usus erat. Inciderant porrò Spartanis, qui sub tentoriis adversum *Messenios* agebant, *Castoris* ac *Pollucis*, Tyndaridarum *Gemellorum*, anniversaria celebranda Sacra: quæ nequaquam illis, ut-

pote,

Ruina Messeniorum.

pote, Gemellorum gentilibus civibúsque, ne per armorum quidem tempus, intermittenda videbantur. Sacrificabant igitur; epulas, & choros inibant; ac diem, inter festa gaudia, mediís licèt in castris, Lacones exigebant; densís etiam poculís hilaritatem, ut sibi fingeant, *sanctam* accendentes. Haud fefellère *Messenios*, quos diximus, adolescentulos, *Panormum* ac *Gonippum*, (quippe, tumultuantes inter festa gaudia, vociferantésq; ) Spartiatæ. Confestim igitur initò, malè sobrios decipièdi, consiliò, *Messenii* juvenes illi, mortales habitus & ora, quoad possunt, exuunt; Immortalitatem autem ac Numen induunt. Equís insuper uterq; nitidissimís, & qui cœlesti creati semine videri possent, imponentes se: capite quoque, *Dioscurorum* (†) *fratrum* in morem contectiò; tunicís albis, & chlamydibus ostrò tinctis, exornati, cum hastis, manu vibratís, & alacrí, divinúmque quidpiam præ se ferente, vultu, viciníæ castrorum hostilium adequitant. Eos ut primùm, tam compositè specioséque, se vorsùm, venientes, conspexère Lacedæmonii: nimirùm, hinc quidem mentibus, ab recenti *Cástorum* religione memoriâque, superstitioni promptissimís; illinc autem,

& lar,

Ruina Messeniorum.

& largiore *Baccho*, *credulitatis omnis efficaci promotore*, madefactis: sicut, ad mensas secundas, ac finem, *prandio* perducto (ooo), poculorum certamen novum, variisq; lusus, inierant; relictis ilicet omnibus, *Gemellorum*, ut putabant, *Deorum* in occursum, inermes effunduntur, ac discinunt. Gaudiosq; lacrymantibus oculis, ac positis humi genibus, eos adorantes; Coelestium ad se descensum, ac dignationem, sibi gratulantur: DIs vota nuncupant, ac preces concipiunt: in omne denique venerationis effusi genus, adstrati solo jacent. Ibi tum igitur *Gonippus* & *Panormus*, in medium *Spartiatarum adorantium* agmen recepti; quod unicum quaesierant, expediunt, effectumq; dant. DEOS enim puncto temporis exuti; *Messenios* autem, & internecinos *hostes*, induti: *Spartiatarum* in corpora capitâque, ferocium equorum unguis, insiliunt: eorumque, partim stratorum adhuc, partim surgere connitentium, sed armis destitutorum, ora corporaq; lanceis adversis fodiunt. Expostulantes autem, ac *Deorum* hominumque fidem, quæ nusquam erat, implorantes, *Lacedæmonios* dissipant; ac disiectos æquè manentésque, sauciant, trucidant; ingentique

inactia-

Ruina Messeniorum.



maſtatos ſtrage, relinquunt in ſanguine, miſtô vinô, natantes. Ipli verò, quaſi re præclarè geſtâ, tumentes, ac gloriabundi, revertuntur *Andaniam*.

Id ab his Meſſeniis, *PER INIVRIAM deſpectumq; Sacrificiorum*, quæ *Dioſcûris* fiebant, actum eſſe, Pausanias exclamat; idque, *perſuaſioni mentis ſue*, quâ *Câſtoras* verè Deos credebat, haud inconvenienter. Additque, *perſuaſum illius tunc ætatis hominibus fuiſſe*; *Quacunque poſt id temporis in Meſſenios incubuerint bellæ clades, & calamitates; eas, irâ Câſtorum offenſorum, & culpâ Panormi, Gonippique, proveniſſe*. Crediderim Ego quoq; (qui *Chriſtianus* ſum tamen; & non, uti Pausanias, multorum Numinum cultor): crediderim, inquam, non *Gemellos* quidem Deos, qui *DI* ſanè non erant ſed *Divinitatem* tamen, *iratam* ex eo tempore Meſſeniis *cunctis* fuiſſe; quo tempore tam insolenter in *Sacra* ſe, contumelioſèque Meſſenii *duo* Juvenes ingeſſère. Credebant enim hi profeſſò, ſicut omnis cætera Peloponneſus, & Græcia; *Caſtorem* ac *Pollucem*, inter *Sidera* relatos, *Deorum*, præſertim *Indigetum* auxiſſe multitudinem: & à navigantibus, eorum *Numina* ſalubriter implorari. nam id, ſi

non

Ruina Meſſeniorum.

non adducerentur, ut sibi persuaderent: eò, quòd, illos esse Deos, nequaquam adhuc *vidissent*; quidnam erat causæ, cur vel *Jovem* existimarent esse *Deum*; vel *Apollinem*; aut *Martem*, *Mercurium*, *Neptunum*: & ità, parì modò, cæteros universos? Quorum sanè neminem unum plus, aut sæpius, quàm *Gemellos*, oculis suis usurpârant: ut proinde credulitatis plures majorésque causas, quàm in *Geminis* illis *Ledaë filiis*, haberent. Sustulissent igitur è medio, cunctam ex æquo *Divinitatem*, seu vera foret illa, seu falsa: quoniam neque *DEUM verum* quisquam vidit unquam *mortalis oculus* (p p p): & *Divinitas*, quantò certior nudiorque, tantò minùs conspectibus est corporeis obvia. Sive persuaserint ergò *Panormus* & *Gonippus* sibi; Deos esse, *Castoras*: sive *Deum* omnino neminem pluris, quàm *Somnium*, ac *figmentum*, æstimârint; constricti tenentur, ac *Rei*. TAM enim est *IMPIUS*, qui *NULLUM*; quàm, quisquis *OMNEM*, censet esse *DEUM*. Opinantes igitur, nullam esse *Divinitatem*, semetipsos *ATHEOS* profitebantur. existimantes autem, in *GEMELLIS Ledaëis* eam esse; nec tamen pluris fungò, vel aliis, æstimandam: *IMPIOS* ac *Detestabiles*

V u

sefe,

Ruina Messeniorum.

sese , vitiô suimet *Erroris* , constituebant.  
*DEVS enim* (quod divinus Paulus ait ) im-  
 punè *NON IRRIDETVR.* (qqq) At verò  
 Deus, etiâ *Verus, irridetur,* in DIs, quantumvis  
*falsis:* quotiescunq; , profanæ mentis *impietate*  
 lasciviente , dum nec hi , nec illi , nec alius  
 quisquam alibi , Divinum habere quidquam  
 existimatur ; *omnis,* ex æquo, *Divinitas* eradica-  
 tur è natura rerum : nec jam de Castore Pol-  
 lucéque (quì DI sanè non *erant,* & DI tamen  
*credebantur* ) sed , de contemptu *Sacris* illatô,  
 de cuncta, cujuscunq; demum Numinis , ex-  
 auctorandâ maiestate , decernitur , ac fixum  
 habetur. *Sacrificabat* Peloponnesus, & Græ-  
 cia, *Castoribus.* Malè ! sinè dubio ; si me, si Chri-  
 stianos, si cæteros, de Divinitate rectè sentiē-  
 tes, interrogâssent. Errabant enim, ac delira-  
 bant; nomen *Incommunicabile Dei,* filiis *adulte-*  
*ræ* Ledæ tribuendo: *Castoribus,* inquam, Tar-  
 tari jam olim, & infelicis Acheruntis , incolis.  
 E contrario verò , *non sacrificabat* alius quis-  
 piam : immò, contemnebat, disturbabat, con-  
 culcabat, tam *sacra,* quàm *sacrificantes;* ut hi,  
 de quibus loquor, duo *Messenii:* cùm interim,  
 sacrificandum esse DIs illis , in animum in-  
 ducerent. Iterum igitur, *non malè tantum,* sed  
 pejùs

Ruina Messeniorum.



*pejùs etiam*, ac majore cum sacrilegio, res agebatur. Nam, & illi *priores*, exuere suum debebant, de Divinitate futile, delirium: & isti *posteriores*, agere contrà, quàm animò conceptum haberent, nisi depositò priùs errore, non debebant. (rrr) Quoties autem adversùs id, quod mente còbibissent, imbibitumq; retinebant, stante sententiâ Judicii veteris, agerent; delinquebant: *Quoniam*, Paulo teste, Gentium Doctore, *quidquid nō est ex fide*, (seu, quod idem est hōc loco, quidquid est contra *Conscientiæ* prudens, pro rerum præsentī conditione, consilium, ac decretum) *peccatum est* (sss). & id, etiam in homine, DIs, ac Deorum cæremoniis, addictō. Quapropter, demus sanè, (quod omnino dandum est) ut persuaserint *Idololatræ* sibi; *Plures esse Deos*, pro multitudine, diversitatēq; rerum humanarum, qui mortalibus premia, vel supplicia, pro meritis, decernerent: & in hoc ipso tamen aberrârint (ut aberrârunt, sinè controversia): pereruditè tamē, & uti *Theologum* decebat, sententiæ suæ planâ, brevî, Scholasticâque censurâ, respondet *Lessius* (ttt), quod præsentem ad rem faciat. Cujus proinde dicta, nemo refugerit, ad verbum *propemodum*, ac syllabam, adnume-

V u 2

rari:

Ruina Messeniorum.

rari: dum ait, *Persuasionem quidem Idololatrarum, in PARTICVLARI* sinè dubio fuisse falsam; quà nempe sibi fingeant, bos, vel illos, fuisse Numina, curarèq; res humanas: non tamen fuisse falsam *GENERATIM*, quatenus sentiebant, *ALIQVOD ESSE NVMEN*; cui res humane sint cura, quòdque bene, vel sequius factorum, exigat rationem. Vnde, quando, vel metu Numinis offendendi, vel affectu, placendi DIs, abstinebant à malo, vel boni quidpiam prestabant: impulsos eos fuisse, non vi Persuasionis, quà fallebatur illa de *TALI* Numine; sed, quà verum dictabat, de Divinitate Numinève, generatim. Solùm enim (inquit ulterius) errabant, in *RE SVBIECTA*; tribuentes rationem Numinis, ac Providentiæ, rebus, aut personis illis, quibus quàm minimùm, ac penitus non, oportebat: & eam in illis venerantes. Non tollebant igitur (ait porrò) rationem ipsam *FORMALEM* Numinis; sed, eam statuebant.

Hæc igitur, super hac re, *Leonardi Lessii*, quam adduxi, mens est. Tales ergo saltem si se præstitissent *Andanienses* illi, quos produximus, *adolescentes*; ac nō potiùs, *omnis*, ut apparet, *Divinitatis* contemptores: nunquam illi tam insidiosè, vafreque, crudelitèq;, vel *Numen Gemellorum*, vel eorum *Sacra*, cæremonias-

Ruina Mæceniorum.

moniasque, sub cultoribus suis, tractassent. Digni proinde, quibus, ubi *falsi* DI seipso ulcisci non possent, *Divinitas* tamen *Vera*, generatim spreta, quomodolibet indignaretur. Universim denique, quod supra dixi, *Messenii* merebantur omnes, qui plecerentur: utpote, quibus, pro varietate rerum ac temporum, aut *nullus* esset, aut *immodicus*, DEUS: & in omni sylvæ sonantis folio, pavor, ac *Juppiter*, & innumeri *Tonantes*.

O, ter igitur, ac quater, & quoties non est numerare, sanctam, ac felicem te, beatamq; , *Christianam*, tot jam sæculorum, *Religio!* quæ, tui Solis exortu, cunctas *Idolomania* tenebras, ac *Vespertiliones*, sepelisti! Tu, secus, ac *Spartanos*, & *Messenios*, sue docuerant leges, & opiniones, mortalitatem instituis, in *unius*, ejusque *verissimi* DEI, cultu: *Dearumq;*, ne nomen quidem, inter *Sacra* recipis. Tu, fugere vanas quasdam animi, de *Superis*, persuasiones jubes. tu, proscribi divinationes, auguria, sortilegia, captationes ominum, ac deliria *Somniorum*, præcipis. Tu, consuli *Dæmonum* Oracula; tu, mortuorum è spectris, exquiri futuros rerum eventus; tu, pecudum cæsarum è fibris, & extis, erui bellorum Pa-

V u 3

cisque

Ruina Messeniorum.



cisq;ue successus, vetas. Tu, victimas hostiásque fieri, pro piaculis hominum, homines; in detestandis habes. Tu, DEUM timeri, vis; at sobriò temperatòque metu, *Nequid plus*. à Signis autem *cœlestibus*; (*uuu*) à Solis ac Lunæ circulis; à pallore ruboréve Siderum; à concursu divortiòq; stellarum, earumque, varias in formas se componente, situ, *pueriliter* trepidari, caves. Tu tonitrus, æquè *laevos* ac *dextros*, in nugis habes, & puerorum terriculis: tu volucrum, oscinumque, tripudia solistima, pastiones, ac jejunia, volatus atque cantus, & auguria, conspuis. tu *Tbessalicarum* pariter, & *Hetruscarum*, artium universarum, nec mentionem quidem, nisi tanquam *exsecrandam*, admittis. E diverso verò, bonas nos artes, rectique studia, jubes amplecti; sectari virtutes; averfari vitia; servare fœdus hospitale; sanctam habere fidem amicitiae; suum cuique jus, non reddere modò, sed inconcussum inviolatumq; tueri; facultates *alienas* non affectare; delatas autem ad nos fortuitò, *comperti juris domino* restituere: privatæ verò libidinis impulsu, vim aut injuriam nobis illatam, non persequi; sed legibus permittere: nullius, auctoritate propriâ, sanguis-

Ruina Melliorum.

sanguinem, aut vitam, effundere: *nullas inimicitias, in vita mortali, facere, per contumaciam, immortales: in concordiam, & sinè fūco mentis, & sinè diuturna cunctatione, redire: nuptias, ac thori maritalis fidem, habere reverenter, & intemeratè: recedere demum, non à malo duntaxat, sed ab omni quoque specie simulacròve mali: cogitare, dicere, faciis exsequi, (quod Paulus, & in Paulo Christus, præscribunt) quæcunq; sunt pudica, quæcunque vera, quæcunque iusta, quæcunque sancta, quæcunque pulcritudine virtutis amabilia; quæcunque bonæ probatæq; fama: siqua virtus, siqua laus disciplina, castigatæq; morum institutionis. (xxx) Hæc igitur, Ecclesiæ veræ, præ cœtibus Idololatrarum, decora tanta contemplanti, mihi, lætitiis libet omnibus incedere. Juvat, gratulari Deo, Christoque, Superisq; talium tantorumq; bonorum auctoribus: & in illas, barbari licèt, veridici tamen in hoc, vatis Balaâmi, voces admirationis erumpere; Quam pulcra tabernacula tua, Jacob! & tentoria militum tuorum, Israël! Sicut valles nemorose; sicut horti, juxta fluvios, irrigui; sicut umbracula, qua fixit Deus; sicut excelsæ Syriæ Palæstinæq; Cedri, super amnium ripas: (yyy) ità sacraria templaq; tua sunt*

V u 4

ô gens

Ruina Messeniorum.

ô gens *Christianorum* ; ità myſteriorum tuo-  
rum arces, propugnacula, baſilicæ, populo-  
rùmque coetus. talis, ad caſtiſſima peragen-  
da, ſine cruore, ſacrificia, multitudinum tuarum  
confluxus, & *Oceanus*, eſt. Iſtinc ergo, quid mi-  
randum habet, exceſſe *Sathana* regnum? flore-  
re Pacis, ac Sanctitatis, Imperium? nullàmq;  
*Chriſtianæ* gentis, & *Orthodoxæ*, duorum tri-  
ùmve Sæculorum eſſe, perennarèque, *Rui-  
nam*? quin, & ipſa quoque, quantumcunque  
turbulenta, bella, tranquillitate tandem opta-  
bilî componi? *redirèq; Pacē* mortalibus; ſi priùs  
redeant ad frugem, mentèmq; meliorem, mortales?  
Cauſſa celerioris malorum omnium medici-  
næ, redivivæq; felicitatis, eſt in promptu. *Non  
eſt enim*, ut apud *Meſſenios*, ac *Spartiatas* e-  
rat; *non eſt*, inquam, *idolum in Jacob*; nec *Simu-  
lacrum*, Divinitatem mentiens, in *Iſraële* no-  
ſtro myſticô. (zzz) Quocirca *DEVS*, ex-  
cituum omnium ſupremus Imperator, cum  
eo verſatur: & clangor victoriæ Regis, in illo,  
(Aaaa) caſtra percellit adverſariorum. At  
*Meſſeniis*, è diverſo, *Lacedæmoniis*que, quantò  
plus *DEORVM*, tantò propitii *COELI* minus,  
erat: &, ubi multa fictilia numina, multum  
invicem fragilitatis, ac ruinarum.

AVCTO-

Ruina Meſſeniorum.



# A V C T O R E S.

(A) *Jacobus Cappellus, in annum mundi 3257. Joatbani 16. Urbis Condita undecimum.*  
 (b) *Carolus Stephanus, ex antiquioribus, V. Peloponnesus.* (c) *Idem Stephanus, Verbo, Achaia.*  
*Quo loco, triplicem distinguit Achaia: quarum Prima tamen extra omnem est Peloponnesi oram, ac tractum: ideoque hic non spectat.* (d) *Sophianus, in sua Graecia.* (e) *Carolus Stephanus, V. Olympia urbs: quam esse, refert, haud ita procul Elide Pisaeque sitam; de quibus urbibus dictum est Ruinarum Decade 3. in Olympionicis.* (e) *Potuit nihilominus verè dici, Sub Ithoma fuisse struetam Messenen urbem: etiamsi, sicut à Sophiano ponitur, collocaretur ad Panisum amnem; quem & Pamisum aliqui nominant. Verè namque, sub Ithome montis radicibus, etsi longiusculè, Messène, nullà [ut reor] alià, singulariter memorabili, urbe interjectà, sita fuit: Colónis, & Troezène Messenicà, urbibus, utrimque laterum tenus constitutis: vià verò medià, ab oppidis, celebrioris paullò nominis, vacante. Verba porro Pausania, lib. 4. τῶν Μεσσηνιακῶν, ista sunt. πρὸς δὲ τῆς μάχης, ἢ ὀρθαῖσι, πρὸς Λακεδαιμονίης ἱμαχέσσιν ἐν Λεύκῳ.*

V u s

πρὸς,

Ruina Messeniorum.

κτεοις, καὶ τοῦ οἰκισμοῦ Μεσσηνίας, τῆς ἐφ' ἡμῶν ὑπὸ  
 τῇ Ἰθώμῃ, πόλιν ἐδιδείκναι πω κληθῆναι πρὸ πρόν  
 Διοκῶ Μεσσηνίαν. *Ubi nequaquam Pausanias infi-*  
*cias it ; In Exilio Messeniorum, Zanclen [utì suo*  
*tempore dicitur infrà] Sicilia urbem, Messenen, ἔ*  
*à posteris deinde Messaniam [utì hodie quoque vo-*  
*catur] appellatam fuisse, à pulsìs Peloponnesò Mes-*  
*seniis. Ista enim Messene, Messanàve, non intrà*  
*Messeniam regionem, ἔ Peloponnesum, erat: de*  
*quibus solis terris Pausanias loquitur ; sed extra*  
*eas, ac marì, satìs spaciosò, sejuncta. Quod au-*  
*tem, super hoc, è Pausania observo, è voce οἰκισμοῦ,*  
*id nimirum est ; in quo controversià locari sedes*  
*potest. Interpretatus est Romulus Amasæus, vir,*  
*utriusque linguæ peritissimus ; Antequam The-*  
*bani ad Leuctra prælium cum Lacedæmoniis*  
*commisissent; atque indè Messenen, quæ*  
*hac etiam ætate extat, condidissent. &c. Ità*  
*quidem Amasæus, ἔ ei inbarentes, transtulère*  
*Pausania sententiam. Sed, si Scapulam ex Polluce*  
*audiamus ; si ἔ alios nonnullos, Græcè Latineque*  
*doctos : dictio, οἰκισμός, non hanc nobis versionem,*  
*sed paullò, fortassèq, multò, diversam, affèret. Si-*  
*gnificat enim, aedificationem, aut de-*  
*ductionis coloniae, ad inhabitandum locum*  
*[etiam subinde jam antehac aedificatum.] Aedi-*  
*ficatam*

Ruina Messeniorum.

ficatam autem, Thebani Ducis auspiciis, Messēnen urbem fuisse, suo loco dicturus sum, in postremis hujus Ruinae paginis. Quod autem addit Pausanias, ἐπὶ τῇ Ἰθώμῃ; id significare potest, & id, quod supra posui, de loco, non admodum remotò: & jurisdictionem, quam, quisquis Messeniis postea praeerat, in Ithômes arce, ceu Praefecturae supremæ sedē, exercebat, etiam in ipsius urbis Messēnēs habitatores. Atque ita saluum nihilosecius est, quod dixi: Messēnen urbem, multò post, surgere cœpisse; quàm Messenia regio, populúsq; Messenius, jam esset. Vnde verò nominis sui originem, hæc ipsa regio, & gens, ante urbem Messēnem, coloniámque Messēniacam deductam, traxerit: in corpore præsentis Ruinae, non multò post hæc, dicetur. (f) Lēlegum nomen varii quondam populi tenuere: de quibus, vide Carolum Stephanum, in Lexico Historico-Poëtico. ubi, miror, nullam Laconum fieri mentionem: cùm, Pausania saltem, clarissima sint, de illis, verba; libri Quarti statim initio. Ἀποθανόντος Λέλεγος, ὃς ἐβασίλευσεν ἐν τῇ νῦν Λακωνικῇ, τότε δὲ αὖ ἐκείνῃς λελεγία καλουμένη. &c. (g) Sic exponit Romulus Amasæus, illud Pausania: ταύτῃ τῷ χώρῳ, ἔρημον οὔσαν. (h) Amasæus passim hæc Sacra vocat, Magnarum Dearū INITIA. Pausania verba sunt; ὧς ταύτῃ τῷ

Ruina Messeniorum.



πλὴν Μεσσηνίῳ τὰ ὄργια κομίζων τῶν μεγάλων θεῶν,  
 καὶ κῶν ἦλθεν. *Intelliguntur autem vocabulo θεός,*  
*apud Platonem, aliosq; Græciæ cultissimos scripto-*  
*res, etiam fœminæ Deæ: Et in genitivo plurali*  
*utrique sexui Casus θεῶν convenit. At nequis du-*  
*bitet, de θεῖς fœminis hic sermonem esse; epigram-*  
*mate quoque proximò Deas Pausanias eas vocat,*  
*non DEOS: cùm Dativo θεῶσιν utitur. Intelligit*  
*porrò hic auctor, per Magnarum Dearum Initia,*  
*scu Orgia, Cereris Eleusiniæ, filiaq; illius, à Plutone*  
*raptæ, Proserpinæ, inquam, Sacra sollemnia; mulie-*  
*ribus omnibus admodum religiosè coli Et obiri so-*  
*lita: quæ Thesmophória vulgò dicebantur. Apud*  
*Aristophanem quoque, eorum reperio mentionem,*  
*in Pluto statim, Actu seu Dramate quarto, Scenâ*  
*quarta. ubi γεῶς, fingens sibi Somnia, de Ju-*  
*vene, quasi ipsam depereunte;*

Μυσηίοις δὲ πῖς μεγάλοις ὀχρεμένῳ  
 Ἐπὶ τῆς ἀμάξης, ὅτε προσέβλεψεν μέ τις  
 Ἐτυπόμενῳ, διὰ τῶν ὅλλῳ πλὴν ἡμέραν.

Οὕτω σφόδρα ζηλότυπος ὁ νεανίσκος ἦν. *hoc est:*  
 Magnis verò mysteriis [*ubi, Magna illa Cereris*  
*Sacra, Nicodemus Frischlinus interpretatur*] νεῖα  
 Super currum, quando quis intuebatur me,  
 Verberabar [*ab eo juvene*] propter id, toto die.  
 Sic efflictim Zelotypus erat adolescens hic.

Ruina Messeniorum.

Quo

*Quo loco observes, matronas ad illa sacra pientis  
vehi solitas. Porro suspicatus est nonnemo; ad  
Magnarum Dearum Sacra, pertinere quoque  
Magnæ Deûm matris cultum, & sollemnia. Sed  
hec sanè Eleusinia non erant: verùm Pessinun-  
tia potiùs, & Idæa. Quòd autem Pausanias, hec  
magnarum Dearum sacra, appellat ὄργια; quo  
tamen vocabulò vulgò Patris Liberi sacra insi-  
gniuntur: per κατάχρησιν nonnemiñi dictum vi-  
detur. Etsi sanè apud Lucianum Sophistam, De  
Saltatione, τὰ ὄργια, sint, omnia Secretiora,  
paullòq; magis arcana, Sacra; cujusmodi erant  
Cereris: & apud Scapulam; Omnium Deorum  
Sacra, ac mysteria. (i) Clenum, etiam Amaseus  
vertit: & in epigrammate quodam κλεινοῖο legi-  
tur, genitivus poëticus, pro κλεινῷ. Quem hunc  
ipsum esse Clenum, de quo loquimur; indicio est,  
patronymicum, illi adjunctum, quo dicitur Πηλιά-  
des. ait enim,*

Φλυάδῳ κλεινοῖο γόνυ Κανκωνιάδῳ.

*Pausanias tamen, claris verbis, in ipso sue histo-  
rie contextu, eum appellat Κελαινὸν τοῦ Φλυοῦ.  
quam proinde scribendi rationem & mibi, teneri,  
placuit. (k) Ait enim Amaseus; Melsénen, re-  
ginam, post deportata ad eam à Caucóne Magna-  
rum Dearum Sacra Operta, ab eodem ipso  
fuisse*

Ruina Melséniorum.

fuisse Initiatam: utique, ad mysteria illa sacerdotali ritu obeunda. (l) Chærius saltus (Græcè, Χόριος νάπη, dictus) est ille, quem superius Porcinum dixi, in descriptione Messeniae regionis. Et hunc olim Gereniam fuisse (Γερηνίαν) affirmat libri quarti principiò Pausanias. (m) Fatetur Pausanias; Se, post diligens in eam rem collatum studium, reperire tamen nullo modò potuisse, οἱ πῦες παῖδες Πολυκάωνι ἐγένοντο ἐκ Μεσσηνίας: hoc est, quinquam Filii, seu liberi, nati essent Polycæoni, Messeniorum regi, è Melsène, uxore suâ. (n) ἐς γενεὰς πέντε, ait Pausanias. quod Romulus vertit, ætates: alius, Generationes. (o) De fraude, qua Cresphontes, ac Témenus, circa Situlam, ac sortes, usi sunt; vide, si lubet, Pausaniam ipsum, in Messeniaceis, longè post initium. Res, ad summam Ruinæ Messeniace, parùm confert, aut spectat; idèoque nec opera, cur hic exscribatur. (p) Sapientia libro, cap. 14. v. 27. (q) Sic Pausanias (quæ pane solus exactè, & ex professo, res Messeniacas est prosecutus; idèoque frequentius nobis ad testimonium vocandus) habet. Τηλεκλον Ἀρχελάδης, & Ἀγχιλάδης, &c. Romulus autem vertit; Téleclum, Archéladæ filium, &c. non, ut debebat, Archelai. (r) Sic etiam Cappellus vertit, in annum mundi 3257. (s) Ità Amaseus interpretatur.

At

Ruina Messeniorum.



*At Pausania verba , μετῆχον δὲ αὐτῶν (scilicet  
 ἱερῶ) μόνοι Δωρῆων, οἱ τε Μεσσηνιοὶ, καὶ οἱ Λακεδαι-  
 μόνιοι , paullum ab Amaseanis diversa sunt : Et  
 hunc habent sensum. Participabant autem hoc  
 delubrum, ex Dorienſibus, soli Messenii, ac  
 Lacedæmonii. (†) Prædam Messenios tunc, ex  
 ista Lacedæmoniorum cade, reportasse; argumento  
 sunt, Amasei, Interpretis Pausaniani, hæc verba:  
 quibus negat, Lacedæmonios unquam res suas,  
 post hæc ita gesta, repetisse, more, læſorum in suo  
 jure. Pausanias autem hæc habet. Λακεδαιμονίως  
 δὲ, συνειδότες, ὡς ἀρξάμεν ἀδικίας, καὶ Φόνος καὶ  
 καὶ Τηλέκλως δίκας οὐκ ἀπατήσω. Quæ verba, di-  
 versum quid, ab Amasei verbis, habent, ac sonant.  
 Probabile tamen est, quod Amaseus conjectat: cui  
 propterea Et ego inhaesi. (\*) Alcámenem, Pausa-  
 nias filium facit Télecli. ait enim lib. 4. pag. 114.  
 editionis Francoford. in fol. ὕστερον, βασιλευόντος ἐν  
 Λακεδαιμόνι Ἀλκαμένους, καὶ Τηλέκλως. Aut igitur,  
 à cade Telecli, non exactum est fermè sæculum  
 unum; ut tamen Romulus vertit vocem γενεάν,  
 quam Pausanias posuit: aut, si fermè Sæculum  
 interceſſit, inter Telecli mortem, à Messeniis ei il-  
 latam, Et inter tragœdiam sequentem Polycharis,  
 (ut planè veriùs asſeritur; quia Cræſi, Lydorum  
 regis, tunc imperium vigeſſat): Alcámenes, nepos  
 Tele-*

Ruina Messeniorum.

*Telecli, non filius immediatè, fuit. Aut denique, duo fuerunt Telecli: genitor, inquam, & filius; ac primi Telecli nepos, Alcámenes. (u) Theopompi progeniem vide, Pausaniæ libro 4. editionis Basilæensis, pag. 114. versu 26. in fol. Fuisse verò Spartanorum reges, in populi potius, & Ephorum, quàm suâ, potestate; multa docent passim apud auctores exempla. Apud Cornelium certè Nepotem, in vita Pausaniæ, Lacedæmoniorum, non Ducis tantùm, & imperatoris, sed etiam Regis; ista sunt auctoris verba. Legibus eorum, cuius Ephoro licere, Regem in vincula conjicere. Item, apud eundem, titulò, De Regibus diversis, legimus; Agesilaum, Regem Lacedæmone fuisse, NOMINE, non POTESTATE: sicut & cæteros Spartæ Reges. In vita quoque hujus ipsius Agesilai, tradit idem Cornelius; Eum, cùm animo meditaretur, proficisci in Persas, & ipsum (Persidis) regem adoriri; nuntium accepisse domò, Ephorum jussu: ne dubitaret, instante alio bello novo, redire in Peloponnesum. Eumque tantâ modestiâ dicto audientem fuisse jussis magistratuum absentium; ut, si privatus (& non rex) in comitio esset Spartæ: gloriosiusq; multò sibi duxisse; si institutis patriæ paruisset, quàm si bellò Asiam superâisset. (x) Hoc loco,*

Ruina Messeniorum.

loco, vel malâ fide (pace dixerim viri doctissimi!) vulgatus interpret R. A. versatus est: vel, quod credere maluerim, depravatum in codicem incidit; dum translatores agit, ac sic vertit. In Messeniis verò (regnante) Antiochô, Androclis filiô, Phintæ nepote; utriusque populi simultas, in apertum bellum erupit. At Græcus auctor Reges revera dividit; duosque ex uno, quem interpret fecit, reges facit. Ait enim Pausanias. ΜΕΣΣΗΝΙΩΝ δὲ [ΒΑΣΙΛΕΥΟΝΤΩΝ]. Ἀντιόχῃ, [pro quo καὶ, translator fortasse legit, τῷ] Ἀνδροκλέει, τῷ Φίντῃ, ἐξήρθη τὸ ἐς ἀλλήλους μῖσος. pag. 114. vers. 27. & 28. Vbi clarè vides, Regnâsse tunc Antiochum apud Messenios; & Androclē, Phintæ filium: qui, diu Teleclo superstes, postea fatò tantem suo functus; successorē, in regia potestate, reliquit Androclē filium. Quæ utique ab Interpretis verbis, ac sensu, plurimūm recedunt: aut hic citius ab illis. evertunturq; hæc postea per ea, quæ sequuntur, de Androclis & Antigoni certaminibus; in eadem usque exardescunt. Quo fit, ut, qui subinde solis credere coguntur Translatores; eò, quòd primævis destituti sint fontibus: in limosas foveas, & uligines, pene necessariò, nullâ suâ, sed ductorum, culpâ incidunt. Cùm autem jam scripsissem hæc; delatus sum & in Fri-

XX

derici

Ruina Messeniorum.



derici Sylburgii emendationes Pausanianas: depre-  
bendique, etiam ab illo σφάλμα istud Interpretis  
antiquioris, versione meliore fuisse castigatum.  
Quòd autem nihilominus, utrumque Regum illo-  
rum Messeniacorum, tam Androcle[m], inquam,  
quàm Antiochum, in corpore versionis Sylburgius  
faciat Phintæ filios: dubito, num rectè? partim,  
quia de Androcle solo satis exponitur illud, τῷ  
Φίντᾳ: ideòque semicòli dispunção[n]em, inter An-  
tiochi, & Androclis nomina, non inutiliter Latinus  
versor quispiam interposuerit. partim, quia pa-  
rùm credibile fit; Duos simul fratres, eodem tem-  
pore, & annò, fuisse Reges Messeniorum (ut ta-  
men Antiochus tunc, & Androcles, erant): eosdè[m]q[ue]  
mox tam barbaricis inter se armis còcurrisse. (Y)  
Non solùm Hospitiò susceptum fuisse, sed & in  
intimam familiaritatem admissum, Euepbnum,  
à Polychare; docent verba, quæ hic Spartanis post-  
ea, in sua Expostulatione, proposuit, libro 4. Pausan.  
pag. 115. vers. 4. & seqq. κατὰ ἐλθὺς μὲν ὁ δὲ, οἷα  
ὑπὸ Εὐαίφνῃς πεπνυμένος ἦν, ὃν αὐτὸς ξένον ἐπιήσα-  
το, καὶ περὶ πάντων Λακεδαιμονίων ἐπίστευσεν. (Z)  
Interpres Pausania vulgatus, transfert; Ad pœ-  
nas confūgit: supplèxque, id sibi ut ignosce-  
ret, tum Polycharen ipsum, tum ejus filios,  
rogabat. At Pausania verba sunt; Πολλὰ μὲν  
αὐτῷ

Ruina Messeniorum.

αὐτὸν Πολυχάρῳ , πολλὰ δὲ καὶ Ἔ Πολυχάρους  
τὸν παῖδα, ἐκέλευεν. *Ec. ubi videas, Unius solius,  
haud plurium, fieri mentionem Filiorum.*

(Aa) Amphictyonicum hoc concilium, ab  
Amphictyone, Heleni filio, institutum; Judices ha-  
bebat, qui ἔ ipsi nominabantur Amphictyones.  
Dionys. Halicarnassens, l. 14. Strabo, l. 9. Budæus, E-  
rasmus in Chiliadibus, ἔ alii, apud Carolum Ste-  
phanum. (bb) Philippo namque, Macedonum  
regi, à se per litteras postulanti, quod ipsis displi-  
cebat, reposuerunt (ut in Laconicis Plutarchus  
trahit) πρὸς ὧν ἐξαΐας, ἔ. Hæc Spartana gra-  
vitatis, ad Regem, tota erat Epistola. Vide Plutar-  
chum, in Laconicis Apophthegmatibus. de aliis quo-  
que generis ejusdem concisis responsis. (cc) ὑδά-  
των πηγὰς εἶχεν ἀφθενκε, ait Pausanias, libro 4.  
pag. 116. vers. 4. Amaseus autem vertit; Circum-  
fluens aquarum perennium copia. id, quod  
obvius quisque, de rivis, ἔ amnibus, radicem collis  
ambientibus, interpretaretur; sed fortasse falsò.  
(dd) Id sibi vult pbrasis Pausania; eis τὸν πάντα  
πόλεμον ὀριμητήριον ἐπιτήθειον. versu 5. pagine  
modò laudatæ 116. (ee) Verba Pausania hòc locò  
sunt; καὶ ἦν γὰρ ἐν τῇ Μέσσηνίᾳ χωρίον, ἄλλως  
μὲν, ἐς ἀγῶνα ἐπιτήθειον, χαράδρα δὲ παρεβέ-  
βλητο αὐτοῦ βαθεῖα. Quam vocem χαράδρα, non

XX 2

raro

Ruina Messeniorum.

raro Pausanias idem repetit. Eam Amasæus trāsfert, Alveum. At aliis, est χαράδρα, etiam Sulcus: Cavitas item, à torrente facta. Aliis, Vorago, seu Hiatus ingens, ex Terræmotu ruptū diductūque soli. Postremam omnium harum tot significationum, ego censui, hoc loco cateris anteponendam: quia torrentem illic, aut fluvium, adeoque Alveum aquarum, nullum, in Chorographiis Græcia tabulis meis reperiēbam. Quòd autem, Campum illū, Alveò illò profundo divisum, Romulus dicit; vereor, ut id satīs ad Pausaniā mētem dicatur: utpote, qui plus non asserat, quàm; Ante campum illum, voraginem profundam jacuisse: seu naturā jam, seu manu, excavatam, ac fossionibus. Dicit enim, περιέβλητο, non ἐπεβέβλητο. (ff) Hanc, de Argivis & Arcadibus, exprobrationem, Pausanias superiùs, alio loco, cū de belli Messeniaci causis agit, adducit: pag. 115. vers. 17. &c. περιφέροντες μὲν σφισι τὰ Ἀρκάδων &c. (gg) Pausanias; καὶ ὅσιν ἐλευθερωτέρως τῶν εἰλωτῶν. Erant autem εἰλωται, seu, ut alii, εἰλωτες (dicitur enim, ὁ εἰλως, εἰλωτος, &, ὁ εἰλωτης, &. utrumque cum aspiratione; quam tamen Latinorum nonnulli, qui Elotas & Ilotas subinde, pro Helotis, & Hilotis, pronuntiant, omittunt; sed sinè causā): erant, inquam, hi, Lacedæmonio-

T. H. M.

Ruina Messeniorum.



*rum (ut Carolus Stephanus, alique plures, observant) publica mancipia : id est [inquit ipse] ministri publici, ut, Apparitores, liatoresque; qui Thessalis Penestæ, Latinis Lorarii-publici, dicebantur: quandoq; & Brutiani. Helotarum porrò, apud Spartanos, hæc origo fuit, vel rei, vel nominis. Cùm diu [inquit Joan. Scapula] & infestis animis, Lacedæmonii oppugnarent Helos, urbem Peloponnesi, ipsis vicinā; quoscunq; inde caperent, in Servitutem sibi redigebant: &, retentō gentis nomine, ἑλωτας vocabant, non δούλους, in maiorem ipsorum contumeliam. Alii tamen, quævis mancipia sic ab illis appellata volunt, in contumeliam Helotarum; quibuscum semper eis bella erant, ac dissidia. Hæc Scapula de Helotis. Utebantur autem eorum operâ Spartiata [ut Plutarchus in Lycurgo ait] in exercenda terrâ, in redditibus agrorum ac fructuum pendendis: in bellis item; ut colligitur ex Thucydidis libro 4. in quibus si fortiter fecissent, manumittebantur tandem. De Helotis, eorūque improbitate multâ, etiam in Arcadia Comitissæ Pembrochianæ, apud Philippum Sydneum, scriptorem Anglicanum, l. 1. repetas, Editionis Merianæ paginâ 43. 46. 51. 52. 54. 55. &c. usque 58. (hh) In Phormione, Actu 4. Sce-*

XX 3

nâ 4.

Ruina Messeniorum.

nâ 4. (ii) *Ecclesiastici. 2. vers. 15.* (kk) *Luce 12. v. 5.* (ll) *libro 4. reg. cap. 7. à v. 3. &c.* (mm) *Obsessam à Lacedæmoniis fuisse, per arctè que pressam, Ithómen, Pausania docent apertissima verba. pag. 124. ἐπὶ ἀγγαζέειν [τὰς ἐν Ἰθάμῃ Μεσσηνίας] ἥ πεπολιεργία, καὶ ἔχ' ἥκιστα, ὁ λιμὸς, καὶ τὸ ἀπ' αὐτῶν θείος, μὴ καὶ περὶ διαφθαρῶσιν ὑπὸ ἐνδεείας. Vbi vides, De ingenti fame agi, ex obsidione ortâ; ut metus esset, ne penuriâ penitus praconsumerentur obsessi, priusquam concurrendum esset hosti. (nn) De P. Scipione, Africano Majore, Tit. Livius, libro 6. Decadis 3. hæc verba refert. His miraculis [putâ, matris suæ, Draconi concumbentis, & ex eo coitu P. Scipionem concipientis] nunquam ab eo elusa fides est: quin, potius aucta, arte quadam, neque abnuendi tale quidquam, nec palàm affirmandi. De Alexandro quoque Magno Q. Curtius testatur libro 4. cap. 7. Jovis Ammonis [qui Arietis cornutâ specie colebatur] filium se, non solum appellari passum esse, sed etiam jussisse. (oo) Suetonius Tranquillus, in vita illius, capite 94. (pp) De hoc, vide Martinum Del Rio, libro 2. disquisitionum Magicarum, Quæstione 15. num. 4. à §. Quid igitur. (qq) Cornel. Nepos, in Agesilao, post medium. (rr) Pausanias, libro 4. παριστέμενοι, ὡς μάλιστα συνάψαιτες, ὅτι τῷ κα-*

X X

Ruina Messeniorum.

λ σ μ εν ω

λαμμένω, Κάπερ σήμαπ. *Et infra.* τὸ δὲ χωρίον τοῦτο Κάπερ Σήμα, ἔστι μὲν ἐν Στεινυκλήρῳ τῆς Μεσσηνίας. pag. 126. post initium, & ad medium. Cave verò, Κάπερ, vertas, Capri, [quod in Cbiliadibus tamen Erasmus fecit; notatus idcirco, eo nomine, ab Joachimo Camerario, in Lexico] sed, Apri, hoc est, Porci sylvestris. (ss) Sic enim in eum canebant Messeniae mulieres. quod ego tamen, fragmentum potius, quàm integrum carmen, ex ipso initii modo, connexionē destitutò, esse credo.

Ἐς τε μέσον πεδύον Στεινυκλήριον, ἔσ' τ' ὄρος ἄκρον.

Εἶπετ' Ἀραιομένης τοῖς Λακεδαιμονίοις.

(tt) Græca Pausania phrasis [ Ἑληθεὶς ἀκρονίῳ τὸν γλουτόν ] in caussa est, cur alii verterint, In alteram natium: alii, In femur; alii, In Coxam, & Rotunditatem, in vertebriis coxarum constitutam. Ego secutus id sum, quod, propius fidem erat, accidisse Aristomeni; aviditate, regiæ patranda cædis, etiam nonnullos hostium pratervecto: & idcirco, locum vulneri, etiam in aversa corporis parte, prabenti. (uu) Pausanias in Plurali numero ponit: cùm, τὰς ἐν Καρύαις παρθένας διελόχησε, dicit, libro 4. Carya quoque, in Singulari numero, Civitas erat Peloponnesi; quæ, Persis hostibus, contra reliquam Græciam, proditoriè ad-

Xx 4

juncta,

Ruina Messeniorum.



*juncta, totius postmodum Gracia consensu subver-*  
*sa est: ut Vitruvius ait, apud Carolum Stephanum.*  
*Carya item, Parva Laconia regio est, Stephano:*  
*quæ eadem & Carœa. Sed hujus loci, Caryum,*  
*& Caryæ, oppidum est. (xx) S. Hieronymus, etiam*  
*Carolo Stephano id affirmante, Verb. Aristome-*  
*nes. Vbi, pro eo, quod Atheniensem eum dicat,*  
*Andanensem tu substitue. Quod autem, Duo-*  
*decim, referat, Virgines ab eo raptas, nocturna*  
*Sacra, quæ vocari solerent Lacinthina, celebrare*  
*aggressas: in hoc à Pausania differt, tam quoad*  
*tempus, quàm quoad numerum, [quem is, intrâ*  
*solas Duodecim non restringit] quàm denique,*  
*& quoad nomen Sacrificiorum, quæ etiam S.*  
*Hieronymus, adversus Jovinianum, ait fuisse*  
*Hyacinthia, Laconibus familiaria, in honorem*  
*pueri Hyacinthi: quem Apollo, disci jactu, interfe-*  
*cit. (yy) Itâ Sacra Cerealia Græcis nominaban-*  
*tur: quod Cereri fierent, quæ Θεσμοφόρος, id est,*  
*Legumatrix, habebatur: eò, quod Sanctiones, ri-*  
*tusque Sacrorum non-scriptos, prima morta-*  
*libus tradidisse crederetur. (zz) Itâ expressè Pau-*  
*sanias tradit anni numerum, cum ait; τρίτω δὲ*  
*ἔτει τοῦ πολέμου [subaudi, quemadmodum res ipsa*  
*poscit, δευτέρου: nam, de Tertio bello, ejusque prin-*  
*cipiis, dicetur inferius.] Vnde, perperam Amasæus,*  
*& alii,*

Ruina Messeniorum.

Et alii, verterunt, Eodem annò, &c. cum clarè, diversum, ab anno prioris facti, annum istum, Pausanias indicet : innuatque, Aristomenem ante Tertium Secundi Belli annum, Spartanis à mulieribus fuisse captum.

(A a a) Carolus Stephanus, Verbò, Amyclæ. (b b b) Pausanias enim ait ; ἐν Ἀάλλοι δὲ ἐκπαύσα, ὅς αὖ ἐπὶ μεγίσταις τιμωρῶνται. (c c c) Triduum illic exegisse, donec in vulpem Aristomenes incideret, nonnulli vertunt, è Pausania. Sed utique, præter casam, (quod dicimus) fugientes: hoc est, extrà Pausania mentem: qui dicit; τῆς δὲ ὑπερὸν ἡμέρας ψόφου τε αἰσθάνεται: significans, Biduò cum sic jacuisse; die verò Tertiò demum, sensisse strepitum. (d d d) Distinguit enim Pausanias telum, quo Aristomenes se vindicavit, ab eo telo, quo Virgo nexus illius, ac vincula, resciderat: quando, huic quidem, ἰγχερῆδιον, pugionem; illi verò ξίφος, ensen, gladium, attribuit. (e e e) Carol. Stephanus, V. Aristomenes. (f f f) Verba enim illius sunt. ἀλλὰ ᾧ πρότερον τῶν (id est; priusquam is in Lydiam, ac Mediam, iret; sicut initiò decreverat) συνέπεσεν ἀποθανεῖν αὐτῷ νοσήσας. (g g g) De corde Piloso, Carol. Stephanus, V. Aristomenes. (©) Sive propter supplices, asylò suò, contra Conscientie propria di-

X x 5

Etamen,

Ruina Messeniorum.

Etamen, avulsos, & interfectos; sive causis aliis quibuscunque, physicis, aut ethicis, Lacedemonii sint afflicti, plexique: non concordant auctores. Jacobus enim Cappellus (ut ceteros omittam) pag. 163. colum. 2. culpam vastatae Sparta confort universam, in bellandi libidinem insatiabilem. Setbus autem Calvisius, & καταλινεῖζοντες, in horrendum quendam terrae motum: quo Spartam quatiente, tectorum domuumq, miserabili ruinâ, Spartiarum viginti millia sint obtrita. Quidquid id fuerit; certum est, stragis tunc, & corruentium ædium, & concisorum in acie civium, juventutisque, magnitudinem fuisse tantam: ut urbem, tot quondam familiarum millibus frequentem, tunc autem exhaustam; supplere denuò restitueretq, Lacedemoniorum servi jussi permissiq, sint: quibus uxores suas, turpiter prostitutas, heri proprii, nefariâ cecidementiâ, ceu concubinas pro tempore legitimas, & [si Superis placet] honestas pellices, collocaverunt; ut, ex iis natam, dominorum mancipiorumq, promiscuò studiò, pubem militarem, ceu posteritatis Martie novum seminarium, educerent, & amplificarent. Sic porro generatos, quò discernerent, ac secluderent, à liberis, prorsus ingenuis; Partbenias appellârunt: quasi natos [ut opinor] eorum more rituque, quorum mater, cùm nuberet, virginitatem pro-

Ruina Messeniorum.



profitebatur; cū revera Virgo non esset. Vnde per Ironiam & antiphrasin παρθένοι dicebantur [ut in Anthologia Græcorum epigrammatum reperies] perinde, sicut illi Spartanarum spurii, παρθένοι; quasi minimè παρθενότοκoi, seu, Virginibus orti. (h h h) Ità legendum; non autem, ut nonnulli transferunt, Oeneadūm. Ait enim Pausanias, ἡπίστατος γὰρ Οἰνιάδας Ἀκαρνανῶν, γῆν τε ἔχοντας ἀγαθῶ. &c. (iii) Aegos Potamos, vertunt Amasæus & Sylburgius. Pausania verbum est, ἐν Ἀίγῳ ποταμοῖς factam esse pugnam illam, & cladem. Cornelius autem Nepos, in Lysandro, simpliciter dicit; Apud Aegos flumen: quasi dicas, Ad amnem capræ. Nam αἶξ, αἶγος, capram, & ποταμός, ἢ, flumen, notant. (k k k) Hederam Ciliciam, vertit Sylburgius. Cū verò varia sint illius plantæ [σμίλακη] genera; majora, inquam, abietum instar, ac minora: & alia quidem plantarum istarum, Arbores sint, ac procera satius; alia verò humiliores, ac fruticibus similiores, quàm arboribus, ut videre est apud Camaldulensem, V. Smilax; Pausanias plus non dixit, quàm, ἐνθα δὲ τῆς Ἰδῶν ἔνθεν πεφυκυῖαν σμίλακα, καὶ μυρσίνη, &c. nihil, in alterutram partem, determinando; cuiusnam generis smilax illa fuerit. Quare, Plantam simpliciter mihi ponere, potius, quàm,

Ruina Messeniorum.

quàm, Arborem, placuit. (III) Hoc Plumbum Album, quod Romulus & Sylburgius vertunt, dicere simpliciùs, unò vocabulo, Stannum possemus. nam Græcè ὁ κασίνης, quâ dictione Pausanias est hoc loco usus, Stannum est. unde Theodotus ille Melissenus, Pseudopatriarcha Constantinopolitanus, à Leone Armeno in Sedem illam intrusus, dictus fuit Calsiteras, quasi Stannarius: ut annotavit è Cesare Baronio Henricus Spondanus, in annum Christi 814. (mmm) Dysnicétum, auctor quidam in Annalibus suis editionis Vbianæ, nominat: non, Dyscinétum. Sed disertè Pausanias, Δυσκινέτης μὲν Ἀθήνησιν ἀρχὸς, habet. (nnn) Quod factum esse, ab hominibus, Messeniaca regionis incolis, Pausanias, libro 4. testatur: ubi & originem nominis Corone [quæ & ipsa Messenia regionis erat, & hodie est, urbs, haud incelebris] exponit. [†] Dioscūrī, aut, per subjunctivæ vocalis in diphtongo extrusionem, Dióscori dicuntur, Castor ac Pollux: quia Jovis & Leda filii vulgò existimati. κόρος enim, & κῆρος, filius & juvenculus. etsi Scopas quoque significant, quibus pavimenta verruntur. Ζεύς autem, Διός, ut notissimum est, Jovem notat. (ooo) Ait enim liquidò Græcus auctor, quem semper adducimus, quoniam in hac Ruina solum unicum habemus ex-

actissi-

Ruina Messeniorum.

*actissimum enarratorem ; Λαχεδαιμονίων , ἡδὴ  
 πρὸς πότον, καὶ παιδείας, τετραμμένων, μὲν τὸ ἀριστον.  
 (ppp) Exodi 33. v. 20. & in Evangelio S. Ioan. cap.  
 1. v. 18. (qqq) Ad Galatas 6. v. 8. (rrr) Itā  
 Comitangulus, in 1. 2. Doctoris Angelici, tradit, De  
 Conscientiā Dubia, & Erronea, disp. 8. sect. 2. &  
 5. cum aliis, quos laudat, Doctoribus. (sss) Ro-  
 man. 14. v. ult. Quæ S. Pauli verba, de Consci-  
 entia, homini, quidnam agendum omittendum-  
 ve sit, prudenter, pro hîc & nunc (ut loquuntur)  
 dictante, intelligenda esse; non Theologis duntaxat,  
 & Commentatoribus, in eam ipsam Epistolam, or-  
 thodoxis, receptum est: sed planissimè, ex ipso patet  
 contextu: quantumvis ea heterodoxi, de Fide sua  
 nudā ac Speciali, more suo detortè, nec ad rem,  
 interpretentur. (ttt) Libro 1. de Providentia Nu-  
 minis, num. 151. (uuu) Jeremie 10. v. 2. (xxx)  
 ad Philippens. 4. v. 8. (yyy) Lege Numerorum ca-  
 put 24. à v. 5. (zzz) Hi sunt, Christiani Or-  
 thodoxi; de quibus ait S. Paulus, ad Galat. 6.  
 vers. 16. Pax, super Israël Dei (quem scilicet  
 populum Deus, pro veris Israëlitis, & corde Cir-  
 cumcisis; non autem homines soli, habent). Ad  
 Romanos item cap. 9. v. 6. Non enim omnes,  
 qui ex Israël sunt, ii sunt Israëlitis. & infra.  
 Non, qui filii Carnis, ii sunt filii Dei; sed, qui  
 filii*

Ruina Messeniorum,



filiis sunt Promissionis (*id est*, veri Fideles, & Christi sanam religionē amplexi.) *Ad Philippenf. item, cap. 3. v. 3.* Nos enim sumus Circumcisio, qui Spiritu servimus Deo (*adeoq;*, mysticō sensu, Circumcisio, & Israëlitæ, sumus) & gloriamur, in Christo Jesu, & non in Carne, fiduciam habentes. *Ad Corinthios quoque, epist. 1. c. 10. v. 18.* idipsum innuit; nos Christianos videlicet, Israëlitæ esse mysticos: dum eis Carnales, ac litterales, Israëlitæ, velut ἀντιπαρῆς, & contrariō prorsus modò, non secundum Spiritum, procedentes in Sacrificiis suis Legalibus (*ut vocant*) opponit ex adverso. Videte (*clamat*) Israël, secundum CARNEM! *id est*, Carnales; & verè quidem præputiō minutos, Israëlitæ: non autem perinde corde circumcisos, ac Spiritu. (Aaaa)

*Libro Numerorum cap. 23.*

*vers. 21.*

PARTIS I.

DECADIS IV.

FINIS.

7572



N

Digitized by Google